

HISTOIRE
DE LA VIE
ET DES VERTVS
DE LA
VENERABLE
MERE

GALIOTE DE S^{te} ANNE,
DE LA TRES-ILLVSTRE MAISON
DES COMTES DE VAILLAG,

Religieuse de l'Ordre de S. Iean de Hierusalem,
Prieure du Monastere de l'Hospital de
Beaulieu en Quercy, Reformatrice
de son Ordre en France.

*Composée par le R. P. F. THOMAS D'ARVIN
de saint Ioseph, Religieux Carme Deschaussé.*



A P A R I S,
Chez SEBASTIEN HVRE', rue saint
Iacques, au Cœur-bon.

M. DC. XXXIII.

Avec Privilège & Approbation.

N. 2.



A LA REYNE.



ADAME,

C'est vn Oracle prononcé en faueur de la France par vn tres-sainct Pape, qui gouuernoit l'Eglise il y a plus de mille ans, que cette Monarchie a autant d'eminence au dessus des autres Royaumes, que les Monarques sont releuez au dessus du reste des hommes: Et c'est vne voix publicque, laquelle ne peut estre desaduouée, puis que les plus fidelles histories la verifient, que les Roys, & les Reines qui ont porté le sceptre François ont excellé en pieté les Princes & les Princesses des autres Monarchies, & qu'il y en a en vn bon nombre, qui ont releué l'esclat de

Quantum
ceteros
homines
regia di-
gnitas an-
tecedit,
tanto cæ-
terarum
gentium
regna re-
gni vestri
profecto
culmē ex-
cellit.

Gregor.
Magn. to.
6. lib. 5.

EPISTRE.

la pourpre Royale par le lustre immortel
 de la vertu, & qui ont fait asseoir dans vn
 mesme Throne deux perfections que quel-
 ques Esprits peu auisez se sont imaginez
 incompatibles, vne souueraine noblesse &
 vn tres-grand amour de Dieu. Vostre
 Maiesté, MADAME, est de ce nombre
 mille fois fortuné, ce qui est si palpable
 qu'il faudroit n'auoir point de lumiere na-
 turelle pour ne le pas cognoistre, & si ve-
 ritable, que la calomnie mesme ne l'ozeroit
 nier: Car V. M. qui à son aduenement
 à ce Royaume exerça l'admiration de
 ceux qui deuoient estre ses subjects, par les
 rares perfections que la nature luy a de-
 party auectant de liberalité; a du depuis
 rauy leurs esprits par l'excellence de ses
 vertus, & par l'eminence de sa pieté, &
 les a forcez de reconnoistre que Dieu l'a
 ornee ainsi qu'il estoit conuenable pour la
 rendre digne Espouse de nostre Monarque
 inuincible & incōparable Louis le Iuste.
 Car tout esprit bien fait auoie sans diffi-

EPISTRE.

culté, qu'à vn Prince tres-accomply, qui est comme l'abbregé de tous les braues Roys, qui ont porté le mesme Sceptre qu'il porte, & qui renferme dans soy toutes les perfections Royales qu'ils ont possedees, estoit deüe pour compagne vne Princeesse dans laquelle Dieu a ramassé toutes les excellentes parties de noblesse & de pieté, que sa main liberale a espandues sur tant de vertueuses Princeesses dont les François honoreront la memoire & les merites aussi long temps que ce Royaume subsistera.

C'est, Madame, ce qui m'a donné la hardiesse apres auoir mis la derniere main à cette histoire, qui represente fidelement la Vie, & les Vertus excellentes de la Venerable Mere Galiote de Sainte Anne, Religieuse Tres-illustre d'extraction, mais beaucoup plus illustre par l'éminence de sa vie, qui a orné cette Monarchie depuis que nostre grand Monarque Louis le Iuste en tient les resnes,

EPISTRE.

d'en faire vn present à V. M. & par vostre moyen au public, à quoy ie me sentoys poussé, & pressé par deux considerations ires-puissantes.

La premiere est, que cet ouurage, quoy que si l'on a seulement esgard à son stile & à sa forme, qui sont les deux parties que ie luy ay donné, il soit indigne de paroistre deuant les yeux de V. M.; si neantmoins on iette les yeux sur le subiet qui est traicté en iceluy, est vn present quiluy est tout à fait conuenable, & qui merite de luy estre consacré. Car si cette histoire met au iour la vie d'une Dame ires noble, V. M. semble estre arriuée au plus haut poinct de la Noblesse, puis qu'elle est sortie d'une maison qui semble auoir receu une benediction speciale de Dieu pour le regard de l'Empire, tant elle a esté feconde en Empe-reurs, & qu'elle a le bon-heur d'estre fille d'un grand Roy, sœur d'un grand Roy, & Esponse du premier de tous les Roys. Si cette Dame dont il est traité en cette

EPISTRE.

Histoire a fait litiere de sa Noblesse, & de tout le reste des appannages de la vanité, & s'en est seruie comme d'un escalier pour s'esleuer à Dieu, n'est. ce pas ce que V. M. fait tous les iours, comme vos subjects le voyent avec admiration ? Bref, si cette mesme Dame tres-Noble & tres-vertueuse a esté Religieuse, & a consommé sa vie dans les exercices de la Religion comme vn Phœnix dans les bois aromatiques ; l'affection que V. M. témoigne aux personnes de cette profession, les liberalitez qu'elle depart à leurs maisons, le plaisir qu'elle reçoit de conuerser avec les personnes Religieuses, & le contentement qu'elle a de sejourner autant qu'elle peut dans ce Monastere, qui est veritablement vne Vallée, dans laquelle Dieu qui destourne le cours de ses fontaines dans les vallées, fait ruisseler abondamment les eaux de ses graces, puis que la vertu & la perfection y sont si eminentes, sont autant de voix si claires, qu'elles font

EPISTRE.

d'en faire vn present à V. M. & par vostre moyen au public, à quoy ie me sentois poussé, & pressé par deux considerations tres-puissantes.

La premiere est, que cet ouurage, quoy que si l'on a seulement esgard à son stile & à sa forme, qui sont les deux parties que ie luy ay donné, il soit indigne de paroistre deuant les yeux de V. M.; si neantmoins on iette les yeux sur le subiet qui est traicté en iceluy, est vn present qui luy est tout à faict conuenable, & qui merite de luy estre consacré. Car si cette histoire met au iour la vie d'une Dame tres noble, V. M. semble estre arriuée au plus haut poinct de la Noblesse, puis qu'elle est sortie d'une maison qui semble auoir receu une benediction speciale de Dieu pour le regard de l'Empire, tant elle a esté feconde en Empe-reurs, & qu'elle a le bon-heur d'estre fille d'un grand Roy, sœur d'un grand Roy, & Esponse du premier de tous les Roys. Si cette Dame dont il est traité en cette

EPISTRE.

Histoire a fait litiere de sa Noblesse, & de tout le reste des appannages de la vanité, & s'en est servie comme d'un escalier pour s'esleuer à Dieu, n'est. ce pas ce que V. M. fait tous les iours, comme vos subjects le voyent avec admiration ? Bref, si cette mesme Dame tres-Noble & tres-vertueuse a esté Religieuse, & a consommé sa vie dans les exercices de la Religion comme vn Phœnix dans les bois aromatiques ; l'affection que V. M. témoigne aux personnes de cette profession, les liberalitez qu'elle depart à leurs maisons, le plaisir qu'elle reçoit de conuerser avec les personnes Religieuses, & le contentement qu'elle a de sejourner autant qu'elle peut dans ce Monastere, qui est veritablement vne Vallée, dans laquelle Dieu qui destourne le cours de ses fontaines dans les vallées, fait ruissseler abondamment les eaux de ses graces, puis que la vertu & la perfection y sont si eminentes, sont autant de voix si claires, qu'elles sont

EPISTRE.

entendre aux plus sourds , que si V. M. est attachée au monde , c'est seulement parce que Dieu l'y a attachée comme les intelligences aux mouuemens des globes celestes , mais que son esprit est par affection dans les delices de la Religion.

La seconde consideration est , que trois familles qui ont chacune quelque part à cét ouvrage , recevront vn singulier contentement de l'offrande que i'en fais à V. M. bien esloignées de la desaduoir ou d'y trouuer à redire ; La tres-noble famille des Comtes de Vaillac , qui a esté tousjours tres-fidelle à la France, & qui de toute ancienté a consacré au seruice de ses Roys ses biens , & ce qu'elle pouuoit auoir de plus precieux , qui est la vie des grands hommes qu'elle a portez , aura tres-agreable que cette belle fleur dont elle a esté la Tige , & qui transplantée de cette famille dans le parterre de la vie Religieuse a rendu vne odeur tres-souueue & à Dieu & aux hommes , soit présentée à celle qui porte la Cou-

EPISTRE.

ronne de cette mesme Monarchie. L'Ordre tres-illustre de S. Iean de Hierusalem, de qui la braue Noblesse Frangoise fait la meilleure & la plus courageuse partie, & qui a eu la plus grand part de ses grands Maistres tirez de cette mesme Noblesse, comme est encore celuy qui le gouuerne à present en cette qualite, ne trouuera personne sur qui il iette les yeux plus volôtiers pour luy offrir vne Dame qui estant entrée fort ieune en iceluy, a porté son habit l'espace de vingt-quatre ans, & luy a donné beaucoup de lustre par la Reformation qu'elle y a introduite, & establie, que V. M. à laquelle toute Noblesse fait hommage de bon cœur, comme à celle qui est assise dans le Throne des fleurs de Lys, qui est le premier & le plus auguste siege de Noblesse qui soit à present dans l'vniuers. Mais le Corps des Religieux Carmes Deschaussez de ce Royaume, combien receura-il de contentement de cette offrande que fait à V. M. le moindre de ceux qui ont le bon-heur de viure & ser-

EPISTRE.

uir Dieu en iceluy. Certes les obligations
 infinies dont V. M. l'a chargé & par son
 affection & par ses liberalitez, font qu'ou-
 tre les prieres qu'il offre à Dieu continuelle-
 ment pour vostre prosperité, il ne respire que
 de trouuer quelque occasion pour tesmoigner
 qu'il n'est pas insensible à ces obligations, ny
 ingrat de tant de bien-faits, & entre tous
 ses Monasteres, celui de S. Ioseph de Paris
 est poussé de ce desir, Monastere qui con-
 seruera sur ses Autels tandis qu'ils seront
 sur pied les marques de vos magnifiques li-
 beralitez, & dans les cœurs de ses Reli-
 gieux les ressentimens d'une reconnoissance
 qui ne mourra jamais. Receuez donc,
 MADAME, ce present qui vous est deu
 en tant de façons, & qui vous est destiné
 par tous ceux qui y peuuent auoir quelque
 interest. Aggreez que cette Histoire soit
 communiquée au public sous les auspices
 fauorables de vostre nom tres-auguste. Elle
 sera vn Miroir (car les saincts Docteurs dō-
 nent ce nom à semblables ouurages) sur lequel

EPISTRE.

fi V. M. daigne ietter les yeux, elle y verra la beauté de ses actions vertueuses ; mais qui représentera aux ames desreglées, & qui font plus d'estat de la Noblesse terrienne & passagere que de la vertu, la laideur de leur vie & de leurs vices : Laidetur qui possible les fera r'entrer en elles-mesmes, & se resoudre à corriger leur fausse opinion, & à establir d'oresnauant la vertu sur la Noblesse comme vn simulacre viuant sur vn riche piédestail. Le merite de ce changement sera à *V. M.* outre lequel ie m'assure que la *Venerable Mere* qui a esté si reconnoissante tandis qu'elle a vescu, & qui l'est bien dauantage à present qu'elle est vnie intimement à celuy qui est la source de la reconnoissance, aussi bien qu'il est le principe de toutes les graces, reconnoistra cette faueur qu'elle receura de *V. M.* & qu'elle demandera à Dieu, qui est celuy qui satisfait pour ses amis, & qui paye ce qu'ils doiuent, qu'il accroisse en vostre ame son amour, qui est le plus riche orne-

EPISTRE.

uir Dieu en iceluy. Certes les obligations infinies dont V. M. l'a chargé & par son affection & par ses liberalitez, font qu'oultre les prieres qu'il offre à Dieu continuellement pour vostre prosperité, il ne respire que de trouuer quelque occasion pour tesmoigner qu'il n'est pas insensible à ces obligations, ny ingrat de tant de bien-faits, & entre tous ses Monasteres, celuy de S. Ioseph de Paris est poussé de ce desir, Monastere qui conservera sur ses Autels tandis qu'ils seront sur pied les marques de vos magnifiques liberalitez; & dans les cœurs de ses Religieux les ressentimens d'une reconnoissance qui ne mourra jamais. Receuez donc, MADAME, ce present qui vous est deu en tant de façons, & qui vous est destiné par tous ceux qui y peuuent auoir quelque interest. Agreez que cette Histoire soit communiquée au public sous les auspices fauorables de vostre nom tres-auguste. Elle sera vn Miroir (car les saints Docteurs donnent ce nom à semblables ouurages) sur lequel

EPISTRE.

si V. M. daigne ietter les yeux, elle y verra la beauté de ses actions vertueuses ; mais qui représentera aux ames desreglées, & qui font plus d'estat de la Noblesse terrienne & passagere que de la vertu, la laideur de leur vie & de leurs vices : Laidetur qui possible les fera r'entreren elles-mesmes, & se resoudre à corriger leur fausse opinion, & à establir d'oresnauant la vertu sur la Noblesse comme vn simulacre viuant sur vn riche piédestail. Le merite de ce changement sera à V. M. outre lequel ie m'assure que la Venerable Mere qui a esté si reconnoissante tandis qu'elle a vescu, & qui l'est bien dauantage à present qu'elle est vnie intimement à celuy qui est la source de la reconnoissance, aussi bien qu'il est le principe de toutes les graces, reconnoistra cette faueur qu'elle recevra de V. M. & qu'elle demandera à Dieu, qui est celuy qui satisfait pour ses amis, & qui paye ce qu'ils doiuent, qu'il accroisse en vostre ame son amour, qui est le plus riche orne-

EPISTRE.

*ment des Princes, & qu'il verse sur V. M.
ses benedictions en abondance, sur tout celle
que toute la France luy souhaite il y a long-
temps. Ce sont, MADAME, les plus
ardens desirs d'un pauvre Religieux,
qui est*


DE V. MAIESTE'

*De vostre Monastere de saint Joseph
aux Faux-bourgs de S. Germain
des Prez.*

Le tres-humble & tres-obeissant
seruiteur & sujet,

FR. THOMAS DAQVIN DE S. IOSEPH
Carme Deschauffé.

Preface au Lecteur.

 Ntre les rares vtilitez qui naissent des Histoires, dans lesquelles sont escrites les Vies des seruiteurs de Dieu, qui se sont rendus recommandables en tous les siecles par la pureté de leur vie, & l'innocence de leur conuersation : ie n'en trouue point de plus considerable que celle qui a esté remarquée par plusieurs Saincts & doctes Escriptuains, que semblables Histoires fournissent aux hommes des exemples puissans pour leur donner l'horreur du vice, & l'amour de la vertu. Vtilité incomparable, & qui rend cette façon d'escrire en quelque façon necessaire. Car puis que dans le monde il n'y a iamais faute de mauuais exemples sur lesquels les hommes se moulent fort facilement à cause de la corruption de leur nature, & dont le Demon se sert pour rendre le vice commun dans l'vniuers : il est ce me semble necessaire que les bons exemples ne leur māquent point pour contrecarrer les mauuais, & seruir d'Antidote à leur poison. L'histoire que ie donne au public est excellente pour produire cet-

P R E F A C E

la porte de son escole, ce qu'il demandoit à celui qui desiroit profiter de ses instructiōs. Le premier est que vous apportiez à cette lecture vn esprit cādide, & desireux de s'attacher à ce qui peut donner quelque aduācement à son salut : car d'y apporter ou vn esprit chagrin & preoccupé de passion, qui ne cherche, qu'à mordre & piccoter, ou vn esprit enflé de propre estime comme vn Balon, qui n'adore que ses pensées, & ne trouue aucun goust hors de ses propres ouurages, ce seroit y venir avec vn estomach malade, qui ne fera aucun profit de toutes ces viandes pour bonnes qu'elles soient, ce seroit y apporter vn ventre d'araignée qui changera en venin ce qui pourroit seruir pour faire vn miel fort sauoureux de deuotion.

Le second aduis que ie vous donne est que vous ne cherchiez point en cēt ouurage les fleurs d'vn beau discours : ces fleurs ne nasquirent jamais dans mon esprit infertile, aussi ai-je donné fort peu de temps à le cultiuer pour cet effect, encore moins ai-je employé ma bouche à les esclorre, ma profession demandant des actions & non pas des paroles, d'où vient que ma plume n'agarde de les marquer sur le papier. Veritablement (dit vn grand seruiteur de Dieu

Dieu dans vn Liuret qui est tout d'or, quoy
 que ses paroles soient assez grossieres) les
 paroles releuées, & qui remplissent les o-
 reilles d'estonnement, & les esprits d'admi-
 ration, ne donnent pas la justice & saincte-
 té, ains c'est la vie vertueuse qui rend l'ame
 agreable à son Dieu : Il ne faut donc pas
 chercher icy ces fleurettes, qui sont presque
 aussi-tost esuanouies qu'elles sont nées, &
 qui neantmoins sont si familiares, & si che-
 res dans le siecle à ces bouches, desquelles
 on peut bien dire ce que Prudence Poëte
 Chrestien disoit de la bouche d'un excel-
 lent Escrivain de son temps, qu'elles meri-
 teroient d'estre dorées d'un or eternal, si
 elles aimoient mieux employer leur riche
 eloquence aux louanges de Dieu qu'à des
 sujets prophanes, & quelquesfois mon-
 strueux. Ce que i'estalle icy ce sont des
 fruiçts d'une vie vertueuse consommée
 dans le seruice de Dieu; fruiçts qui sont si
 beaux, qu'ils n'ont pas honte de paroistre
 tous nuds & sans aucun fard de discours, &
 d'un si grand prix qu'il n'est pas necessaire
 de les courir de ces fleurs afin qu'ils soient
 mieux debitez.

Verè alta
 verba non
 faciunt fa-
 ctum &
 iustū, sed
 virtuosa
 vita efficit
 Deo cha-
 rum.
*Thomas à
 Kempis
 lib. 1. de
 imit c. 1.*

Os dignū
 æterno
 tinctum
 quid ful-
 geat auro,
 Si mallet
 laudare
 Deum, cui
 sordida
 monstra
 præposuit
*Lib. 1. cōs.
 Symmach.*

Le troisieme & dernier aduis est, que si ce
 qui vous est representé dās cēt œuvre vous
 agreee, vous ne vous contentiez pas d'une

P R E F A C E

simple & froide admiration qui laisse l'ame dans la glace , mais que vous y adjoustiez des resolutions ardentes d'imiter ce qui vous aggree, & ce que vous admirez, & que vous soyez soigneux deles mettre en execution. C'est la fin pour laquelle on escrit les vies des seruiteurs de Dieu, & celle que i'ay en escriuant celle-cy.

Au reste , parce que vous trouuerez en cét ouurage les noms de Sainte , ou de Bien-heureuse , non pas dans ce qui est fort de ma plume, car ie n'ay pas voulu vser de ces Eloges, me contentant de celui de Venerable, mais bien dans ce que i'ay rapporté mot à mot des escrits de ceux qui ontourny les memoires fides dont ie me suis serui, qui sont toutes personnes Religieuses, vertueuses, & dignes de foy ; je vous aduise que i'ay reserué ces Eloges, premierement pour faire voir les sentimens qu'on a eu des merites & de la bonté de cette ame tres-pure , & en second lieu, parce qu'ils n'emportent pas aussi-tost vne saincteté declarée , puis-que l'vsage ordinaire semble auoir obtenu qu'on dise que celui qui meine vne vie exemplaire vit sainctement , & que celui-là est bien-heureux, & est mort comme vn Sainct, qui ayant vescu vertueusement, est mort con-

AV LECTEUR.

formément à la vie qu'il a mené. C'est donc en ce sens que ie les souffre dans cette Histoire , & non pas pour vsurper le droict que la sainte Eglise s'est reserué iustement de porter le iugement de la Beatitude & sainteté des seruiteurs de Dieu , & de la declarer à ses enfans , laquelle en ces iugemens, & en tout ce qui concerne la Foy & les mœurs, est la colonne, & l'estançon inestranlable de verité.

• Approbation des Docteurs. •

NOus soub-fignez Docteurs en Theologie de la sacrée Faculté de Paris, Certifions auoir veu & leu vn Liure intitulé *De la Vie & des Vertus de la Venerable Mere Galiote de sainte Anne* ; Composée par le R. Pere F. Thomas d'Aquin de saint Ioseph , Religieux & Profex des Carmes Deschaussez : auquel n'auons rien trouué de contraire à la Foy & doctrine de l'Eglise Catholique, Apostolique & Romaine, ny aux bonnes mœurs , ains de beaux exemples pour auancer les ames en la vertu , & pour ce l'auons iugé digne d'estre imprimé. Fait à Paris le deuxiême de Decembre 1632.

ROCHE.

F. M. BRACHET, Docteur Regent
aux Freres Prescheurs.

FACULTAS ADMODVM RE-
VERENDI PATRIS NOSTRI
Præpositi Generalis.

Frater Paulus Simon à Iesu Maria Præpositus
Generalis Fratrum Discalceatorum Con-
gregationis Sancti Eliæ Ordinis Beatissimæ Vir-
ginis Mariæ de Monte Carmelo.

Facultatem concedimus R. P. Fratri THOMÆ
AQVINATI à sancto Ioseph Ordinis nostri Sa-
cerdoti, vt possit in lucem edere vitam Venera-
bilis Matris Galiotæ, de Genoillac, Vaillac à
Sancta Anna nuncupatæ Ordinis Sancti Ioan-
nis Hierosolymitani ab eo compositam : dummodo
prius fuerit probata à duobus Patribus doctis
Prouinciæ Galliæ assignandis à R. P. Prouin-
ciali eiusdem Prouinciæ. In quorum fidem
præsentes dedimus sigillo nostro munitas, & pro-
prio nomine subscriptas Romæ in seminario nostro
Sancti Pauli, die prima Iunij 1632.

Fr. Paulus Simon à Iesu Maria
Præpositus Generalis.

Approbation des Theologiens de l'Ordre.

Nous soubsignez, certifions auoir leu l'Histoire de la Vie & Vertus de la Venerable Mere Galiote de sainte Anne, Religieuse de l'Ordre de saint Iean de Hierusalem, composée par le R. Pere Thomas d'Aquin de S. Ioseph, & n'y auoir rien remarqué contraire à la doctrine de la sainte Eglise, ny aux bonnes mœurs, ains auons estimé que publier cette Histoire est obeir au saint Esprit, qui commande de raconter la sagesse des Saints, & d'annoncer leurs louanges; Car l'on trouuera icy vne sagesse autant conforme à celle des Saints, comme elle est opposée à la prudence de la chair & du monde, & aux maximes de ceux qui la veulent trouuer en la terre des hommes delicieux & delicats: En foy dequoy nous auons icy mis nos propres noms. En nostre Conuent des Carmes Deschauffez lez Paris ce septiesme de Decembre 1632.

FR. BONAVENTURE DE LA MERE
DE DIEU.

FR. GREGOIRE NAZIANZENE
DE SAINT BAZILE,

Privilege du Roy.



O VIS par la grace de Dieu Roy de France & de Nauarre : A nos amez & feaux Conseillers, les gens tenans nos Cours de Parlemēt, Baillifs, Senéchaux, Preuosts, ou leurs Lieutenans, & à tous autres nos Iusticiers, & Officiers, & à chacun d'eux ainsi qu'il appartiendra, Salut. Nostre bien-amé Sebastien Huré Marchand Libraire de nostre bonne ville de Paris, nous a fait remonstrier qu'il a recouuert vn liure intitulé , *L'Histoire de la Vie & des Vertus de la Venerable Mere Galiote de sainte Anne, de la tres-Illustre Maison des Comtes de Vaillac, Religieuse de l'Ordre de S. Iean de Hierusalem, &c. Composée par le R. P. F. Thomas d'Aquin de saint Ioseph, Religieux Carme Deschaussé* : lequel il desireroit mettre en lumiere, s'il auoit sur ce nos Lettres à ce requises & necessaires. A CES CAUSES, desirans bien & fauorablement traiter ledit exposant, & qu'il ne soit frustré de son labeur : Apres qu'il nous a apparu des actes d'Approbation, qu'il n'y a rien audit Liure contraire à la Religion Catholique, Apostolique & Romaine, cy attachés sous le contreseel de nostre Chancellerie, luy auōs permis & octroyé, permettons & octroyons de grace speciale, par ces presentes, imprimer ou faire imprimer ledit Liure, en telle marque & caractère que bon luy semblera, iceluy faire mettre en vente & distribuer durant le temps de six ans, à compter du iour qu'il sera acheué d'imprimer; faisant defences à tous Libraires & Imprimeurs de cettuy nôtre Royaume, & estrangers trafiquans en iceluy, & autres personnes de quelque qualité

& condition qu'ils soient , d'imprimer ou faire imprimer , ny mettre en vente ledit Liure , sinon de ceux qu'aura imprimé ledit Huré , ou de son consentement , ou qui auront charge de luy , sur peine de confiscation d'iceux , & quinze cens liures d'amende , & de tous despens , dommages & interrests : à la charge d'en mettre deux dans nostre Bibliothèque publique avant que l'exposer en vente suivant nostre Reglement , à peine d'estre decheu du present Priuilege. Si vous mandons que du contenu en ces presentes , vous fassiez , souffriez , & laissiez iouir ledit Huré pleinement & paisiblement , & à ce faire souffrir & obeir tous ceux qu'il appartiendra : & en mettant au commencement ou à la fin dudit Liure ces presentes ou vn extrait d'icelles , voulons qu'elles soiēt tenuës pour deüement signifiées , & qu'à la collation foy soit adjoustée comme au present Original : Car tel est nostre plaisir. Donné à S. Germain en Laye le quinzième Decembre 1632. Et de nostre regne le vingt-deuxième.

Par le Roy en son Conseil ,

C H E S N E L O N G .

Et scellé du grand sceau en cire jaune.

Acheué d'imprimer pour la premiere fois le seizième Decembre 1632.

TABLE DES CHAPITRES

contenus dans les deux Liures
de cette Histoire.

Liure premier de la Vie & de la Mort de la
Vener. Mere GALIOTE DE S^{te} ANNE.

CHapitre premier. *En ce siecle auquel
l'heresie a dressé tous ses efforts pour ren-
uerfer l'Eglise, elle a esté ornée d'un grand
nombre d'amés eminentes en vertu.* pag. 1

Chap. 2. *La rare Noblesse & paternelle &
maternelle de la Venerable Mere Galiote de
sainte Anne.* pag. 9

Chap. 3. *Remarques touchant la pieté de son
Pere, & de sa Mere, laquelle estant enceinte
d'elle la dedia à Dieu.* pag. 22

Chap. 4. *De sa naissance, & comme cinq mois
apres icelle elle fut enuoyée dans un Monaste-
re pour y estre nourrie, là où en son bas aage elle
fit voir de tres-bonnes inclinations au service
de Dieu.* pag. 29

Chap. 5. *En ce bas aage elle monstre des incli-
nations admirables aux plus excellentes vertus
& en pratique les actions.* pag. 39

Chap. 6. *Agée de six à sept ans elle recoit
l'habit de Nonice de l'Ordre de S. Iean, & fait*

T A B L E

- profession ayant atteint le douzième de son
aage, & du changement que cette action luy
causa. pag. 46
- Chap. 7. Ayant conceu des desirs ardens d'estre
Religieuse Feuillantine, elle se meten deuoir
d'exccuter ces desirs, & ce qui l'en destourna.
pag. 56
- Chap. 8. Diuers exercices de vertu & de pieté
ausquels elle s'occupa depuis sa profession ius-
qu'à l'aage de quinze ans. pag. 63
- Chap. 9. A l'aage de quinze ans elle est faite
Coadjutrice de la Prieure de l'Hospital de Beau-
lieu, & de l'auesion qu'elle y auoit. pag. 71
- Chap. 10. Elle est faite Prieure du Monastere
de Fieux, les motifs qui la porterent à accepter
cette charge, & la vie eminente qu'elle mena
dans cette maison. pag. 76
- Chap. 11. Elle est contrainte de retourner au
Monastere de l'Hospital, où par la lecture d'un
Liure elle commence à s'addonner à la medita-
tion & Oraison. pag. 87
- Chap. 12. Elle commence de communiquer avec
des Religieux, & du profit que luy apporta
cette communication. pag. 92
- Chap. 13. Elle commence à faire les exercices
Spirituels avec grand profit, & de l'estime
qu'elle conceut des exercices. pag. 99
- Chap. 14. La vie excellente qu'elle menoit en

DES CHAPITRES.

ce temps, tiré d'un papier escrit de sa propre main. pag. 107

Chap. 15. Dieu l'exerce en ce temps par des travaux & afflictions corporelles fort sensibles, dans lesquelles elle se comporta tres-vertueusement. pag. 115

Chap. 16. Elle desire & pourchasse d'estre receue en l'Ordre tres-austere de sainte Claire, mais en est empeschée, & comment. pag. 120

Chap. 17. Choisie de Dieu pour reformer son Monastere, elle s'y resout malgré toutes les contradictions qu'on luy fit. pag. 127

Chap. 18. Pour apprendre la pratique de la vie Reguliere, elle demeure quelques iours dans le Monastere de sainte Claire de Tulles, où elle donne des rares exemples de vertu & perfection. pag. 136

Chap. 19. Du soing qu'elle auoit de ses Religieuses, tandis qu'elle estoit en ce Monastere de sainte Claire. pag. 144

Chap. 20. Les beaux Reiglemens & exercices qu'elle introduisit en sa Reformation. pag. 149

Chap. 21. Comme elle se comporta enuers les Religieuses qui refuserent de se reformer. pag. 160

Chap. 22. Elle a possédé toutes les conditions d'une parfaite Superieure, où se verra le soing incomparable qu'elle auoit de ses Religieuses

T A B L E

- reformées.* pag. 167
- Chap. 23. *Suite des conditions qui se sont trou-
uées en elle pour la rendre Superieure accom-
plie, où sont racontées des graces tres-parti-
culieres que Dieu luy a faites en ce sujet.*
pag. 180
- Chap. 24. *Les diuerses maladies & souffran-
ces dont Dieu l'a exercée durant sa vie.*
pag. 191
- Chap. 25. *Elle fait un voyage en Cause pour
boire des eaux, & le succès d'iceluy, qui fut le
commencement de la maladie dont elle mou-
rut.* pag. 201
- Chap. 26. *Ce qui se passa depuis son arrivée à
l'Hospital durât sa dernière maladie jusqu'aux
huiet derniers iours d'icelle.* pag. 207
- Chap. 27. *Ce qui se passa depuis le huietième
iour qui preceda sa mort jusqu'au iour auquel
elle mourut.* pag. 222
- Chap. 28. *De son heureuse mort, & ce qui se
passa le iour d'icelle, avec quelques remarques de
son bon-heur eternel.* pag. 278
- Chap. 29. *Pourtrait racourcy de la vie de la
Venerable Mere.* pag. 252

Liure second des rares Vertus, & autres gra-
ces sur-naturelles de la Venerable Mere
Galiete.

DES CHAPITRES.]

- Chapitre I. De sa Foy vive. pag. 265
- Chap. 2. De sa ferme eſperance & grande conſiance en Dieu. pag. 271
- Chap. 3. De l'amour ardent qu'elle portoit à Dieu. pag. 278
- Chap. 4. De ſon amour du prochain, & premierement de ſa grande charité enuers les pauvres, & malades ſeculiers. pag. 289
- Chap. 5. Du zele ardent qu'elle auoit du ſalut de ceux de dehors. pag. 299
- Chap. 6. De ſa grande charité enuers ſes Religieuſes. pag. 355
- Chap. 7. Du zele ardent qu'elle auoit de l'auancement & du ſalut de ſes Religieuſes. p. 311
- Chap. 8. De ſa vertu de Religion, & premierement de ſon Oraiſon Vocale & attention en icelle. pag. 319
- Chap. 9. De ſon Oraiſon Mentale.
- Chap. 10. De la grande deuotion qu'elle auoit au tres-Auguste Sacrement de l'Autel. p. 338
- Chap. 11. De ſon affection à quelques autres myſteres, & de ſa deuotion à la tres-saincte Vierge, & à quelques autres Saincts. p. 349
- Chap. 12. De ſes grandes Penitences. p. 355
- Chap. 13. De ſa rare mortification. pag. 365
- Chap. 14. De ſon parfait deſtachment de tout ce qui empesche l'ame de voler à la perfection. pag. 375

TABLE DES CHAP.

Chap. 15. De sa profonde humilité.	pag. 386
Chap. 16. De quelques sentimens admirables que luy donnoit sa profonde humilité.	pag. 395
Chap. 17. De sa pauvreté.	pag. 402
Chap. 18. De sa pureté virginal & angeli- que.	pag. 408
Chap. 19. De son Obeissance.	pag. 418
Chap. 20. De sa patience invincible.	pag. 425
Chap. 21. De quelques autres vertus de la Ve- nerable Mere & de sa perséuerance.	pag. 432
Chap. 22. Du don de Prophetie que la Vene- rable Mere Galioire a eu.	pag. 439
Chap. 23. Où sont rapportez quelques Mira- cles qu'elle a faits & en sa vie & après sa mort.	pag. 448
Chap. 24. De la grande estime qu'ont fait de la Venerable Mere, & de ses merites de- uant Dieu, des personnes tres-vertueuses & d'autorité.	pag. 510

Loüé soit I E S V S.

Dñe dilexi decorem domus tuæ .



V. M. Galkota de Vuillac d.^a a S. Anna à teneris annis in monasterio hospitalis Belliloci ordinis S. Ioannis hierosolymitani educata abstinentia incredibilis, patientia admiranda, virginitate integerrima, charitate in Deum ardentissima effloruit alyis virginibus præfecta ordinis sui in Gallijs instauratrix fuit. Obijt sanctitate et miraculis clara die quam prædixerat S.^{ti} Io. Baptiste sacra.
an. dñi. 1618. ætat. 30.

Kachou fecit .



LIVRE PREMIER
DE LA VIE
ET DE LA MORT
de la Venerable Mere
GALIOTE DE Ste ANNE.

CHAPITRE PREMIER.

*En ce dernier siècle, auquel l'heresie a dressé tous
ses efforts pour renuerser l'Eglise, elle a esté
ornée d'un grand nombre d'ames éminentes
en Vertu.*



HISTORIEN de la Nature
parlant des Isles qu'on a veu Secura
naistre, & paroistre de nouveau paria fa-
en la Mer, & recherchant la ciente na-
tura, quæ-
cause de ce prodige, dit que la Nature vou-
lant recompenser les dômagez qui luy sont que hau-
arriuez en vn autre endroit, faict surgir des serat hia-
Isles, remettant autre part ce qui auoit esté tus alio
englouty auparauant. Ce que la Nature, ou, loco red-
dente.
Plin. lib.
2. cap. 86.

A.

2 LA VIE DE LA VENER. MERE
pluſtoſt pour parler en Chreſtien, l'Autheur
de la Nature faiſt en la naiſſance prodi-
gieuſe de ces Iſles, pour reparer les ruines
de celles qui auoient eſté enſeuclies dans
les flots de la mer. Ce meſme Autheur de
la Nature & de la Grace l'a faiſt dans ſon
Egliſe, réparant les ruines qu'elle reçoit
de l'heréſie, lors qu'elle luy raut ſes en-
fans, & les abyſme dans le gouffre de ſon
impiété pour les precipiter dans ce luy
d'Enfer, par la naiſſance de nouueaux en-
fans, qui par la ſaincteté de leur vie, luy ont
donné autant ou plus de ſujet d'allegreſſe
& de contentement, que la ruine & malice
deplorable de ceux qui ſe ſont laiſſez ſe-
duire, ne luy auoit donné d'affliction. Il
n'eſt pas neceſſaire de remonter aux ſie-
cles qui nous ont deuancé, & de parcou-
rir les Annales & Histoires Eccleſiaſtiques,
qui ſont fidelles depositaires de ceſte verité
pour en tirer la preuue : noſtre ſiecle ſeul
(qui, comme ſ'il eſtoit l'abbregé de tous
les precedens, comprend ce ſemble en ſoy
tout ce qu'ils ont eu de bon & de mauuais)
eſt ſuffiſant pour la donner : car ſi bien en
iceluy par vn iuſte, quoy que ſecret iuge-
ment de DIEU, les flots impetueux de
l'heréſie (dont les eaux ſont ſi funeſtes, que
côme celles de la fontaine appellée Ceron,

elles noircissent ceux qui en boient, ou ^{Pline lib. 31. de l'Histoire naturelle ch. II.} comme celles du Lac Asphaltite, ne souffrent rien qui ne soit mort) agitez par le souffle de l'Aquilon infernal, ont abyssiné & ^{Isidore liure 11. des Origines chap. 1.} englouty plusieurs personnes, & ont rauy à l'Eglise grand nombre d'ames, qui eussent pû luy seruir de rare ornement : aussi voyons-nous à sa consolation indicible, & à la confusion des demons, & de tous ses autres ennemis, qui non moins enragez contre elle, & desireux de sa ruyne, que les Babylo niens de celle de la ville de Ierusalem, souhaittent passionnément de la voir tout à fait aneantie; que Dieu en ce mesme siecle a suscité & fait naistre en l'Eglise vne telle multitude de personnes de l'un & de l'autre sexe, excellentes en pureté de vie, & éminentes en la pratique de toutes les vertus, qu'il peut aller de pair en cecy avec les siecles qui l'ont deuancé, & qui se peuuent vâter d'auoir fourny à la mesme Eglise vn plus grand nombre de semblables ornemens. L'Italie, pour commencer par le pays, dans lequel Iesus-Christ a establi le chef & la source de la Religión Chrestienne, a donné le grand saint Charles Borromée, saint Philippe Nery, Fondateur de l'Oratoire de Rome, le bien-heureux Louys Gonzague, la bien-heureuse

4 LA VIE DE LA VENER. MERE
Magdelaine de Pazzi , & plusieurs autres
que i'obmets. La Pologne a produict le
bien-heureux Stanislas Kosca. L'Angle-
terre , quoy que toute engloutie , quant à
l'apparence exterieure, le B. Iean Fischer
Euesque & Cardinal, le Chancelier Tho-
mas Morus , & plusieurs autres Martyrs,
qui ont rougy la terre de cette Isle de
leur sang , parce qu'elle ne rougit pas
de ses horribles impietez. Les Espa-
gnes, saint Louys Bertrand, & le Venera-
ble Pere Louys de Grenade, rares orne-
mens de l'Ordre de saint Dominique,
sainte Therese de Iesus Vierge tres-pure,
& mere d'une infinité d'enfans , qui par
l'aspreté de leur vie, & l'odeur souëfue de
leurs vertus, embellissent l'Eglise, & embra-
zent les ames du feu de l'amour diuin. Le
bien-heureux Pere Iean de la Croix pre-
mier enfant de cette mere seconde, & pre-
mier pere des Carmes Deschauffez, le Ve-
nerable Frere François del'enfant Iesus, &
grand nombre d'autres tant Religieux, que
Religieuses, qu'a produit le Carmel remis
en sa splendeur par sainte Therese. Le B.
François Borgia, qui de Duc de Gandie, se
ietta dās la sainte Societé de Iesus, & plu-
sieurs autres insignes personnages de ce
corps illustre, dont quelques-vns ont em-

GALIOTE DE S^e ANNE. Liu. I. 5
 pourpré , & fertilizé les terres les plus bar-
 bares de leur sang respádu pour la defense
 de la Foy. Le bien heureux Pere Pierre
 d'Alcanthara, le bié-heureux Ieá de Dieu,
 Instituteur de cette charitable famille, qui
 est l'azyle, & le refuge de la Pauvreté, & vn
 nombre sans nombre d'autres que ie serois
 trop lóg à rapporter. La Nauarre a dóné le
 grád fondateur de la Compagnie de Iesus,
 S. Ignace de Loyola , & le plus Noble de
 tous ses compagnons, sainct François Xa-
 vier homme Apostolique & Apostre des
 Indes, qui a fait voir en ce siecle les mira-
 cles des Apostres, comme il a possédé leur
 esprit. Et pour venir en fin à nostre France,
 qui a tousiours excellé , & emporté le prix
 par dessus les autres Monarchies en toute
 sorte de perfection : Comme ce Royaume
 degenerant de ce qu'il a esté autrefois , &
 perdant ceste sterilité à produire des mon-
 stres qui luy a esté si propre, en a produit
 de tres-horribles , comme les Caluins,
 les Bezes , & autres innombrables , &
 infortunées viperes , qui n'ont eu au-
 tre soing que de donner la mort à celle
 qui leur auoit donné la vie. Aussi par vne
 prouidence admirable de Dieu, qui com-
 me recognoissent les esprits , lesquels ne
 sont point passionnez, veille continuelle-

Sola Gal.
 lia nūquā
 monstra-
 uilit. Hie-
 ronymus
 aduersus
 Vigilant.

6 LA VIE DE LA VENER. MERÈ
ment sur iceluy: a-il opposé à cette fertilité
si pernicieuse, vne fecondité toute contrai-
re, produisant en abondance non seulement
des hommes tres-courageux, & tres-elo-
qués, desquels, dit S. Hierosime, ce Royau-
me a tousiours foisonné, ains aussi en l'un
& en l'autre sexe des miroirs tres-luifans
de vertu, & de perfection: Comme le bien-
heureux François Euesque de Rhodés sor-
ty de la tres illustre Maison des Vicomtes
d'Estain, l'incomparable Prelat, & Prince
de Geneue François de Sales, le Venera-
ble Pere Dom Jean de la Barriere, qui par
le moyen de la Reformation excellente, à
laquelle il a donné commencement dans
l'Ordre de Cisteaux a (pour parler avec son
Pere saint Bernard) introduit la ferueur
des anciens Moines de l'Egypte, dans les
froidures & les glaces des Gaules: le tres-
Religieux Pere Ange de Ioyeuse Capucin;
la Venerable mere Marie del'Incarnation,
lustre esclattant du Carmel François; la
Venerable mere Marguerite d'Arbouze, à
laquelle le tres-deuot Monastere du Val
de Grace doit son esclat, & sa perfection: &
pour laisser le reste qu'on pourra voir à loi-
sir dās les ouurages du R. P. Hilarion Coste
Minime, la venerable mere Galiote de
sainte Anne Prieure de l'Hospital de

*Semper
viris for-
tissimis &
eloquen-
tissimis
abundauit.
Idem.*

GALIOTE DE S^{te} ANNE. Liu. I. 7
Beaulieu, Religieuse, que Dieu semble
auoir choisie pour la rendre l'obiet de ses
misericordes, la depositaire de ses graces,
& la matiere propre pour exercer le feu
de son amour; Religieuse, dans laquelle il
semble auoir voulu ramasser & vnir les
perfections, qui sont esparées dans les au-
tres ames, pour la rendre vne idee de per-
fection; Religieuse enfin, qui a esté dediee
à Dieu auant sa naissance, & qui estant nee
a passé sa ieunesse dans l'innocence, son
adolescence dans les souffrances, toute sa
vie dans la pratique continuelle des vertus,
pour mourir après auoir predict le iour, &
l'heure de sa mort avec la resignation, & le
desir de voir Dieu, qui se peut desirer en
vne ame qui n'a vescu que pour Dieu, & en
Dieu. Vous admirez desia, mon Lecteur, &
certes i'auoüe que vous en auez sujet; car
si ce qui est rare, est aussi admirable, com-
me semblables perles de perfection sont
plus rares en la mer de ce monde, qu'elles
ne deuroient estre, non pas à faute de la
rosee du saint Esprit, qui est celle qui les
engendre, & produit; ains parce que peu
d'ames ouurent leur cœur pour y recevoir
cette rosee, & conceuoir par son moyen,
aussi sont elles capables d'émouuoir nostre
admiration. Mais si vous vous dōnez la pa-

8 LA VIE DE LA VENER. MERE
tience de lire ceste Histoire avec attention,
ie m'asseure qu'outre le profit particulier
que vostre ame en receura, & les esclans que
elle ressetira de benir Dieu si admirable en
ses fidelles seruiteurs, qui est ce que ie sou-
haitte, que vous receuiez de la peine que
ie prendray en l'escriuant: Vous trouuerez
qu'encore que i'aye dict beaucoup en peu
de parolles, ce que i'ay dict est veritable, &
que neantmoins ie n'ay fait qu'effleurer &
entamer ce qui doit estre escrit plus ample-
ment. Commençons donc à la gloire de
DIEU, & à l'honneur de celle qu'il a che-
rie si vniquement, & puisque tant de braues
Escriuains ont esté soigneux d'estaller au
public la saincteté de tous ceux que i'ay nô-
mez, & de l'enrichir des rares exemples de
leurs vies, ne permettons pas que ce flam-
beau, que Dieu a allumé dans l'Ordre de S.
Iean demeure caché sous le muy, & que tât
d'actions heroïques, que ceste ame vertueu-
se a faites, qui sont capables d'esmouuoir les
cœurs à son imitation, demeurent par vn
ingrat silence enseuelies dans le tombeau
de l'oubly.

CHAPITRE II.

LA RARE NOBLESSE

de la Venerable Mere Galiothe
de sainte Anne.



ENCORE que la Noblesse ter-
rienne & corporelle qui prend
sa source des hommes (comme
parle S. Ambroise) soit indigne
de porter ce beau nom, si elle n'est accom-
pagnée de celle de l'ame, qui consiste en
la vertu, laquelle sert de caractère & de
patron à la vraye Noblesse : d'où vient
qu'Urbain quatriesme Pape François di-
soit ordinairement, qu'estre Noble de ra-
ce estoit vne faueur qu'on deuoit à la nais-
sance, mais que se faire Noble estoit vn
benefice de la vertu : si faut-il auouer que
quand cette premiere Noblesse se trouue
en la compagnie de la seconde, & luy sert
de fondement, elle en emprunte vn éclat
qui la rend tellement venerable, que l'Es-
criture sainte & les Peres de l'Eglise ayās
à louer des personnes qui ont conjoint la
saincteté de vie avec la Noblesse d'ex-
traction, n'ont iamais negligé de mettre en
auant la Noblesse de ceux dont ils sont des-

Hominū
genus ho-
minesani-
marū ge-
nus virtu-
tes. *Lib. de
Noë &
Arca c. 4.*

Nobilem
nasci na-
turæ est.
fieri verò
virtutis.
*Apud Lu-
cā Vvad-
dingum
tomo 1.
Annal.
min.*

cendus. En Daniel lors qu'il est parlé de cestrois valeureux enfans qui détenus en la captiuité de Babylone, postposans le commandemēt d'un Roy impie à la volonté de Dieu, trouuerent la fraischeur d'une rosee dans l'ardeur des flammes, leur noble extraction est fort recommandée :

b Lucas

laudatio-

nem Ioā-

nis aggres-

sus prestā

tissimum

computa-

vit, quod

sacerdota-

lide stirpe

veniebat,

& nobili-

tatem vitæ

prædica-

turus prius

tamen fa-

milie ex-

tulit di-

gnitatem.

Sidonius

lib. 7. in

Concione.

c Partis

paterne in

genere

monstran-

do præro-

gatiua

princeps

est, *Sydo-*

nus lib. 4.

epist. 11.

b L'Euangeliste S. Luc commence le discours des merueilles du Precurſeur de Ieſus-Chriſt par la nobleſſe de Zacharie & d'Elizabeth ſes pere & mere; & S. Hieroſme dans l'Epitaphe qu'il a dreſſé à ſaincte Paule, dame Romaine, a pris la peine de remarquer qu'elle eſtoit deſcendue d'Agamemnon. Cela m'oblige à en faire de meſme, ayant à mettre au iour les vertus & la pieté releuée de la Venerable Mere Galiote de ſaincte Anne, qui a ſceu avec beaucoup de perfection enter ſur la Nobleſſe qu'on doit à la naiſſance celle qui ſe tire de la vertu, & à ne pas paſſer legere-
mēt ſur ſa noble extraction, tant du coſté Pa-
ternel que Maternel. Du coſté Paternel
c qui doit touſiours auoir le premier & plus
honorable lieu quand il ſ'agiſt de declarer
la Nobleſſe de quelqu'un. Ceſte Dame
tres-vertueuſe eſt ſortie de la maiſon de
Gordon Genoillac & Vaillac, maiſon tres-
noble & tres-illuſtre, ſoit que l'on regarde

GALIOTE DE S^{te} ANNE. Liu. I. II
 l'ancienneté, qui est d'un grand poids en
 la Noblesse, soit qu'on vueille tenir conte
 des grands & illustres personnages dont
 elle a esté feconde, soit qu'on considere les
 nobles alliances qu'elle a euiusques à pre-
 sent. Pour l'ancienneté, quoy qu'à raison
 des grandes & longues guerres des Anglois
 en ce Royaume, lors principalement qu'ils
 occupoient la Guyenne, les Seigneurs de
 Gordon, de Genoillac, desquels les Sei-
 gneurs de Vaillac descendent en ligne di-
 recte, & dont ils portent le nom & les ar-
 mes, ayent perdu tous leurs plus anciens
 tiltres, leurs maisons & chasteaux ayans
 esté ruinez par plusieurs fois pour l'empes-
 chement qu'ils donnoient aux desseins &
 iniustes vsurpations des mesmes Anglois, se
 contenans tousiours dans la fidelité deuë à
 leurs Princes, & employans pour cét effect
 leurs moyens, & leurs vies, si est-ce pour-
 tant que par des tiltres tres-authentiques &
 bien verifiez, cette noble maison peut re-
 monter par sept races cōsecutives, iusques
 à haut & puissant Seigneur Messire Pons
 de Gordon, Cheualier, Seigneur de Gor-
 don, de Genoillac, S. Project, & autres pla-
 ces, qui viuoit il ya bien trois cens ans : &
 ce qui est remarquable à ce propos, c'est
 que par le roole de l'assemblée des trois

*D'azur
 à trois
 Estoilles
 d'or, mises
 en pal es-
 cartelé
 d'or à trois
 bandes de
 gucules.*

12 LA VIE DE LA VENER. MERE
Estats de Quercy , qui se faict tous les ans
il se voit que de temps immemorial les Sei-
gneurs de Genoillac & de Vaillac ont tenu
rang honorable , & ont esté des premiers
parmy les Gentils-hommes & Seigneurs de
cette Prouince. Pour les personages illu-
stres & remarquables ie me veux contenter
d'en mettre en auant huit , quatre qui ont
passé leur vie dans les armes avec toute sor-
te de fidelité aux Princes qu'ils seruoient, &
quatre qui ont esté consacrez au seruice de
Dieu. Le premier sera Iacques Galiot de
Gourdon & de Genoillac fils de Pierre de
Gourdon, & d'Anne de la Tour, hōme tres-
courageux & qui par ses merites & sa valeur
se rendit tellement recommandable, que les
Rois sous lesquels il a vescu, & ausquels il a
rendu de tres-bons seruices , l'honorèrent
de plusieurs belles & grandes charges , &
mesmes des Estats de grand Escuyer & grād
Maistre de l'Artillerie de France. Le second
vn autre Iacques Galiot de Gourdon nepueu
du precedent , qu'il appella aupres de soy
estāt venu sur l'aage. Cettui-cy vescu sous
le regne de François premier, & fut Grand
Maistre de l'Artillerie, Grand Chambellan,
Grand Escuyer de France , Seneschal de
Querci & d'Armagnac , Viguiier de Fi-
geac, & depuis Lieutenant General pour

le Roy en Languedoc , il eut vn fils nommé Daffier dont il est parlé honorablemēt dans nos Histoires, qui mourut à la bataille de Serifolles au seruice de son Roy. Le troisieme Jean de Gourdon de Genoillac qui marchant sur les traces de ceux qui l'auoient deuancé, setrouua en toutes les occasions où il pouuoit rendre preuue de son genereux courage , & de son affection au seruice de son Prince, & sur tout en la iournée de saint Laurens, apres laquelle le Roy Henry second , en recognoissance de ses merites, l'honora du Gouuernemēt du Chasteau Trompette de la ville de Bordeaux, & quelque temps apres luy donna le colier de son Ordre de saint Michel, qui estoit pour lors, comme est à present l'Ordre du S. Esprit, institué du depuis par Henry troisieme, fils de cēt Henry second. Le quatrieme Louys de Gourdon de Genoillac, Comte de Vaillac, Seigneur de grand courage, & tres-digne fils de Jean de Gourdon, duquel nous venons de parler. Dès son ieune âge il se monstra fort affectionné au seruice de son Prince, employant pour cēt effect ses moyens & sa vie. Aussi les Rois recogneurent fort liberalement ses seruices, son affection, & sa valeur le lendemain de la iournée de d'Arney le Duc, en Bourgon-

14 LA VIE DE LA VENER. MERE
gne, le Roy Charles neufiesme l'honora du
Colier de son Ordre de S. Michel. Au Sie-
ge de la Rochelle il commandoit à quatre
Compagnies de gens de pied. En celuy de
Clairac le Roy Henry troifiesme luy don-
na la conduitted'vne Compagnie de cent
cheuaux legers , avec laquelle il alla trou-
uer Monsieur de Montpenlier, qui lors com-
mandoit en l'armée Royale en Poictou,
où il eut la charge de Maistre de Camp de la
caualerie legere de cette Armée; & peu de
temps apres il receut commandement du
Roy de conduire l'Armée en Gascongne à
Monsieur le Mareschal de Monluc. Apres
cela il eut le Gouuernement du Cha-
steau Trompette de Bordeaux , par la
demiſſion de son Pere , auquel le Roy
adjouſta du depuis le Gouuernement de
la Ville de Bordeaux & du païs Bor-
delois , en toutes lesquelles charges
tres-honorables que ses merites & sa
valeur luy acquirent, & non pas l'employ
de ses richesses, il fit paroistre avec vn cou-
rage martial vne fidelité inesbranlable au
seruice de son Prince, & vne grande affe-
ction à la Religion Catholique, parties qui
sont comme hereditaires à cette noble &
illustre Maison. Les autres quatre person-
nages de marque sont Ecclesiastiques, trois

GALIOTE DE S^{te} ANNE. Liv. I. 15
desquels ont donné du lustre à la Noblesse
de leur extraction, avec la splendeur des
plus hautes Prelatures de l'Eglise. Le pre-
mier a esté Louys de Gourdon de Ge-
noillac, Protonotaire du S. Siege, Abbé
de S. Martial de Limoges, & non pas de
S. Romain de Blaye, comme a escrit vn
Autheur de ce temps, & tres-digne Eues-
que de Tulles en Limosin, qui assista au der-
nier des Conciles Generaux celebré à
Trente. Le second Flottard de Gordon
de Genoillac, Prieur de la Faye, Abbé de
S. Romain de Blaye, & Euesque de Tulles,
apres le precedent qui estoit son Frere,
Euesché qu'il ne gouerna que deux ans.
Le troisieme Jean de Genoillac, Prelat de
ce meisme Diocese, Frere de la Venerable
Mere, durant le siege duquel, quatre mai-
sons Religieuses de tres-saincte vie se sont
establies dans sa ville Episcopale par son
consentement. Les Sœurs de sainte Clai-
re, qui meinent vne vie tres-austere com-
mencerent des'y establir l'année 1613. Les
Reuerends Peres Feuillans, qui ont fait re-
uiure dans l'Europe l'esprit admirable de
S. Bernard, l'année 1615. Les Religieuses
de Sainte Vrsule, qui sont si profitables
aux ieunes filles par leurs instructions, l'an-
née 1618. & deux ans apres les Reuerends

16 LA VIE DE LA VENER. MERE
Peres de la Compagnie, qui forment avec
tant de soins & de travaux la ieunesse, &
aux lettres, & à la pieté : Tellement qu'il
semble que cette ville soit si bien pourueüe
pour le Spirituel, qu'il ne luy manque rien
pour s'avancer en iceluy, puis que souste-
nuë par ces quatre rouës viuâtes qui la por-
rent & la poussent sans cesse au Ciel par
leurs prieres, bons exemples & saintes
actions, pourueu qu'elle y vueille corres-
pondre, & se laisser conduire, elle ne peut
manquer d'y arriuer heureusement. A ces
trois Prelats i'adjouste volontiers le Reue-
rend Pere Bernard de S. Ioseph, Frere du
dernier Euesque de Tulles, qui étant à Ro-
me pour y apprendre les exercices de la
Noblesse, inspiré puissamment de Dieu, &
se laissant gagner aux attraites de cette in-
spiration, mesprisa la Noblesse, foulla aux
pieds les honneurs, & abandonna les
grands biens de cette illustre Maison, de la-
quelle il estoit pour lors l'aisné, pour em-
brasser la vie mesprisée & cachée dans Ie-
sus-Christ, & porter en son corps par vne
imitation continuelle, la mortification de
ce diuin Sauueur dans le Carmel Reformé,
& remis en sa premiere ferueur par les tra-
vaux de la Seraphique Mere Sainte The-
rese, avec vn succès si fortuné, que c'est à
luy

luy apres Dieu, à qui la Prouince que les Reuerends Peres Carmes Deschauffez ont en ce Royaume, doit son establissement, son progrès, son lustre, sa conseruation, & qu'il a merité d'estre choisi desia quatre fois pour gouuerner cette Prouince, & vne fois pour exercer l'office de Procureur general en toute la Congregation : Je n'en diray pas dauantage, quoy que l'affection que ie luy porte, & les obligatiōs tres-grandes que ie luy ay m'y poussent assez, & que sa vie exemplaire & assez cogneuë, soit vn champ assez ample pour occuper des plumes plus fortes que la mienne, pour ne donner point de peine à sa rare modestie & humilité singuliere, qui sans se soucier de l'estime changeante des hommes, lesquels comme Prothées inconstans, blasmeront demain ce qu'aujourd'huy ils esleuent iusques au Ciel, se contente d'arrester sur ses actions les yeux de Dieu, qui ne peuuent se tromper, & pour obeir au commandement que faict le S. Esprit de ne point chanter des panegyriques de louange aux hommes qui sont encor viuans sur terre, & flottans dans l'incertitude de leur fin. Venons donc aux alliances de cette Maison, qui sont fort Nobles & bien remarquables: car elle a esté alliée à la Maison de la Tour

18 LA VIE DE LA VENER. MERE
en Turenne, en Pierre Gourdon de Genoillac, qui espouſa Anne de la Tour, avec celle de Raſſiols, par le mariage de Iean de Gourdon de Genoillac avec Ieanne de Raſſiols, heritiere vniuerſelle de Noble & puiſſant Seigneur Bertrád de Raſſiols, Seigneur de Vaillac, par le moyen duquel mariage, Vaillac commença d'appartenir à la Maifon de Gourdon, avec celles de S. Sulpice & d'Aubuffon en Iean de Gordon de Genoillac, fils du precedent, qui espouſa en premieres nopces Marguerite d'Herbrard de S. Sulpice, & en ſecondes, Marguerite d'Aubuffon avec celle de Segur de Pardaillan, en vn troiſieſme Iean de Gourdon de Genoillac, qui ſe maria avec Marguerite de Segur de Pardaillá, fille de ce braue & genereux Seigneur de Segur de Pardaillá, dót il eſt parlé avec tant d'honneur dans nos Histoires, avec celles de Foix, & de Trans en Louys de Gourdon de Genoillac, qui en troiſieſmes nopces espouſa Marie de Foix, fille d'Illuſtre, haut & puiſſant Seigneur Meſſire Gaſton de Foix, Comte de Curſon, & d'Illuſtre Dame Marguerite de Bertrand, Marquiſe de Trans. Bref pour en laiſſer pluſieurs autres, comme de Criuſol, d'Vzés, de Leuis, avec la Maifon des Comtes de Fontaine Chalandray en c.

GALIOTE DE S^{te} ANNE. Liu. I. 19
mesme Louys, qui en premieres nopces fut
marié à Noble Dame Anne de Mombeon,
duquel mariage nasquit, comme nous di-
rons par apres, la Venerable Mere Galiothe.
Tellement que sortans de ces alliâces tres-
Nobles, & finissans les marques de sa gran-
de Noblesse du costé paternel, nous voicy
dans celles qu'elle a eu du costé maternel,
marques tres-excellentes, comme l'on co-
gnoistra par le peu que i'en diray, car ie suis
resolu d'abregér ce qui s'en pourroit dire,
pour n'estre pas trop long en vn sujet du-
quel la Venerable Mere a faißt fort peu d'e-
stat. Anne de Montberon, sa mere, estoit
fille de Louys de Montberon, Seigneur de
Fontaine & de Chalandré, & de Claude de
Blosset, appelée la belle Torcy, descenduë
par consequent, de par sa mere, de la tres-
Illustre Maison d'Estouteville, de laquelle
la Noblesse est assez cogneuë, sans qu'il
soit necessaire de m'y arrester : Et par le
moyen de son pere, de la Maison de Mont-
beron, que quelques-vns estiment estre
sortie de celle de Lusignan, comme en ef-
fect les Seigneurs de cette Maison en por-
tent les Armes, ce qui n'est pas vn petit pre-
jugé de cette estime; que si elle estoit veri-
table, sa Noblesse seroit fort eminente, puis
que ceux qui sont versez en nos Histoires

*Burelé
d'argen
d'azur de
dix pieces*

ſçauent qu'il y a des Rois de Cypre , qui doiuent leur naiſſance à la Maïſon de Luſignan. Ce que ie puis dire de plus aſſeuré de l'ancienneté de cette Maïſon , c'eſt qu'il ſe trouue vn Robert de Montberon, qui viuoit ſous Vulgrain ſecond, Comte d'Angouleme, l'an 1140. mais pour les alliances qu'elle a eu , elles ſont telles , qu'elles ſeules ſuffiſent pour faire aduouer ſa grande Nobleſſe. Car elle a eſté alliée à la Maïſon de la Rochefoucaut, par le mariage de Robert de Montberon , qui viuoit l'an 1260. avec Matilde de la Rochefoucaut, à celle de Mathas , à celles de Mauleurier & de Craon en Iacques de Montberon, Senefchal d'Angoumois, & Mareſchal de France ſous Charles VI. qui eſpouſa Marie, fille & heritiere de Meſſire Renaud de Mauleurier, & de Beatrix de Craon, fille de Guillaume de Craon, Vicomte de Châteaudun, & de Marguerite de Flandres; à celle des Comtes de Champagne, par vn ſecôd mariage que contracta ce meſme Iacques avec Marguerite Comteſſe de Sancerre, de la Maïſon des Comtes de Champagne, veufue de Beraud de Mercœur, Comte de Clermont, & Dauphin d'Auuergne à celle de Clermont en Limofin, & des Comtes de Perigord par le mariage de François de

GALIOTE DE S^{te} ANNE. Liu. I. 21
Montberon avec Dame Louyse de Clermont, fille de Messire Iean de Clermont, Vicomte Dauney ; & d'Eleonor de Perigord, duquel mariage nasquirent entre autres enfans, Archambaut de Montberon, Comte de Perigord, nepueu du Cardinal Taleran de Perigord, lequel vint deuant Poictiers traicter la Paix entre le Roy Iean & le Prince de Galles & Yoland de Môtberon, femme de Michel Iuuenal des Vrsins, qui estoit frere de Guillaume Iuuenal des Vrsins, Châcelier de France en l'année 1445. sous le regne de Charles VII. Et de Messire Iean Iuuenal des Vrsins, son frere, Archeuesque de Reims, Duc & Pair de France, & Chancelier sous Charles VII. & Louys XI. & de Iacques Iuuenal des Vrsins, Patriarche d'Antioche, Euesque de Poictiers. Bref pour n'estre point ennuyeux en la poursuite de ces alliances, cette mesme Maison a esté alliée à celles de Vendosme, de la Marche, de Ferrieres, de Leuis, de Belle-ville, de Torcy, & de Gourdon Genoillac, de laquelle derniere alliance est sortie celle dont nous entreprenons d'ecrire la vie excellente, durant le cours de laquelle elle a mesprisé les hautes alliâces de sa Maison, pour contracter vne alliance eternelle avec celuy à l'égard du-

22 LA VIE DE LA VENER. MERE
quel toute la Noblesse imaginable n'est
que pure vanité.

CHAPITRE III.
QUELQUES REMAR-
ques touchant la pieté de son pere & de
sa mere, laquelle estant enceinte d'elle
la dedia à Dieu.



A Noblesse terrienne est aussi
peu honorable aux enfans qui
font vicieux, & qui par leurs
vices diffament leur Noblesse,

& se rendent roturiers, que peu leur est utile
leur beauté quand ils sont laids & diffor-
mes, ou leur bõne veüe quãd ils sont aueu-

Quid pro-
deit ocu-
lis orbat
suoꝝ ma-
iorū per-
spicacitas
nequaquā
hæredita-
ria ? &c.
Philo.

gles, ou leur courage & magnanimité
quand ils sont lasches & poltrons. Encore
moins leur est honorable la pieté de ceux
qui les ont engendrez : Car comme ce se-
roit vn prodige, qu'une Aigle genereuse
engendrast vne Colombe craintive, aussi
qu'un enfant né de parens signalez en pie-
té, foulant aux pieds ses exemples dome-
stiques se laisse aller au courant du vice &
de l'impieté : c'est vn prodige qui tourne à
sa confusion, quoy que ce prodige ne soit
que trop frequent dans l'Vniuers : mais
quand les enfans suivent les traces & les

vestiges de ceux qui les ont engendrez, alors leur pieté leur est tres-honorable, & ils ont droict de s'en glorifier. Aussi l'Escripture sainte, comme remarque saint Ambroise, nous enseigne par son exemple dās les loüanges qu'elle donne au precurseur de Iesus-Christ, que quād il s'agist de louer quelque personne eminente en sainteté de vie, ce n'est pas assez de mettre en auant sa pieté & ses vertus, ains qu'il faut y adiouster celles de ceux qui l'ont engendré, à ce qu'on recognoisse qu'elle tire de ses ancestres, comme par droict de succession hereditaire ces rares ornemens. Il n'est pas raisonnable que ie mesprise cet enseignement, puis que c'est Dieu luy-mesme qui le donne, veu principalement que les parens de celle que ie pretens glorifier, m'en donnent assez de sujet. Car pour Louys Comte de Vaillac son pere, il estoit grandement affectionné à la Religion Catholique, employé souuent & honorablement pour sa defense dans les Armées que nos Rois leuerent de son temps contre l'heresie, & lors que les dissentions ciuiles partageoient les François, & deschirans ce Royaume, qui ne peut estre ruiné que par ses propres forces, le mettoient à deux doigts de sa ruine, il se maintient tousiours

docet nos
Scriptura
diuina nō
solū mo-
res in eis
qui prę-
dicabiles
sunt, sed
etiam pa-
rentes o-
portere
laudari vt
veluti trās-
missa im-
macula-
tę puri-
tatis hæ-
reditas in
iis quos
volumus
laudare
pręcellat,
lib. I. in
Luc.

fermement & religieusement dans la foy en laquelle ses deuanciers auoient vescu. Pour les autres tesmoignages de sa pieté, quoy que les memoires qui m'ont esté donnez en soient fort steriles, ne le mettans en ieu que pour représenter les obstacles & les empeschemens que son amour paternel luy a fait mettre aux principaux & plus releuez desseins de sa fille, si trouue-ie qu'ils rapportent vne action, laquelle il fit peu auparauant sa mort, au trauers de laquelle paroissent à ceux qui la considerent des marques bien remarquables de sa pieté. Lors que la Venerable mere inspirée & forrifiée de Dieu, se resolut d'introduire la regularité & la vie spirituelle dans son monastere, & de le reformer & renfermer. Cette resolution si saincte donna par sa nouueauté dans les yeux de plusieurs, qui comme chahuaus ne pouuans supporter son éclat en parloient non pas selon les regles de la charité Chrestienne, qui prend tout en bonne part, mais selon les maximes du monde qui est au eugle en semblables desseins. Au lieu de benir celle qui procuroit vn si grand bien, on medisoit d'elle, attribuant à des principes vicieux ce qui ne recognoissoit point d'autre principe que l'amour de Dieu, au lieu de s'esjouir du

changement qu'elle vouloit establir en
 vnemaison desreiglée, on s'en affligeoit &
 desiroit-on qu'elle croupist dans son des-
 reiglement: Bref les contradictions, les
 médifances, les calomnies, compagnes or-
 dinaires des actions qui ne visent qu'à la
 gloire de Dieu, ne mâquoiet pas à celle-cy.
 Son pere en estant informé, & iugeant pos-
 sible que cette resolution qui scandalisoit
 si fort les mondains, & qui estoit si peu gou-
 stée, n'estoit pas vn ouurage de Dieu, &
 d'autre part ne pouuant souffrir que sa fille
 se iettast dās l'aspreté d'une vie reguliere à
 cause du tendre amour qu'il luy portoit, eut
 tout à fait à contre-cœur cette resolution,
 iusqu'à la menasser de sa malediction si el-
 le n'en desistoit, comme nous dirons cy-
 apres: En ces entrefaiçtes vn Pere de la
 Compagnie de Iesus le visite, auquel d'a-
 bord qu'il le vit, il fit de grandes plainçtes
 de sa fille, & l'assura que tout ce qu'elle
 faisoit luy estoit si fort à contre-cœur, qu'il
 ne seroit pas marry de la sçauoir dans le
 tombeau. Ce bon Religieux l'ayant escou-
 té vn long temps, & le voulant desabuser,
 luy dist: *Helas, Monsieur, que vous estes heu-
 reux d'auoir vne telle fille, ie vō puis assurer, que
 si elle vit l'aage de soixāte ans, & qu'on luy laisse
 faire estant bien assistee, ce sera vne seconde me-*

re *Therese de Iesus*. Si d'avanture ce bon Seigneur n'eust point eu la crainte de Dieu, & n'eust esté marqué au coing de la vraye pieté, ces paroles eussent eu fort peu d'effect sur son ame, il les eust estimées des fornettes, & se fust moqué de celuy qui les luy disoit: mais comme il estoit pieux, & desireux de ne pas mettre obstacle aux ouurages de Dieu, il s'arresta tout court à ces paroles, & ayant demandé à ce bon Religieux si en icelles il y auoit quelque apparence de verité, comme il l'en assura derechef, il luy dit ces paroles qui ne respirent que pieté. *Je vous supplie, mon Pere de l'asseurer de ma part, que d'oresnauant ie ne donneray aucun empeschement à ses desseins.* Cela suffit, ce me semble, pour marquer la pieté vraiment Chrestienne de ce braue Seigneur: Passons à celle de sa mere nō. née Anne de Mombon, sortie, comme il a esté dit, de la Noble maison des Comtes de Fontaine-Chalandré, c'estoit vne Dame qui adjouta l'éclat de toutes les vertus dont elle embellissoit sō ame au lustre de sa Noblesse; en telle sorte qu'elle estoit le modelle & le patron de tout le pays. Mais entre toutes ses vertus, la charité & misericorde enuers les pauures (vertu qui est grandemēt agreable à Dieu, & qui attire sur les ames qui sont affe-

GALIOTE DE S^{te}.ANNE. Liu.I. 27

Etionnees à son exercice des ruisseaux de benediction) sembloit tenir le premier lieu dans son cœur. Elle estoit le refuge des pauvres veſues, la mere des enfans orphelins & l'aſyle de tous les affligez : Aussi Dieu l'ayant retirée de ce monde, & attirée à ſoy pour luy donner la recompense des charitez qu'elle auoit exercées enuers luy, les exerceans enuers les pauvres, ſa mort fut regrettée de tous. Ce ſont des vrayes marques de ſa pieté, auſquelles i'en adiouſteray encore vne, parce qu'elle concerne l'hiſtoire que i'eſcris, & doit eſtre nombrée entre les premieres graces que noſtre Venerable Mere a receuës de la main liberale de Dieu. C'eſt que comme cette vertueuſe Dame eſtoit enceinte d'elle, ſans ſçauoir ſi ce ſeroit vn fils ou vne fille, elle donna le fruit qu'elle portoit à Dieu, & le dedia à ſon ſeruiſe, qui eſt le premier bon-heur que la Venerable Mere a receu de Dieu apres ſa predeſtination éternelle. Bon-heur qui luy eſt commun avec pluſieurs ſaincts, comme l'on peut voir dans leurs vies, & qui n'eſt pas de peu d'importance, puis que ſainct Gregoire de Nazianze, ayant receu la meſme faueur en a fait trophée, aſſéurant qu'il auoit eſté donné à Dieu par la promeſſe que ſa mere fit de le conſacrer à

Ab ipſa
iuuentute
accitus sū
(libet enim
aliquid mul-
tis inco-

gnitū af-
ferre) at-
que ad
Deum à
vulua ip-
sa proie-
ctus, & ex
materna
pollicita-
tione do-
natus. in
Apolog 1.

son seruice, dès lors mesme qu'elle le por-
toit dans ses flancs: Bon-heur, à raison du-
quel elle peut dire avec le diuin precurseur
son Patron suiuant l'application de la sain-
cte Eglise, que Dieu l'a appellée à son serui-
ce dès le ventre de sa mere, & que dès-lors
il s'est ressouuenu de son nom, ou bien avec
le Prophete Royal, chanter qu'elle a esté
donnée à Dieu, & iettée entre ses bras dès
qu'elle estoit dans le ventre de sa mere, &
que, dès ce temps-là elle a esté receüe de
Dieu: car le succez de sa vie, qui iamais ne
fut hors du seruice de Dieu, apprend suffi-
samment que cette offrande faite par vne
ame qui prenoit tant de plaisir à soulager
les pauures de Iesus-Christ, luy fut tellemēt
aggreable, qu'il l'accepta fort amoureuse-
ment.

CHAPITRE IIII.

De sa naissance , & comme cinq mois apres icelle elle fut enuoyée dans vn Monastere pour y estre nourrie , là où en son bas aage elle fait voir de tres-bonnes inclinations au seruice de Dieu.



E Quercy, Prouince dela premiere Aquitaine, est celebre & recommandable chez les Auteurs anciens & modernes, pour ce qui est du Temporel, à raison de sa fertilité, spécialement en bleds excellents; & pour ce qui regarde le Spirituel, non seulement parce que son Vniuersité, fondée par vn Pape natif de ce pais, a esté autresfois tres florissante, & grâdemment renommée: mais aussi pour auoir produict & nourry plusieurs belles plantes de saincteté, qui apres auoir embelly l'Eglise, ont esté transplantées dans le Ciel, pour y estre verdoyantes durant l'eternité. Dās cette Prouince, en la Comté de Vaillac, nasquit heureusement pour la gloire de sa famille tres-Illustre, & le bon-heur de l'Ordre militaire de S. Iean, Galiothe de Gour-

30 LA VIE DE LA VENER. MERE
don, la naissance de laquelle estoit suffisante pour donner de la splendeur à vn lieu qui en eust esté destitué entierement, & voire mesme de luy obliger & rendre redevable tout l'Vniuers : car les naissances des personnes que Dieu a esleuës pour passer leur vie dans la saincteté, ressemblent au leuer de ce bel Astre du iour, qui ne se leue pas pour vne cōtrée, ou pour certains peuples, mais pour tous. Le iour de sa naissance fut vn Dimanche cinquième de Nouembre, de l'année 1588. Aussi tost que sa mere se fut deliurée de son fruit, se ressouenant qu'elle l'auoit desia donné à Dieu & dedié à son seruice, & sçachant tres-bien que ce souuerain Seigneur est fort jaloux de conseruer ce qui luy a esté donné, & qu'il ne peut souffrir qu'on reprenne les dons qu'on luy a faits, elle ratifia son present, & dedia de rechef sa fille au seruice de Dieu, redoublant ses prieres enuers sa Majesté, afin que si cette offrande estoit pour sa plus grande gloire, elle l'acceptast entierement. Prieres qui ne pouuoient manquer de trouuer de l'accès vers le cœur amoureux de Dieu, & d'estre exaucées, puis qu'elles procedoient d'un cœur si charitable, que les veufues, les orphelins, les affligez y trouuoient vn accès assuré en leurs necessitez. Peu de tēps

GALIOTE DE S^{te} ANNE. Liu. I. 31
apres sa naissance elle receut le S. Baptesme, auquel luy fut donné le nom de Galio-
te, nom, lequel apres vne soigneuse & dili-
gente recherche, ie n'ay pû remarquer
auoir esté porté par aucune personne de
celles dont l'Eglise honore la Saincteté,
nom neantmoins, qui n'estoit pas nou-
veau en la tres-Noble Maison dont elle est
sortie, puis que parmy les grands Person-
nages que nous auons mis en auant, on en a
pû remarquer deux qui ont porté le nom
de Galiot, pour la memoire desquels il est
assez croyable qu'on luy aye fait porter ce
nom dont nous parlons. A peine cinq mois
s'estoient écoulezz depuis sa naissance, que
sa mere l'enuoya dans le Monastere de
l'Hospital de Beaulieu, dont nous parlerons
cy-apres, pour y estre nourrie : & le iour
auquel elle y fut enuoyée est assez re-
marquable, car ce fut le 25. Mars, iour au-
quel la sainte Eglise renouuelle la memoire
de la grace ineffable que receut la tres-
sainte Vierge estât faite Mere de son Dieu,
& de la misericorde sur-éminente du Verbe
eternel, qui s'incarna, & se fit Homme pour
affranchir les hommes de l'esclauage du
diable, & les rendre des dieux : comme si
ce Sauueur tout aimable eust voulu qu'elle
luy fust dōnée, & qu'elle entraist en sa Mai-

son le meſme iour qu'il s'eſt donné à nous, & qu'il a logé ſa Diuinité immenſe dans la maiſon r'accourcie de noſtre chair. Ie ne ſçay pas quels furent les motifs qu'eurent ſes pere & mere l'enuoyans dans ce Monaftere en vn âge ſi delicat: & comme la charité penſe pluſtoſt le bien que le mal de ſon prochain, i'aime mieux croire qu'ils ne l'ont paſtât fait pour ſe deſcharger de l'ennuy qu'apporte la nourriture d'un enfant, comme pour la loger de bonne heure au lieu où elle eſtoit deſtinée, & pour luy faire ſuccer avec le laiët de ſa nourrice, la vertu & la pieté. Mais pour ce qui regarde Dieu, ie me perſuade facilement qu'il a voulu auoir de ſi bonne heure en ſa Maiſon celle qui luy auoit eſté donnée, afin que ſortant dès lors du monde, ſes appas attrayans ne la ſeparaſſent iamais de luy, ce qui eſt vne faueur qui ne ſe peut eſtimer. Que ſi quelqu'un a de la peine de ſe perſuader cecy, fondé ſur le deſreglement du Monaftere où elle fut enuoyée, dans lequel par conſequent il y auoit pour elle plus de danger de ſe mouler ſur les exemples du vice, que d'eſperance de prendre gouſt à la vertu, qu'il apprenne vne doctrine bié digne d'eſtre remarquée, que ſaincte Therèſe apprit vn iour de Ieſus-Chriſt, qui eſt, Qu'il n'y a Monaftere ſi relâché

lasché & desfreiglé où ce Sauueur n'aye des personnes affectionnées à son seruice, & il ne faut pas douter qu'il n'y en eust en celuy dont nous parlons, parmy lesquelles il est certain que nostre Galiote deuoit estre portée d'auantage à la vertu, que dans le monde, specialement ayant à estre priuée de sa bonne mere, comme elle fut dès l'aage de six ans: C'est donc vne faueur speciale que Dieu luy fit l'appellant de si bonne heure en sa maison, & certes si l'on auoué sans difficulté que cette Majesté souverainement bonne fait paroistre vn amour particulier aux ames qu'elle admet en sa maison, & en son seruice dès leur bas aage, comme quand la tres-saincte Vierge se presenta au Temple, & y fut receuë dès l'aage de trois ans, quand S. Iean dès la septième année de son aage par son inspiration courut au desert, & s'y renfermast pour ne pas occuper à voir les mōdanitez, les yeux qui deuoient à voir le bon-heur de voir le Messie: Bref quand saint Albert l'vn des principaux ornemens du Carmel, au mesme aage que saint Iean, & à son imitation quitta la maison paternelle pour entrer dans la Maison de la Mere de Dieu, qui fera difficulté de recognoistre que ce mesme Seigneur disposant l'entrée de celle

34 LA VIE DE LA VENER. MERE
dont nous parlons dans ce Monastere, lors
qu'à peine elle estoit au cinquiesme mois
de son aage, il ne lui aye donné vn tesmoi-
gnage fort special de son amour? Personne
ce me semble, principalemēt si (parce que
nous deuons porter iugement des causes
par les qualitez de leurs effects) il regarde
au succez de cette entrée, & considere la
vie que cette petite Espouse de Iesus-
Chr. menoit en vn aage qui est presque in-
capable de vertu, vie qui mōtre clairemēt
quel Esprit de Dieu, qui l'auoit menée en
cette maisō, agissoit en elle, & la préuenoit
de ses benedictions, car ayant à peine at-
taint l'aage de quatre ans, elle donnoit su-
ject d'admiration à tous ceux qui la consi-
deroient, par la grande sagesse & modestie,
qui paroissoit en elle en ce bas aage, parti-
culierement à sa bonne mere, qui à cette
occasion l'aimoit tendrement, l'appelloit
sa petite nōnette, & disoit aux Religieuses
qu'elle s'en promettoit beaucoup; ce qui est
bien remarquable, parce que, comme a dit
vn des meilleurs Escriuains de ce temps,
Dieu deslie quelquefois la langue des me-
res à dire des Propheties touchāt l'estat de
leurs enfans; mais que diray-ie des belles
inclinations qu'elle auoit en ce bas aage, ie
n'y pēse iamais sans estōnemēt, & sās ado-

rer la prouidēce de Dieu, qui paroist si clairement en toute la conduite de cēt enfant : car toutes ses petites recreations se passoient à faire de petits Monasteres, & à chāter des Pseaumes avec ses sœurs, en quoy elle prenoit vn singulier plaisir. Recreations qui quoy que pueriles mōtroient vne grāde inclinatio à la pieté, & estoient cōme autāt de presages de l'affectiō qu'elle deuoit auoir à accroistre le seruice de Dieu, & à reciter le diuin Office avec vne particuliere deuotiō. Mais voicy vne Histoires fort remarquable arriuéee en ce bas aage: Elle trouua vn iour des vieilles Heures, qui traittoient des Statiōs des lieux saints, & en ayāt gousté la lecture, elle s'alloit cacher avec ses cōpagnes pour les lire avec dauātage d'affectiō: lecture qui engēdra dās sō ame vn desir si grād, de voir la terre S^{te}, qui a eu le bō-heur de seruir de demeure au Sauueur du mōde, & d'estre arrousee de son sāt, qu'elle ne pouuoit pēser à autre chose, quoy que neātmoins elle n'osa decouurir ce siē desir: mais en fin cōme il est aussi peu possible de celer long-tēps, spécialement en cēt aage enfantin, vn grand desir, cōme de retenir vne parole desia cōceue, & qu'on a enuie de dire, vn iour elle descouurit son dessein à vne sienne compagne qu'elle affectionnoit grandement, la

36 LA VIE DE LA VÉNÉR. MÈRE
conjurant de luy estre fidelle, & detenir
secret ce qu'elle luy auoit descouuert, & la
prouoquant à luy tenir compagnie en son
execution, & parce que la crainte de la
disette & de la faim l'en pouuoit destour-
ner, elle luy tenoit ces discours, Ne vous
mettez pas en peine de ce que nous ferons
pour viure, car ceux qui verront des ieunes
pelerines comme nous, auront compassiō,
& nous donneront suffisamment pour nous
sustenter. Entretiens qui luy estoient si ag-
greables, qu'elle y passoit les heures entie-
res sans s'ennuyer: En fin sa compagne luy
dist que cela seroit fort peu décent & hon-
neste à deux ieunes filles de se mettre ainsi
dans des hazards, ains que ce seroit don-
ner du scandale à tous ceux qui les ver-
roient, remontrance qui luy fit quitter son
dessein, quoy que non sans difficul-
té. Qui ne void dans cette Histoire,
& au trauers de ces actions pueriles,
les belles inclinations à la pieté? Qui n'y
remarque des traicts d'une prudence plus
releuée que celle qui se peut trouuer en cēt
aage de six à sept ans, car à peine l'auoit el-
le atteint? Bref qui ne recognoist dans tout
ce que nous venons de dire des beaux pre-
sages d'amour de Dieu, & de sainteté? &
que personne ne s'estonne, ou trouue mau-

uais que ie m'amuse à rapporter ces actiōs pueriles, & que ie m'arreste en leur consideration : car outre que ceux qui liront cecy avec vn esprit desnüé de passion, auouëront facilement que ces actions sont comme les semēces d'vne ample & riche moisson, qui croistra en son temps, & fera admirer la fecondité de l'ame qui la produira. Ce n'est pas chose nouuelle que ceux qui donnent au public les vices des grāds personages, remarquent tout premierement les actions, ou les inclinations de leur puerilité, afin qu'on voye que dès cēt aage ils donnoiet des marques de ce qu'ils feroiet. Dans l'aueuglement du Paganisme, les Escriuains prophanes n'ont-ils pas remarqué que Hercules qui a combatu toute sa vie contre les monstres, & qui s'en est rendu le dompteur, estant encor au berceau auoit fait mourir de ses mains pueriles & impuissantes deux serpens? Et pour laisser les prophanes combien pourrois-ie mettre en auant de braues Autheurs qui ont gardé cette methode, escriuans les vies des Saincts? Ceux qui ont donné au public celles de deux Prelats aussi eminens & accomplis que l'Eglise en aye veu, S. Athanase, & saint Ambroise, nous apprennent que le premier dans ses recreations pueri-

38 LA VIE DE LA VENER. MERE
les prenoit vn singulier plaisir à baptizer
des enfans, & contre-faire les fonctions de
Prelat; & que le secôd faisoit baiser sa main
à sa sœur, & aux filles qui la suiuoient com-
me la main d'un Euesque, & auoit vne grâ-
de complaisance en cette action: D'autres
ont laissé par escrit dans la vie du Docteur
Angelique saint Thomas, qui s'est rendu
le Maistre de l'Escole, & le Prince des Do-
cteurs, & qui a composé de si beaux liures,
qu'en son enfance il auoit tant d'affection
aux liures, que quand il pleuroit c'estoit as-
sez de luy donner vn liure entre les mains
pour l'appaiser. Bref pour n'estre trop lōg:
Ceux qui ont escrit la vie admirable de la
Seraphique mere Therese de Iesus, qui a
edifié vn si grand nombre de Monasteres,
& qui a tousiours aspiré à l'eternité avec
plus d'ardeur que le cerf n'en a lors qu'il
court aux fontaines, n'ont pas obmis qu'en
son ieune aage elle se recreoit à bastir de
petits Monasteres, ou bien à lire les vies
des Saints, & à repeter avec vn goust indi-
cible ces paroles, eternellement, eternel-
lement.

CHAPITRE V.

*En ce bas aage elle monstre des inclina-
tions admirables aux plus excellentes
vertus, & en pratique les actions.*



Ainct Anselme discourant des
enfans qui fussent nez en l'e-
stat d'inocence, si Adam n'eust
pas gousté au fruit de defendu, &
par cette des-obeyssance ne l'eust perdu
pour soy & pour sa posterité, dit que ces
enfans aussitost apres leur naissance eus-
sent marché sans l'ayde d'autrui, & eussent
parlé parfaictement: si cela eust esté ainsi,
ou non, ie m'en rapporte: Mais en l'estat de
la nature corrompue par le peché, qui est
celuy où nous viuons, les enfans sont bien
esloignez de cette force, & pour le corps, &
pour l'esprit. Le corps en l'enfance a les
pieds, la langue & ses autres membres si
foibles, & si peu capables de faire leurs
fonctions au prix du reste des animaux, que
la nature (dit vn grand Euesque) qui s'est
montree mere au reste des animaux, s'est
montree marastre enuers les hommes en ce
point là. Et pour l'esprit qui depend du
corps dans lequel il est renfermé, non pas
comme de son organe, si ce n'est à raison

Mox ve
nascere-
tur ambu-
laret, &
absolutè
loquere-
tur, &c.
Ansel. in
elucida-
rio.

Natura
humana
corpora
tantū ef-
fudit quo-
rum im-
becillitati
quodam-
modo no-
ueretur. Sido-
nius lib. 7.
epist. 14.

40 LA VIE DE LA VENER. MERE
des puissances sensitiues, exterieures & in-
terieures, qui sont comme la source de ses
actions, mais bien comme de son object
pendant la vie mortelle, il est en cét aage
emmailloté aussi bien que le corps, il est
foible & empesché en les fonctions com-
me luy. D'où vient que durant les premie-
res années l'on void dans les actions des
ensans beaucoup de legereté, peu de con-
duicte, peu de prudence, & moins encore
de vertu. Ce defaut neantmoins quoy que
general n'est pas vniuersel, car il se trouue
des ensans spécialement quand ils sont de-
stinez de Dieu pour vne saincteté eminente,
qui comme ces ensans dont parle saint
Anselme, marchent avec les pieds de l'A-
me, qui sont les affections, presqu'aussi tost
apres leur naissance, il s'en void qui durant
leurs premieres années se montrét enclins
à la vertu, & en pratiquent les actions. Le
Patriarche Isaac (dit S. Ambroise) estant
encor dās les premiers rudimēs de son en-
fance, preste le col à son pere, & a tant de
courage qu'il n'a pas horreur du glaive
qu'il tient en main pour l'immoler. Sain-
cte Catherine de Sienne n'ayant en-
core que cinq ans, auoit tant de deuotion
à la tres-saincte Vierge, que mōtant les de-
grez de sa maison elle se mettoit à genoux

*Adhuc in-
ter rudi-
mēta pri-
marum po-
situs ata-
tis nequa-
quam ta-
men gla-
dium feri-
turi patris
horruit.
Serm. 19.
in Ps. 118.

GALIOTE DE S^{te} ANNE. Liu. I. 41
sur chaque degré, pour reciter en son honneur la Salutation Angelique, & au septiesme an de son âge, elle fit vœu à Dieu de sa virginité. Sainte Therese en ce mesme âge alloit aux Mores infidelles, espoinçonnée du desir du martyre, & souhaitant désia de respendre son sang pour Dieu, qui est le plus sublime de tous les actes de la vertu de charité. I'en laisse beaucoup d'autres exemples, que les Histoires des Saints fournissent assez abondamment, pour venir à nostre Galiote, laquelle ie peux à bon droit mettre au nôbre de ces ames d'ôt i'ay parlé: car outre ce que i'ay dict au Chapitre precedent, elle a mōstré dans le cours de ses premieres & plus tēdres années beaucoup d'inclinatiō aux principales & plus releuées vertus, & en a pratiqué des actions assez remarquables pour vn âge si tendrelet. Commençons par l'humilité, qui est le fondement sur lequel doit estre posé l'édifice Spirituel, pour auoir de la solidité. On remarque que dans le Monastere de l'Hospital où elle demeuroit, il y auoit vne ieune Nouice aagée de trois ou quatre ans plus qu'elle, à laquelle elle portoit vne singuliere affection, prenant ses petites recreations avec elle fort volontiers, mais avec telle modestie & humilité, qu'elle

42 LA VIE DE LA VENER. MERE
luy deferoit tousiours l'honneur, non pas
que cette Novice fust de Maison plus
Noble qu'elle, ains parce qu'elle estoit
plus ancienne, commençant desia à faire
peu d'estat de la Noblesse, pour honorer
celle à qui elle croyoit que l'honneur estoit
deu. Mais, mon Dieu, combien peu d'es-
tat faisoit elle de cette Noblesse, & quels
sentimens n'auoit-elle point d'humilité?
puis que se recréant avec ses compagnes,
elle vouloit tousiours estre la seruante des
autres, comme si desia elle eust voulu imi-
ter le sentiment de son Espoux bien-aimé,
qui (comme il nous apprend luy-mesme)
n'estoit pas venu en ce monde pour estre
seruy, ains pour seruir les autres, quoy
qu'il fust le Seigneur de tous. Ce n'est
pastout, voicy encor vn merueilleux effect
de cette belle fleur d'humilité, qui com-
mençoit à s'épanouir dans le parterre de
son ame. Apres qu'elle eut pris l'habit
de Novice, qui luy fut donné dans cet
aage, sur lequel nous nous arrestons,
comme il sera dit au Chapitre suiuant,
on la vouloit faire passer deuant les au-
tres Religieuses, attendu qu'elle estoit
pour estre Superieure de cette Maison:
mais comment se comporta-elle en ce
rencontre? la grande ieunesse, qui est pour

l'ordinaire inconsiderée, luy fit-elle peut-estre prendre plaisir à cette preference? rien moins, ains elle y resista de tout son pouuoir, & conjoignant vne abondance de larmes avec cette resistance, elle donna assez à cognoistre le sentiment humble qu'elle auoit de soy-mesme, & le desplaisir qu'elle receuoit de ce qu'on vouloit la preferer aux autres; ce qui fut cause, pour la contenter, qu'on desista, & qu'on la laissa faire à sa volonté. Voila des marques de son humilité, adjoustez pour son obeïssance, que la Superieure de son Monastere, qui estoit fort âgée, & qui l'aimoit tendrement, luy donnoit toute sorte de liberté, & neantmoins iamais elle ne faisoit chose aucune sans permission, pour la crainte qu'elle auoit de faillir, comme si desia son Espoux l'eust instruite, qu'il est impossible que l'on ne faille suiuant les dictames de sa propre volonté, & que le moyen de ne pas faillir, c'est de faire tousiours la volonté d'autrui. L'amour qu'elle portoit à la virginité, & le soin qu'elle commençoit à prendre pour sa conseruation, paroissoit en ce qu'elle fuyoit les compagnies, autant qu'il luy estoit possible, mais sur tout des hommes, la compagnie desquels elle abhorroit

44 LA VIE DE LA VENER. MERE
desia tellement, que se voulant recréer, elle
faisoit en sorte qu'il n'y en eust aucun en sa
compagnie, non pas mesme ses freres, dont
l'un n'auoit qu'un an plus qu'elle, & l'autre
un an moins : ne diriez-vous pas que Dieu
l'instruisoit desia combien cette compa-
gnie des hommes est pernicieuse & dom-
mageable, & que sans la fuir il n'est pas
possible aux filles de conseruer le precieux
joyau de la virginité? Que diray-ie de sa
patience, vertu qui luy a esté si familiere
du depuis? Passant son temps en la compa-
gnie des autres filles, elle y receut souuent
beaucoup de mal, particulièrement deux
fois on luy jetta des pierres à la teste, dont
elle fut blessée, mais elle l'endura avec
vne telle patience, que mesme elle ne
voulut s'en plaindre à personne, crai-
gnant que ses compagnes fussent repri-
ses à son occasion, où l'on peut remar-
quer conjointement, avec la patience,
l'amour du prochain : Et pour l'amour de
Dieu elle a tesmoigné que son ame en
estoit desia possédée, & que c'estoit desia
cét amour qui conduisoit ses actions, puis
qu'elle viuoit dans cette retenue que nous
venons de dire, & pratiquoit ces vertus,
non pas par crainte, ou par contrainte, qui
sont souuēt les motifs des actiōs des enfans,

mais dans la grande liberté que la Supérieure de ce Monastere luy donnoit, comme i'ay desia dit, & au milieu du libertinage & du desreglement qui estoit dans ce mesme Monastere, comme iediray par apres: si que ce n'estoit ny la crainte, ny la contrainte, ny le respect des hommes qui la rendoit Humble, Obeïssante, Pure, Patientte & Charitable, ains l'amour de son Dieu, qui commençoit à maistriser son cœur: Voilà des rayons de vertu, rayons à la verité qui sont vn peu foiblets & grossiers, mais ressouuenons-nous que leur soleil est encor dans son leuer & au commencement de sa carriere, & attendans qu'il soit plus aduancé en icelle pour en voir de plus beaux, aduoüons cependant avec saint Cyprian, que comme Dieu n'a point d'acception de personnes, aussi n'en a-il point des aages, & que les enfans aussi bien que ceux qui sont sortis de l'enfance, se ressentent de son assistance paternelle, pour pouuoir acquerir le Royaume eternel.

Deus vt
personam
non acci-
pit, sic nec
ætatem
cum se
omnibus
ad cæle-
stis gra-
tiz conse-
cutionem
æqualita-
te librata
præbeat.
Patrens.
Epist. 59.

CHAPITRE VI.

Agée de six à sept ans , elle reçoit l'habit de Novice de l'Ordre de S. Iean , & fait profession ayant atteint l'vn-zième de son âge , & du changement que cette action luy causa.



INSTITUTION des Religieuses Hospitalieres de l'Ordre de S. Iean Baptiste commença au mesme temps, en la mesme ville, pour le mesme sujet, & pour la mesme fin que l'Institution des Religieux du mesme Ordre, appelez premierement les Hospitaliers de S. Iean, puis les Cheualiers de Rhodes, & puis en fin (Rhodes estant perduë & l'Isle de Malthe leur ayant esté dōnée pour demeure) Cheualiers de Malthe, comme on les appelle ordinairement : Car comme l'année 1099. en la ville de Ierusalem, auparavant que les Chrestiens l'eussent retirée de la possession injuste des Sarasins, sous la conduite de Godefroy, pour recevoir les Pelerins qui venoient visiter les saincts lieux en affluance, qui ayans à passer en diuers lieux par les mains des Infidelles, arriuoiēt pour l'ordinaire déualisez,

GALIOTE DE S^{te} ANNE. Liu. **k** 47
necessiteux, & sans auoir où se retirer en
seureté, on érigea vn Hospital appellé de
sainct Iean, où les Pelerins estoient logez,
seruis & traitez avec tout le soin & charité
qu'on eust p^u souhaitter par des hommes
mariez, qui se donnoient tout au seruice de
dieu, & des pauures Pelerins, sans estre en
ce commencement Religieux, ayans
néantmoins vn Chef qui se nommoit Mai-
stre ou Recteur de l'Hospital; charge qu'un
certain Girard, de nation François, exer-
ça tout le premier; de mesme, en cette mes-
me année, parce que des Dames, & autres
femmes de diuerses qualitez, venoiēt aussi
en pelerinage visiter la Terre sainte, pour
les loger honnestemēt. & éuiter les incon-
ueniens, & des desordres qui pourroient
naistre si elles estoient logées en vn mesme
Hospital avec les hommes, on érigea vn
second Hospital, qui fut dedié à l'honneur
de sainte Marie Magdelaine, où les fem-
mes qui abordoient en Ierusalem estoient
logées, seruies, & traitées par des fem-
mes qui se retiroient du monde pour vac-
quer à cēt exercice de pieté, desquelles
fut Superieure vne Damoiselle Romaine,
nommée Agnes, qui suruescut quelques an-
nées apres la prise de Ierusalem. Tels furent
les cōmençemens de cēt Ordre, lequel sous

48 LA VIE DE LA VENERABLE MERE
Raimôd du Puy, III. Maistre de l'Hospital,
natif du Dauphiné, ayant receu par son
moyen vne Regle cōrenant les trois vœux
de Chasteté, de Pauvreté, & d'Obeïssance,
se dilata, & accreut grandemēt pour le re-
gard des Religieux qui commencerēt par
la persuasiō de ce Raimôd, à prendre pour
lors les armes pour la defense de la Foy;
mais pour le regard des Religieuses fort
peu, car outre le monastere qu'elles eurent
en l'isle de Rhodes, où elles suivirent les
Cheualiers lors qu'elles furent chassées
aussi bien qu'eux de leur Monastere de Je-
rusalem, la Terre sainte estant retombée
mal-heureusement entre les mains des en-
nemis de la Foy, & celuy qu'elles ont en-
core à present en l'isle de Malthe, ie n'en
trouue que sept en toute la Chrestienté, vn
en la ville d'Heuora en Portugal, erigé du-
rant la grand' Maistrise de l'Admiral de
Carrette, qui commença l'an 1513. & finit
en 1521. Vn autre à Ciuita de Penna, fondé
par Iulian Ridolfi, Prieur de Pise. Vn troi-
sième en la Cité d'Estremos, que fonda
l'Infant Dom Louys, perpetuel Admini-
strateur du Pricuré de Portugal. Vn qua-
trième plus ancien que ces trois premiers,
appellé de Sixenna, au Royaume d'Arra-
gon, fondé par la Reyne Sancha, fille d'Al-
phonse

GALIOTE DE S^{te} ANNE. Liu. I. 49
Roy de Castille, femme d'Alphonse II.
de ce nom Roy d'Aragon surnommé le
Chaste, pour l'entretien des pauvres Da-
moiselles, & doté par elle-mesme en l'an
1188. de plusieurs Iurisdic^{tions}. Vn cin-
quiesme appellé de nostra Signora d'Al-
gaine en Catelogne, qui fut fondé & doté
de terres & reuenus par Saurine de Iorba,
& Elfa de Sagardia, Dames Catelanes en
l'an 1212. En fin les six & septiesmes dās le
Quercy, distans l'un de l'autre environ 3.
lieuës erigez durant que Foulques de Vil-
laret premier grand Maistre de Rhodes
gouuernoit l'ordre, l'un appellé de Fieux,
& l'autre l'Hospital de Beaulieu, qui ont
esté reduicts en vn, celuy de Fieux ayant
esté annexé à celuy de Beaulieu depuis que
Galiote de Gourdon fut faite Prieure du
premier, mais aussi s'en est-il fait vn nou-
ueau en la ville de Tholose, où se garda la
reformation qu'elle auoit introduicte dans
celuy de Beaulieu, comme nous verrons
cy-apres. I'ay bien voulu desduire cecy vn
peu au long, premierement parce que l'or-
dre militaire de saint Iean, qui est assez co-
gnu pour ce qui regarde les Religieux, spe-
cialement en nostre France, où il a si grand
nombre de Maisons, pour ce qui concerne
les Religieuses est assez incogneu, ce qui

50 LA VIE DE LA VEN. MERE
n'est pas digne d'estonnement, puis que
ses Monasteres sont si rares: Et en second
lieu parce que celle de qui ie publie la vie
& les vertus, a esté Religieuse de cét Ordre
choisie de Dieu, comme nous verrons cy-
apres, pour la reformation d'iceluy. Ce fut
au Monastere de l'Hospital où elle auoit
esté enuoyée pour y estre nourrie, n'ayant
encore que cinq mois; qu'ayant atteint l'â-
ge de six à sept ans on luy donna l'habit de
Nouice de cét Ordre, habit qui excepté
la couleur laquelle apres la prise de l'Isle
de Rhodes par Sultan Solymán Empereur
des Turcs fut changée de rouge en noire,
comme pour duëil d'un si funeste accidēt,
est le mesme que portoient les premieres
Religieuses de cét Ordre, cōsistant en vne
robbetoute simple, & vn manteau à poin-
ctes, comme ils l'appellent, manteau faict
comme vne demy tunique, qui se ioinct au-
tour du col avec deux rubans ou cordons
de soye blanche & noire, qui ioincts en-
semble, representent les misteres de la Pas-
sion de nostre Seigneur, parmy lesquels il
y a vne forme de petits paniers faits de la
mesme soye qu'on presente & faict voir à
ceux qui prennent l'habit, pour leur faire
entendre le soin qu'ils doiuent prendre
des pauvres, comme Hospitaliers de leur
premiere institution: au lieu de mèches ce

GALIOTE DE S^{te} ANNE. Liu. I. 51
 manteau à des poinctes longues chacune
 quasi d'une aune, larges au haut enuiron d'un
 demy pied, & toutes poinctuës à l'autre ex-
 tremité, lesquelles se reiettent sur l'espaule,
 & s'unissent sur les reins: sur le deuant de ce
 manteau du costé gauche à l'endroit du
 cœur il y a vne croix de toile blanche qui a
 huit poinctes, de toutes lesquelles particu-
 laritez on peut voir les misteres découverts
 par Boissat en son Histoire des Cheualiers
 del'Hospital de S. Iean; car quoy qu'il ne
 parle que de l'habit de Religieux, celuy
 neantmoïs des Religieuses est le mesme quant
 à la forme, si on y adiouste vn demy scapu-
 laire qui prend depuis le col iusques au bas
 de la robbe par deuant, de mesme estoife
 que la robbe, large enuiron d'un palme, sur
 lequel est cousüe vne petite croix de toile,
 comme est celle du manteau, & vn voile
 qui estoit blâc lors que l'habit des Religieu-
 ses estoit rouge, mais qui à present est noir
 comme l'habit. Voila ce que i'ay pû ap-
 prendre de la couleur & figure de l'habit
 des Religieuses de S. Ieã, qui fut donné tout
 tel à nostre petite Nouice, lors qu'elle fut
 premierement receüe, quoy que non pas
 pour le porter tousiours; & pour le voile il
 ne luy en fut point donné, car il ne s'en
 portoit point auparauant la reformation.

Ayant receu l'habit il ne faut pas s'imaginer qu'elle discontinua de poursuiure dans les loüables actions qu'elle practiquoit auparavant, car se voyant couuerte de cét habit qu'elle auoit pris fort volontiers. Il est à presumer qu'elle se donna particulièrement à celuy qu'elle aimoit desia si tendrement, & qui la preuenoit si visiblement de ses faueurs. En effect l'on remarque que l'amour de Dieu & le desir de le seruir croissoient en elle, &, comme nous auons desia dict, on ne peut pas gagner sur elle de marcher deuant les autres, la superiorité luy estant destinee tant elle se plaisoit en l'exercice d'humilité. Quatre ou cinq ans apres qu'elle eust pris cét habit, son pere voulut qu'elle fist sa profession, & s'attachast indissolublement par les trois vœux solempnels à cette façon de vie qu'elle auoit embrassée, suiuant avec de bonnes considerations sans doute le train qui n'est que trop ordinaire dans le siecle, où les parens pour descharger les familles s'efforcent d'attacher leurs filles dès leur ieunesse, où elles ont moins de cognoissâce par vne profession solempnelle à vn estat, dans lequel, si Dieu ne les preuient & fortifie d'une grace tres-particuliere, elles n'auront que trop de loisir de se repétir, & de ne por-

ter qu'avec contrainte le ioug qu'elles ont chargé sans auoir considéré la pesanteur qu'il a, non pas pour ceux qui s'y soumettent avec affection & de plein cœur, car pour ceux-là il est tout à fait suau & léger, & comme les plumes des oiseaux au lieu de les appesantir les esleue, mais bien pour ceux qui l'affectionnēt si peu qu'ils s'en déchargeroient s'il leur estoit possible, & qui le traînent au lieu de le porter. Cēt aage auquel on vouloit qu'elle fist sa profession estoit trop ieune & trop foible pour vne action si eminēte, laquelle traîne apres soy vne obligation qui ne finist qu'avec la vie, iugé à cette occasion incapable d'icelle par le sacré Concile de Trente, qui a sagement arresté que les professions qui seroient faites auant seize ans seroient nulles, & n'auroient point la force d'obliger: Aussi nostre Religieuse comme si en son ame elle eust resenty quelque mouuement du S. Esprit, pour cognoistre cecy, resistoit à cette volonté, & montroit de la difficulté à faire si promptemēt cette profession, en telle sorte neātmoins qu'elle fit bien paroistre que ce n'estoit pas, ny l'affection du monde, & le desir d'y retourner, ny l'auersion à l'estat Religieux, qui luy faisoit faire cette resistāce à ce qu'on vouloit d'elle: car apres auoir

résisté, entendant qu'on murmuroit contre elle, & qu'on disoit que ce qu'elle en faisoit estoit parce qu'elle ne vouloit pas estre Religieuse, & que quelqu'un luy auoit mis à la teste de se marier. Tous ces discours extrêmement esloignés de son desir furent cause qu'elle assésura n'auoir iamais pensé ce que l'on croyoit d'elle, & que pour en donner tesmoignage elle estoit toute preste à faire ses vœux quand on voudroit, ce qu'elle fit avec cette cōpagnie dont nous auons desia parlé, en cét aage que nous auons dict. Mais sçauiez vous comment elle les fit? Ce ne fut pas à la leger & par maniere d'acquit, ce fut avec consideration de la grandeur de cette action: Ce fut avec la demande feruente de l'assistance diuine: ce fut avec des resolutions fermes d'accomplir ce qu'elle promettoit, ce qui se cognoist clairement par le profit excellent qu'elle en retira, & par le changement qui en resulta en son ame; car son desir estant tout à fait sorty du monde, auquel elle auoit renoncé par ses vœux; apres iceux elle se retira des recreatiōs des autres ieunes filles, & se sevrā de tous leurs passe-temps pour mieux vacquer à Iesus-Christ, que cette profession auoit rendu son espoux: Ce fut en cetemps, ou fort peu apres, que la cognoissance de la vanité que

Dieu luy donna en recompense de ce qu'elle s'estoit donnee toute à luy, luy fit faire vne action admirable. Lors qu'elle receut l'habit de Religio, & mesme lors qu'elle fit la profersion, on n'auoit pas voulu luy laisser couper ses cheueux à cause de leur beauté, par où l'on peut assez remarquer en quel pauvre estat estoit ce Monastere, & combien peu d'estime on y faisoit de ce faire quitte du mode & de ses vanitez, mais comme Dieu luy eut desillé les yeux pour cognoistre dès ce bas aage de vanité & ses appas, quoy que ses beaux cheueux n'eussent encor iamais seruy au demon de liens pour attacher les ames insencees, & les attirer à foy, comme sont les cheueux de celles qui emploient, ou plustost perdent leur temps à orner & attifer ces excréments, pour les faire seruir de parade à leur vanité, elle les couppa elle-mesme, & les ayant coupez en fit de belles guirlandes, resoluë de les offrir à nostre Dame de Rocamodour, à laquelle elle auoit vne fort particuliere affection & deuotion, comme nous verrons, mais les ayant faites elle pensa, non sans inspiration Diuine, que donner ces guirlandes tissües de ses cheueux, seroit faire parade d'une chose qui deuoit estre cachee & tenuë se-

56 LA VIE DE LA VENER. MERE
cette, & chasser vne vanité mondaine par
vne autre vanité plus fine, elle quitta cette
premiere resolutiō, & s'estant enfermée vn
iour dedans sa châtre avec deux Religieu-
ses, auxquelles elle auoit de la confiance, el-
le icetta ses cheueux dedans le feu pour en
faire vn sacrifice, disant à celles qui l'ac cō-
paignoient qu'il estoit necessaire que la va-
nité se confit sous la cendre: Tout cela faic-
t bien voir quē quoy que l'aage auquel elle
fit sa profelsion, fust incapable d'el' obliga-
tion qu'elle traîne apres soy selon les loix
de l'Eglise, elle fit neātmoins l'action avec
les sentimens & les resolutions conuen-
bles, de quoy l'on ne sçauoit desirer de tes-
moignage plus assure que le frui & excel-
lent qui luy en reuint.

CHAPITRE VII.

*Ayant conceu des desirs ardens d'estre
Religieuse Fueillantine, elle se met en
deuoir d'executer ses desirs, & ce qui
l'en destourna.*



Comme les mauuais entretiens
& discours sont grādemēt per-
nicieux & nuisibles aux ames,
aussi les bōs leur sont-ils d'vne

GALIOTE DE S^{te} ANNE. Liu. I. 57
tres grande vtilité, les mauuais discours ga-
stent & corrompent les bonnes mœurs, &
estouffent les bonnes semences de vertu,
que Dieu jette dans les cœurs, & les bons
entretiens les eschauffent & font naistre en
iceux mille bons desirs de s'auancer en la
vertu, & se perfectionner au seruice de
Dieu. Nous auons dit que nostre nouuel-
le Religieuse faisant ses vœux, & se consa-
crant à Dieu par iceux, auoit retiré tout son
desir du monde, & auoit conceu des gene-
reuses resolutiōs de le fouler sous les pieds,
& avec luy tous les appanages de ses vani-
tez; il arriua sur cela par vne prouidence
particuliere de Dieu, qui fait naistre aux
ames qu'il aime des occasiōs de luy tesmoi-
gner l'amour qu'elles luy portent, qu'un
Procureur du Parlement de Tholose se
trouuant au Monastere de l'Hospital, elle
l'entendit parlant des Religieuses Fucillan-
tines, qui estoient pour lors dans la ville de
Tholose, discourant de l'austerité de leur
vie, de l'excellence de leurs actions, & de
la sainteté de leur conuersation. Bref
respendant par ses discours, en sa presence,
la souëfue & agreable odeur que leur vie &
& leur vertu respendent partout où elles se
trouuent. Ces discours qu'elle entendoit
fort volontiers, & avec beaucoup de goust,

58 LA VIE DE LA VEN. MERE
trouuerent vne grande conformité en son
ame avec ses desirs, & cōmeles estincelles
qui rencontrent vne matiere bien disposée
pour receuoir le feu, l'embrasent tout aussi-
tost, de mesme ces entretiens trouuans son
ame toute disposée pour seruir Dieu avec la
plus grande perfection qu'il luy seroit pos-
sible, y firent vn tel effect, qu'ils engendre-
rēt en icelle des desirs tres-ardēs de se ran-
ger au seruice de son Espoux biē-aimé, sous
l'habit, les austeritez, & autres façons de vie
de ces bonnes Religieuses, dont elle auoit
ouy parler; & comme elle sçauoit fort bien
qu'il ne faut pas s'arrester aux desirs d'un
bon ouurage, ains auoir vn grand soin de
les mettre en execution, parce que les de-
sirs, comme dit le Sage, donnent la mort à
celuy qui est paresseux de les executer, &
selon le dire assez commun, le Paradis est
remply de bonnes œuures, & l'Enfer de
bons desirs: elle communiqua ce que Dieu
luy inspiroit à sa chere compagne, avec la-
quelle elle auoit fait ses vœux, laquelle luy
aduoüa aussi-tost qu'elle se sentoit portée
d'une semblable volonté. Ainsi elles s'ac-
corderent ensemble d'en poursuivre l'ac-
cōplissement, & demāder avec instance &
humilité à ces bonnes Meres l'habit de leur
Religion, gagnant pour cēt effect si biē ce-

luy qui leur auoit donné cette premiere connoissance, que par son moyen elles escriuoient à celles parmy lesquelles elles souhaittoient affectueusement d'estre receuës, & receuoient par son moyen la responce aux lettres qu'elles auoient écrit. En fin ces bonnes Religieuses voyans la sainte affection avec laquelle elles procedoient en leur poursuite, & la persuerance qu'elles y apportoient, trouuerent à propos de les consoler, & leur octroyerēt l'entrée de leur Monastere, quand elles auroient agreable d'y venir: Ayans receu cette nouuelle avec autant d'allegresse comme si elle leur fust venue du Ciel, elles se disposerent pour partir, & pour aller recevoir ce bō-heur qui les attēdoit, mais la prouidēce Diuine, qui reseruoit pour autre chose Sœur Galiothe de Vaillac, en ordonna autrement: car sur le poinct qu'elle & sa cōpagnie deuoient partir, & sortir du Monastere, quelqu'un s'ē apperceuāt en dōna aduis à la Supérieure, & la Supérieure à M^r le Côte de Vaillac son pere, lequel employa to^{us} les moyens possibles pour la dégouter de son dessein, qui ne luy plaisoit pas, parce que cōme il la cherissoit tendremēt, il se contentoit de l'auoir donnée à Dieu en la Maison où elle estoit, sans pouoir souffrir qu'elle embrassast vne vie si retirée & si austere comme estoit celle à

60 LA VIE DE LA VENER. MERE
laquelle elle aspirait, il commença par la
voye de la douceur, la suppliant par l'affec-
tion qu'elle estoit obligée de luy porter, de
ne luy pas donner ce sujet d'affliction, voye
qui estoit puissante sur l'esprit d'un enfant,
car les prieres d'un pere à ses enfans, s'ils ne
sont de naturez, sont des commandemens,
lors qu'ils s'abaissent à les prier, ils com-
mandent plustost qu'ils ne demandent pas;
voye neantmoins qui gaigna fort peu sur
elle, sçachant fort bien que non seulement
celuy qui aime ses parens au détriment de
l'accomplissement de la volonté de Dieu,
mais en outre celuy qui ne les hait pas lors
qu'ils s'y opposent & l'empeschent, n'est
pas digne de Iesus-Christ, comme luy-mes-
me, qui est la verité eternelle, l'a enseigné.
Ce moyen estant de la sorte infructueux, &
elle se montrant insensible aux prieres de
son pere terrien & passager, pour conseruer
les sentimens qu'elle auoit de seruir parfai-
temēt son Pere Celeste & Eternel, son pere
en adjousta vn second, qui fut, qu'il luy
remontra, ou luy fit remonstrer, que venāt
à prendre l'habit de Fucillantine, il faudroit
qu'elle fist de rechef son Nouriat, & fust
par cōsequent la dernière de toutes, croyāt
que cette humiliation & ce raualllement la
descourageroit d'exécuter son entreprisc;

GALIOTE DE S. ANNE. Liu. I. 61
mais au lieu de raffroidir le feu de son desir,
c'estoit jetter de l'huile dessus, & l'embra-
ser dauantage: car si apres auoir pris l'habit,
on ne peut iamais gagner sur elle qu'elle
marchast deuant les autres, tant elle versa
de larmes pour l'empescher, comment est-
ce que la crainte d'estre la derniere eust pû
amortir son desir? Aussi disoit-elle à ceux
qui se seruoient de ce moyen pour la de-
stourner, ces paroles, qui sont des tesmoi-
gnages tres-manifestes de sa profonde hu-
milité. *Las! quelles nouvelles pleines de consolation m'appor-
tez-vous-là? si j'auois desir d'y aller,
maintenant il redouble, & si ie croyois estre sœur
laye, il seroit encor bien plus grand.* La dou-
ceur ne seruât de rien, son pere y employa
les menaces, avec aussi peu de fruiet neât-
moins que les moyens precedens, car les
menaces ne l'estonnerent point, & ne fu-
rent pas assez puissantes pour ébranler sa
constance; en fin & la douceur & la rigueur
n'ayans seruy qu'à faire paroistre la ferme-
té de son courage; comme les flots agitez
contre les rochers ne seruent qu'à faire pa-
roistre la fermeté de leur assiette: son pere
qui ne iugeoit possible pas cōuenable qu'elle
executast ce dessein à cause de sa grande
ieunesse, car elle n'auoit encor que douze
ans, luy protesta que puis qu'elle refusoit

d'acquiescer à sa volonté, tous ceux qui auroient la hardiesse d'entreprendre de la conduire à Tholose y perdroient la vie: Cette protestation luy faisant apprehender que Dieu ne fust offensé, & que celuy qui luy feroit la charité de l'aider en l'exécution de son dessein, ne receust du mal pour le bien qu'il luy feroit, fut cause qu'elle desista de son entreprise, tellement que ce fut la charité qui arresta le cours du desir que sa charité auoit fait naistre en son ame, Dieu se contentant d'auoir veu son courage & sa constance, sans vouloir le plain effect. Parce qu'il l'auoit choisie de toute éternité pour estre le bon-heur du Monastere qu'elle vouloit quitter. Elle ne demeura pas ingratte de la faueur que les Religieuses Fucillantiues luy auoient faite; car arriuant long-temps apres que pour aller à Causse elle passa à Tholose, elle les alla voir, & les remercia affectueusement de ce qu'elles auoient daigné la recevoir en leur Communauté, tesmoignant par les larmes qu'elle verfoit, la sainte enuie qu'elle portoit à leur bon-heur.

CHAP. VIII.

*Diuers exercices de vertu, & de pieté,
auxquels elle s'occupa depuis sa profes-
sion iusqu'à l'âge de quinze ans.*



E n'est pas grande merueille que les ames qui sont conduites & dressées en la pratique de la vertu par personnes qui en sont capables, à cause de leur science & experience, & qui ont l'assistance que donne pour cét effect la lecture des bons Liures spirituels, s'affectionnent à cette pratique, & y fassent de grands & signalez progresz, quoy qu'à la verité il s'en trouue qui avec tous ses secours demeurent en leur froideur, & comme les Escreuiffes, reculét au lieu des'auâccr: mais qu'il y aye des ames qui en vn âge ieune, qui est pour l'ordinaire bouillant, & destitué de prudence, sans estre conduittes, instruittes, ny dirigées par persônes versées en la spiritualité, sâs participer aux biens ineffables qu'apportét les bô liures par leur lecture, & mesme sans auoir l'aiguillon des bons exéples qui ont vn ascédât particulier sur nos ames, pour les faire courir au bien, s'affectionnent neâtmoins à la vertu, & en embrassent cou-

64 LA VIE DE LA VEN. MERÉ
rageusemēt les exercices; c'est ce qui est ad-
mirable, & de quoy l'o peut dire que c'est le
doigt de Dieu qui écrit dās les cœurs de ces
ames ce qu'y pourroit imprimer les bōs Li-
ures par leur doctrine spirituelle, & les Mai-
stres Spirituels par leurs instructions. Cela
fait que ie m'arreste fort volontiers sur les
années qui se sont écoulées tādīs que la Ve-
nerable Mère Galiote a esté destituée, & de
l'assistance des Liures spirituels, qui estoiet
bannis de la Maison où elle demeuroid, aus-
si bien que la spiritualité, & de la sage con-
duite d'un Directeur de conscience, ce
lieu estant incogneu à semblables person-
nes, & de la force des bons exemples, au
lieu desquels on n'y voyoit que desordre &
desreglement, qui ne pouuoient manquer
de naistre des deux premiers manquēmēs,
& que ie prenne plaisir à descrire les actiōs
excellentes & vertueuses qu'elle pratiquoit
pour lors, afin qu'on admire les merueilles
de Dieu en cette ame, & qu'on commence
à tirer conjecture de ce qui sera d'elle quād
elle aura toutes les asistances qui luy man-
quent à present. Commençons donc par le
temps qui se passa depuis sa profetsion, qui
fut l'vnzième ou douzième année de son
âge, iusques à la quinze ou seizième, qui
fut la première de sa Superiorité: en tout

GALIOTE DE S^{te} ANNE. Liur. I. 65
ce tēps-là elle n'auoit aucun liure que ses
vieilles Heures, la lecture desquelles luy
auoit doné le desir de voir la Terre saincte,
comme i'ay desia dit, & vn Liure de la Vie
de saincte Anne, Liure de bas aloÿ & fort
peu solide: dans ses Heures elle trouua que
qui ieusneroit douze Vendredis, en l'hon-
neur des douze Apostres, gagneroit de
grandes Indulgences; elle y trouua aussi que
la toute Auguste Royne des Anges seroit
fort fauorable à l'heure de la mort à ceux
qui en son honneur, durāt sept années, ieuf-
neroient tous les Samedis au pain & à l'eau,
& deslors elle se proposa de faire l'vn &
l'autre, & le faisoit avec tant d'austerité, que
le plus souuēt elle ne mâgeoit rien que du
pain bis, & avec vne telle perseuerāce, que
iamais elle ne quittoit cette façon de viure,
en quelque compagnie qu'elle se trouuaſt.
L'autre Liure qui traittoit de la vie de sain-
cte Anne, enseignoit à dire quelque Chap-
pelet en l'honneur de cette grāde Saincte;
elle en fit vn quant & quant pour le dire,
& conceut deslors vne tres-grande deuo-
tion enuers saincte Anne, qu'elle conserua
tout le reste de ses iours: iamais elle n'ob-
mettoit de reciter ce Chappelet, se plaissant
mesme d'en dire plusieurs, auxquels elle ad-
jouſtoit le Rosaire, qu'elle disoit tous les

E

66 LA VIE DE LA VEN. MERE
iours avec beaucoup d'atténion & de goust
en l'honneur & souuenance des quinze
mysteres de la mere de Dieu, ensemble sa
Couronne ; toutes lesquelles deuotions
vocales elle auoit apprises dans ce second
liure. En tout cela on peut remarquer vne
grande auidité à mettre en pratique ce
qu'elle lisoit de bon, & ce qu'elle croyoit
estre agreable à Dieu : auidité qui monstre
assez combien elle se fut auâcée & perfe-
ctionnée au seruice de Dieu, si elle eust
eu le bon-heur de la lecture des meilleurs
liures que de ceux-là ; car elle eust sans
doute mis en œuvre ce qu'ils luy eussent
enseigné : On y doit remarquer en second
lieu vn grand amour & inclination à l'au-
sterité & à la penitence, puis qu'elle ieus-
noit de si bonne heure si estroittement, &
vne deuotion fort particuliere à la me-
re de Dieu, qui est comme le col par
lequel les influences de Iesus Christ
decoulent sur les membres du corps
mystique de ce chef diuin : mais - ce
n'est pas tout ce qui se peut dire tou-
chant ses austeritez & sa deuotion à
la Vierge, en tout ce temps sur le-
quel ie m'arreste en ce chapitre ; car
pour le premier, outre les ieunes que j'ay
dist, elle ieusnoit tous les Caremaes,

quoy que son aage l'en dispensast encor pour vn assez long-témps : elle y adiou-
 stoit aussi les jeufnes de tous les Vendredis
 & Samedis de l'année : tous lesquels jeuf-
 nes elle obseruoit avec tant d'abstinence
 & d'austerité, qu'on ne sçauoit comme el-
 le pouuoit viure. Ce mesme amour à la
 penitence & souffrance faisoit qu'elle e-
 stoit fort deuote à la Passion de Nostre
 Seigneur, tellement qu'en la Sepmaine
 qui est employée par l'Eglise à la memoire
 de cette Passion, elle passoit les nuits du
 Ieudy & du Vendredy Sainct dans l'Egli-
 se, où elle chantoit avec ses compagnes
 tout le Pseautier. Pour la deuotion à la
 Vierge elle la. témoignoit par le plaisir
 qu'elle prenoit à faire des voyages à l'E-
 glise de Nostre-Dame de Rocamadour,
 qui estoit esloignée de deux grandes lieues
 du monastere del'Hospital: elle y alloit tous
 les ans à pied avec vn extrême silence, &
 recitant son chapelet : & y ayant fait ses de-
 uotions, elle s'en reuenoit avec vn grand
 contentement que Dieu luy donnoit, com-
 me ie croy, en recompense de l'honneur
 qu'elle rendoit à sa mere, & de la peine qu'
 elle embrassoit pour l'honorer. Elle y alloit
 quelquesfois ayant les pieds nuds, & cōme
 elle étoit delicate, s'étāt incōmodée les piés,

68 LES VERTVS DE LA V. MERE
 elle n'en fit iamais aucun semblant. Bref
 sa deuotion estoit telle enuers la tres-sain-
 cte Vierge, que tout cé qu'elle pouuoit
 faire pour son honneur, luy sembloit peu au
 regard de l'amour qu'elle luy portoit. Apres
 quoy il n'y a pas grand sujet de s'estonner
 que la Venerable Mere aye vescu dans vne
 pureté de corps & d'ame, comme Angeli-
 que, & qu'elle aye receu les graces & les
 faueurs celestes en si grande abondance
 comme elle a faict, ainsi que nous ver-
 rons: car comme l'Amianthe a cette rare
 propriété, qu'elle ne peut estre souillée,
 & que le feu ne luy scauroit nuire, de mes-
 me ceux qui aiment le ieusne & l'abstinen-
 ce sont exempts de souilleure, & les flames
 infectes de la conuouitise desreglée n'ont
 point de prise sur eux: & la sacrée Mere de
 Dieu, dans les mains de laquelle Dieu a
 mis ses graces & faueurs, afin qu'elle en
 soit la dispensatrice, les verse fort libe-
 ralement sur les ames qui luy portent v-
 ne particuliere affection. Mais poursui-
 uons à mettre en auant ses actions ver-
 tueuses & louïables; son amour à la retrai-
 te & solitude n'estoit pas petit: car quoy
 qu'à mesure qu'elle croissoit en âge, elle
 eust aussi dauantage de liberté d'aller &
 de venir, n'y ayant point de closture.

*Amiſchus
 lapis in-
 quinari
 non po-
 teſt hic
 ab igne
 non vin-
 citur. Ba-
 ſil. de Te-
 ſonio.*

*Hæc eſt
 voluntas
 Dei, qui
 totū nos
 habere
 voluit per
 Mariam.
 Bernard.
 ſer. de Na-
 ſtin. Virg*

GALIOTE DE S^{re} ANNE. Liu. I. 69
à son Monastere , si est-ce neantmoins
que sa prudence & sagesse jointes à cét
amour de solitude , luy ostioient tous les
desirs de faire les visites que sont ordi-
nairement celles de sa qualité : Son
pere , qui l'aimoit tendrement , & sa
sœur qui estoit vnetres-honorable Dame,
l'incitoient à faire ces visites : d'autre
costé toute la Noblesse du país l'hono-
roit & respectoit autant que si elle eust
esté aagée de vingt-cinq ans , honneur
& respect qui deuoit estre , ce semble , vne
puissante amorce pour l'attirer à ces visi-
tes: Mais la solitude & la retraitte eut
vn plus grand ascendant sur son esprit,
& toutes ces consideracions ne peurent
pas la luy faire quitter ; que si quelques-
fois son pere l'enuoyoit querir , il n'e-
stoit pas possible de luy persuader d'y
aller , sinon en la compagnie de la
Superieure , encor estoit-ce avec beau-
coup de larmes & de repugnance qu'el-
le luy obeissoit en cela. Concluons ce
Chapitre par sa charité & misericor-
de enuers les pauures , vertu qui luy
a esté si familiere , qu'elle peut bien
dire avec Iob , qu'elle a creu avec elle
dés son enfance. En cét aage dont
nous parlons , elle estoit si charitable

70 LA VIE DE LA VENER. MERE
enuers les pauures & souffreteux , que
le plus souuent elle s'abstenoit de man-
ger pour suruenir à leurs miseres & necessi-
tez. Pour lors en son Monastere on ne vi-
uoit point en communauté, & les Religieu-
ses ne croyoient pas faire mal de prendre
du pain & le donner aux pauures sans per-
mission, elle en prenoit sans scrupule, mais
auec telle discretion, qu'en pouuant pren-
dre & donner autant qu'il luy eust pleu, elle
ne voulut iamais prendre plus d'autorité
que les plus simples Religieuses, tellement
que comme les autres prenoient le pain se-
crettement pour le donner, aussi le prenoit-
elle secrettement: sa Nourrice estoit en vne
fort grande pauureté, elle en auoit si gran-
de compassion, qu'elle reseruoit le plus sou-
uent sa portion pour la luy enuoyer; & des
Religieuses ont assuré qu'estans postulantes
pour entrer dans ce Monastere, elle leur
donna charge d'apporter tous les iours à sa
pauvre Nourrice, son potage, son petit
pain, & sa viande, leur enjoignant de fâ-
ire en sorte que personne n'en eust la co-
gnoissance, & cependant elle ne se nour-
rissoit que de pain grossier, & de fruiçt, où
l'on peut voir l'idée d'une charité parfaite
& accomplie, qui prend sur soy l'indigen-
ce & misere du pauvre, pour l'en deschar-

GALIOTE DE S^{te} ANNE. Liu. I. 71
ger, qui se priue de ses aises & cominoditez
afin que le pauvre en jouisse, & qui s'effor-
ce de n'estre veuë ny cogneuë dans le
bien qu'elle fait.

CHAPITRE IX.

*A l'âge de quinze ans elle est faite Coad-
intrice de la Prieure de l'Hospital de
Beaulieu, & de l'auerfio qu'elle y auoit.*

DE V x grands Prelats, l'un Ita-
lien, l'autre François, se voyans
retirez des charges seculieres, &
tirez des Barreaux & Tribunaux de Ius-
tice, pour estre en vn moment esle-
uez aux plus sublimes dignitez Ecclesiasti-
ques, & placez dans les chaires Episcopa-
les, quoy que ce fust en vn aage fort meur,
& que leur éminente science & prudence
incomparable eust rendu le premier ca-
pable de gouverner des Prouinces en-
tieres, & le second la ville de Rome,
maistresse de tout l'Vniuers, y ont neant-
moins apporté beaucoup de resistan-
ce, & s'y voyans contraincts, en ont
faict de grandes plaintes, sçachans
tres-bien que c'est vne chose desor-
donnée que celuy-là soit contrainct de
faire l'Office de Maistre, qui n'a pas

*S. Am-
broise, s.
Sydonius.*

*Quinon
didicit do-
cere com-
pellitur.
S. Siric. Pap.
in Ep. ad
Orthod.*

72 LA VIE DE LA VEN. MERE
commencé d'estre Escolier , & qu'il est
comme impossible que celuy qui est
encore malade & infirme , soit estably
le Medecin des ames , & que agité des
chaleurs desreglees , il porte iugement
& donne remede aux maladies d'au-
truy : mais que diroient ces Saincts
s'ils reuenoient maintenant , & qu'ils
veissent que les dignitez Ecclesiastiques ,
& les charges des ames , sont souuen-
tes - fois données , non pas à des per-
sonnes d'aage meur , & doüez des quali-
tez qu'ils possedoient , ce qui seroit plus to-
lerable , quoy qu'elles fussent tirées comme
eux des charges seculieres : mais à des en-
fans , à des esprits peu rassis , à des ieunes
gēs qui n'ont encore ny prudēce , ny scien-
ce , ny vertu ? Quelles plaintes ne feroient-
ils point ? quelles larmes ne decouleroit
de leurs yeux ? Il est certain que les lar-
mes de Ieremie leur sembleroient insuffi-
santes , & qu'ils souhaitteroient avec luy
que leurs yeux fussent changez en deux
fontaines d'eau , pour déplorer digne-
ment ce grand abus ; & certes ils au-
roient raison , car n'est-ce pas vn abus
deplorable , que personne n'estant choi-
si pour conduire vne Armée , qu'il ne
soit au prealable fort expert en l'Art

GALIOTE DE S^{te} ANNE. Liu. I. 73
 militaire, & que la charge d'enseigner les
 sciences n'estant donnee à ceux qui en
 sont ignorans, la seule charge des ames
 qui est l'art des arts, & la science des
 sciences soit commise à ceux qui à raison
 de leur ieunesse n'ont ny science, ny expe-
 rience pour cét effect, & ausquels, comme
 dit vn bon Escriuain, vne bonne femme
 de village ne voudroit pas auoir cōmis vne
 vache pour la gouuerner ? Certes c'est vn
 abustres-grād, mais abus qui traïsne apres
 soy de grands mal-heurs, & pour ceux là
 mesmes à qui ces charges sont donnees,
 par ce que c'est les mettre & esleuer sur le
 pinacle du Temple pour se precipiter en
 bas d'une plus grande secousse, & pour les
 ames qui leur sont commises qui ne reçoie-
 uent d'eux ny instruction pour la suiure, ny
 exemple de bōne vie pour l'imiter, & pour
 l'Eglise qui est remplie de scandale par ce
 moyen. Ce train du siecle fut pratiqué à
 l'endroiēt de nostre ieune Religieuse, quoy
 que non pas avec le succez, qu'à cause de
 sa grande ieunesse il sembloit qu'on en de-
 uoit esperer. A peine auoit-elle atteint l'ā-
 ge de quinze ans que Dame Antoinette
 de Beaumont Prieure de l'Hospital de
 Beaulieu, ayant à cause de son aage besoin
 d'assistance, elle luy fut donnée pour coad-

Ars artiū,
 scientia
 scientiarū
 regimen
 animarū.
 Nazianz.

74 LA VIE DE LA VENER. MERE
tutrice, ce qui estoit luy, mettre entre les
mains la charge du Monastere, & luy don-
ner la superiorité : Aussi luy donna-on la
grande croix à porter sur l'estomach, qui
en est vne marque en cét Ordre sacré; car
outre la croix à huit poinctes, qui, comme
i'ay dict, se porte sur le manteau à poinctes
au costé gauche à l'endroit du cœur, & qui
est comme à tous les Religieux, & Reli-
gieuses de cét Ordre; il y en a vne autre qui
se nomme la grande croix, laquelle les Su-
perieurs, & Superieures ont droit de por-
ter, & ce sur l'estomach: elle qui cherissoit
si tendrement l'humilité, voyant qu'on luy
vouloit donner cette charge, la refusa con-
stamment: & comme on persista à vouloir
qu'elle la prist, elle y résista de tout son pou-
voir, & les larmes que le ressentimēt que son
ame en auoit luy fit verser furent si grandes,
qu'elle passa vn mois sans cesser de pleu-
rer: En fin la presse cōtinuant, elle fut con-
traincte de l'accepter, mais avec vn chan-
gement notable, & qui tesmoignoit bien
de quel esprit elle estoit pouffee à l'accep-
ter: car lors qu'elle se vid chargée de cette
croix, & honorée de cette nouvelle digni-
té; au lieu de donner entree à son ame à la
vanité & arrogance, qui est (dict excel-
lemment Saluian Euesque de Marseille)

la Damoiselle suiuiante des nouueaux honneurs, elle conceut vne nouuelle horreur du monde, & de ses vanitez passageres, dont les mondains font des couronnes de foin (comme parle saint Augustin. Il ne luy falloit plus de recreations, la solitude qui est la fournaise dans laquelle se forment les vaisseaux du Roy Celeste, estoit tout son contentement & toute sa recreation: ce fut lors qu'elle commença à redoubler ses penitèces avec des ieusnes si extraordinaires qu'un chacun s'en estoit noyé: En un mot cette nouuelle dignité luy donna un nouueau cœur, & des affections nouuelles non pas peruertissant celles qu'elle auoit iusqu'à present, & de bonnes les rendant mauuaises, comme il arriue assez ordinairement: mais en perfectionnant, & rendant meilleures celles que nous auons veu, sur tout on vid l'esclat de son humilité, car elle hayssoit le nom de Superieure, ne pouuant supporter qu'on luy en parlât, & qu'on luy donnât ce nom; & quoy qu'elle le fust elle ne prit aucune autorité viuant comme la moindre Religieuse, deuenant toute confuse, & honteuse de se voir en cette dignité. Et parce que, comme i'ay dict, la grande croix estoit la marque vniue,

Perdisse
qu'à noui
honoris
arrogan-
tia est.

Solitudo
est for-
nax vbi
cælestis
regis va-
sa formā-
tur. *Basil.*
de lau. vit.
solit.

Creat cor
nouum &
nouos af-
fectus no-
uæ con-
scientia
dignita-
tis. *Armut*
phus E-
pist. 2.

76 LA VIE DE LA VENER. MERE
à la veuë des personnes estrangeres elle
auoit le soin de la cacher, ce qui fut cause
d'une Histoire que ie ne veux pas obmet-
tre, parce qu'elle donne vn évident tesmoi-
gnage de sa rare humilité. Le Maistre
d'Hostel de Monsieur le Comte son pere la
venant voir de sa part la rencontre la
premiere, & comme il ne luy vit point de
grande croix, laquelle elle portoit peu vo-
lontiers, il la prit pour vne autre Religieuse,
luy demandoit si elle sçauoit où estoit la
fille de Monsieur, elle tres-contente de se
voir mescogneuë, s'as luy dire qu'elle l'estoit,
luy dist, qu'elle alloit voir si elle la trouue-
roit, & le quittant promptement s'alla ca-
cher sans vouloir luy parler.

CHAPITRE X.

*Elle est faite Prieure de Fieux, les motifs
qui la porterent à accepter cette charge,
& la vie éminente qu'elle mena dans
cette Maison.*



Ne année s'estant escoulée de-
puis que la Venerable Mere Ga-
liote auoit pris la grande croix,
& auoit esté contraincte d'estre
la coadiutrice de la Prieure du Monastere

GALIOTE DE S^{te} ANNE. Liu. I. 77
de l'Hospital, la Prieure de celuy de Fieux,
qui est du mesme Ordre, & qui n'est esloi-
gné que de deux lieuës de l'autre, la vint
voir: elle estoit desia vieille & estrangere,
d'où procedoit qu'on luy portoit fort peu
de respect: Voila pourquoy desireuse d'ac-
querir des amis dans cette vieillesse si peu
honorée & assistée, elle se resolut de se des-
charger de sa superiorité, & la luy resigner, à
quoy elle consentit sans beaucoup de diffi-
culté, acceptant ce que cette bonne Supe-
rieure luy auoit resigné. Quelqu'un consi-
derant cecy s'en estonnera possible, & si-
magera que ce fut le desir d'estre Supe-
rieure qui la porta à accepter cette charge.
Mais cette imagination & croyance ne
pourra se former qu'en l'esprit de celuy qui
aura mis en oubly ce que j'ay desia dict de
son humilité, & de l'aersion qu'elle a tous-
jours montré d'auoir quelque prééminen-
ce sur les autres, & qui ne penetrera pas les
vrais motifs qui la porterent à accepter li-
brement ce à quoy elle auoit si peu d'affec-
tion. Descouurons donc les vrais motifs
qu'elle eut en cét affaire, rappez fidele-
ment dans les memoires bien assurez, dont
nous-nous seruons iusques au nombre de
trois, afin qu'on voye que ce qu'elle en a fait
n'a point esté par ambition aucune, ny par

78 LA VIE DE LA VENER. MERE
legereté d'esprit, ains par vn pur desir de
plus grande perfection. Le premier estoit,
parce que ce Monastere estoit fort retiré
& solitaire, ce qu'elle aimoit grandement
côme tres cõforme à ses affectiõs qui la fai-
soiēt soupirer apres le bõ-heur de la solitu-
de, & aspirer à en iouir. Le 2. parce qu'elle
voyoit qu'elle pourroit faire ses grandes pe-
nitences avec dauantage de liberté, & sans
en estre empeschée comme elle estoit au
Monastere de l'Hospital, où ce qu'elle fai-
soit, donnoit facilement dans les yeux des
Religieuses, qui ne se plaisiēt point à mar-
cher par vn si rude chemin: le troisieme &
dernier, pour autant qu'elle iugeoit tres-biē
que dans ce Monastere elle auroit plus de
moyen & de facilité de trouuer vn Pere spi-
rituēl pour la conduite de son ame, que dās
celuy où elle auoit iusques alors esté: rencõ-
tre qu'elle souhaittoit beaucoup, ayant ves-
cu iusques alors sans conduite, & direction
exterieure; quoy que non pas sans celle du
S. Esprit qui suppleoit à ce deffaut. Ce sont
les motifs par lesquels elle fut incitée à ac-
cepter la superiorité de cette Maison, ou-
tre l'inspiration particuliere de Dieu, com-
me l'on sera forcé d'auoier quand on ver-
ra la vie qu'elle menoit en icelle, mo-
tifs qui n'ont rien de chanel, rien de ter-

restre, rien d'ambitieux, & qui ne respirent que perfection & auancement en la vertu, & au seruice de celuy qui estoit tout l'object de ses desirs. Elle accepta donc cette charge, & l'ayant acceptée, elle sortit de tres-bon cœur de l'Hospital pour aller faire sa demeure au Monastere de Fieux, & portant tousiours en sa memoire les motifs qui l'y auoient conduite, elle rendit bien-tost cette Maison par son excellente conuersation, vn petit Paradis, l'oraison mentale qui est le nerf de la vie spirituelle, & comme le viatique de nostre pelerinage, luy estoit incognuë pour lors, n'ayant veu encor aucun Directeur qui luy en parlast, ny leu aucun liure qui la luy apprist : elle luy estoit incognuë quant au nom, & à la façon particuliere qui s'enseigne avec beaucoup de profit des ames, quoy que non pas quant à la substance de la chose qui consiste principalement en l'elevation & vnion de l'ame avec son Dieu, puis qu'elle estoit fort affectionnée aux oraisons vocales, & les faisoit avec beaucoup de poids & de perfection : car comme a tres bien enseigné S^c Therese maistresse excellēte de la vie spirituelle & de l'oraison, il n'y a iamais de vraye & parfaite oraison vocale sans la

80 LA VIE DE LA VEN. MERÉ
mentale, puis que la priere vocale pour
estre vraye & agreable à Dieu, requiert
qu'on considere en la faisant, qui est celuy
à qui l'on parle, & qu'on prie, & qui est ce-
luy qui luy parle & le prie, la grandeur in-
effable du premier, & la bassesse & neant
du second; ce qui ne se peut faire sans prier
mentalement, & s'imaginer le contraire
c'est vn abus. Voyés donc quelles estoient
ses oraisons vocales: elles'y rendoit telle-
ment assidue, qu'elle y passoit les heures en-
tieres, soit à reciter des Pseaumes, soit à di-
re des Chapelets; & quoy qu'elle n'eust
avec soy que quatre Religieuses, & quel-
quesfois que deux, elle ne laissoit iamais de
chanter les Heures, & la grande Messe
chaque iour: ce fut en ce lieu où elle con-
ceut vne grande deuotion à sainte Vrsule,
& à ses vnze mille Compagnes, & le iour
de sa Feste, ou la veille d'icelle, elle reci-
toit en leur honneur vnze mille *Pater no-*
ster, & autant d'*Aue Maria*, & le iour de la
Pentecoste, auquel l'Eglise celebre la des-
cente du saint Esprit, elle disoit mille fois
le *Veni sancte Spiritus*. Ces prieres sem-
blent grossieres, mais elles donnent assez
à cognoistre ce que celle qui les faisoit
avec tant de soin & d'affection eust fait si
elle eust eu cognoissance de l'oraison mé-
tale,

GALIOTE DE S^{te} ANNE. Liu. I. 81
tale, qui est beaucoup plus sauoureuse que
la vocale, & cōbien affectueusemēt elle y
eust employé son temps. Pour le regard des
Penitences qu'elle faisoit en cette maison,
il est assuré qu'elles estoient tres-grandes
à cause de sa grāde ferueur, n'estāt condui-
te de personne qui eust pū la regler en cela,
& n'ayant personne qui luy contredist cō-
me dans la premiere maison, aussi en fai-
soit-elle de si extraordinaires qu'il falloit
qu'elle fust assistee d'une tres-particuliere
grace de Dieu pour pouuoir subsister :
Premierement pour les Caremes, qui de
tout temps en l'Eglise ont esté consacrez
par les Chrestiens à vne penitence & au-
sterité particuliere, elle commēça en cette
Maison, quoy que fort ieune, de les ieusner
au pain & à l'eau: mais avec vne austerité si
grande qu'elle seroit presque incroyable si
celles qui cōuersoiēt pour lors avec elle en
cette Maison, qui sont tres-dignes de foy,
ne l'auoient rapporté: car elle les passoit
sans manger autre chose, sinon sur l'heure
de Vespere quatre ou cinq morceaux de
pain d'orge cuits sous la cēdre, avec quoy
elle se contentoit de boire vn verre d'eau,
& aussi tost qu'elle auoit pris cela, il luy
falloit pour la foiblesse de son estomach
le rejetter & vomir. Elle passoit souuent les

82 LA VIE DE LA VEN. MERE
iours entiers sans prendre chose quelcon-
que, particulieremēt depuis le Ieudy saint
iusques au iour de Pasques : Austerité pro-
digieuse pour vn aage si tendre, & qui re-
nouuelloit les austeritez des anciens Ana-
chorettes, qui passoient leur vie dans les
deserts. Pour tout l'autre temps, elle estoit
bien esloignee de viure delicieusement,
& de bien traicter son corps, puis qu'elle
ne viuoit que de pain fort grossier, & de
fruits: bref il seroit impossible de racon-
ter les ieusnes, & les austeritez qu'elle fai-
soit dans sa petite maisonnette; aussi fut-ce
dans icelle que n'ayant point de conduite,
comme i'ay dit, & suiuant les esforts de sa
ferueur, elle gasta son estomach. Que si
elle s'est donnee si peu de contentement
en son manger, elle s'en est aussi donnée
fort peu en son dormir: car elle couchoit
sur la dure, & sans qu'elle eust iamais ouï
parler de discipline, le soin qu'elle auoit de
rechercher tout ce qui pouuoit affliger le
corps luy en fit trouuer l'inuention, elle en
fit vne de corde fort rude, se cachât de cel-
les qui l'accôpaignoient pour la prédre: car
toute sa vie elle a esté fort secrette en ses
deuotions, sçachant tres-bien qu'il suffisoit
que Dieu seul en eust la cognoissance pour
qui seul elle les faisoit. La charité qu'elle

exerça en ce Monastere enuers les pauures estoit tres-grâde. elle cômēça par la pauure nourrice, qu'elle retira aupres de soy pour la traiter plus soigneusement, & avec dauantage de charité; & pour les autres pauures qui venoiēt à la porte du Monastere, si c'estoit en Hyuer, elle les faisoit entrer dās sa chambre pour les chauffer (car elle n'auoit pas encor esté inspiree de se reformer, & l'etree des deux Monasteres estoit libre) & leur ayant dōné à māger, à cette misericorde corporelle elle adjoutoit la spirituelle beaucoup plus importāte leur aprenāt leur croyāce, & autres choses qu'ils estoient obligez de sçauoir pour leur salut; que si c'estoit en tēps d'Esté, la charité trouuoit où s'exercer: car elle prenoit garde à ceux qui auoient de la vermine, lesquels elle nettoyoit elle-mesme sās horreur, les faissant seoir aupres d'elle pour les entretenir & instruire, testmoignant auoir plus de contentement en cēt entretien & occupation, que non pas quand il luy falloit estre avec des personnes de sa qualité, ce qui prouenoit sans doute de ce que sa foy éminente luy faisoit voir dans ces pauures son cher espoux Iesus-Christ, & luy mettoit deuant les yeux les paroles que l'amour qu'il porte aux pauures luy a fait dire.

Ce que vous auéz fait au moindre des miés vous me l'auéz fait. Voila vn eschantillon de la vie qu'elle menoit, & des vertus excellentes qu'elle pratiquoit dâs cette Maison : mais comme c'estoit sans conduicte & instruction, elle desiroit fort trouuer vn Confesseur qui la cōduisist & instruisist, Dieu qui luy auoit donné ce desir (car il se plaist à ce que les hommes soient conduicts & instruiçts par leurs semblables) commença dès cette Maison à luy en donner quelque accomplissement : car estant vn iour à nostre-Dame de Rocamadour, elle se confessa à vn Chanoine de ce lieu, homme de bonne vie, & fort deuot, qui ayant recognu la pureté de son ame, & les thresors que Dieu y auoit mis, & d'autres part ayant appris qu'elle ne s'estoit confessée iusques alors que six fois l'année, n'estant pas permis au Monastere de l'Hospital d'aller plus souuent à confesse; & mesme le Prestre qui estoit destiné pour cela, homme fort ignorant, trouuant que c'estoit trop souuent, & s'en plaignant, il luy conseilla de faire la Communion tous les mois : son ame eut reçu vne telle consolation, qu'elle se resolut de le prendre d'oresnauant pour Confesseur, & de luy obeyr en tout; ce qu'elle fit iusques

GALIOTE DE S^{te} ANNE. Liv. I. 85
à ce que nostre Seigneur luy eust donné
des Religieux pour cét effect, l'enuoyant
querir tous les mois, & luy communiquant
sincerement tous ses desseins. Tellement
que nous pouuons remarquer (non sans
admirer la prouidence de Dieu sur cette
ame vertueuse) qu'elle iouyssoit de tout ce
qui l'auoit induite à accepter la superiori-
té de cette Maison: car elle viuoit dans vne
grande retraicte & solitude, & esloignée
des visites, elle faisoit ses penitences avec
tres grande liberté, & sans contradiction,
& si elle commença à auoir de la condui-
te, & de l'instruction par l'heureux rencon-
tre de ce bon Confesseur: Aussi viuoit-elle
avec tant de contentement dans son petit
Monastere, que toutes ies consolations du
monde ne luy sembloient rien à l'égal de
celle dont elle iouyssoit. Auant que clorre
ce Chapitre ie veux mettre en auant vne
espreuue sensible que Dieu luy enuoya, dās
laquelle on pourra remarquer en vn aage
fort ieune beaucoup d'affection aux souf-
frances, & fort peu d'attachement à cette
vie, qui semble si douce aux ames qui ne
considerent pas la vie qui ne doit iamais
prendre fin. A l'aage d'environ vingt ans,
auquel tēps elle pouoit auoir sejourné au
Monastere de Fieux, trois ans, elle eut la

86 LA VIE DE LA VENER. MERE
petite verole qui luy causa de si grandes
douleurs, qu'elle croyoit que son heure fust
venuë, & sur cette croyance sans s'affliger
d'une si prompte sortie de ce monde, s'y
estoit tellement disposée, qu'elle n'atten-
doit que la mort. Le premier soin qu'elle
eut fut de defendre à deux de ses Religieu-
ses, qui l'accompagnoient en cette Mai-
son, de ne donner aduis de son mal à
personne, afin de ne recevoir point d'ale-
gement, & puis elle les conjura d'enuoyer
en diligence, toute la nuit, au Chanoine
qu'elle auoit choisy pour Directeur de son
ame, afin qu'il prist la peine de la venir
assister en ce danger. Le Confesseur estant
venu, elle se confessa de toutes les offenses
qu'elle auoit commises toute sa vie: mais
avec tant de larmes, & vn ressentiment si
grand, quoy que neantmoins il n'y en eust
aucune mortelle, comme le Confesseur l'a
du depuis asseurer, si que nous dirons au-
trepart, que ce bon Chanoine se vid obli-
gé de la consoler, & mesme luy defendre
de plus pleurer. Apres auoir beaucoup souf-
fert, elle releua de cette maladie, Dieu la
reseruant & pour des souffrances plus
grandes, & pour des actions plus releuées
qu'elle n'en auoit fait jusques alors.

Elle est contraincte de retourner au Monastere de l'Hospital, où par la lecture d'un liure elle commence à s'addonner à la Meditation & Oraison.

DE puis que l'esprit malin par sa malice est descheu du bien ineffable qu'il possédoit, & d'Ange de lumière est devenu vn Demon tenebreux, il ne peut souffrir que les hommes subsistent dans la possession du bien; & que s'auançans dans le seruice de Dieu, il acquierent par la bonté de leur vie, ce qu'il a perdu pour vn iamaïs par sa meschanceté. Ce perfide qui hayt les hommes parce qu'il est ennemy de Dieu, voyant que nostre nouuelle Prieure ayant abandonné le premier Monastere, & s'estant retirée dans celuy de Ficux, menoit vne vie admirable, & tout à fait destachée de la terre, & que comme vne belle lumiere elle alloit croissant & s'auaçant vers le midy de la perfectiō, desireux d'arrester ce progrez se resoult de faire en sorte qu'elle soit cōtrainte de laisser cete Maison de solitude, & de retourner à l'Hospital: pour cēt effect il suscite des murmures contre elle, il fait qu'on s'estōne cōme vne ieune fille si belle cōme elle estoit accōpa-

rosteaquā
est ipse in
demonē
cōuerlus
ex Ange-
lo, ne qua
creatura
in suo sta-
tu cōsistat
arte, dolis
machinis,
fraude cō-
tendit.
*Chrysolog
serm. 96.*

*Osce ho-
minū nā
& hostis
Dei. Ba-
sil.*

88 LA VIE DE LA VEN. MERE
gnée de Religieuses ieunes comme elle , ozoit bien se hazarder de demeurer dans vne Maison si peu assurée comme celle de Fieux , & qui estoit au milieu d'un bois. Ces murmures & plusieurs autres s'augmentans , pour les faire cesser, afin que Dieu n'y fust pas dauantage offensé, elle fut contraincte de retourner en son premier Monastere , auquel avec la permission de l'Ordre elle fit en sorte que celui de Fieux fut vny : si elle fut astringée de cette sortie d'un lieu qui luy estoit si cher, on le peut assez iuger par l'affection qu'elle portoit à la solitude de laquelle elle iouyssoit si facilement en iceluy : mais le Demon profita fort peu en la retirant de cette Maison : car elle en emporta avec soy vn si grand mespris du monde, que l'enuie de le quitter tout à fait luy redoubloit. Depuis qu'elle fut au Monastere de l'Hospital, & Dieu qui vouloit commencer à la ietter dans l'exercice de l'Oraison mentale, & de la contemplation, luy en ouurit le chemin par vn rencontre que le veulx descrire vn peu au long : Il n'y a que ceux qui n'ont iamais leu les liures qui traictent de la vie spirituelle, qui ignorent la grande vtilité qu'ils apportent aux ames, & le grand bien qu'en reçoit l'Eglise.

Ces Liures sont des belles glaces, qui monstrent à ceux qui iettent les yeux dessus la laideur du vice, & la beauté de la vertu : ce sont des miroirs semblables à celuy d'Archae, qui descouurent si les ames sont en estat de santé, ou en danger de mort : ce sont des Arches d'Alliances, qui conjoignent avec les Loix de la volonté Diuine, qu'elles enseignent, la Manne & la douceur des consolations pour les ames affligées, & la verge & aspreté des reprehensions, pour celles qui croupissent dans leur imperfection. Bref dans ces Liures plusieurs ont trouué leur bon-heur, les vns estans encouragez à sortir tout à fait de l'ordure du vice, les autres fortifiez & éclairez pour s'auancer de plus en plus à la perfection: Je ne parle que des Liures Spirituels, qui sont tels veritablement, & qui ont les conditions necessaires pour porter vn nom si releué, comme sont ceux qui traittent des matieres propres à retirer l'ame du vice, luy en donner l'horreur, & luy faire affectionner la vertu. Vn de ces Liures, petit en apparence, mais grand en verité & bonté, non sans vne particuliere disposition de Dieu, tomba entre les mains de la Vener. Mere Galiothe, depuis son retour au Monastere de l'Hospital: ce Liure

Ibi fœda;
tibi pul-
chra no-
stra con-
spicimus.
Greg.

Mag. lib.
1. Moral.
cap. I.

90 LA VIE DE LA VENER. MERE
composé par vn Pere de la Compagnie de
Iesus, traittoit de la Passiō du Fils de Dieu,
qui est le principe de tout nostre bon-
heur, & l'exemple sur lequel nous deuons mou-
ler les actiōs de nostre vie, & ce qui est fort
profitable, apprenoit comment il la falloit
mediter : iamais hōme desirieux d'appren-
dre quelque science, rencontrant quelque
Liure qui en traite, & qui a dequoy estan-
cher cette grande soif qu'il a d'apprendre,
ne l'a leu avec tant d'auidité cōme elle leur
affectueusement ce Liure, qui luy represen-
toit viuement l'amour infiny de son Bien-
aimé, & qui luy apprenoit le moyē des'en-
flammer en son amour, pour luy rendre le
reciproque, enquoy consistoit le principal
de ses desirs; & cōme cette lecture n'estoit
pas pour assouuir sa curiosité, ains pour s'a-
uancer au seruice de Dieu, & se perfection-
ner en son amour, le fruit que son ame en
retira fut incomparable, car depuis cetēps-
là, comme si les sensibles douleurs de son
amoureux Sauueur eussent esté imprimées
dans son esprit, elle ne pouuoit penser à au-
tre chose, cette pensée estoit l'occupation
ordinaire de son ame, & d'icelle naissoient
en son cœur des merueilleuses affectiōs
de compassiō. Mais il vaut mieux que nous
apprenions le fruit admirable qui luy re-

GALIOTE DE S^{te} ANNE. Liu. I. 91
uint de cette lecture. Par ce qu'en a escrit
dans sa relation la R. Mere Françoisse de
saincte Claire, Religieuse fort vertueuse, &
Abessie tres-digne du Monastere qui est à
Tulles, de l'Ordre tres-reformé de saincte
Claire, l'ayant appris de la bouche de celle
dont nous parlons, lors qu'elle estoit dans
ce Monastere de Tulles, pour la raison que
nous dirons cy-apres : voicy ses paroles,
que ie rapporte fort volôtiers en leur naïf-
ueté. Voicy ce que *señe Madame de l'Hospital*
me dist des moyens que Dieu s'estoit seruy pour la
destacher des affections des choses de la terre.
Premierement elle auoit de bonnes inclinations
à pratiquer les Vertus morales & Chrestiennes,
mais que personne ne l'auoit instruite à l'Oraison
mentale, ny ne sçauoit point faire son examen de
conscience le soir, ny aucun autre exercice de de-
uotion, neantmoins elle auoit vn grand desir de
les sçauoir : On luy donna vn petit Liure qui
traittoit de la Mort & Passion de nostre Sei-
gneur, elle y trouua tant de goust, qu'elle ne se
pouuoit lasser de le lire plusieurs fois, avec de grã-
affections de compassion, & ne pouuoit penser à
autre chose qu'aux douleurs que son bien-aimé
Seigneur auoit souffert pour l'amour d'elle, ce qui
la porta à faire de fortes resolutions de changer de
Vie, & d'aspirer à ce qui estoit le plus parfait,
mais elle estoit confuse en son esprit, ne sçachant

92 LA VIE DE LA VEN. MERE
quel chemin elle pourroit prendre pour suivre les
traces de son amoureux & douloureux Sauueur,
& demeura quelque temps en cét angoisseux des-
sir, & le saint E. Esprit, son digne & souuerain
Maistre, versa dans son ame de grandes graces de
deuotio, & la cōduisit dans la pratique d'vn baur
c'egre d'Oraison, lors qu'elle me le racontoit, ie
croyois que le plus experimenté Theologien ne
pouuoit en dire dauantage. Ce sont les
paroles de cette bonne Religieuse, qui en
peut parler avec toute assurance, ayant
esté celle qui la conduisoit lors qu'elle se-
journa dans ce Monastere de Tullés, pour
se former en la vie Reguliere. Paroles qui
suffisient pour descouurir le profit ineffable
qui reuint à son ame de la lecture de ce Li-
uret.

CHAP. XII.

*Elle commença à communiquer avec des
Religieux, & du profit que luy ap-
porta cette communication.*



Es Escriuains, qui en diuers sie-
cles ont employé, ou plustost
perdu leur téps, & leur trauail à
raualier & decrier la cōduite &
directiō des ames qui s'adōnent à la prati-

que de la vertu par des Religieux, se font monstrez trop interessez en cete affaire, & n'ont pas seulement interessé vn grand nombre d'ames, qui iusqu'à present ont cheminé avec assurance à la perfection, sous le bon-heur de semblable conduite & direction, ains aussi toute l'Eglise, qui a reçu & reçoit par cette voye en ses membres, vn indicible profit: il est assuré qu'il se trouue assez bon nombre de Prestres seculiers, qui à raison de leur bonne vie, & science suffisante, sont fort capables de conduire & diriger les ames, & qui s'en acquittent dignement: mais aussi est-il tres-certain que le nombre de ceux qui s'estans retirez du monde, & consacrez à Dieu par vne profession qui les separe & affranchit de tous les allechemens de la vanité, ont acquis, avec la grace de Dieu, qui decoule plus abondamment sur les Cloistres, les conditions qui sont necessaires pour vne occupation si importante & difficile, est sans cōparaison plus grād, & pour le nier, il faudroit, ou n'auoir point de cognoissance, & ignorer ce que les plus ignorās cognoissent, ou prédre plaisir à contredire & desauouer ce qui est auoué presque vniuersellement. Aussi s'est-il veu de tout temps, & voit-on encore à present, à la confusion de

94 LA VIE DE LA VENER. MERE
ceux qui sont ennemis de la conduite, &
de la direction des Religieux, que les ames
qui ont fait des progres incomparables en
l'amour de Dieu & en son seruice, ont esté
pour l'ordinaire conduittes & dirigées par
eux. De ce nombre a esté la Vener. Mere
Galiote, qui ayant par vn bon-heur singu-
lier rencontré des Religieux, & commu-
niqué les secrets de son ame avec eux, y
trouua tant de goust pour l'vtilité admirable
qui luy en reuenoit, qu'elle mit son
ame entre leurs mains, sans chercher d'autre
conduitte que celle des Religieux, qui
mesmes, comme nous verrons, l'assistè-
rent iusques à ce qu'elle eust rendu le der-
nier soupir : Mais reprenons cecy d'vn
peu plus haut; ous auons dit comme ayant
accepté le Prieuré de Fieux, & s'y estant
retirée sous l'esperance qu'elle auoit con-
ceüe de trouuer vn Pere spirituel qui fust
capable de la conduire, n'en ayant point
eu iusques alors, elle fit rencontre d'vn
Chanoine de Rocamadour, homme de
bonne vie, qui luy conseilla de Commu-
nier tous les mois, & qui fit vn grand pro-
fit à son ame, quoy qu'il ne luy apprist
pas l'exercice de l'Oraison mentale, n'y
ayant pas esté luy-mesme instruit; ce qui
n'est pas nouueau, ce sublime exercice n'e-

stât pas beaucoup commun. Apres cét heureux rencontre, duquel elle fit si soigneusement son profit, Dieu luy en procura vn second, qui fut celuy du Liuret spirituel, qui luy imprimant dans l'ame la Passion de son bien-aimé Sauueur, luy en donna si grand ressentiment, qu'elle prit resolution de la mediter, & de faire doreſnauant vne heure d'oraison tous les iours; mais cōme les preceptes que donnoit ce Liure, & la methode qu'il enseignoit estoient communs, & pour tous, cōme aussi le Liuret estoit cōposé pour tous, quoy que, comme il a esté dit, elle receust par son moyen de grandes affections de compassion, des sentimens fort releuez, & vn gouſt particulier à la pensée des douleurs de son Espoux; si n'en receuoit-elle pas vne pleine instruction, ains demeueroit confuse en son esprit, ne ſçachant à quel chemin se determiner. En fin Dieu qui luy alloit donnant petit à petit ce dōt elle auoit besoin pour enflammer dauantage son desir, acheua d'y mettre la derniere main, & luy donna ce qui luy estoit necessaire pour sa conduite, luy adressant des Religieux, de la communication desquels elle profita merueilleusement. Le Reuerend Pere Bernard de ſainct Ioseph, enuoyé d'Italie en France pour y jeter les fondemens de la


versoit à cette occasion letesmoignoient assez. Quelque temps apres ce bon-heur, Dieu luy en suscita vn autre, capable de satisfaire aux desirs qu'elle auoit eu iusques alors : Les Reuerends Peres Iesuites, Religieux de cette Compagnie si celebre, & qui tient avec tant de fidelité compagnie à Iesus, en ce qui concerne le salut & auancement des ames, pour lesquelles il a respan-du son sang infiniment precieux, vindrent à Racamadour pour rompre le pain de la parole de Dieu aux petits, durant la sepmaine Sainte, & par la representation des souffrances que le Fils de Dieu a endurées pour sauuer les ames, les émouuoir à la penitence & repentance des offences commises cōtre vn si amoureux Seigneur, & les disposer par ce moyen à recevoir son sacré Corps, & son Sang precieux autres-auguste Sacrement : Sçachant leur venuë, & son cher frere, dont nous venōs de parler, apres auoir sçeu les desirs qu'elle auoit de réconrrer quelqu'vn qui gouernast son ame, & la dirigeast au chemin de la perfection, luy ayant conseillé de faire choix pour cēt effect de ces bons Religieux; elle ne manqua pas d'y aller pour se confesser à eux, & communiquer des affaires de son ame avec eux, amenant (pour n'estre pas seule en la

98 LA VIE DE LA VENER. MÈRE
jouissance de ce bon-heur) bon nombre
des ieunes Religieuses de son Monastere,
pour tascher à commencer de leur faire
gouster la vertu & la spiritualité. Ces Reli-
gieux ayans traitté avec elle, & recogneu
les graces excellentes que Dieu auoit mises
en son ame, n'eurent pas grande peine à luy
persuader la vertu à laquelle elle estoit des-
ja tant affectonnée: Aussi peu en eurent-ils
à luy prescrire ce qu'ils iugeoient luy estre
conuenable, car elle y estoit allée avec re-
solution genereuse d'exccuter tous les con-
seils qu'ils luy donneroient. Ils luy ordon-
nerent, entre autre chose, des'approcher
du Sacrement tant auguste, tous les huit
iours, comme sçachans tres-bien l'vtilité
grande qui naist de la frequente reception
de ce Pain de vie, qui fortifie les ames pour
marcher courageusement dans le desert de
ce monde, iusques à ce qu'elles soient arri-
uées à la môtagne de Dieu: elle en demoura
fort contente, quoy qu'elle fust grandemēt
estonnée, & bien dauantage ses compa-
gnes, d'ouir parler d'vne chose qui leur
estoit si nouuelle, & de laquelle personne
ne leur auoit encore parlé. Elle préuoyoit
assez qu'accomplissant ce conseil, & faisant
en sorte que celles qu'elle auoit amenées
avec elle l'accôplissent, les murmures se-

GALIOTE DE S^{te} ANNE. LIU. I. 99
roient bien tost en campagne, & qu'on ne
manqueroit pas de trouuer à scindiquer
cette nouueauté, quin'estoit telle qu'à cau-
se du peu de regularité qu'il y auoit en ce
monastere, mais cela ne l'épouuenta point,
car elle auoit cette grace particuliere de
Dieu, & l'a eue toute sa vie, que lors qu'elle
entreprenoit quelque chose pour la gloire
de Dieu, tous les murmures & toutes les
cōtrarictes qui pouuoient s'éleuer, de quel-
le part qu'elle procedassent, luy estoient
de peu de poids, & ne pouuoient pas l'em-
pêcher d'en venir à bout, tant elle auoit de
constance en ses resolutions. Ce conseil
ne fut pas seul donné par les Religieux qui
traitta avec elle, il luy en donna plusieurs
autres, lesquels elle accomplit si fidele-
ment qu'elle n'en obmit pas vn.

CHAPITRE XIII.

*Elle commence à faire les exercices spirituels
avec grand profit, & de l'estime grande
qu'elle conçoit des exercices.*

 ELVY qui a écrit la vie du B. Louys
Gonzague s'est montré fort iudi-
cieux, remarquant entre les cho-
ses qu'il a iugées dignes de louange en
cette belle ame, l'estime grande qu'elle
faisoit des exercices spirituels, car cette

100 LA VIE DE LA VENER. MERE
estime ne peut prouenir d'autre racine que
d'une singuliere affection à la perfection;
puis que les exercices sont comme la four-
naise, dās laquelle les ames impures & im-
parfaictes se purifient & se deschargent de
leur rouille, & celles qui sont pures s'ornēt
& s'embellissent: ils sont pour les Naamans
infectez de la lepre contagieuse du peché,
des Iourdains, ou suivant le conseil de leur
directeur, ils sont nettoyez de leur infe-
ction, & pour les grandes ames qui com-
me Elie, pour éviter la rage de la chair, sont
entrées dās le desert du mespris de tout ce
qui est passager, ce sont des montagnes
d'Oreb, sur lesquelles elles voyent Dieu
dās le doux Zephir d'une paisible tranquil-
lité: Bref c'est dans les exercices que se
fait le desirable renouvellemēt d'esprit, par
la deposition du vieil Homme, & de ses ap-
pānages, & le reuestemēt du nouveau, qui
est creé selon Dieu en Iustice, & en verité.
Aussi le S. Pere Paul cinquieme, d'heureu-
se memoire, a estimé les exercices spirituels
d'une si grande vtilité pour les fideles, que
pour les attirer à les faire, il a donné indul-
gence pleniere à tous ceux qui les feroient
au moins l'espace de dix iours. Que s'il y
a sujet de louer quelqu'un pour auoir gran-
dement estimé cette occupatiō spirituelle.

GALIOTE DE S^{te} ANNE. Liu.I. 107
celle dont nous escriuons la vie, merite vne
louange particuliere, car apres qu'on luy
eut parlé de ces exercices, & qu'estant in-
struite elle eut commencé à les faire, outre
le profit admirable qu'elle y fit, elle en con-
ceut vne estime aussi grande qu'il s'en puis-
se imaginer. Pour mieux déduire le tout, il
faut retourner vn peu à la communication
qu'elle eut avec les Peres de la Compagnie
à Rocamadour, en laquelle conformément
à l'affection que ces bons Religieux ont à
rendre familiers les exercices, affection
qu'ils ont heritée de leur glorieux Pere &
Instituteur saint Ignace, qui les a mis en
vogue par la riche methode qu'il leur a
donnée, ils luy parlerent de ces exercices,
luy descriuans la façon qu'on garde à les
faire, sans oublier le principal, qui est le
fruit que les ames recueillent en iceux: ce-
la luy agreea beaucoup, & iugeant que ce
seroit le moyen d'introduire du regle-
ment en son Monastere: peu de temps
apres cette communication, elle écriuit
au R. Pere Recteur du College de Cahors,
le suppliant de luy faire la charité d'en-
uoyer vn Pere de ce College en son Mona-
stere, pour luy apprendre, & à quelques-
vnes de ses Religieuses, les exercices spiri-
tuels, ce qu'il luy accorda, enuoyant deux

102 LA VIE DE LA VENER. MERE
Peres, qui demeurerent vn mois en cette
Maison pour instruire les Religieuses aux
choses spirituelles, desquelles elles estoient
fort ignorantes. Quand elle reçut la nou-
uelle que sa demande estoit accordée, &
qu'elle fut assurée qu'ils viendroient, la
joye qu'elle en reçut ne se peut dire, elle
remonstra aussi-tost aux Religieuses, qu'elle
commençoit desjà d'attirer insensiblement
par son exemple, à ce qu'elle acheua du
depuis, reformant cette Maison, la grande
grace que Dieu leur faisoit à toutes, leur don-
nant le moyen de faire les saints exercices,
& qu'il ne tiendrait qu'à elles qu'elles n'eus-
sent la cognoissance de sa sainte volonté:
car (disoit-elle) de viure tousiours dās l'im-
perfection, comme nous auons fait iusques
à present, ce seroit nous perdre, adjou-
tant que pour elle, elle vouloit changer
de vie tout à fait, & que celles qui la
voudroient suiure, elle les receuroit vo-
lontiers, neantmoins qu'elle ne vouloit
contraindre personne, paroles qui furent
les premieres semences de sa Reformation.
Elle entra donc en ses premiers exercices,
& les fit avec vne ferueur, & vne ponctua-
lité à executer ce que ses directeurs luy com-
mādoient, tout à fait admirable, & la facilité
avec laquelle elle faisoit l'Oraison men-

GALIOTE DE S^{te} ANNE. Liu. I. 103
tale estoit telle, qu'il sembloit qu'elle eust
pratiqué toute sa vie l'exercice de cette
Orailon: l'ay recourré vn papier écrit de
sa main en ses premiers exercices, comme
ie croy, où elle mettoit les lumieres que
Dieu luy donnoit, les affections qu'elle en
tiroit, & les resolutiōs qu'elle faisoit, letout
fort brieffuement; ie l'insereray icy pour le
profit du Lecteur, imitāt en cela l'Escruiain
de la vie du Bien-heureux Gonzague, qui
au Chapitre allegué, a rapporté ce qu'il a
pū recouurer de ce que ce braue Religieux
écriuit faisant les exercices des sentimens
que Dieu luy donnoit.

Lumieres.

*Grande folie de suivre ce qui me nuist à l'heure de
la mort. Mener vne telle vie, que nous voulōs
estre nostre mort. Se souuenir d'icelle, pour
y estre preparez.*

Affections.

*Douleur d'auoir si follement vescu. Desir d'ac-
querir des vertus, de souffrir des tourmens, &
faire penitence.*

Propos.

*De n'offencer Dieu volontairement pour chose
du monde. De perséuerer iusques à la mort
à l'acquisition des vertus, & à souffrir
pour l'amour de Dieu ce qu'il luy plai-
ra.*

Lumieres.

*L'on ne peut éuader le iugement de Dieu, il est ir-
renocable & iuste, rude, & terrible aux
mal faicteurs.*

Affections.

*Faire penitence, & accuser librement mes fautes,
suiure les vertus des Iustes, me spiser mon
propre iugement.*

Propos.

*De ne faire cas du faux & temeraire iugement
du monde.*

De fuir les choses qui offensent Dieu.

*Faire tout ce qui sera pour la plus grande gloire du
iuste Iuge.*

Lumieres.

*Digne de la mort eternelle. Beaucoup receu de
Dieu. Ingratitude à luy rendre.*

Affections.

*Douleur & tristesse. D'amour & de remercie-
ment. Honte & confusion.*

Propos.

*D'amendement. D'imiter nostre Seigneur. De
bien faire à vn chacun.*

Lumieres.

*Auoir offensé Dieu griefuement. Au iugement
qu'il en faudra rendre compte. Vne folie de
n'y songer avec douleur.*

Affections.

De crainte d'auoir tant offensé Dieu. Desir de

GALIOTE DE S^{te} ANNE. Liu.I. 105
souffrir & pastir, d'acquérir des vertus.

Propos.

De faire penitence, de me mortifier en mon propre
iugement, & repousser la crainte du monde
le plus qu'il me sera possible, me communiquer
facilement, clairement, avec humilité, obes-
sant ioyeusement à toutes.

Lumieres.

Les pecheurs ont Enfer pour leur logis, leurs peines
sont inexprimables & eternelles. Je les ay
meritées par mes pechez.

Affections.

Honte & confusion de mes mesfaits. Admi-
ration de la grandeur & puissance de Dieu.
Amour & actions de graces de m'auoir to-
lerée & garantie de ces peines.

Propos.

D'amender ma vie. Faire penitence, souffrant les
maux & incommoditez de cette vie ioyeuse-
ment. Me pruer de toute sensualité à mon pos-
sible, aimant mon Seigneur pour luy obeyr en
toutes choses.

Iusques icy, sont ses paroles desquelles
l'on peut bien voir de quel pied elle mar-
choit dans la retraite des exercices: mais
qui pourra dire l'utilité qui luy en reuint?
elle le donna clairement à cognoistre apres
qu'elle en fut sortie: car sa conuersation res-
sembloit plüstoit à celle d'un Ange qu'à

106 LA VIE DE LA VENER. MERE
celle d'une creature chargée d'un corps
mortel, donnant sujet d'admiration à ceux
qui luy voyoient pratiquer les vertus, tant
elle les pratiquoit fidelement & parfaite-
ment: elle y prit un tel gouft à l'Oraison
mentale qu'après ses exercices elle s'y
addonna entierement; si que pour l'ordi-
naire elle en faisoit trois ou quatre heures
auant que les Religieuses fussent leuées,
comme nous dirons plus amplement trait-
tans de son Oraison. En fin elle y conceut
une si grande estime de cette sorte de re-
traite; & en fin du depuis un tel estat, qu'elle
ne laissa passer aucune année de sa vie,
sans appeller ces bons Religieux, & faire
sous leur conduite les exercices, faisant en
sorte que les Religieuses qui s'estoient mi-
ses de son party, les fissent aussi: estime qu'elle
conserua iusques à la mort: à trois mois
de laquelle (quoy que toute malade) elle se
mit en deuoir de les faire, & comme ses
Directeurs ne le iugerent pas à propos du-
rant sa maladie, elle voulut que ses filles les
fissent & iouyssent du bon-heur, duquel sa
maladie ne luy permettoit pas de iouyr.

CHAPITRE XIV.

La vie excellente qu'elle menoit en ce temps, tirée d'un Papier escrit de sa propre main.

ENcore que pour cognoistre le profit qu'une ame a fait durant le temps qu'elle s'est retirée pour s'occuper aux exercices spirituels, il faille prendre garde à la conuersation qu'elle a aussi tost qu'elle en est sortie: si est-ce neantmoins que cela n'est pas suffisant pour en donner vne asseurée cognoissance: car de ceux qui se retirent pour faire les exercices, il est certain que tous n'y profitent pas également, & que mesme il y en a qui n'y profitent point, & neantmoins on en void fort peu, ou point du tout de ceux qui les font, qui en leur sortie, & peu apres icelle ne vivent avec quelque sorte de retenue, & ne montrent quelque reformation en leurs mœurs, & s'il s'en trouuoit quelqu'un en qui cela ne parust, on le reputeroit pour un prodige d'endurcissement: il faut donc outre cela considerer s'il y a de la perseuerance, & constance dans l'exécution des resolutions qu'on a conceuës, & dans la pratique de la vertu: car si cela se trouue, on

108 LA VIE DE LA VENER. MERE
peut dire avec assurance que cette amie
n'a pas perdu le temps durant lequel elle
s'est renfermée: ains qu'elle l'a employé
tres-vtilement. C'est cette seconde mar-
que du fruit que la Venerable Mere fit en
ses exercices, que ie veux donner plain-
ement en ce Chapitre, representant la vie
excellente qu'elle mena du depuis, & ce
par ses propres paroles: ainsi qu'elle mes-
me (non sans providence de Dieu) les a
écrites dans vn papier, qui m'a esté mis en-
tre les mains, & qui pour n'auoir pas esté
conserué, estant quelque peu deschiré, ne
me permettra pas de les transcrire & inse-
rer icy avec autât d'integrité, comme i'eusse
bien desiré, voicy le contenu naïfvement.

De la maniere que ie me suis proposée de seruir

Dieu moyennant sa grace, & l'aduis de mon

Pere spirituel.

Ie veux tascher de l'aimer & seruir, &
dresser toutes mes ceuures pour l'amour de
luy, & de l'amour qu'il m'a porté, & me
porte, & non pour crainte des peines
d'Enfer, ny pour l'esperance de la gloire
de Paradis. Ie communieray tous les Di-
manches, & les Festes de nostre Dame,
le iour de saint Iean Baptiste, le iour
de tous les Saints, & les Festes de sainte
Croix, vn iour deuant i'examineray ma

GALIOTE DE S^{te} ANNE. Liu. I. 109
conscience le mieux qu'il mesera possible,
& auray grâde douleur d'auoir offensé mō
Dieu, & proposeray de m'amender, & con-
fesseray entierement tous les pechez qui
me seront cognus, à la commodité de mon
Pere spirituel. Je me leueray entre trois &
quatre heures, ou plustost si ie m'éueille, &
employeray vn quart d'heure ou enuirō à
faire mon examen, & deux heures en ma
meditation; & si l'heure de commencer
l'Office n'est venuë, i'employerai ce temps
à escrire, ou à lire des bons liures spirituels;
& n'en iray si deuotieuſemēt que ie pour-
ray dans l'Eglise saluër le tres-sainct Sa-
crement, & diray mon Office debout, ou
de genoux, comme i'ay accoustumé, & n'y
manqueray, sinon qu'il me fut commandé
par ma Superieure, ou que ie fusse malade,
en sorte que ie fusse cōtrainte de le faire. Je
diray le Rosaire à l'heure la plus commo-
de, me souuenant de la Meditation de ce
iour là. Je seray fort deuote à la Vierge
Marie. Je seray mon Oraison apres Ves-
pres l'espace d'vne heure, & si i'ay abbrege
l'Oraison du matin, i'y demeureray d'auā-
tage le soir, & m'iray coucher assez de
bonne heure ee temps
lors que ma Superieure y sera, ou bien que
ie fusse occupée pour quelque bon sujet,

110 LA VIE DE LA VENER. MER
ou que i'eusse trop dormi le matin, en sorte
que ie n'eusse pas eu assez de tēps pour fai-
re mon oraison: car en ce cas ie veillerois
plus, bien que ce fust outre ma. volonté.
Pour mes petites penitēces i'en feray plus
que ie ne diray cy-apres, si mon Pere spiri-
tuel me le cōmande: ie ieusneray les Mer-
credy, Vendredy, & Samedy, ne mangeāt
ceufs, ny fourmage, sinon qu'il me soit cō-
mādē par ma Superieure, ou Pere spirituel.
Je feray collation le soir avec du pain lors
que ie cōnoistray que i'ē auray besoin seu-
lemēt, ou quelque peu de fruiēt en Estē, sās
pain. Pour les autres iours, ie ne mangeray
que le moins de chair qu'il me sera possi-
ble, & n'en mangerois point du tout par
ma volonté: mais voyāt que i'en inquiete-
rois ma Superieure, & d'autres Religieu-
ses, & ferois murmurer ceux qui me ver-
roient, i'en prendray comme par peniten-
ce, & pēsant que Dieu le veut ainsi. Je ieus-
neray le Carefme au pain & à l'eau, com-
me i'ay defia fait deux années; & m'a esté
permis de ma Superieure, & Pere spirituel;
& prendray trois fois la sepmaine la disci-
pline, & durant toute l'année deux fois: si-
non que ie n'en pūsse pas auoir la commo-
dité sans estre veuē: car en ce cas ie la lais-
serois, & prendray lors la hayre, la-

GALIOTE DE S^{te} ANNE. Liu. I. III
quelle ie porteray suiuant le Conseil de
mon Pere spirituel , ne sçachant en-
core que c'est. Pour le coucher, ou lin-
ge, le ne puis faire sinon comme i'ay
accoustumé, pour auoir à ma chambre
plusieurs personnes qui me verroient; &
ie ne me puis persuader que ie le doie
vouloir. I'iray habillée le plus simple-
ment que ie pourray, ou qu'il me sera per-
mis à mon estat, sans toutesfois porter or
ny argent en bagues ou Chappelets, ny
soye, comme i'ay accoustumé, que le
moins qu'il me sera possible, ny autre
chose superflüë que ie pourray retran-
cher. Ie hairay les mauuaises compagnies,
les mensonger, & discours friuoles, ou
paroles otieuses & inutiles, ou qui me
peuuent prouoquer à rire, & les fuiray tant
qu'il me sera possible, & quand ie ne
pourray i'en auray regret & desplaisir. Ie
tascheray de tenir en bonne paix mes Re-
ligieuses, & ne leur montreray plus d'a-
mour aux vnes qu'aux autres, que i'en
puisse auoir cognoissance, & les inci-
teray au seruice de Dieu avec gran-
de deuotion le plus que ie pourray,
megardant toutes-fois de les trop con-
traindre, ains venant peu à peu
par amour & d'harité, & auray soin

112 LA VIE DE LA VEN. MERE
que les domestiques ou autres ne blasphem
ment Dieu, ou ses Saints, les reprenant par
amour, & le plus doucement que ie pour
ray, les incitant d'honorer, prier, & seruir
Dieu. Je tascheray de me resiouyr autant
ou plus des aduersitez & fieux, que des
prosperitez ou plaisirs, qu'il plaira à Dieu
de m'enuoyer, ie luy demanderay iournel
lement cette grace, avec la cognoissance
de sa volonté, pour la parfaire en tout &
partout, si ie ne puis du tout en effect, ma
volonté y sera fort affectionnée, & à medi
ter la vie & mort de mon Sauueur. Je de
meureray en solitude tât qu'il me sera pos
sible, ou qu'il me sera permis. Je fuiray tant
que ie pourray la conuersation & compa
gnie des mondains, & lors qu'il faudra que
ie m'y trouue, ie parleray peu, & prieray
Dieu dans mon cœur eleuant souuent
ma pensée à luy, qu'il me garde de l'offen
ser, & qu'il luy plaise me deliurer de cette
captiuité, qui desplaist tant aux yeux de
Dieu, me faisant finir mes iours dans vn
Monastere pauvre & bien reglé, là où ie luy
puisse rendre vne partie de ce que ie luy
doibs; & que ie luy ay promis, commen
çant de faire penitence pour mes pechez
qui ont causé tant de martyres, & la
mort de mon doux Sauueur, le plus sage
de tous,

GALIOTE DE S^{te} ANNE. Liu. I. 113
de tous, & tous mes desirs. *Pax Christi.*

Voila le contenu de cét escrit dans lequel on peut remarquer avec vne candeur & naïfueté admirable, des sentimens d'une parfaite humilité, & duquel le Lecteur tant soit peu iudicieux, tirera aussi tost combien estoit excellente sa vie, & sa conversation, puis qu'elle estoit tissue des actions des plus releuées vertus: vie qu'elle menoit en ce temps qui preceda la resolution que Dieu luy inspira de reformer sa maison, auquel elle ne pouuoit pas auoir plus de vingt ans, ce que ie collige clairement par la teneur du mesme écrit: Premièrement, parce que en plusieurs endroits elle faict paroistre qu'elle se regloit en ses actions par la Superieure de l'Hospital: ce qui n'est pas croyable qu'elle aye faict depuis qu'elle eut entrepris la reformation à laquelle cette Superieure a monsté tousiours de l'aersion, & de laquelle par consequent elle l'eust destournée, si elle se fust réglée par ses volontez. En second lieu, pour autant que sur la fin elle tesmoigne vn grand desir de mourir dans vn Monastere pauvre & bien réglé: desir qu'elle tascha de mettre en execution auant sa reformation pourchassant d'estre receuë dans l'Ordre tres-pauvre, & tres-austere de

114 LA VIE DE LA VEN. MERE
saincte Claire, & lequel elle quitta par le
conseil de ceux qui auoient du pouuoir sur
sa volonté, pour donner place à celuy que
Dieu luy donna du depuis de remettre la
regularité & perfection dans son Monaste-
re. Il appert donc qu'elle viuoit si excel-
lemment depuis ses premiers exercices
en cetemps icy. Que si on met en auant
qu'elle parle de ses Religieuses, desquelles
elle se propose d'auoir vn soin que peut
auoir vne Superieure tres-parfaicte, d'où
semble s'ensuiure qu'elle auoit desia com-
mencé sa reformation: ie respons qu'elle
estoit coadiutrice de l'Hospital, & qu'en
cette maison il y auoit desia des Religieu-
ses qui par la suauité & bonne odeur de sa
conuersation si parfaite, estoient attirées à
courir à son imitation apres les onguens
odoriferans de leur celeste Espoux, & les-
quelles elle commençoit de former à ce
pourquoy elles'en deuoit seruir par apres.

CHAP. XV.

*Dieu l'exerce en ce temps par des tra-
uaux & afflictions corporelles fort
sensibles, dans lesquelles elle se compor-
ta tres-vertueusement.*



A vie des ames qui font profes-
sion de seruir Dieu parfaitemēt
& de luy adherer intimement,
n'est iamais en vn mesme estat
pour le regard des consolations & des af-
flictions: ains comme le Sage dit, que les
generations sont en vne vicissitude conti-
nuelle, l'une passant, & l'autre prenant sa
place pour la laisser par apres à vne autre
qui suruiendra: ainsi en est-il des consola-
tions, & des afflictions, elles vont s'entre-
succedans l'une à l'autre, & les consolatiōs
s'éuanoüyssans, laissent la place aux tra-
uaux & aux afflictions qui à leur tour la
laisseront à l'allegresse qui suruiendra. Car
Dieu (dit vn S. Euef.) ne permet pas que les
tribulatiōs de ses seruiteurs soiet cōtinuel-
les; aussi peu souffre-il que leurs cōtētemēs
durent tousiours pendant cette vie: ains il

Neq. tri-
bulatio-
nes, neq.
iucunditi-
tates finit
habere
cōtinuas,
sed tum
de aduer-
sis, tum
ex pro-
speris iu-
storū vi-
tam quasi
admira-
bili va-
rietate
contextit.
*Chrysost.
Homil 8.
in Math.*

116 LA VIE DE LA VEN. MERE
veut que leur vie soit tissüe & composée,
& de consolations, & de souffrances, avec
vne admirable, mais agreable diuersité
La Venerable Mere Galiote a passé sa vie
dans ces vicissitudes & changemens, &
lors que Dieu luy a donné quelque sujet
de consolation interieure, il n'a pas man-
qué de destremper sa douceur dans l'amer-
tume de quelque sensible affliction. Nous
en auons veu desia vn eschantillon lors
qu'elle demeuroit au Monastere de Fieux,
là où pour, payer le singulier contentemēt
que son ame receuoit de se voir dans ce
lieu solitaire & esloigné, où elle n'estoi,
empeschée de personne en ses deuotions
luy suruint cette maladie, qui, comme i'ay
dit, la mena iusques aux portes de la mort,
& apres la maladie, les murmures qui la cō-
traignirent à son grand regret de quitter
vn lieu que son ame trouuoit tant deli-
cieux, & de retourner en celuy auquel elle
auoit vne si grande auersion: en voicy vn
autre qui n'est pas moindre arriué en ce
temps, duquel nous parlons pour tem-
perer la grande consolation que son ame
auoit receüe d'auoir rencontré des Reli-
gieux pour sa cōduite, d'auoir receu d'eux
tant de saintes instructions: entr'autres
d'auoir appris à faire les exercices, & sur

GALIOTE DE S^{te} ANNE. Liu. I. 117
toit, de les auoir faits en la façon desia dite,
& d'en auoir recueilly vn si admirable profit : bref pour auoir commencé à faire
gouster à quelques-vnes de ses Religieuses la vertu,
& la spiritualité, les traux que Dieu luy enuoya pour cét effect furent fort
grands, donc voicy l'occasion. Comme elle alloit vn iour du Monastere de l'Hospital,
où elles'estoit retirée contre son gré, à celuy de Fieux qu'elle auoit quitté, le che-
ual sur lequel elle estoit montée, tomba si mal-heureusement qu'elle se trouua des-
sous, & se desmit vn bras, s'offençant en outre quelque nerf ; ce qui luy causa des dou-
leurs si violentes, qu'elle en auoit souuent de grandes foiblesses : mais toutes ses
douleurs n'empescherent pas qu'elle ne permist volontiers qu'on le luy accom-
moda, & ce avec vne telle patience que durant les plus cuisantes douleurs iamais
autre parole ne sortit de sa bouche que celle-cy, *Mon Dieu, assistez-moy*. Cette in-
commodité fut cause qu'elle demeura plus de six semaines sans pouoir remuer son
bras, ce qui luy donna quelque apprehen-
sion qu'elle n'en fust estropiée le reste de
ses iours, & sur cette apprehension elle al-
loit dans l'Eglise se cacher en vne Chap-
pelle qui estoit proche du tres-sainct Sa-

• 118 LA VIE DE LA VENER. MERE
crement respandant son cœur deuant son
cher Espoux qu'elle y regardoit present
auec les yeux de la foy, & auec abondance
de larmes le suppliant de luy redonner sa
fanté; & comme ses Religieuses qui pre-
noient garde à cecy, furent curieuses de la
coniurer au nom de Dieu, qu'elle leur dé-
couurist le sujet de ses larmes, voicy la res-
ponse qu'elle leur donna. *Helas ne croyez-
pas mes filles, que ie ne me vueille bien confor-
mer à la Volonté de mon Espoux: mais ie pleu-
re quand il me souuiet que ie me voids dans deux
grandes extremitéz: l'une est, que ie suis estro-
piée de mon bras, ie ne trouueray communauté
reformée au monde qui me vueille, ny moins
permettroit-on que ie fusse sans charge de Su-
perieure dans ce Monastere, d'où procede l'autre
extremité, Veu que si ie suis Superieure, que fe-
ray-ie si ie ne puis écrire? Car toute l'assistance
que ie puis auoir des bons Religieux, tant pour
moy que pour les autres consiste vne grande par-
tie par le moyen de mes écrits, puis que Dieu per-
met que nous soyons si éloignés des visites. Tou-
tesfois, mon Dieu, vostre Volonté soit accomplie
en vostre chetifue creature. Voila l'affliction
que Dieu luy enuoya en ce tēps, & dans la
souffrance d'icelle vne patience tout à fait
Religieuse, des sentimens & des intentions
tres-pures, & vne resignation excellente à*

la volôté de Dieu: à quoy il faut adiouster, que comme si ces douleurs n'eussent pas esté suffisantes, pour les accroistre, elle prenoit le bras malade avec le sain, & s'efforçoit autant qu'il luy estoit possible de se discipliner: quelque temps apres cette espreuue, Dieu luy en enuoya vne autre: car il n'en est pas eschars à ceux qu'il aime: elle eut vne defluxion au genouil, & vne enfleure par tout le corps, qui luy donna neuf ou dix iours la fievre continuë: on entra en apprehension pour lors qu'elle ne mourust, & elle-mesme le croyoit: occasion pourquoy elle enuoya querir vn Pere Iesuite pour l'assister: ce bon Pere & le Medecin s'émervailloient de voir avec quelle, & combien grande patience elle souffroit son mal: car quand on luy parloit, on eust dict qu'elle n'en auoit point. Peu de temps apres qu'elle se fut remise de cette maladie, vne nuit, si tost qu'elle se fust couchée, le froid d'un accès de fievre la saisit, avec vne vehemence estrange tout à fait: elle le souffroit sans dire mot, iusques à ce que l'Infirmiere s'éueillast, & l'entendit trembler, autrement elle eust enduré tout son mal sans que personne en eust rien sceu: tant elle prenoit de

120 LA VIE DE LA VEN. MERE
plaisir que personne n'eust cognoissance
de ses souffrances, que celuy là seul pour
l'amour duquel elle les enduroit, & aux
douleurs duquel elle desiroit passionné-
ment de se conformer.

CHAPITRE XVI.

*Elle desire & pourchasse d'estre receue
en l'Ordre tres-austere de S^{te} Clai-
re, mais en est empeschée & comment.*



Nunquā
iustus ar-
bitratur
se com-
prehen-
disse, nū-
quā dicit
satis est,
sed sēper
esurit, si-
ritq; ius-
ticiam,
ita, ut si
semper
viueret,
semper
quācum-
in se est
iustior
esse con-
tēderet.
*Bernar.
in Epist.
ad Gua-
rinū ab-
batem,*

Es lampes de la sacrée dile-
ction sont des lampes de feu &
de flammes (dit l'Espoux dans
son chant nuptial.) Ces lam-
pes sont les ames iustes & saintes, qui
contiennent le feu sacré de l'amour Diuin,
& l'entretiennent avec l'huile de l'humili-
té, & ces lampes sont du naturel du feu &
des flammes, parce que comme le feu est
insatiable, & ne dit iamais c'est assez, aussi
sont ces ames en ce qui regarde leur avan-
cement à la perfection. Iamais (dit l'orne-
ment des Religieux François) elles ne s'ima-
ginēt d'estre arriuées au bout de la carriere,
iamais elles ne disent c'est assez, ains elles
ont vne cōtinuelle faim & soif de iustice, en
telle sorte que si leur vie n'estoit bornée
que de l'eternité qui n'a point de bornes, le
desir qu'elles ont de se iustifier tousiours,

GALIOTE DE S^{te} ANNE. Liu. I. 127
dauantage ne seroit borné que de cette mesme eternité. De ce naturel estoit la Venerable Mere, elle estoit insatiable dans les souffrances, insatiable en l'amour & au seruice de son cher Espoux, insatiable au desir de se donner à luy tousiours avec plus grande perfection: apres auoir rencontré la conduite telle qu'elle la souhaittoit de long-temps, & auoir embrassé sous icelle vne vie si excellente & si parfaite, comme celle que nous auons veu, il sembloit que son desir ardent de se perfectionner deuoit se r'alentir, mais tout cela n'a seruy que comme le souffile au feu pour l'allumer dauantage, & pour faire qu'il volle plus haut. Nous auons veu au Chap. 14. comme depuis ses exercices, l'vne des demandes qu'elle faisoit à Dieu, estoit de la deliurer de l'obligation que luy donoit le peu de reglement qu'il y auoit en son Monastere, de traiter avec les personnes du monde, laquelle elle nomme captiuité, & de luy faire la grace de finir sa vie dans vn Monastere pauvre & bien réglé. Dieu qui quelquesfois inspire à ceux qu'il aime des bonnes & saintes volontez, qu'il ne veut pas neantmoins qu'ils mettét à execution, comme il fit à son cher Abraham, se contentant d'esprouer leur amour & leur obeissance, & puis empeschât

#

122 LA VIE DE LA VENER. MERE
qu'elles ne soient executées, luy inspira de
sortir tout à fait du monde, & d'entrer dās
quelque Religion pauvre & austere. Pour-
quoy faire elle choisit celle de sainte Clai-
re, où la pauvreté & austerité se sont assem-
blées avec vne grande perfection. La pre-
miere cognoissance qu'elle en eut, fut par le
moyen de Monseigneur l'Euesque de Tul-
les, son frere, qui les auoit receuës en sa
ville Episcopale, l'année 1613. en laquelle
elle estoitagée de 24. à 25. ans, & qui luy
raconta la façon de vie que ces bōnes Re-
ligieuses gardoient, cognoissance qu'elle
eut aussi par le moyen de plusieurs autres,
desquelles elle s'informoit, & laquelle en-
gendra dans son ame le desir qu'elle eut
de viure parmy elles, pour l'accom-
plissement duquel elle fit tout ce qui
se pouuoit desirer. Voicy ce qu'en a rap-
porté la Reuerende Mere Abbessé du Mo-
nastere de sainte Claire de Tulles, com-
me elle l'auoit appris de la propre bou-
che de la Venerable Mere, étant sa
Directrice, lors qu'elle demeura dans
ce Monastere pour s'y instruire en la vie
Religieuse, qu'elle desiroit establir en sa
Maison, dans laquelle relation, qui est
tres-sincere, l'on verra les motifs subli-
mes qui la portoient à faire choix de

GALIOTE DE S^{te} ANNE. Liv. I. 123
cette Maison , & les vertus excellentes
qu'elle pratiqua en procurant l'accomplis-
sement de son desir. Voicy les paroles
de la relation. Dans les douceurs de deu-
otion , elle se sentit vivement poussée de quitter
l'Hospital pour se renfermer dans une Religion
où elle ne vouloit avoir soin que de plaire &
aimer son Bien-aimé ; elle demanda & s'enquit
fort de tous les Ordres & regles des Religions,
celuy qui luy agrea le mieux , ce fut de nostre Se-
raphique Mere sainte Claire , & disoit que ce-
luy-là luy conuenoit fort bien ; les austerez
luy sembloient des delices , & disoit qu'aller pieds
nuds , coucher sur la dure , ne porter pas de linge ,
se leuer à minuit , c'estoit imiter & sui-
ure nostre Seigneur : le desir de souffrir la
pressoit de choisir une vie austere , & son pre-
mier dessein fut de venir dans nostre
Monastere le reste de ses iours. Mon-
seigneur l'Euesque de Tulles luy auoit dit
nostre forme de viure ; tous ceux qu'elle
voyoit de ce pays , elle leur demandoit
comme nous viuions , & de nostre regle ,
elle estoit toute resoluë de venir icy tout à
fait se renfermer , mais elle pensa que si elle
venoit en ce pays de Tulles , elle se-
roit trop proche de ses parens , & que ce-
la la pourroit diuertir de l'interieure &
retirée vie qu'elle voudroit entreprendre ,

124 LA VIE DE LA VENER. MERE
elle fit dessein de s'en aller à sainte Claire de
Tholose, elle écrivit plusieurs fois à ces Reue-
rendes Meres de S. Cyprian, leur demanda avec
grande affection d'estre receuë dans leur Mona-
stere: elle prit conseil des Reuerends Peres Capu-
cins & Iesuites, qui luy dirent qu'elle feroit
mieux de reformer son Monastere, que Dieu en
seroit plus glorifié, mais elle résista fort, craignât
que procurant du bien aux autres, elle y perdrait
du sien, mais il fallut qu'elle acquiesçast à ce qu'on
iugeoit estre meilleur. Voila ce qu'a rapporté
cette vertueuse Religieuse, où paroist eui-
demment & le desir ardent qu'elle auoit
conçu de sortir tour à fait du monde pour
embrasser la pauvreté & mortification de
son Espoux, & les motifs releuez qui luy
donnoient ce desir, & le sage conseil qui la
destourna de l'exécution. Mais i'adjouste
que ces bons Religieux ne furent pas seuls
à la retenir en son Monastere, deux autres
y'eurent part, l'un fut Frere Anne de Na-
barat, Religieux de l'Ordre de saint Iean,
Commandeur du Temple d'Aen, Prieur
de saint Iean d'Aix, Vicaire & Visiteur
general des grands Prieurez de saint Gil-
les, & d'Auvergne, dans lesquels sont com-
pris les Monasteres de l'Hospital & de
Fieux, son annexe, qui estant venu faire sa
visite au Monastere de l'Hospital, l'année

GALIOTE DE S^{te} ANNE. Liu. I. 125
1613. en laquelle commença sa commission,
qui dura iusqu'en l'année 1621. comme il a
écrit luy-mesme dans les remarques parti-
culieres qu'il a données de la saincteté de
vie de feuë Dame Sœur Galiothe de sainte
Anne, &c. qui m'ont esté mises entre les
mains, signées de son nom, & scellées de
son sceau, la trouua toute deliberée de quit-
ter tout à fait cette maison: mais luy, voyant
la grande necessité que l'on auoit là d'elle,
luy dist qu'il ne luy permettroit point de
s'en aller, lors avec toute humilité elle luy
proposa les motifs qui la portoient à quitter
tout à fait le monde, luy disant qu'il y auoit
long-temps que Dieu luy auoit donné ce
desir, & qu'elle preuoyoit bien que iamais
elle ne pourroit rien faire dans ce Monaste-
re: mais avec toutes ses raisons, elle ne pût
rien auancer, car le Visiteur luy comman-
da de demeurer pour la reformation. L'aut-
re qui mit la derniere main à cecy fut le R.
Pere Bernard de saint Ioseph, son cher
frere; qui ayant esté informé de sa resolu-
tion, luy escriuit qu'elle feroit mieux, & ren-
droit vn plus grand seruice à Dieu, si elle
s'employoit à introduire vne bonne refor-
mation dans son Monastere, donnant par
ce moyen occasion à plusieurs ames de fai-
re leur salut, & acquerir la perfection; que si

126 LA VIE DE LA VENER. MERE
elle le quittoit & se retiroit dans vn autre
Monastere, pour austere qu'il fust. Doctri-
ne que ce bon Pere auoit apprise de sa glo-
rieuse Mere sainte Therese, qui voyant
le B. Pere Iean de la Croix qui viuoit par-
my les Carmes de l'Obseruace, avec beau-
coup de perfection, sur le point d'execu-
ter le desir que Dieu luy donnoit de se ren-
fermer dās la delicieuse solitude des Char-
treux, & desirant qu'il commençast la re-
formation des R. Peres Carmes Deschauf-
sez, de laquelle Dieu, qui luy auoit fait la
grace de venir glorieusemēt à bout de celle
des Religieuses, luy donnoit de grands de-
sirs, le destourna de sa premiere resolution,
& l'attira à trauailler avec elle par cette
mesme consideration. Ce sont les person-
nes dont Dieu se seruit pour la faire desister
de cette poursuite qu'il luy auoit inspirée,
ausquelles elle acquiesça, quoy qu'elle res-
sentist beaucoup de repugnance, tant son
desir estoit grand, conseruant neantmoins
toufiours vne affection tres-particuliere à
cēt Ordre sacré, dans lequel elle voulut ap-
prendre, comme nous verrons, ce qu'elle
deuoit establis dans le reglemēt de son Mo-
nastere, & passant par Tholose, lors qu'elle
reuint des bains de Caussē, où les Medecins
& ses Superieurs l'auoient enuoyée, elle ne

GALIOTE DE S^e ANNE. Liu. I. 127
manqua pas de visiter les Reuer. Meres du
Monastere de S. Cypria, pour les remercier
de ce qu'elles l'auoient admise en leur Mai-
son: elle leur tesmoigna, comme a rapporté
Sœur François de Beaune, Abbessé de ce
Monastere, en la lettre qu'elle écriuit au R.
P. Bernard de S. Ioseph, du 4. Iuillet de l'ā-
née 1630. le tendre amour & affection re-
ligieuse qu'elle auoit pour toute leur Com-
munauté, & luy estant permis par vn priui-
lege particulier qu'on luy fit, de voir quel-
ques-vnes des Meres, car on ne pût pas luy
donner le contentement d'entrer dans le
Monastere, cōme elle vit le rude habit que
ces bonnes Religieuses portent, & qu'elle
l'eut comparé au sien, elle pensa defaillir.

CHAPITRE XVII.

*Chosie de Dieu pour reformer son Monastere, elle
s'y resout, malgré toutes les contradi-
ctions qu'on luy fit.*



Ntreprendre de reformer vne maisō
Religieuse déreglée, & d'y introduire
l'Ordre & le reglement qui en a esté
bāny, c'est entreprendre vn ouurage tres dif-
ficile, car c'est à la verité vne chose penible
d'animer & encourager des nouueaux sol-
dats à la guerre, mais plus penible, sās cōpa-
raisō, de r'appeller les soldats qui ont tourné
le dos à l'ennemy, leur dōner du courage &
faire reprendre les rangs qu'ils ont laissé. Il

Grav.
quid est
in pugna
tyones
armare,
grauis
autem re-
vocare fu-
giētes ma-
iori eget
studio: ed-
dere quā
conserua-
re sanita-
tem: ita
vix est qui
dubitet
hoc ordi-

ne facilius
ignaros in-
formati,
quam re-
formati
peruer-
fos, *Hilde-
bertus*,
Epist. 6.

Digitus
Dei est
ille subti-
liter ope-
rans⁹ sua-
uiter re-
uocans.
Bernardus
Epist. 96.

est, necessaire d'un soing plus grand pour rendre la santé à celuy qui l'a perdue, que pour la conseruer à celuy qui l'a. Bref c'est vn ouurage beaucoup plus difficile de re- former ceux qui sont dans le desordre, que d'instruire & informer ces igno- rans. C'est vn ouurage de Dieu, c'est son doigt tout-puissant qui en est l'ou- urier, qui seul a le pouuoir ineffable de changer & de renoueler les cœurs avec suauité. Aussi est- ce l'ordinaire de Dieu, de choisir pour semblables ouurages des ames fortes, courageuses, & qui ont genereusemēt postposé toutes choses qui sont capables d'allecher, & asseruir les cœurs humains à son seruice & à sō amour, cōme il se peut re- marquer à l'œil en ces derniers siecles, aus- quels par vne providence admirable, lors que les ennemis des Ordres Religieux, qui ne souhaitent que leur ruine sont en plus grand nombre, la plus grand' part de ces Ordres se sont remis, & refleurissent plus que iamais. Ce grand Dieu qui auoit desti- né dans son eternité la Venerable Mere Galiote pour commencer la reformation de l'Ordre des Religieuses de saint Iean par le Monastere de l'Hospital, l'alloit dis- posant petit à petit par les graces admira- bles qu'il versoit en son ame, & par les ver-
rus

GALIOTE DE S^{te} ANNE. Liu. I. 129
tus heroïques dont il luy donnoit l'affec-
tion, & la force pour les pratiquer : En
fin l'ayant par ses seruiteurs destournée
de sortir de cette Maison pour entrer dans
vne plus austere & tres-bien réglée, com-
me il a esté dit, il luy donna le courage d'en-
treprendre ouuertement de reformer la
Maison où elle auoit esté premierement ve-
stüe, où elle auoit fait profession, & où elle
auoit vescu iusques alors avec tât de vertu :
mais afin qu'on voye combien cette entre-
prise estoit courageuse, & combien elle
auoit besoin en icelle d'estre fortifiée de
celuy qui la luy auoit inspirée, represen-
tons quelque chose de l'estat de ce Mona-
stere: c'estoit vn lieu où toutes sortes de per-
sonnes frequentoient, & où toutes les mō-
danitez, & toutes les recreations que les
mondains desirent, auoient entrée, les
Religieux n'y frequentoient point, les Li-
ures spirituels y estoient si peu en vsage,
que mesme pour apprendre à lire aux ieu-
nes filles, on se seruoit de Liures prophane-
s, il n'y auoit ny obseruances ny
regles, dequoy l'on ne s'estonnera point,
si l'on considere qu'il y auoit cinquante-
quatre ans que les Superieurs ne l'auoient
visité: car il est vray, que comme l'œil du
maistre, qui (comme on dit) engraisse le

troupeau , venant à luy manquer , il s'amaigrit & perd son embon-point ; de meſme les viſites , qui ſont l'œil des Superieurs , manquans long-temps aux compagnies Religieuſes , elles dechoient bien toſt de leur perfection , & ſe laiſſent emporter facilement à l'inobſervance , & au deſreglement. Voila l'eſtat de cette Maiſon , repreſenté en peu de paroles par le Viſiteur general , dans le memoire dont j'ay deſia parlé , lors qu'il dit qu'il trouua les Superieures & Religieuſes viure ſans regle , & ſans voile noir , en forme de ſeculieres ; l'entrée & iſſuë du Monaftere commune à toutes ſortes de perſonnes ſeculieres : Tellement que l'on peut dire que la Venerable Mere paroiſſoit dans cette Maiſon comme vn Lys entre les eſpines , ou ainſi que parle Sainct Baſile de Seleucie de Noé , comme de l'or éclatant dans la fange , ou comme vn threſor renfermé dans vn tombeau ; car touſiours les affections de ſon ame ſe portent à la vertu , touſiours ſes actions furent occupées en la pratique d'icelle : elle viuoit ſpirituellement en vn lieu d'où la ſpiritualité ſembloit eſtre bannie , elle eſtoit reglée au milieu du deſreglement , &

Tanquam
aurum in
ceno ful-
gurans, &
vittutum
theſaurus
intumulis
graucolē-
tibus ab-
ſtruſus o-
ratione in
Noémū.

GALIOTE DE S^{te} ANNE. Liu. I. 131
non contente de s'avancer depuis qu'elle eut le bon-heur de rencontrer des Religieux , elle fit goustier la vie spirituelle à quelques-vnes des Religieuses qui suivoient son exemple , & qu'elle instruisoit à la vertu , quoy qu'elle n'eust pas encore ce dessein relcué d'introduire dans le Monastere la reformation , n'ayant pas assez d'autorité pour cét effect , parce que la Prieure ancienne estoit encore viuante , qui ne panchoit point de ce costé : mais le Vicaire & Visiteur general estant venu en ce Monastere , non seulement pour le visiter , ains aussi pour le reformer , s'il estoit possible , & faire la closture perpetuelle d'iceluy ; & n'ayant point eu agreable qu'elle en sortist pour se consacrer à Dieu dans le Monastere de Sainte Claire de Tholose , pour l'esperance que luy donnoit la saincteté de sa vie , & la bonne odeur de sa conversation , qu'elle seroit la pierre fondamentale de la reformatiō de ce Monastere elle acquiesça à sa volonté , comme de c'ui qui pour lors luy tenoit la place de Dieu , & se resolut dès lors à entreprendre cette reformation , quoy qu'elle y vist de tres-grandes difficultez. Pour cét effect elle suplia instamment

152 LA VIE DE LA VENER. MERE
le Visiteur de luy donner la Regle qu'elle
estoit obligée de garder , ce qu'il fit à sa
prière tres-instante , comme il dit luy-mes-
me en son memoire , luy donnant la pro-
pre Regle des Sœurs Religieuses de ce
mesme Ordre , residents en l'Isle de Mal-
the , laquelle elle proposa doresnavant de
garder & faire garder exactement aux Re-
ligieuses qu'elle auoit gagnées , & qui fa-
uorisoient son dessein. Outre cela , elle &
toutes les Religieuses de son party , prirent
le voile noir , renouelerent leurs vœux , &
firent le vœu & serment de closture perpe-
tuelle entre les mains du Visiteur. Mais le
Demon infernal , autant ennemy de l'ordre
qu'il est amy du desordre , & qui comme
Pharaon faisoit mettre à mort les enfans
mises des Israélites aussi-tost qu'ils estoient
nez , s'efforce tousiours d'estouffer en leur
naissance les bonnes œuvres , principale-
ment quand elles visent à la gloire de Dieu ,
& au salut des ames , de peur que les laissant
croistre , il n'e puisse par apres venir à bout :
voyant cette reformation naissante , & pre-
uoyant les dommages qu'elle luy causeroit ,
ne manqua pas de s'y opposer , & d'exercer
contre celle qui l'entreprenoit des contra-
dictions qui estoient capables de la faire
desister , si son courage n'eust esté tres-

fort : Aussi tost que cette sainte nouveauté, qui estoit si desirable, commença à paroistre, ceux qui ne s'estonnoient pas du grand desreglement qu'il y auoit en cette Maison, s'estonnerent du bien qui commençoit d'y naistre; on ne s'arresta pas aux estonnemens, les langues serpentines commencerent à s'aiguïser & vomir le fiel de leurs calomnies : vn chacun en parloit selon sa passion, & personne selon la verité : les vns disoient que c'estoit la vanité & le desir d'estre estimée qui animoit son dessein, & la portoit à vouloir renfermer son Monastere, & le reformer: les autres attribuoient le tout à l'auarice, d'autres disoient que le Monastere s'estoit tousiours fort bien maintenu sans chercher ces nouveautez, (comme si c'estoit le bien maintenir que de croupir dans le desreglement,) bref on jettoit contre elle vne infinité d'autres brocards, qui meritent mieux que l'on les passe sous silence, que de les mettre au iour : Mais ce ne sont que roses au prix de ce qui reste. La Prieure ancieppe, & les Religieuses, qui ne vouloient pas ouyr parler du changement salutaire qu'elle vouloit introduire, desirans vieillir dans

134 LA VIE DE LA VENER. MERE
le mal-heur de leur liberté , s'opposoient
puissamment à l'exécution de sa resolution:
Adioutez à ces oppositions les contradi-
ctions de ses parens , & nommément de
son pere qui luy tesmoigna auoir vn si
grand ressentiment & desplaisir de ce qu'elle
vouloit faire, qu'il la menassoit mesme de
sa malediction si elle continuoit , ce qui
deuoit l'affliger dauantage ce semble , par-
ce que , comme a fort bien remarqué vn
celebre Escriuain, nous n'auons point de
contradictions plus sensibles , & plus pres-
santes, que celles que nous donnent nos
plus proches parens. Mais qu'arriua-il de
tout cela ? Cela mesme qui arriue quand
des vents impetueux employent toute leur
rage à souffler contre vn chesne qui a
de bonnes racines en terre ; car comme
cest arbre demeure immobile en sa place
malgré tous leurs souffles , ainsi la Vene-
rable Mere enracinée en Dieu par vne
grande confiance , mesprisa toutes ces
contradictions & persecutions, & malgré
icelles demeura immobile en sa resolution,
pour l'accomplissement de laquelle elle
poursuiuit sa pointe genereusement : voicy
les paroles du R. Pere Visiteur general, ti-
rées du memoire ja allegué, où il rapporte
ce qu'il a veu. *À la premiere visite de Nous sus-*

*Illæ ma-
gis virgent
vexatio-
nes, quæ
à propin-
quioribus
irrogantur.
Baronius
ad an. 371.*

GALIOTE DE S^{te} ANNE. Liu. I. 135
dict Vicaire general, A la priere tres-in-
stante de ladite Dame Galiothe, leur auons de-
liuré la propre Regle des Sœurs Religieuses du-
dit Ordre, residentes en l'Isle de Malthe, & les
auons voilées d'un voile noir, & fait renouue-
ler leurs Vœux, fait faire le Vœu & serment
de perpetuelle closture entre nos mains, &
plusieurs autres beaux reglemens, bien que la-
dite Dame Galiothe fust pour lors grandement
troublée & persecutée, tant par ladite ancien-
ne Prieure, que par ses propres parens; elle
n'a pourtant laissé qu'elle n'aye couragen-
ment poursuiuy l'entiere reformation & closture
de son Monastere enuers les Superieurs de son
Ordre, ayant fait construire vne tres-belle Eglise,
vn beau Dortoir, & commencé de faire la gran-
de enceinte de la closture dudit Monastere de
l'Hospital, & mil autres belles reparations en
toutes les autres Eglises, & membres dependans
dudit Monastere.

CHAPITRE XVIII.

Pour apprendre la pratique de la vie reguliere, elle demeure quelques iours dans le Monastere de sainte Claire de Tullés, où elle donna de rares exemples de vertu & perfection.

L n'appartient qu'aux ames vaines & superbes de s'imaginer qu'elles sçauent beaucoup, & qu'elles n'ont pas besoin d'instruction en cela mesme, en quoy elles sont tout à fait ignorantes : mais pour celles qui possèdent le riche thresor d'une vraye & profonde humilité, elles sont autant elloignées de cette folle & aueugle opiniõ d'elles-mesmes, que le Ciel l'est de la terre ; & tant s'en faut qu'elles soient si aueugles que des'imaginer qu'elles n'ont aucun besoin d'instruction en ce qu'elles ignorent, que mesme elles croient qu'elle leur soit necessaire, & procurēt d'en recevoir en ce en quoy elles sont particulièrement instruites & éclairées de Dieu. C'est de ces ames qu'il est écrit qu'elles commenceront d'apprendre lors qu'elles auront acheué, & qu'elles sçauront suffisamment. La Venerable Mere Galiete, qui possedoit avec tant de

perfection le precieux thesor de l'humilité, & qui auoit cette vertu si profondement enracinée en son cœur : auoit aussi ce sentiment admirable qui naist de cette vertu pour sa conseruation : Dieu qui est le Souuerain Maistre l'instruisoit excellemment, & luy communiquoit des lumieres tresgrandes, comme on a pû remarquer par la conduite de sa vie. Et neantmoins elle a tousiours creu auoir besoin de la conduite & instruction des hommes, l'a desirée, l'a recherchée, & l'ayant trouuée, s'y est soubmise avec vn grand contentemēt : Et maintenant qu'elle a entrepris la reformation de sa Maison, & d'y introduire la perfection de la vie reguliere : apres auoir assemblé les Religieuses qui auoient quelque zele du salut de leurs ames, & de la gloire de Dieu, apres les auoir fait resoudre de viure toutes en commun, & de n'auoir aucune chose de propre, commençant la premiere à mettre ce qu'elle auoit en commun pour les encourager à ce faire, apres leur auoir donné plusieurs belles instructions que Dieu luy apprenoit, se iugeant incapable d'establir vn solide edifice de la vie reguliere, si elle n'en auoit veu le plan, & pris l'Idée en quelque Maison où elle fust parfaitement obseruée, parce que les

138 LA VIE DE LA VEN. MERE
exemples instruisent beaucoup mieux que
les paroles, elle se resolut d'en choisir vne
qui ne fust pas beaucoup éloignée, & qui fut
telle qu'elle y peust s'y trouuer, ce quelle
souhaittoit pour y aller faire quelque peu
de sejour. Elle ietta pour cét effect les yeux
sur le tres-deuot Monastere de S^{te} Claire
de Tullés, où autresfois elle auoit desiré si
ardamment de se renfermer le reste de ses
iours; & la perfection de la vie Religieuse
qui se pratiquoit en cette Maison, avec l'o-
deur excellente que la sainteté des Reli-
gieuses qui y viuoient separées du monde,
respandoit dans iceluy, la porta à faire ce
choix, & à s'y retirer avec quelques-vnes
de ses Religieuses, afin qu'elles participas-
sent à son bon-heur. Les bonnes Meres de
ce Monastere l'ayans agreable, ses Dire-
cteurs le luy conseillans, & ses Superieurs
y consentans, elle s'y achemina avec vne
allegresse incroyable, & s'y renferma: mais
qu'arriua-il durant qu'elle y sejourna? Il ar-
riua que celle qui estoit venue en cette
Maison cōme escoliere de la vertu, se com-
porta de telle sorte, qu'on la regardoit com-
me la Maistresse de la perfection: il arriua
que s'estant renfermée en ce Monastere
pour se former sur les exēples de la vietou-
te celeste des Religieuses d'iceluy. Elle y

donna de si rares exemples de vertu, que la suauodeur en est demeurée aux Religieuses, avec vne grande consolation. La Venerable Mere Abbessè de ce Monastere, Religieuse tres-vertueuse, qui eut la charge d'elle & sa conduite, tandis qu'elle y demeura, en a fait la relation avec autant de verité comme de candeur, apres neantmoins auoir escript en la lettre qu'elle adressa au R. Pere Bernard de saint Ioseph, le 31. Decembre 1630. conjointement avec cette relation qu'elle aduoüe avec toute verité, que ce peu qu'elle rapporte en icelle, n'est rien au prix des actes signalez de vertu & sainteté qu'elle luy a veu pratiquer: voicy cette relation qui fera voir combien vertueusement & saintement elles'est comportée dans ce Monastere, & les bons exemples qu'elle y a donné.

Voicy ce que ie pus dire des bons exemples qu'elle nous a donné: Premièrement à son entrée elle nous tesmoigna tant de resiouissance qu'elle nous rendoit toutes confuses, & me pria de faire d'elle comme d'une Nonice d'un iour, & de luy dire tout ce qu'il faudroit qu'elle fist: son carrosse s'estoit rompu à vne montagne assez loin d'icy, il fallut qu'elle vint tout apied par un fort mauuais chemin, trauersant les ruisseaux, se mouillant toute:

Il ne fut pas à mon pouuoir de la faire changer, elle s'alla coucher toute trempée sans se deuëstir, & vouloit aller coucher ce soir mesme au dortoir commun: dès le lendemain elle coucha au dortoir sur vne paillassé à nos liëts, & continua tousiours; elle estoit resoluë de coucher toute sa vie comme cela: Pour son dormir, ie puis asseurer qu'elle ne dormoit que deux heures de la nuict: car bien qu'elle s'allast coucher comme les autres, pour n'estre pas particuliere, elle se leuoit apres qu'elle croyoit que les autres dormoient, & faisoit fort doucement de peur qu'on ne l'entendist: mais ie conchois proche d'elle, & l'entendois toutes les nuicts se leuer. Pour sa nourriture, elle ne mangeoit que des herbes crues avec vn peu de sel, d'huile, & du pain noir, ne beuuoit que de l'eau: ie la croiois fort, & luy disois qu'elle feroit vn plus grand acte de mortification de manger comme les autres, & que ie ne croiois pas que son Confesseur sceust ce qu'elle faisoit: elle me respondit en se soufrianant qu'il ne falloit pas dire toutes ces choses. Elle auoit vne faim insatiable de pratiquer la mortification, presque tousiours mettoit de l'eau sur son potage, elle auoit vn zele tres-ardent de scauoir comme quoy elle pourroit faire obseruer exactement la regularité dans son Monastere, & pour cét effet s'en alloit souuent par toutes les Officines du Monastere, demandant aux Sœurs

avec grande humilité de luy apprendre ce qu'elles faisoient; elle s'abyismoit toute dans l'humilité: Vn iour Vne Religieuse luy voulut baiser les pieds, elle se print à dire, mon Dieu, que me veut-on faire, i'en sue d'apprehension! Voyant les ouurages & ornemens d'Eglise, elle se reprenoit en se faisant confusion, disant qu'elle auoit fort mal employé son temps à orner son cabinet & sa chambre, & regrettoit fort d'y auoir employé ses Religieuses, & louoit grandement, & aimoit les choses propres, & faisoit des resolutions que deormais tout son travail seroit à bien parer le S. Autel; elle alloit à la porte pour apprendre, disoit-elle, comme les Sœurs portieres parloient, & me dist qu'elle vouloit choisir Vne Sœur portiere à son Monastere, qui fut fidelle, & aimast fort la regularité. Elle auoit Vn grand contentement de ce que l'on parloit aux grilles & parloirs tousiours accompagnée de deux ou trois Religieuses, & disoit que Vrayement le saint Esprit auoit dicté nostre Regle, resmoignoit des actes de recognoissance à Dieu de nous auoir donné par l'entremise de nostre Pere saint François, Vne regle si parfaicte, & faisoit des resolutions de faire obseruer de point en point le mesme à son Monastere. Estât au Chapitre, elle estoit fort attentine à escouter ce que les Religieuses disoient: apres la premiere fois qu'elle y eut assisisté, commença & continua à dire


142 LA VIE DE LA VENER. MERE
sa coulpe sans qu'il fust à mon pouuoir de l'en em-
pescher, & tenoit vne bonne methode à dire ses
defauts, & se faisoit des confusions notables,
trouuant fort beau qu'on s'accusast de tous ses
defauts extérieurs, & mesme des intérieurs: elle
mesme disoit iusques à ses menues pensées. Elle
alloit souuent trouuer la Sœur despenciére, la
prioit de luy apprendre à faire les portions, & à
apprester les viures: elle faisoit les portions avec
tant de ioye & de contentement, que l'on eust
dit à la voir qu'elle n'auoit rien plus à faire, &
qu'elle vouloit estre toute sa vie cuisiniere. Elle
disoit fort à ses Religieuses de prendre fort
garde à la modestie, silence, mortifications qu'on
pratiquoit au Refectoire. Bref elle auoit vne
faim insatiable de sçauoir tout ce qui la pourroit
aider à la pratique de la Vertu. Elle auoit
vne grande facilité d'escrire, portoit vne escri-
toire à la ceinture, & par tous les lieux du
Conuent qu'elle passoit, elle escriuoit sur
sa palme de la main tout ce qui luy ag-
gréoit, disant; Ceci fait pour moy, voire ius-
ques aux murailles qu'elle vouloit en faire
bastir, d'aussi hautes que les nostres, afin que l'on
ne la peust iamais voir. Elle auoit vn
grand desir de souffrir le martyre; & vou-
loit en tout ce qu'elle pourroit imiter la vie de
sainct Iean Baptiste; & dit que iamais elle
n'auoit rien souffert. Vne fois elle eust vne

grande defluxion à vne duiſſe qui luy vint fort enflée; elle ne pouuoit ſe tenir debout ny aſſiſe, & luy donnoit de ſi grandes douleurs, qu'elle croyoit que les os ſe pourriroient, & que la gangrène ſ'y mettroit, & qu'il faudroit que l'on la luy coupast: ie luy demanday ſi elle n'auoit pas peur de mourir en cette cure, elle me diſt que non, & qu'elle s'eſtoit reſoluë de cacher ſon mal: tant qu'il luy ſeroit poſſible: ſes Religieuſes ſe prindrent garde qu'elle ne pouuoit pas marcher, & luy en demanderent la cauſe, elle leur diſt que cela n'eſtoit rien: Dans vne nuit elle fut entierement guarie ſans y faire aucun remede, & me diſt en ſe plaignant qu'elle n'eſtoit pas digne de ſouffrir quelque choſe pour l'amour de noſtre Seigneur. Juſques icy ſont les paroles de la relation de cette bonne Religieuſe, auxquelles j'adjouſteray deux choſes ſeulement: La première eſt, qu'eſtant en cette maiſon, elle n'alloit aucune part, ny au parloir meſme, ſi elle y eſtoit demandée, ſans la permiſſion de la Superieure, comme ſi elle euſt eſté ſa ſujette & inferieure: La ſeconde eſt, que toutes les bonnes Religieuſes de ce Monaſtere, ont depuis ſa mort proteſté à vn Reuerend Pere Jeſuite, que la viſite leur auoit apporté tant

144 LA VIE DE LA VENER. MERE
de profit, qu'au lieu de luy enseigner quel-
que chose, comme elle desiroit, elles auoiēt
beaucoup plus appris d'elle, & en particu-
lier de sa grande humilité : & mesme la
voyant si remplie de vertu, elles luy des-
couvrirent leur interieur, quoy qu'elle y
resista fort.

CHAP. XIX.

*Du soin qu'elle auoit de ses Religieuses,
tandis qu'elle estoit en ce Monastere
de sainte Claire.*

 Ommel l'ame est plus noble que
le corps qui n'est produict que
pour son seruice, & l'auancemēt
spirituel incomparablement
plus precieux & plus desirable que le cor-
porel: Aussi faut-il que les vrais Superieurs,
auxquels Dieu a donné la charge des ames,
aiment plus fortement ceux qui sont sous
leur conduite, que les Peres charnels leurs
ensans, & qu'ils ayent vn soin plus grand
de les auancer spirituellement que les au-
tres les leurs temporellement, en telle sorte
que chose aucune ne soit capable de leur
faire perdre ce soin. La Venerable Mere
estoit

GALIOTE DE S^{te} ANNE. Liu. I. 145
estoit à la verité nouuelle en la superiorité,
& conduite des ames: car quoy què dès
saage de quinze ans on l'eust contrainte
d'accepter la superiorité: si est-ce neant-
moins qu'elle n'en auoit pas voulu exercer
la charge iusques à ce qu'elle entreprist de
reformer sa Maison. Mais elle n'estoit pas
nouuelle en cette doctrine, Dieu qui l'a-
uoit choisie pour cét effect la luy ayant ap-
prise suffisamment. En voicy vn tesmoi-
gnage bien autentique: Pour se retirer dans
le Monastere de sainte Claire, elle s'estoit
separée de ses cheres Religieuses avec re-
gret: elle les auoit laissées pour elles-mes-
mes, & pour leur bien: elle les auoit quittées
de corps, mais non d'esprit, puis qu'elle les
auoit en sa memoire, & les portoit tous-
jours dās son cœur: mais elle sçauoit qu'el-
les estoient bien foibles en la vertu, n'estās
encor que dans l'enfance pour ce regard;
elle sçauoit que c'estoient des plantes ten-
dres & ieunes, ausquelles elle auoit fait per-
dre vn mauuais ply pour en prēdre vn nou-
ueau fort bon, & qu'elles le pouuoient per-
dre facilement pour reprendre l'ancien,
estans principalement agitées des vents
impetueux des oppositions, contradiçtiōs,
murmures, & mauuais exemples capables
d'esbranler des arbres bien enracinez.

talis plā-
ta facile
resylue-
scit, & si
colere
desinas
eius vi-
rētia bre-
uiterēpore
reputre-
scent.
Hildeber
Epist. 6.

Bref elle n'ignoroit pas ce qu'enseigne vn grand homme parlant des Maisons nouvellement reformées, & les comparant aux champs qu'on a fraichement desfrichez & nettoyez des mauuaises herbes pour y en mettre de bonnes. Que semblables chāps retombent facilement en friche; & que les mauuaises herbes y repullulent plustost qu'on ne voudroit pas, & suffoquent les bōnes, si on n'en a vn soin particulier: voilà pourquoy pour empescher ce mal-heur qui luy eust esté extremement sensible, ses Religieuses absentes auoient bonne part en ses longues & feruentes Oraisons qu'elle faisoit dans ce Monastere, elle les recō-mandoit affectueusement à la diuine Majesté, la conjurant d'establis & confirmer ce qu'elle auoit daigné operer en elles par son entremise, & de leur donner la force d'acheuer ce qu'elle leur auoit fait la grace de commencer. Et parce que les moyens celestes & diuins n'excluent pas les humains, sçachant le pouuoir que ses exhortations auoient sur leurs ames à cause du grand amour qu'elles luy portoient, elle leur escriuist de ce Monastere vne lettre digne de son esprit illuminé, & marque tres-fidelle du grand amour qu'elle portoit à ses filles, & du soin incomparable

qu'elle auoit de les auancer en la perfe&tiō:
ie l'inscreray icy, afin qu'on puisse voir dās
icelle (puis que les lettres sont appellées par
vn des premiers esprits du mōde, les images
de l'esprit) combiē elle estoit spirituelle, &
cōme Dieu estoit le centre vnique où se ra-
massoiēt & s'vnissoiēt toutes ses affections.

*Pic de la
Mirande
en l'une
deses Ep.*

Mes tres-cheres Sœurs, ie vous conjureray de la
part de N. Seigneur de Vo^{us} tenir toutes en paix
& vniō de volōtē par ensēble, afin que nous puis-
sions vn iour monter au ciel, avec la Glorieuse V.
Marie à la dextre du Pere, & au rang des bien-
heureux. Je voudrois vous pouuoir raconter les
bons exemples que ie vois dans cette Maison pour
vous inciter dauantage à la vertu. Je me resioys,
mes bonnes filles, de la bonne resolution que vous
auez toutes de louer Dieu, tant es desolations &
tristesses qu'il fait ressentir dās vos cœurs, qu'aux
consolations qu'il vous enuoye, lesquelles ie veux
croire venir de ce que vos prieres ont esté exaucées
pour le recouurement de ma santé: il ne reste qu'à
continuer cōme vous auez cōmencé à dresser vos
cœurs à l'Authheur de tous biens qui dispose de tou-
tes choses pour le mieux. Je me resioys aussi de
vous voir si bien resignées à la volōté de Dieu:
perseuerer-donc, se vous prie, & croyez
que c'est le vray chemin pour aller au ciel, où
nous deuons attendre d'arriner par les merites
du Fils de Dieu, & pour auoir bien correspon-

du aux graces qu'il nous a fait de nous visiter par de petites afflictions, ce que nous ferons quand nous prendrons les choses patiemment, comme ie croy que vous faites. Je vous recommande de vous aimer toutes. Je suis grandement contente qu'ayez resolu de ne parler guere, & le seray plus de l'execution; l'on n'est iamais guere repris de parler peu, prenez y garde donc, mes filles. Je vous recommande l'humilité & modestie Religieuse, principalement deuant les personnes qualifiées, & que Dieu a appellées à des grades dignes d'estre respectés d'un chacun, & mesme de ceux qui font ou veulent faire estat de la perfection. Gouvernez-vous bien pour mieux servir nostre Maistre & Espoux Iesus-Christ, pensons y, ie vous prie, & soyons ialouses de le servir avec plus de perfection, la Religion nostre Mere nous y peut beaucoup aider, ne nous éloignons guere; & si vo' l'estes de corps, faites que vous ne le soyez pas d'esprit. Je vous recommande de vous aimer toutes avec une tres-grande charité. Si vous voulez plaire au Fils de Dieu, & naistre avec lui à la cresse par une renouation d'esprit à son saint service. Pour les Sœurs malades, ie les prie de se souuenir tousiours, & d'auoir deuant les yeux que le Fils de Dieu a trauaillé l'espace de 33. ans avec tant de peine, de douleur, & de tourment pour l'amour d'elles, & si ne s'est iamais ennuyé, ains ent desiré de trauailler d'auantage s'il eust esté besoin: c'est pour-

quoy elles qui sont ses filles & espouses se doi-
uent grandement resiouyr si elles ont du travail
& de la peine en ce monde, qu'elles fassent ce
qu'elles feront, pour l'amour de celuy qui les a ap-
pellées dans sa Maison.

CHAP. XX.

*Les beaux reglemens & exercices qu'elle
introduisist en sa reformation.*



Encore que dans l'Eschole de
Iesus-Christ pour iuger du bô-
heur d'un Chrestien, on ne re-
cherche & regarde pas tant au
commencement de sa vie, comme au ter-
me & dernière periode d'icelle, parce que
la courône de l'immortalité, n'est pas don-
née à celuy qui a seulement bien commen-
cé, ains à celuy qui ayant bien commencé
a perseueré comme il faut, ou qui commet
que ce soit qu'il aye commencé a finy heu-
reusement, & est arriué au but que Dieu a
estably: si est-ce pourtant qu'il importe plus
qu'on ne scauroit dire de bien commencer
pour bien finir: car s'il arriue rarement que
celuy qui a mal commencé, finisse bien: il
arriue encor plus rarement que celuy qui a
fait vn bon commencement, finisse mal;
sur tout il est tout à fait important en la

Non be-
ne qui
cepit, sed
qui bene
perstitit,
& qui
pertigit
ad iudiciū
donatur
honore
coronæ.
apud Ber-
nardum.
Epist. 150.

150 LA VIE DE LA VENER. MERÉ
naissance de la reformatiō, & du regle mēt
d'un Monastere d'y establir de bons regle-
mens, & introduire des exercices puissans
pour contenir les ames dans leur deuoir,
parce que les mauuaises coustumes en-
uieillies, desquelles on ne s'affrāchit qu'a-
uec vne grande difficulté, laissent tousiours
dans l'ame, ie ne sçay quelles inclinations
secrettes qui la panchent & portent faci-
lemēt à les reprendre, si elle n'est occupée
en des exercices qui la contiennent puissā-
ment. C'est en cecy qu'on peut remarquer,
non sans admiration, la sagesse incompara-
ble, & la grande preuoyance de la V. Mere,
laquelle se voyant choisie de Dieu pour
estre la reformatrice de son Monastere.
Après auoir sejourné quelque peu de temps
dans celuy de S^{te} Claire, & recueilly com-
me vne abeille mesnagere les plus belles
fleurs que Dieu auoit plantées dans ce par-
terre celeste, estant de retour en sa ruche,
elle en composa le miel de la reformation,
establisant dans sa Maison des reglemens,
& y introduisant des exercices qui estoient
capables de maintenir & cōseruer son tra-
uail, & d'auācer les ames qu'elle auoit sous
sa charge, à vne grāde perfection. Premie-
rement son premier & principal but estant
de remettre en ce Monastere la vie regu-

GALIOTE DE S^{te} ANNE. Liu. I. 151
liere & commune, qui consiste en
ce que les choses necessaires soient
gardées dans les officines communes,
d'où elles soient tirées avec la permission
du Supérieur, ou de la Supérieure, pour
estre employées à l'usage d'un chacun, &
dans lesquelles il est nécessaire de les rap-
porter apres que l'on n'en a plus de neces-
sité. Voicy ce qu'elle fit à ce sujet, ainsi
quel'a rapporté le visiteur general dans le
memoire dont nous-nous sommes desia
seruis, & nous servirons cy-apres. Person-
ne n'en pouuant donner vn témoignage
plus assuré que luy, qui presta la main
comme son office & sa commission le re-
queroit pour commencer la reforma-
tion. Iagoit que sa Regle ne commandast
pas de faire la propre abdication, & de viure
sans rien de propre, neantmoins pour plus
grande perfection elle fit resoudre ses Reli-
gieuses, dites les Reformées, de viure tou-
tes en commun, & de n'auoir aucune chose de
propre, & elle de mesme comme les autres, &
d'auoir toutes leurs robbes, Vestemens, linges,
voiles, jusques aux souliers en commun, & en
general, dans vne chambre à part affectée pour
cét effect: & de tous les reuenus de Fieux des-
quels elle auoit la disposition, apres les bastimens
& reparations faites, vtils & necessaires,

152 LA VIE DE LA VENER. MERE
 le surplus estoit mis à la communauté. Ce sont
 les paroles du visiteur, touchant lesquelles,
 lors qu'il dit que la regle des Religieuses
 de Malthe, n'oblige pas à faire la propre
 abdication, & de viure sans rien de propre,
 de peur que cela ne donne de la difficulté
 à quelqu'un: il faut remarquer qu'il ne pre-
 tend pas dire que cette regle permette d'a-
 uoir le domaine & la propriété de quelque
 chose, cōme les paroles seblent dōner à en-
 tendre: car les Religieux & Religieuses de S.
 Iean faisans les trois vœux soleinnels, cō-
 me le reste des Religieux: le domaine &
 la propriété de quoy que ce soit, leur est
 ostée par iceux aussi bien qu'à tous les au-
 tres: Mais il veut dire que leur regle leur
 permet d'auoir leurs reuenus & biens en
 particulier, sans les obliger de les mettre en
 commun. Tellement que la V. Mere sans
 vouloir vsfer de l'indulgence de sa regle,
 introduisist la vie commune: bannissant la
 particularité, & chassant le mien, & tien,
 parole froide (comme S. Chrysostome
 l'appelle) qui est la source de tous les mal-
 heurs qui se voyent dans l'vniuers, pour-
 quoy faire avec plus de facilité, elle com-
 mença par soy-mesme reiettant de soy
 ce qui la pouuoit rendre particu-
 liere. Elle auoit eu pour son seruice vne

Meū ac-
 tuum fri-
 gidū il-
 lud ver-
 bū quē-
 quid ma-
 iorū est
 in vitam
 nostram
 inuehēs.
 Orat. in
 S. Phi-
 logouū.

GALIOTE DE S^c ANNE. Liu. I. 153
fille de Chambre comme les autres Dames de la Maison, elle la quitta, & s'en deffit dès qu'elle commença à regler son Monastere; & estant arriué vne fois qu'une Religieuse luy gardoit quelques hardes dôt elle auoit besoin iournellement; quant elle le sceut, elle se fascha de ce qu'elle l'auoit renduë particuliere en cela, & commanda que sur le châp elle le remist où estoient les autres hardes de la Communauté. Outre cela elle voulut que ses Religieuses eussent chacune son liêt, ce qui n'auoit point esté obserué iusques alors, auquel sujet elle fit vne action de charité fort heroïque: car manquant vn liêt, afin que chacune eust le sien, elle fit prendre celuy auquel elle couchoit, se faisant apporter pour elle de la paille, sur laquelle elle coucha iusques à ce qu'on eust moyen d'en recouurer vn. Venons aux exercices de pieté & de deuotion, comme est la priere, qui est vne armure si necessaire aux ames Religieuses, qu'un grâd saint a assuré qu'il est aussi peu possible qu'elles s'en passent, que vn soldat de ses armes. Pour la vocale, elle introduisit la Psalmodie & recitation du diuin Office, avec modestie, reuerence, & attention, laquelle attention elle recommandoit fort souuent à ses Religieuses, leur remon-



154 LA VIE DE LA VENER. MERE
trant que leur profession les y obligeoit: &
que si elles ne recitoient pas l'office diuin
auec l'attention requise, elles manquoient
à leur obligation, adioustant ces paroles
excellentes. *S'il nous falloit parler avec quel-
que grand Prince, d'une affaire d'importance,
avec quel respect & crainte lui parlerions nous?*
Helas! nostre cher Espoux nous fait l'honneur
de permettre que nous traitions familièrement
toutes les fois que nous voulons avec sa diuine
Majesté, & cependant nous serons si outrecui-
dez de lui parler sans respect ny attention, il
est à craindre qu'il se fâchera & nous chastiera
selon nos demerites. Elle ne se contentoit
pas de les exhorter à la reuerence & atten-
tion en la Psalmodie, ains elle y adioutoit
son exemple, ne manquant iamaïs d'assister
au Chœur durant l'office, si sa maladie ne la
forçoit de s'en absenter, encor s'y traïsnoit-
elle quelquesfois; non pas pour chanter,
mais pour contenir ses Religieuses dans
leur deuoir: Elle adioustoit à cela vn grand
soin d'instruire les Nouices en ce qui con-
cernoit le diuin Office, les excitant à s'y
trouuer des premieres, & les obligeant d'y
assister avec vne telle modestie, qu'il ne leur
estoit pas loisible de leuer les yeux de des-
sus leurs Breuiaries, ny de manquer aux ce-
remnies pour petites qu'elles peussent e-

GALIOTE DE S^{te} ANNE. Liu. I. 155
stre, n'estimant rien petit de ce qui pouuoit
donner quelque lustre au seruice diuin.
Pour l'Oraison Mentale qui est l'ame de la
Vocale, elle establit que ses Religieuses en
feroient deux heures d'obligation tous les
iours; & parce que les exercices spirituels
sont d'une vtilité admirable, ou plustost
necessité aux ames qui ont embrassé l'exer-
cice de l'Oraison, comme les maistres de
la vie spirituelle en sont d'accord: elle es-
toit soigneuse qu'elles les fissent vne fois
tous les ans, ce qu'elle obserua si exacte-
ment, qu'elle les leur fit faire trois mois
auant sa mort. Pour ce qui concerne la
vertu d'obeïssance qui est tellement neces-
saire dans les Cloistres, que sans icelle l'on
n'y doit attendre que desordre continuel,
comme dans le monde on ne verroit que
desordre si les corps inferieurs n'estoient
attachez par vne subiection & dependan-
ce continuelle aux Superieurs, & dans ce
petit monde qui est l'homme, si le corps re-
fuse la soubmissiō & obeïssance qu'il doit à
l'ame créée pour le regir & cōduire, riē que
cōfusion. Elle introduisit dās sa maison vne
pratique si serieuse de cette vertu, & voulut
que ses Religieuses s'y rendissent si exactes,
que quoy qu'elle fust d'un naturel extreme-
mēt debōnaire, elle se mōstroït seuerē cōtre

156 LA VIE DE LA VENER. MERE
les mâquemés qui se faisoient en ce point, ne
les laisât iamaispasser sansle chastimét qu'
elle iugeoit leur estre deu. Elle auoit pris &
estably en son Monast. cette coustume tres-
loüable, qui s'observe dans les Religions
les mieux réglées, que ses filles n'escriuis-
sent & n'enuoyassent aucunes lettres sans
que la Superieure les eust veües, pour sça-
uoir s'il estoit conuenable de les enuoyer;
il arriua qu'une fille qui estoit dans son Mo-
nastere pour estre Religieuse, enuoya vne
lettre sans son sçeu, & sans la permission;
cette infidelité, en matiere d'obeïssance &
d'observance, luy fut tellement desagre-
able, qu'elle renuoya cette fille, la iugeant
indigne de la faueur qu'elle pretendoit, sans
que les prieres qu'on luy fit peussent rien
gagner sur elle pour la recevoir. Que diray-
je de ce qu'elle fit pour refrenier & mode-
rer la langue qui a si peu de retenüe en ce
sexe, & sans la moderation de laquelle
neâtmoins, l'Apostre saint Iacques asseu-
re, que celuy qui s' imagine d'estre Reli-
gieux se trompe soy-mesme, sa Religion
n'estant qu'un ombre & vne vanité. Pre-
mièrement on ne sçaurôit douter qu'elle
n'affectionnât ses Religieuses à la garde du
silence, puisque nous auons veu dans la
lettre qu'elle leur escriuit estant dans la Mo-

GALIOTE DE S^{te} ANNE. Liu. I. 157
naftere de sainte Claire, qu'elle leur man-
de estre tres-contente de la resolutiō qu'el-
les auoiet prises, sās doute par sō instructiō,
de parler peu, & de retenir le flux de lan-
gue, & qu'elle le seroit bien dauātage de l'e-
xecution: Mais en second lieu, parce que le
silence ne consiste pas seulemēt à ne point
parler quand il n'est pas necessaire, ains
aussi à parler comme il faut lors qu'il est ne-
cessaire de parler, & à ne point dire des pa-
roles indignes de la vie de celuy qui les
profere; elle qui auoit cognoissance com-
bien les discours vains & mondains sont
mal seans en la bouche d'une ame religieu-
se, en laquelle ce qui n'est que sornette en
la bouche d'un seculier, est vn blaspheme,
(comme parle saint Bernard) & que tels
discours ne peuuent proceder que d'un
cœur qui garde encor quelque place à la
mondanité, les bannit tout à fait de la
bouche de ses Religieuses, ne permettant
jamais qu'elles parlassent de choses vaines,
lors mēme qu'elles estoiet à la recreation;
en quoy elle reüssit si heureusement, qu'au-
cune Religieuse n'eust osé ouurir la bou-
che pour parler d'aucune chose qui ne re-
gardast Dieu ou sa propre perfection. A
tous ces beaux exercices & reglemens, &
plusieurs autres que i'obmets, me conten-

158 LA VIE DE LA VENER. MERE
tant des principaux, elle adiousta l'vnion,
la cōcorde, la charité mutuelle que S. Paul
a appelé tres-iustement lien qui tient en e-
stat la perfection : parce que pour grande
que soit la perfection d'une maison, si ce
lien y mâque elle se dissoudra & s'éuanoui-
ra en vn moment. Voicy ce qu'escriit à ce
sujet vne Religieuse Ursuline du Monaste-
re de Limoges, qui a demeuré sous la con-
duite de la Venerable Mere durant qu'elle
a vescu en sa Reformation, & qui a eu le
bon-heur qu'elle estime ineffable d'estre
moulée & formée par elle à la vertu en son
ieune âge. Elle tenoit les Religieuses en vne
telle vnion & charité entre elles, que iamais du-
rant six ou sept ans que i'ay demeuré en leur com-
pagnie, ie n'ay veu la moindre des vnion parmi
elles; car la Volonté de l'une estoit la Volonté de
l'autre, & toutes se rapportoient à vne qui estoit
celle de cette sainte & Bien-heureuse ame; car
ellen'auoit pas fait le moindre semblant de vouloir
ou non vouloir quelque chose, qu'elles estoient
vnanimemēt toutes d'un accord. Que peut-on
dire de mieux vni? Que peut-on dire de la
maison où regnoit cette vnion, sinon que
c'estoit vn petit ciel? Puisque ce Sainct
qui assure que les Monasteres où regne la
discorde, & d'où la charité fraternele est
bannie, sont vn Enfer, & ceux qui y habi-

tent des Demons, assure aussi que les mai-
 sons d'où la discorde est chassée, & où l'v-
 nion & la charité a son siege sont vn Para-
 dis, & ceux qui y viuent de la sorte, des An-
 ges incarnez. Voila quelques-vns de ses
 principaux Reglemens: Mais le grand de-
 sir qu'elle auoit de conseruer cét ouurage
 pour lequel Dieul'auoit choisie, & de luy
 donner vn heureux progres, ne s'arresta
 pas là, ains comme elle sçauoit que si le
 Prieuré de l'Hospital estoit rendu électif
 par les Religieuses reformées, & qu'il ne fût
 plus à la nomination du Roy, il pourroit
 après sa mort tomber entre les mains de
 quelqu'un, qui au lieu d'auancer la Réfor-
 mation arrelteroit son cours, & tascheroit
 de la destruire, elle procura autant qu'il luy
 fut possible que cette faueur leur fust faite,
 que le Prieuré fust rendu électif. Voicy ce
 qu'elle en escriuit au R. P. Bernard de S.
 Ioseph son cher frere, du 21. Ianuier 1617.
 qui fut l'année qui preceda celle de sa mort,
 où l'on pourra connoitre de quel esprit elle
 estoit portée à reformer sa maison. *L'ay écrit*
à mon susdit sieur (elle auoit déjà parlé d'un
 Cominandeur qui traualloit pour son ou-
 urage, qui estoit le visiteur de son Monaste-
 re) *qu'il estoit du tout necessaire d'auoir la*
permission & consentement du Roy pour

160 LA VIE DE LA VENER. MERE
faire nostre closture, & que le Prieuré de Fieux
demeure vny à celuy de l'Hospital, & que nous
puissions eslire nos Prieures, sans qu'il faille cou-
rir à luy en demander le placet, comme on a fait
il y a long-temps, se demettant de la nomination
qu'il y peut auoir: cela estant, nous serions en
asseurance, & n'ay pas d'opinion que l'on print
beaucoup de peine à empescher nostre Reforme,
laquelle ie demande à Dieu de toutes mes affe-
ctions; car c'est vne misere d'estre & n'estre pas,
Viure, & ne Viure pas religieusement, ains crou-
pir dans le borbier de ce monde, sans nous lauer,
que nous ne soyons dés aussi tost souillées. Priez
& faites prier pour nous, ie vous supplie pour
l'amour de Dieu, & du Zele qu'auex des ames,
& sollicitez & conseillez à mon susdit Sieur de
faire diligence pour obtenir du Roy ce que ie luy
mande par le conseil de plusieurs.

C. H A P. XXI.

Comme elle se comporta enuers les Re-
ligieuses qui refuserent de se reformer.



E Medecin qui a tant soit
peu d'experience, ne traite
pas d'un mesme medicament
tous ses malades, parce que tous
ne sont

ne sont pas disposez egaleement : & celuy qui a charge des ames , & qui leur doit seruir de Medecin, s'il a de la prudence & de l'experience, ne se comporte pas d'une mesme façon enuers tous ceux qui sont sous sa conduite, ains aussi diuerſement qu'il y a de diuerſité en l'estat de leurs ames. C'est en cecy qu'a esclaté grandement la prudence consommée que la Venerable Mere Galiothe auoit en vn aage peu consommé, & peu experientié pour l'ordinaire, puis-que lors qu'elle entreprit de reformer son Monastere, elle ne pouuoit estre âgée au plus que de vingt quatre à vingt-cinq ans. Elle auoit dans ce Monastere deux sortes de Religieuses bien differentes, les vnes n'approuuoient point, ains reprouoient tout à fait le changemēt qu'elle traualloit d'establis, & alechées par la douceur apparente d'une liberté domageable qui auoit pris pied par la lōgueur du temps, refusoient de mettre les pieds dans la voye asséeurée, quoy qu'estroite, qu'elle leur auoit ouuerte, & d'embrasser la vraye liberté des enfans de Dieu qu'elle leur proposoit : les autres poussées par le soufflé desirable du S. Esprit, qui se communique où bon luy semble, quittoient volontiers la voye large pour entrer dans

162 LA VIE DE LA VENER. MERE
l'estroite, & suiuioint les vestiges de celles
qu'elles voyoient choisies de Dieu, pour
remettre l'ordre & le reglement dans leur
maison. Il y auoit bien de la diuersité en
l'estat de ces ames, & leurs dispositions
estoient grandement inégales; Aussi se
comporta-elle fort diuersement enuers les
vnes & les autres, quoy qu'elles eurent
cela de commun qu'elle se comporta en-
uers toutes fort prudemment, commençant
par les premieres, qui prenoient pour pre-
texte du refus qu'elles faisoient de se refor-
mer, la vieillesse de l'estat auquel se trou-
uoit le Monastere, & la nouveauté de celuy
auquel on vouloit le reduire, comme si le
desordre laissoit d'estre desordre par ce
qu'on a vieilly en iceluy, & le reglement
n'auoit pas precedé le desreglement, pour
ne deuoir pas estre estimé nouveau: Elle
qui sçauoit la difficulté qu'il y a de faire
mediter vne vie nouvelle aux ames qui
ont vieilly dans vne vie qui luy est con-
traire, & que la contrainte & force en ces
occasions n'engendre bien souuent qu'un
changement apparent & plastré, qui aussi
tost que la liberté prendra la place de la
contrainte, leuera le masque, & retournera
au premier estat, se resolut de ne se seruir
point de cette voye, ains d'attendre que le

GALIÔTE DE S^{te} ANNE. Liu. I. 163
 changemēt prouint de la dextre de Dieu,
 employant cependant trois moyens pour
 les gagner, & les attirer à se disposer à cet-
 te faueur du ciel. Le premier estoit de les
 exhorter souuent à la vertu par des paroles
 qui ne pouuoient pas manquer d'estre puis-
 santes, estans fortifiées, & comme viuifiées
 par la vie de celle qui les prononçoit: vie
 que personne de ceux qui la connoissoient
 ne pouuoit nier estre toute moulée sur la
 vertu. C'estoit ce qui deuoit donner de
 l'efficace à ses exhortations: car Saint
 Isidore de Damiette a fort bien dit; *Que*
 les paroles qui ne sont pas accompagnées
 des actions, & de la bonne vie, sont foi-
 bles & sans force pour penetrer les cœurs:
 mais que celles qui sont animées par la
 vie & les actions, sont viuantes & effi-
 caces pour penetrer les ames; & pour
 parler avec l'Ecriture, ce sont des mar-
 teaux capables de briser des cailloux d'ob-
 stination. Le second moyen dont elle usa,
 fut le bon exemple, qui est vne amorce
 puissante parmy les hommes pour les por-
 ter au bien, aussi biē que le mauuais est vne
 amorce puissante pour les jetter dās le mal.
 Pour le sien jamais il ne leur manqua, puis
 qu'elle mena tousjours yne vie qui rauis-
 soit ceux qui la voyoient, en admiration.

Sermonē
 actionis
 expertem
 manum
 & imbe-
 cillē esse,
 eum autē
 qui ab a-
 ctionibus
 inspiratur
 viuum &
 acrem ar-
 que effica-
 cem. ^a
Isid. Pelus.
lib. 2. epist.
 152.

Pour celuy des Religieuses qui suiuoient son party, & estoient soubz sa charge, après les auoir soigneusement formées à la vertu, elle faisoit tout son possible afin que les autres communiquassent avec elles, esperant que le bon exemple de leur conuersation leur toucheroit le cœur, & leur feroit connoistre le mal qu'elles faisoient de ne pas vouloir se reformer. Le troisiéme moyen qu'elle employa, & le plus efficace de tous, furent les offices de charité qu'elle exerça soigneusement en leur endroit, ie l'appelle le plus efficace pour gagner leurs cœurs; parce que le plus fort moyen qu'on puisse auoir pour se faire aimer, c'est d'aimer; le vray aimant de l'amour, c'est l'amour mesme: Il n'y a (dit vn docteur Abbé) lien aucun plus tenant, ny chaine plus attrayante (quand vous y mettriez la chaine d'or de l'Hercule Gaulois) que la Charité. Mais quels offices de charité exerçoit-elle à l'endroit de ces Religieuses? Le laisse à part les prieres continuelles qu'elle offroit à Dieu pour elles, le grand desir qu'elle leur tesmoignoit de leur salut, le travail qu'elle prenoit pour cet effect, & la patience admirable qu'elle exerçoit au milieu de leurs oppositions & contradictions, sans leur en tesmoigner le moindre ressentiment, qui

Magnes
amoris a-
mor.

Nihil a-
moris te-
naci⁹ vin-
culo, nihil
trahētius.
Gilbertus
serm. 19.
in Cant.

GALIOTE DE S^{te} ANNE. Liu. I, 165
sont tous offices d'une vraye & sincere
charité. Je veux seulement représenter
comme elle se comporta à l'endroit de
l'une de ces Religieuses dans sa necessi-
té, qui est la touche de la vraye charité,
afin que lon cognoisse Apelés par la ligne,
comme on dit, & qu'on porte jugement de
toute la piece par cet eschantillon. Il y
auoit dans son Monastere vne de ces Reli-
gieuses, à laquelle on n'auoit jamais sceu
faire gouster le changement salutaire de la
Reformation, qui estoit fort maladiue, &
fort incommodée de moyens, en quoy elle
ne pouuoit pas trouuer beaucoup d'assi-
stance, ne s'estant jamais voulu mettre en
Communauté, elle auoit vne grande dou-
leur au bras, à raison de laquelle on luy or-
donna de le frotter souuent avec certaines
eaux, la Venerable Mere se chargea telle-
ment de ce seruice, qu'elle ne voulut point
permettre qu'aucune autre qu'elle luy fist
cette charité. Ce n'est pas tout, vne fois
cette Religieuse deuoit prendre des pillu-
les à minuit, elle se leua à cette heure pour
les luy faire prendre, & arriuant comme el-
le les prenoit, que la premiere luy faisant
mal au cœur, elle la rejetta avec beaucoup
d'autres ordures: cette Mere charitable ne
voulant pas qu'elle se perdit, parce qu'elle

166 LA VIE DE LA VEN. MERE
croyoit possible qu'il estoit necessaire pour
sa santé qu'elle en prist autant qu'il auoit
esté ordonné, la tira du milieu de cette or-
dure avec ses doigts, & l'ayant nettoyée, el-
le mesme la luy fit reprendre, sans tesmoi-
gner aucune auersion ny contre-cœur en
tout cela, quoy qu'elle fust d'un naturel
fort delicat, de peur que la malade ne se
dégoustast de prendre ce qui estoit neces-
saire pour sa santé. Mais c'est encore peu,
voicy vn tesmoignage d'excessiue charité;
elle vid que cette Religieuse qui estoit fort
necessiteuse auoit besoin d'une chemiset-
te, pour suppléer à ce defaut, elles alla de-
uestir vne petite cotte de frise qu'on luy
auoit donnée, la depeça, & en fit faire vne
chemisette qu'elle donna à la Religieuse;
mais tout cela si secretement que personne
ne s'en peut apercevoir, endurant le froid
avec vn grand contentement. Ne voila pas
vne action grandemēt charitable? Ne voi-
la pas vne charité capable de raurir le cœur
de Dieu? Ne voila pas vne charité qui re-
nouelle les actions de S. Martin, & de S.
Iean l'Aumosnier, qui se descourirēt pour
couvrir les membres de IESVS, qui sont les
pauvres? Qui peut douter que celuy qui
recompensa avec tant de liberalité les a-
ctions de ces deux grands Saincts, n'aye
recompensé abondamment celle-cy?

CHAPITRE XXII.

*Elle a possédé toutes les conditions d'une
parfaite Superieure , où se verra le
soin incomparable qu'elle auoit de ses
Religieuses.*



Ainçt Basile de Seleucie parlât
de la creatiõ du premier hom-
me, dit elegamment, que toute
la nature ne le vid pas plustost
sortant de la main immortelle
de son Createur, qu'elle le vid Roy tres-
accompli , & capable de maistriser tout
l'Vniuers. Et moy ie dis, qu'en la Reforma-
tion de laquelle nous parlons, celle que
Dieu auoit esleuë pour en estre le principal
instrument, & pour gouuerner les ames qui
la seconderoit en l'execution de cét ouura-
ge, parut dès le cõmencement de cette Re-
formation, Superieure accomplie, & assortie
des principales cõditions qui cõcourrēt
à perfectionner ce mestier si releuë. Cette
proposition semblera hardie, le nōbre des
conditions qui sont necessaires pour cēt
effect estant si grand, & ces conditions si
sublimes qu'il semble qu'un Superieur ac-
comply soit un oiseau aussi rare & aussi
difficile à trouuer qu'un Cigne noir :

Natura
vidit ho-
minem
immorta-
li manu e-
ditum, vi-
dit simul
fictum, si-
mul regē
factum,
Orat. 2.

Mais la preuue que ie pretens en faire en ce chapitre, fera toucher au doigt, que si la hardiesse de la proposition est grande, la verité ne l'est pas moins. Mais pour en venir à bout plus heureusement, il est à propos de mettre en auant les principales parties & qualitez que doit auoir celuy à qui Dieu a donné la charge des ames, pour les remarquer par après avec ordre & methode en celle dont nous escriuons. Il est donc necessaire premierelement qu'il aye de la science & del'experience aux choses

Non cadentis est alium erigere, nec ignorantis docere.
Plutar. de doct. Princip.

Miserum est cum fieri magistrum qui nudū dicit esse discipulus.

spirituelles & interieures pour l'enseigner à ceux qui sont sous sa conduite, ce qu'il ne scauroit faire sans cette science & experience; car ainsi qu'a sagement parlé vn Escriuain prophane, comme ce n'est pas à celuy qui est cheu de releuer les autres, aussi n'appartient-il pas à celuy qui est ignorant d'enseigner. Et c'est sans doute pour ce sujet que l'on a si peu goûté en l'Eglise que les prelatures & charges des ames fussent données à des hommes tirez fraichement de la vie seculiere, parce que (dit fort bien le Pape Innocent I. de ce nom) c'est vne misere deplorable que celuy qui merite d'estre encore Disciple, & qui n'a pas commēcé de l'estre soit fait Maistre, & reçoieue la charge & l'obligatiō d'enseigner.

Il faut en second lieu qu'il adioust à la science la bonne vie, & qu'il viue conformément à ce qu'il enseigne, les Saints en donnent plusieurs raisons: les vns de peur qu'il ne renuerse par sa vie ce qu'il enseigne, comme ce Philosophe dont parle Laetance, qui destruisoit la doctrine par ses mœurs: Les autres de peur que ses enseignemens ne soiēt les iuges de sa vie, & que ne faisant pas, ce qu'il enseigne, il ne prononce contre soy-mesme tous les iours l'Arrest de sa condamnation: la meilleure est que les inferieurs se moulent pour l'ordinaire sur le superieur, comme la cire reçoit sa figure par l'impression du seau: ils ressemblent à la pierre Selenite, qui est tellement attachée au cours de la Lune, dont elle portel' image, qu'à mesure que cēt Astre croist ou décroist, elle croist ou diminue aussi: D'où sensuit que si le Superieur n'a la vie conforme à ce qu'il enseigne, il ne pourra manquer d'estre pernicieux & dommageable à ceux qui se doiuent mouler sur luy. La troisiēme condition necessaire à vn Superieur, c'est qu'il aye vn grād soin de ses inferieurs pour le corporel, les assistant avec des entrailles paternelles en toutes leurs necessitez, & sur tout dans les maladies, & pour leurs ames qu'il en aye vn

Hic suas
disputa-
tiones mo-
ribus de-
struebat.

*Lib. 5. In-
fir.*

Ad mea
ipse verba
damnabi-
lis cum
imperem
quæ non
impleo i-
dē in me
quotidie
cogor di-
clare sen-
tentiam.

Sydon. lib.

6. ep. 1.

Subditos
vt ceram
figillo, sic
ipſius mo-
ribus im-
primi ne-
cesse est.

Iſid. Pelus

Lib. 1. ep.

107.

170 LA VIE DE LA VENER. MERÉ
 soin incomparablement plus grand, ne re-
 putant aucun temps mieux employé que ce-
 luy qu'il employe à leur auancement; car la
 charité est l'une des principales perles qui
 composent l'orneiment du Prelat: Charité
 qui s'estend principalement aux ames, par-
 ce qu'elle est ordonnée, mais qui ne laisse
 pas en arriere les corps. La quatriesme par-
 tie qu'il doit auoir, c'est qu'il sçache cōdes-
 cendre aux infirmitez, compatir aux souf-
 frances de ses subjets, & les consoler dans
 les afflictions qui leur suruiennent, se gar-
 dant bien d'accroistre le nombre des Pre-
 lats, qui se dispensent de traiter avec ceux
 qui sont en leur charge pour cognoistre l'es-
 tat où ils sont, & qui ne peuuent supporter
 qu'ils s'adressent à eux pour le leur décou-
 urir, & qui ne les consolent iamais, si eux-
 mesmes ne leur en donnent l'occasion, &
 beaucoup dauantage, de faire comme ceux
 qui poussez de ce zele indiscret qui agitoit
 ce Demophile, auquel escrit l'Apostre de
 nostre France, leur reprochent leurs infir-
 mitez au lieu d'y condescēdre, leur en font
 honte au lieu d'y compatir, & au lieu de les
 consoler les mettent au desespoir. La cin-
 quiesme condition est qu'il soit soigneux de
 reprendre & corriger les fautes qui se font,
 sur tout quand ce sont fautes de malice, &

Pigri eu-
 stodes, &
 malè fide-
 les nullā
 in hoc ad-
 hibent di-
 ligētiā,
 non eunt,
 non qua-
 runt, &c.
 eptēgia.
 Gilbert.
 ser. 6. in
 Cant.

qui sont faites à escient, de peur que l'indulgence & la conuience leur fasse prendre pied: Mais il faut que cette reprehension & correction soit faite sagement & avec prudence, il faut quedás cette arche mystique la Verge ne soit point sans les Tables du Testament; c'est à dire (explique Estienne de Tournay) que celui qui a le pouuoir de reprendre & de corriger, le sçache faire comme il faut: Adioustez à tout cela qu'il ne doit pas se faire tellement aymer que l'amour chasse toute la crainte, ny tellement craindre que la crainte ne donne point de lieu à l'amour, mais que tout ensemble il se fasse craindre & aimer. Ce sont les principales parties nécessaires à celui qui a la charge des ames pour estre parfait en cet art de gouverner, qui (comme il a esté desia dit) est appellé l'art des arts: voyons en suite comme la V. Mere les a toutes possédées excellemment. En premier lieu pour la science & l'experience des choses spirituelles & interieures, ce que nous auons remarqué iusqu'à present est suffisant pour faire qu'on ne puisse douter qu'elle n'en aye esté douée en perfection: Car d'où pouuoit prouenir cette façon de vie si spirituelle & interieure, & ses exercices si releuez, ausquels

In arca il-
la non est
virga sine
Tabulis
testamēti,
quia qui
potestaté
habet cor-
ripiendi,
habet &
scientiam
corrigen-
di, epist.

172 LA VIE DE LA V. MERB
elle s'occupoit mesme auant le changemēt
de son Monastere? D'où pouuoiet proceder
ces paroles qu'elle employoit, representant
à la Religieuse ou Superieure qui auoit sa
conduite dans la maison de sainte Claire,
le degré d'Oraison où Dieu l'auoit esleuee;
paroles si sublimes & accomplies, qu'elles
ont obligé cette Religieuse d'asseurer en sa
relation que le Sainct Esprit son vnique &
souuerain Maistre auoit versé dans son ame
de grandes graces de deuotion, & l'auoit
conduite dans la pratique d'un haut degré
d'Oraison, & que lors qu'elle le luy racôtoit
comme à sa directrice, elle croyoit que le
plus expérimenté Theologien n'en pouuoit
dire dauantage? D'où en fin pouuoient nai-
stre ces instructions excellentes & ces en-
seignemens diuins qu'elle donnoit à ses
Religieuses, non seulement dès qu'elle
commença à les attirer à la vie spirituelle,
& lors qu'elle seiurnoit au Monastere de
sainte Claire par ses lettres, ains aussi de-
puis qu'elle en fut reuenue, leur aprenant
comment elles se deuoient comporter pour
faire vn bon fondement en la vie spirituel-
le, & ce avec vne telle dexterité, que l'on
eust dit qu'elle n'auoit fait autre chose de
toute sa vie, & avec vne si grande satisfa-
ction de la part de ses escolieres, qu'elles ne

se soucioient point d'autres personnes doctes & religieuses pour leur parler ? D'où dis-je, tout cela, sinon de la grande cognoissance qu'elle auoit des choses spirituelles, science qu'elle n'auoit pas aprise par la speculation, ny par la lecture des liures, ny par la conference des personnes spirituelles & doctes; tout cela luy ayant esté fort peu possible iusqu'alors, mais (comme vn ancien autheur a dict de Cassian) par la maistrise de l'experience, s'approchant fort souuent de Dieu, & par l'approche de cette souveraine lumiere, qui est le principe de toutes les lumieres, receuant des lumieres admirables en son esprit pour les communiquer en son temps. Pour la bonne vie & conforme aux enseignemens ce seroit chose superflü de s'arrester, puisque ce qui a esté dict iusques à present, & bien dauantage, ce qui sera dict au second Liure de cét ouurage, monstre tres-clairement qu'elle a possédé tres-avantageusement cette seconde qualité; il suffit de dire icy qu'elle n'a pas sujet de faire la plainte que faisoit vn des anciens Prelats de nostre France; Qu'il luy estoit necessaire d'enseigner ce qu'il refusoit de faire & de pratiquer; car qu'a-elle iamais enseigné qu'elle ne pratiquast serieusement, & n'affermist sa doctrine par ses actions? si elle a per-

Magistra
experien-
tia. Gen-
nadius in
Cassiano.

Indignis-
simus mor-
talium ne-
cessitas ha-
beo dice-
re, quod
facere de-
trecto. Si-
den. sup.

174 LA VIE DE LA VENER. MERE
suadé à ses Religieuses de mettre tout en
commun, & viure regulierement ; elle a
commencé la premiere, sans iamais vou-
loir (quoy que Superieure) auoir rien de
particulier ny plus que les autres : iusques
là qu'on a remarqué que si au Refectoire on
luy donnoit quelque portion, ou meilleure,
ou plus grande que les autres, elle la chan-
geoit aussi-tost avec quelqu'une de ses
sœurs : Si elle a affectionné les Religieuses
à l'exercice interieur de l'oraison, elle y a
toufiours esté tellement affectonnée, qu'on
pouuoit dire que sa vie estoit vne Oraï-
son continuelle tant elle y auoit d'affiduité.
Si elle a tasché de leur faire aimer la morti-
fication, cette vertu estoit sa plus chere
compagne, & sa plus agreable occupation.
Bref pour ne parcourir point icy ce qui doit
estre déduit au long autre part : si toutes ses
paroles & tous ses enseignemens ne ten-
doient qu'à encourager, & ses filles & tous
ceux qui traittoient avec elle, à la vertu, sa
pratique lui en estoit si familiere que (côme
vn grand Sainct parlant de S. Iean Baptiste
a dict) qu'il estoit tout moulé sur la peni-
tence, aussi pouuons-nous dire qu'elle e-
stoit toute moulée sur le patron de la ver-
tu. Venons à la troisieme condition
sur laquelle ie veux m'arrester vn peu da-

Tous pœ-
niteurs a
formatus
incedit.
Chrysol.

GALIOTE DE S^{te} ANNE. Liv. I. 175
uantage, qui est le soin charitable qu'elle
auoit de ses Religieuses, soin qui a esté tel
qu'on pouuoit souhaiter; car pour le cor-
porel sur lequel ie ne desire pas faire beau-
coup d'arrest, elle ne vouloit pas que rien
leur manquast de ce qui leur estoit neces-
saire, y pouruoyant autant que faire se
pouuoit: elle commandoit tousiours à la
despenciére qu'elle taschast de contenter
ses Dames; ainsi appelloit-elle ses Religieu-
ses pour le respect qu'elle leur portoit, se
reputât leur seruâte cõformémét à la parole
del'Euãgile, & qu'elle fist en sorte que cho-
se aucune ne leur manquast: *Car (disoit-el-
le) i'ayme mieux manquer afin que leur don-
nierz ce qu'elles voudront.* Durant la mala-
die qui preceda sa mort, en temps de Ca-
resme, ne pouuant à cause de son indispo-
sition se trouuer au Refectoire de la Com-
munauté, elle demãdoit à la despenciére ce
qu'elle donnoit à ses Religieuses; si elle luy
disoit qu'il y auoit assez dequoy, elle se trai-
noit iusques au lieu de la refection pour voir
comme elles estoient traitées: que si elle
trouuoit que quelque chose leur manquast,
elle s'en retournoit comme toute confuse
& affligée de ce qu'elle n'y pouuoit appor-
ter le remede qu'elle eust désiré, à cau-
se que le lieu estoit incommode pour a-
uoir des viures spécialement en ce temps.

176 LA VIE DE LA VENER. MERE
Que si elle auoit vn soin si charitable de ses
Religieuses lors qu'elles estoient saines, cō-
bien en deuoit-elle auoir lors qu'elles e-
stoient malades, elle qui a eu touliours vne
si particuliere affection à seruir & assister les
malades? Tous ses plaisirs estoient de les ser-
uir en ces occasions, de les assister, de leur
donner les remedes necessaires, y employât
aussi volontiers la nuit que le iour. Vn iour
de la Toussaincts vne Religieuse estant fort
incommodée d'une toux qui la pressoit ex-
tremement, elle se leua à minuit pour l'assi-
ster, & passa tout le reste de la nuit pour luy
donner des remedes qu'elle cherchoit elle-
mesme par la maison. Vne autre estant ma-
lade de dissenterie, qui est vn mal dange-
reux, elle la mit en vne chambre à part, des-
fendant à ses Religieuses d'y entrer, de peur
qu'elle auoit qu'elles ne prissent ce mal, &
cependant elle-mesme la seruoit, & luy dō-
noit ses necessitez: ce qu'elle continua iuf-
ques à ce que la malade eut recouuré sa san-
té. Je pourrois apporter beaucoup d'autres
exemples rares à ce propos que ie reserve
pour vn autre chapitre, où ie parleray de sa
charité; parce que ie ne suis pas assuré si ils
sont arriuez deuant ou apres la reformatiō:
I'adiousteray seulement que quand les Re-
ligieuses deuoient prendre medecine, elle
com-

commandoit à l'Infirmiere qu'elle l'appellast quand il seroit temps de la leur faire prendre : car elle vouloit tousjours elle-mesme la leur donner. Elle faisoit son oraison la premiere, & après icelle elle enuoyoit l'Infirmiere faire la sienne, & entendre la Messe, demurant en son absence pour garder les malades, & pour les assister : ce sont des tesmoignages du soin incomparable qu'elle auoit de ses Religieuses pour ce qui regarde le corporel : Que si le soin qu'elle en auoit estoit si grand, qui pourra dire quel estoit celuy qu'elle auoit de leurs ames & de leur auancement, elle qui scauoit bien qu'il n'y a point de profit de soigner & procurer le bien du corps si celuy de l'ame est negligé ? Quelle peine ne prit-elle pas au commencement pour donner à ses filles la connoissance des choses spirituelles ? Quel temps n'y employoit-elle point ? il n'y auoit heure du iour qui fut libre pour elle, qu'elle ne la donnast du meilleur de son cœur à cette occupation : que si elle estoit occupée le iour pour ses grandes affaires, elle y employoit les nuits, desquelles elle en a passé vn grand nombre sans dormir ; non seulement en Esté, mais pendant les plus grandes froidures de l'Hyuer, & ce sans feu, re-

*Carnem
saginari
& spiritum
esuri-
tum esuri-
rent prodest.
Tert. lib.
ad Marc.
tyres.*

178 LA VIE DE LA VENER. MERE
jettant ce soulagement. Elle auoit cette
grace du ciel, qu'à voir ses filles elle con-
noissoit l'estat où elles estoient : & si elle
sensoit qu'elles fussent tentées ou trou-
blées, elle ne se fust iamais couchée sans
les auoir contentées, & leur auoir faict per-
dre l'affliction qui les pressoit, ne prenant
pas seulement cette peine pour les sœurs
du Chœur, ains aussi pour la moindre des
sœurs layes. Que si iamais il luy fut ne-
cessaire de faire esclatter cette sienne cha-
rité, ce fut au commencement de la Refor-
mation, lors que le Demon infernal enra-
geant de ce changement de la dextre de
Dieu, à cause de la grande perte qu'il y al-
loit faire, attaquoit ces tendres & nouuel-
les plantes de toutes sortes de tentations ;
car il falloit qu'elle fust à l'entour d'une
chacune pour luy donner courage, pour
l'instruire, pour la consoler : Mais Dieu,
qu'elle faisoit cela volontiers, & qu'elle es-
timoit le temps bien employé qui se passoit
en telles occupations ; il n'en faut point de
plus fidelle témoin que les paroles qu'elle
dist en deux occasions à vne de ses Reli-
gieuses, que Dieu permit estre affligée d'une
grande tentation, pour son bien premie-
rement, & puis pour faire paroistre de mer-
ueilleuses perfectiōs de la V. Mere, comme

nous verrons en deux ou trois endroits de cet ouvrage. La premiere fut la voyant fort en peine pour l'encourager à recourir à elle quand elle auroit besoin de son assistance, auquel sujet elle luy dist souuent. *Ma fille, ne m'espargnez point au nom de Dieu quand vous serez tentée, ou que vous auez quelque peine, soit que ie sois à l'Oraison (qui est le lieu que ie tiens le plus cher) soit à la lecture, ny moins quand ie seray au lit, ny en quelque lieu que ce soit ; car ie ne trouue pas de temps mieux mis que celuy que ie mets pour assister celles que Dieu m'a mises en charge.* Paroles qu'elle tenoit à toutes ses autres Religieuses ; car en cecy, elles luy estoient toutes égales. L'autre fut quelques iours deuant sa mort, lors que la Religieuse dont nous parlons la remerciant de ses charitez, & luy demandant pardon de tant de peines qu'elle luy auoit données, elle luy respondit. *Non, ma fille, ne me demandez pas pardon de cela, car c'est à moy de vous remercier, parce que peut-estre vous auez esté cause que i'auray mérité quelque chose deuant Dieu.* Toutes lesquelles paroles font voir si clairement qu'elle auoit vn soin plus que maternel (s'il se peut dire) des ames de ses Religieuses ; (car on ne scauroit douter qu'elle ne les traitast également) & qu'elle n'estimoit aucun téps

180 LA VIE DE LA V. MÈRE
mieux employé pour leur auancement,
que ce seroit chose superflue de le vouloir
dauantage esclaircir : Tellement que ie
me contenteray de remarquer quatre ou
cinq graces excellentes que Dieu luy
auoit données en cét exercice, qui com-
prendront le reste des conditions d'un
Superieur accompli. Mais ce sera au
Chapitre suiuant, car celui-cy est assez
long.

CHAPITRE XXIII.

*Suite des conditions qui se sont trouuées
en elle pour la rendre Superieure ac-
complie, où sont racontées des graces
tres-particulieres que Dieu luy a fai-
tes en ce suiet.*



Vand Dieu veut rendre vne
ame parfaite & accomplie en
quelque office, c'est merueille
de voir les graces abondantes
que la liberalité (qui est vne veine inespui-
sable) verse sur elle pour cét effect. Nous en
verrons vne preuue excellente en la Ve-

GALIOTE DE S^{te} ANNE. Liu. I. 181
merable Mere Galiote; car pour la rendre
accomplie en la conduite & au gouuer-
nement des ames, quelles graces n'a-il
point fait decouler sur elle? quelles per-
fections neluy a-il pas donné, avec vne
liberalité digne de son infinie grandeur?
I'en rapporteray icy quelques-vnes que
i'ay apprises dans les Relations tres-fidel-
les de celles qui ont eu le bon-heur
d'estre soubs sa direction, qui seules en
peuent parler avec experience, & par
consequent avec verité. La premiere est,
que comme elle estoit d'une humeur fort
douce, humble & acostable, elle auoit
cette force & grace, que toutes ses Reli-
gieuses auoient vne grande Foy & con-
fiance en elle, pour se descouuir & ma-
nifester leur interieur: c'est pourquoy el-
les n'auoient rien de caché qu'elles ne luy
declarassent avec beaucoup de facilité; &
ce non seulement pour ce qui estoit des
fautes ou imperfections legeres, ains aussi
pour les pechez, leur confiance estant ve-
nuë à ce poinct qu'elles n'eussent pas vou-
lu faire vne confession generale sans la luy
montrer. Cette grace est d'une tres-grande
importance pour celuy qui a la charge des
ames: car s'il est tel que ses sujets n'ayent
point de confiance en luy, & n'osent luy

182 LA VIE DE LA VENER. MERE
descourir les secrets de leur interieur, il
sera cause qu'ils croupirôt dans leurs misè-
res & pauvretes : car comme il n'est pas
possible de receuoir la guerison des mala-
dies corporelles, tandis qu'on les cache au
Medecin qui y doit apporter remede, de
mesme n'est iamais l'ame desliurée des
maladies interieures tandis qu'elle les tient
cachées au Medecin spirituel, qui est le Su-
perieur : là où si les inferieurs luy ont de la
confiance pour se manifester comme il
faut, c'est merueille du bien qui en reuiet
à l'ame; car le recours au Prelat avec con-
fiance donne ce bon-heur à l'ame, quoy
que vagabonde, de trouuer son bien-aymé;
comme a remarqué vn Abbé fort spirituel:
cette confiance & l'humilité de ce recours
estant tellement agreable à Dieu, qu'il
donne à raison d'icelle à l'ame ce que la
capacité du Superieur n'eust pas peu luy
donner. La seconde grace estoit de con-
tenter & satisfaire extremement à ses Reli-
gieuses qui recouroient à elle, mais telle-
ment qu'il ne s'en est pas trouué vne pour
grandement troublée & affligée qu'elle
fust, qui luy ayant communiqué son trou-
ble & son affliction, n'en soit sortie con-
tente & toute disposée à mettre sous les
pieds toutes les repugnances & difficultez

Videtur
fratres
quid pro-
ficat con-
sultatio
pastorū,
deuotam,
sed vagā
animā ad
inūctionē
dilecti per
ducit, ut
quidē cō-
sultatio, &
frequēter
quod non
confert
eorū qui
consulan-
tur erudi-
tio, con-
sulentis

qui se peuuent rencontrer en la vie spirituelle, & resoluë de faire tout ce que elle commanderoit. Voicy ce que dict ^{meretur humilitas. Gilb. serm. 7 in Cât.}

à ce propos vne Religieuse Vrsuline qui a esté sa Nouice quatre ou cinq ans. Elle auoit cette grace, que ie n'ay veu oncques qu'aucune aye sorty de se declarer à elle, mal consente, mais aussi satisfaite & contente comme si elle n'eust rien en qui luy eust donné de la peine. Pour mon particulier ie l'ay experimenté fort souuent: par exprès en vn subiect qui la regardoit; car faisant ma confession generale estant venue à ce point, il me fut commandé de le luy declarer; mais sentant de la difficulté de le luy dire, ie m'en allay à la porte de sa chambre, elle cogneut que ie luy voulois parler: c'est pourquoy elle m'appella, où ie me sentis tellement forcée de luy dire ce que ie voulois cacher, qu'il ne me fut pas possible d'y resister, & ce fut avec vne telle satisfaction de mon ame, que ie ne la scaurois exprimer. Iusques icy sont les paroles de cette Religieuse, ausquelles auant que sortir de cette grace, i'adjouteray volontiers ce qu'a rapporté & assuré vne de ses Religieuses,

184 LA VIE DE LA VENER. MERE
de la façon que la Venerable Mere tenoit
pour la desliurer du trouble d'une tenta-
tion avec laquelle Dieu l'exerçoit beaucoup,
où ceux qui la considereront iudicieuse-
ment pourront remarquer quelque chose
de merueilleux. *La tentation que j'auois (es-
crit cette vertueuse Religieuse) me donnoit
beaucoup plus de peine lanuiet qu'en autre temps.
Je l'allois cueiller souvent, & tout doucement elle
me prenoit la main, & me disoit, allez vous en
reposer ma fille, au nom de Dieu, & me faisoit
le signe de la Croix sur le front; ie m'en retour-
nois, & passois en repos le reste de lanuiet. La
troisieme grace est qu'elle scauoit en per-
fection condescendre aux infirmités de
celles qui estoient en sa charge, compatir à
leurs foiblesses, & se condouloir à leurs af-
flictions, qui est vne des principales condi-
tions d'un vray Prelat remarquée par le grand
Apostre parmy les perfections du Pasteur
& Euesque de nos ames Iesus: lors que les
Religieuses estoient tombées en quelques
imperfections, elles s'alloient jeter aupres
d'elle les larmes aux yeux, lesquelles estoient
aussi-tost suiues des siennes: Car elle auoit
cette custume (diét en sa Relation vne de ses
Religieuses) que lors qu'elle nous voyoit pleurer
en luy recitant nos imperfections, elle pleuroit
comme nous. Que si examinant l'imperfe-*

GALIOTE DE S^{te} ANNE. Liu. I. 185
tion & la faute commise elle voyoit que la
tentation & la foiblesse l'eust causée, elle
les encourageoit, leur tenant ces paroles
dignes d'estre remarquées. *Le Diable enra-
ge de la guerre que nous luy faisons; ne pouvant
avoir de repos sinon nous faisons tomber, &
nous deguster de nostre sainte entreprise: Mais
courage, nostre cher espons ne dort pas, il prend
plaisir de nous voir combattre, & en son temps
nous le cognoissons bien; ayons seulement con-
fiance en sa divine providence: Pensez-vous
estre seules imparfaites; si vous sçauiez com-
bien ie suis remplie d'imperfections, qui peut-
estre causent les vostres: Proposons donc, mes
filles, de commencer vne nouvelle vie, & vous
& moy; adioutant à ces paroles des
moyens pour vaincre telles imperfections.
Que peut-on dire de plus condescendant
& de plus compassif? Et qui eust esté le
cœur qui ne se fust consolé à ces paroles,
& qui n'eust esté encouragé pour se releuer
courageusement? Mais avec ce Miel de
condescendance & compassiō, elle sçauoit
parfaitement conjoindre l'aiguillon de la
reprehension & correction: Et c'est icy la
quatriesme grace que Dieu luy auoit com-
muniq̃uée, qui est, qu'elle auoit vn zele
tres-particulier pour reprimer le mal, re-
prenant & corrigeant, en quoy elle appor-*

186 LA VIE DE LA VENER. MERE
toit vne telle façon & prudence, que l'on
auoit de la satisfaction & du contente-
ment d'estre repris d'elle : elle exerçoit
particulierement ce zele en deux ou trois
occasions. Premièrement, quand il s'a-
gissoit des fautes commises contrel'obeis-
sance, & l'obseruance, fautes qui ne trou-
uoient point d'indulgence, sçachant tres-
bien que cette vertu estant renuersée, la
Religion ne pouuoit manquer d'aller par
terre, parce que l'obeissance est la base &
le fondement de l'estat Religieux. En se-
cond lieu, lors que les fautes commises
prouenoient de malice, ou estoient faites
à escient, ou par habitude. Voicy comme
en parle vne de ses Religieuses. Elle estoit
ennemie de toute sorte de coulpe, si qu'elle ne
laissoit passer aucune faute sans punition; mais
particulierement de celles qui se commettent à
escient. Car, presidant au Chapitre, si quel-
qu'une se fust accusée de quelque faute (quoy
que legere) à escient, par habitude ou par pa-
resse, elle ne les pardonnoit aucunement, di-
sant qu'elle ne sçauoit pardonner ces person-
nes qui offensent Dieu de la façon, & que
pouuelle, elle aimeroit mieux mourir mille fois
que de l'offencer en la moindre chose où elle
eusse connu que Dieu y seroit tant soit peu
offencé. C'estoit cette auersion qu'elle

GALIOTE DE S^{te} ANNE. Liu. I. 187
auoit aux fautes faites à escient, qui la
portoit à rechercher soigneusement, lors
qu'elle voyoit quelqu'une de ses Filles
longuement tremper dans quelque ten-
tation, si c'estoit de sa faute que cela pro-
uenoit : auquel sujet ie veux mettre icy
comme elle proceda en cette recherche
enuers vne de ses Religieuses, afin qu'on
voye la prudence admirable que Dieu
luy auoit donnée. *Pour voir si ma ten-
tation prouenoit de quelque inconuenient*
(*escriit cette Religieuse*) elle me mettoit
souuent à l'espreuue, en me parlant quelques-
fois elle me rudoyoit grandement, elle taschoit
de me faire euitier toutes les occasions qui me
pouuoient causer ces pensées, & encore m'or-
donnoit des mortifications, & entre-autres
elle me donnoit souuent son cilice pour le
porter; mais apres qu'elle eut veu que tou-
tes ces choses n'y seruoient de rien, elle m'ex-
horta fort de prendre cela comme vne Croix.
La cinquième & dernière grace que Dieu
luy auoit communiquée estoit vn ascen-
dant admirable sur l'esprit, & sur les affe-
ctions de celles qu'elle gouuernoit. Voicy
ce qu'en raconte en sa Relation la Reli-
gieuse Ursuline, dont nous auons désja
parlé quelquesfois. *C'est vne verité que*
j'ay tousiours conseruée qu'il est impossible

188 LA VIE DE LA VENER. MÈRE
de voir l'ascendant qu'elle auoit sur l'esprit de
ses Religieuses, car ce n'estoit qu'une mesme vo-
lonté ; & ie puis dire n'auoir iamais remarqué
qu'aucunes de celles qui estoient de la Reforme,
luy ayent iamais contredict, ny veu la moindre
noise ny desplaisir parmy elles ; c'estoit elle qui
dans peu de temps leur donna l'esprit de Reli-
gion. Et vn peu apres, l'amour que toutes luy
portoient estoit tres-grand, si que ie ne pense pas
qu'il y puisse auoir plus de cordialité & d'affec-
tion à l'endroit d'aucune personne, que toutes ses
Religieuses en auoient pour elle, qui l'honoroient
d'une telle façon, qu'elles n'eussent entrepris ny
osé faire la moindre chose du monde, où elles
eussent creû qu'elle n'eust pas pris plaisir. Mais
quoy, ce grand amour ne leur faisoit
point perdre la crainte, la reuerence, & lo
respect qu'elles luy deuoient; car (dit en vn
autre endroit cette mesme Religieuse, de
laquelle le tesmoignage est d'autant plus
receuable, qu'oultre sa vertu, elle rap-
porte ce qu'elle a veu.) De cét amour, nais-
soit la crainte & la reuerence qu'elles luy por-
toient ; car elles la respectoient non seulement
pour estre sortie d'une grande maison comme el-
le estoit, & pour la dignité qu'elle auoit, mais
encor pour quelque chose de particulier qu'elle
auoit qui la faisoit reuerer comme une sainte :
car à la voir seulement on estoit saisi de crainte,

non qu'elle fust rude , ains au contraire toute douce & affable. Voila des qualitez & des parties bien excellentes, & qui font voir que ie ne donne pas icy vne Superieure accomplie en ombre ou imagination comme Xenophon son Prince, ou Ciceron son Orateur, mais avec toute verité: i'adiousteray briuelement auant que clorre ce Chapitre d'autres perfectiōs bien remarquables que i'ay recueillies de cette mesme relation. Sa conuersation estoit toute admirable & aymable: elle auoit vn tel abord , que qui la voyoit estoit tout rauy de voir par son maintien & modestie, reluire en elle toutes les vertus ensemble. Sa presence auoit cela que de se faire aymer , & à mesme temps respecter: elle cauſoit à son arrivée vne grande joye & consolation, & cependant faisoit que tout le monde se mettoit en son deuoir pour se composer: car seulement de la regarder on estoit incité à faire reflection sur soy, & moy qui estois ieune, m'apperceuois à mesme temps de mes manquemens. Elle conuersoit avec vne telle familiarité, que traittant avec nous des choses spirituelles, nous en parlions avec toute sorte de franchise, tant elle nous ouuroit le cœur, & nous affermissoit le courage. Elle prenoit le ſoing de nous faire faire les conferences, rendre compte de nostre Meditation, ou elle nous

parloit avec tant de zele & de ferueur, qu'elle en demeuroid toute enflammée, & nous dans l'estonnement de voir tant de ferueur, c'est de ce qu'une de mes Compagnes & moy conserions souvent. Cela luy arriuoit souvent parlant des choses spirituelles, que par fois elle demeuroid deux heures à nous en parler, sans s'appercevoir de ce qu'elle faisoit. Bref elle auoit cela que d'imprimer dans les ames ce qu'elle disoit, & falloit se rendre à ses discours & paroles. Et certes afin que ie fi-

Lingua
mea cala-
mus scri-
bæ.

Psal. 44.

Quod lin-
gua lo-
quitur so-
nat & trā-
sit, quod
scribitur
manet.

*Aug. in il-
lum Psal.*

nisse ie n'en estonne pas, puis-que ja-
mais elle ne portoit ses Religieuses à cho-
se aucune qu'elle n'eust au prealable essayé
comme il le falloit faire; car la langue de
ceux qui se comportent de la sorte est
vne plume de laquelle l'ouurage est per-
manent & demeure, & non pas vne langue
qui n'a produit qu'un son qui passe, & s'e-
uanoüist en l'air.

CHAP. XXIV.

*Les diuerses maladies & souffrances
dont Dieu l'a exercée durant sa vie.*

Les sentimens des ames mondaines, & ceux des seruiteurs de Dieu sont grandement differens touchant l'estime des maladies & des afflictions, ceux-là les estiment estre des malheurs, ils les regardent, non pas comme vne verge capable d'operer des merueilles dans leurs ames, ains comme des serps funestes; il y en a mesme qui sont si aueugles que de s'imaginer que ce sont des supplices, & des effects de quelque sorte de cruauté, comme si en Dieu qui est la Bonté par essence il y pouoit auoir aucune cruauté : les autres mieux éclairez les reçoient comme des visites de celui qui les chérit souverainement, & des benefices qui sortent d'une main paternelle, ils les estiment semblables à cet escalier d'escarlate, par lequel on arriuoit au reposoir d'or du Thrône de Salomon, ils croient avec assurance que ce sont les liurées de Iesvs, les atres de son amitié : & (pour par-

192 LA VIE DE LA VENER. MERE
ler comme sainte Gertrude) l'anneau
lequel il a accoutumé de donner aux ames
lors qu'il les veut espouser. Du nombre de
ces derniers, a esté toute sa vie la Venera-
ble Mere, faisant vne estime incompara-
ble des souffrances: Aussi Dieu qui en est
volontiers liberal aux ames qui les ai-
ment, & les desirent pour le bien ineffa-
ble qu'il leur en reuient, ne fut pas chiche
à luy en donner sa part, & pour le corps
& pour l'esprit. Premièrement pour les
murmures, les calomnies, & les contra-
dictions, qui est celuy des seruiteurs de
Dieu qui en aye tant esprouué comme
elle a fait durant le peu de temps qu'elle
a vescu? Quel est le temps de sa vie qui en
aye esté exempt? Quelle est l'action ver-
tueuse qu'elle aye voulu faire à laquelle on
n'aye donné de la contradiction? Elle a
esté contredite en ses penitences, on a
murmuré de ce qu'elle ne vouloit pas sui-
ure le train du libertinage commun; elle
a eu de la contradiction lors qu'elle re-
fusa de faire sa profession à l'aage d'vnze
à douze ans, estant contrainte de la faire
par les discours qu'on tenoit d'elle sans
aucun fondement; elle en a eu lors qu'elle
rejetta la superiorité qu'on luy fit prendre
dès l'aage de quinze ou-seize ans; elle en
a eu

a eu durant son agreable sejour du Monastere solitaire de Fieux, que les murmures luy firent quitter; elle en a eu introduisant les Religieux dans son Monastere, & par leur moyen instruisant quelques-vnes de ses Religieuses en la spiritualité, & vertu; elle en a eu, mais d'incroyables, dans l'entreprise de la Reformation de sa Maison; elle en a eu durât le progres d'icelle; & ce qui est plus sensible, elle a eu des contradictions tres-grandes durant la derniere maladie dont elle mourut, lors qu'on la menaçoit qu'on affligeroit ses Filles, qu'elle aimoit comme la prunelle de ses yeux, qu'on ouvroit ce qu'elle auoit fermé; en vn mot, qu'on destruiroit ce qu'elle auoit esleué avec tant de trauail. Mais de qui est ce qu'elle ne receut point de la contradiction? elle en receut de ceux de dehors, elle en receut des Religieuses qui refusoient de se reformer. elle en receut de ses parens, elle en receut de son propre pere, quoy qu'elles ne procedassent que du tres-grand amour qu'il luy portoit, & non d'aucune mauuaise volonté. Dieu Eternel, n'est-ce pas viure dans le feu comme la Salamandre? N'est-ce pas en estre entourée comme le Buissou que vid Moysé? Cel'est sans doute: Mais comme le feu au lieu

N

Ignis ef-
fectu se
posito flos
igne co-
ronatus.
ἀγνὸς πυ-
ρὶς ἐσφαι-
ρίσθη.

Orai. 9.

d'endommager le Buïsson, le couronnoit sans luy faire aucun tort; d'où vient que Sainct Basile de Seleucie a appellé ce Buïsson vne fleur couronnée de feu: de mesme en est-il des flammes de ces murmures & contradictions, elles ne luy ont fait aucun dommage, puis qu'elle les mesprouoit, & malgré elles demouroit constante & immobile en ses resolutions: Tout ce à quoy elles ont seruy, ç'a esté à luy composer vne courōne qu'elle portera eternellement. Aux contradictions i'eusse adjouté volontiers les seichereffes & aridez dont Dieu l'a exercée en l'Oraison, & autres trances interieures qui sont connuës aux ames qui marchent dans la vie spirituelle & interieure, ou qui lisent les liures qui en traitent, n'eust esté que ceux de qui nous suiurons les fideles memoires, n'en ont rien escrit, possible pour le soin particulier qu'elle a eu de ne point esuenter ce qu'elle tenoit tres-cher: car ie ne fais aucun doute qu'elle n'a pas esté exempte de ces afflictions interieures, ausquelles se doiuent refoudre ceux qui profitent en l'Oraison, & qui y sont esleuez comme elle estoit, puis-que c'est le pain ordinaire dont le Bien-aimé les repaist. Et en effect il me semble que ses Religieuses l'ont assez

GALIOTE DE S^{te} ANNE. Liu.I. 195
 donné à entendre, lors qu'elles ont remar-
 qué que son esprit, son naturel, & sa façon
 de proceder, auoit beaucoup de ressem-
 blance avec l'esprit, le naturel, & la façon
 de proceder de la Seraphique Mere sain-
 cte Therese de Iesus: car, qui est celuy pour
 tant soit peu versé qu'il soit en la lecture
 des Liures excellens de cette Saincte, qui
 ne sçache que le Ciel n'est pas dauantage
 orné d'estoiles, que sa vie a esté parsemée
 d'afflictions interieures, de seichereffes &
 d'ariditez. Je viens donc aux maladies
 corporelles que j'ay reseruées pour les der-
 nieres, parce qu'il se faut refoudre d'ores-
 naut de nous y entretenir, iusques à
 sa mort: car Dieu l'a tellement exercée
 par cette voye là, & ses infirmités corpo-
 relles ont esté si continuelles, que comme
 vn grand Sainct parlant de la vie d'vn
 auetugle né, disoit élégamment que c'est
 vne vie qui ne cōprend qu'vne seule nuit;
 aussi pouuons nous dire que la vie de la V.
 Mere n'a esté qu'vne nuit de souffrance &
 de maladie, quoy qu'elle en aye eu vne grā-
 de diuersité. Depuis son bas aage iusqu'à la
 mort elle a esté incommodée d'vn mal d'o-
 reille, qui luy causoit de grandes douleurs,
 & qui faisoit qu'elle en estoit vn peu dure:
 à l'aage de 24. ans elle en fut beaucoup

Vita exei,
 vita qua
 nocte cō-
 pensa.
 Basil. Se-
 leuc. Orat.
 16. à l'eu-
 mu- m-
 me- m-
 me- m-

196 LA VIE DE LA VENER. MERE
affligée presque toutes les nuits, & en ou-
tre d'un mal de dents, avec des douleurs
qui la contraignoient de se leuer du lit
pour se distraire vn peu par la chambre:
mais douleurs si furieuses & si sensibles
qu'il y en auoit pour faire perdre patience,
quoy que neantmoins elles ne luy arra-
cherent jamais le moindre acte d'imp-
tience, comme nous dirons amplement au
Chapitre qui sera destiné pour sa patience,
où nous referurons les belles paroles que
ces douleurs luy mettoient en la bouche,
nous contentans icy de faire comme vn
assemblage de ce que son corps a souffert.
Elle a esté toute sa vie sujette à vne dou-
leur de teste, de laquelle il ne se passoit
presque point de sepmaine qu'elle ne fust
grandement tourmentée l'espace de vingt-
quatre heures: outre cela elle auoit tous-
jours de grands maux d'estomach, & à
cause de la mauuaise nourriture, les dou-
leurs d'estomach la reduisoient souuent à
vn estat fort pitoyable, jusques à ce qu'elle
auoit jetté hors tout ce qu'elle auoit dans
ce pauvre estomach. A l'aage de vingt ans
elle fut malade de la petite verole, qui luy
causa des douleurs si estranges qu'elle
croyoit en mourir, s'estant disposée à la
mort, en la façon que nous auons déjà dit

GALIOTE DE S^{te} ANNE. Liu. I. 197
autre part, où no^s auons aussi rapporté ce qui
se passa de remarquable dâs cette maladie,
qu'il n'est pas à propos de redire icy. Cette
maladie s'en allant luy laissa des effects de
son venin, car elle fut cause que tant qu'elle
vescut du depuis elle eut de grandes incommoditez
en sa santé, son corps demeurait souuent enflé, & ses
jambes l'estoient tousjours: mal qui luy faisoit
ressentir de grandes & sensibles douleurs. Après
cela, comme elle fut retournée au Monastere de
l'Hospital, allant de ce Monastere à celuy de
Fieux, suruint cette cheute dont nous
auons parlé, en laquelle elle se desmit vn
bras, & s'offença vn nerf: Dieu sçait combien
les douleurs que cela luy donna furent
violentes, lesquelles n'amoindrirent pas
sans doute en la cure, durant laquelle
neantmoins, ce qu'elle souffroit ne fut pas
capable de luy faire sortir de la bouche
autres paroles que celles-cy. *Mon Dieu, as-*
sistez-moy. La cure ne termina pas le sujet
d'affliction, car elle demeura plus de six
semaines sans pouuoir remuer le bras, avec
danger qu'elle n'en fust estropiée le reste
de ses jours; ce qui l'affligeoit grandement,
non pas pour le mal, ou pour les douleurs,
car elle les cherissoit passionnément, mais
pour les raisons que nous auons rappor-

198 LA VIE DE LA VENER. MERE
tées, qui sont dignes de sa rare vertu.
Quelque temps après elle eut vne delu-
xion au genouil, vne enflure par tout le
corps qui fut accompagnée ou plustost,
qui luy donna la fièvre continuë durant
neuf ou dix jours, mais avec tant d'ar-
deur qu'on apprehenda qu'elle n'en
mourust. Peu après qu'elle eut esté deli-
vrée de ce danger, & que la fièvre l'eut
quittée, le froid d'un accès de fièvre la
saisit de nuit, avec un tremblement si
vehement, qu'il écuilla l'Infirmiere, qui
sans cela n'en eust rien sceu, la V. Mere
desirant endurer son mal sans que person-
ne en sceust rien. Que dirai-je des dou-
leurs d'estomach dont Dieu l'exerça quel-
que temps deuant la maladie dont elle
mourut? elles estoient si grandes qu'elles
la reduisoient à l'extremité, & la contrai-
gnoient de dire à ses Filles, qu'il luy sem-
bloit qu'on luy arrachoit l'estomach, quoy
que neantmoins elle ne laissast pas de
faire ce qui estoit de son deuoir, comme si
elle eust esté en pleine santé; c'est vne par-
tie de ce qu'elle a souffert & enduré au-
parauant la maladie que Dieu luy enuoya,
la voulant retirer de ce monde, & l'attirer
à soy; Maladie qui a duré dix mois en-
tiers, & qui a compris un grand nombre

GALIOTE DE S^{te} ANNE. Liu. I. 189
de tres-fascheuses & tres-sensibles mala-
dies, sur lesquelles nous nous arresterons
dauantage dans les Chapitres suiuians,
nous contentans de les représenter en
gros sur la fin de celui-cy. Au retour d'un
voiage, dont nous parlerons au Chapitre
suiuant, passant par Tholose, elle y tomba
malade d'une dissenterie qu'elle garda un
mois: cemois escoulé, & elle estant hors
de danger, on la mena en un lieu pour
changer d'air, où elle fut quinze jours à la
mort: estant retournée dans son Monaste-
re elle eut un flux, avec une fièvre, qui nela
quitterent point, elle deuint Hydropique,
Pulmonique, Etique formée; & outre tout
cela elle estoit sujette aux gouttes, qui luy
donnoient souuent de grandes douleurs.
Que dirai-je dauantage? incontinent après
Pasques elle eut une espeece de dissenterie,
qui la reduisit à tenir le liét iusques à la
mort. N'est-ce pas assez de souffrances
pour un pauvre corps? Non certes, trois
semaines deuant sa mort, un chancre luy
vint au gozier, qui l'empescha de plus rien
manger tant qu'elle vescu, & comme elle
disoit qu'elle māgeroit bié quelque chose
si elle pouuoit: *Iesus* (disoit le Medecin) *quel*
Speſtacle de voir un pauvre corps mourir de faim
ſans le pouuoir ſecourir! Ce n'est pas tout,

CHAPITRE XXV.

*Elle faict vn voyage en Causse pour
boire des Eaux , & le succez d'ice-
luy , qui fut le commencement de la
maladie dont elle mourut.*



Comme les indispositions de la Venerable Mere Galiothe estoient si frequentes , & son estomach si estrangement detraqué , les Medecins estans au bout de leurs remedes , iugerent à propos qu'elle allast boire des eaux de Causse dans la Gascogne , qui sont fort salutaires , & luy en donnerent le conseil. Ce fut peu apres la Reformation , qu'ils luy conseillerent ce voyage , lequel l'amour de la retraite & solitude , & la haine immortelle qu'elle portoit à la conuersation des mondains , l'empescherent de goulster , joinct que le desir qu'elle auoit de perfectionner ses Religieuses en la vertu estoit si grand , qu'il ne luy pouuoit permettre de se separer d'elles tant soit peu , de peur que sa separation n'apportast quelque rafroidissement à la fer-

202 LA VIE DE LA VENER. MERE
ueur que sa presence & ses parolles leur
donnoient. Elle negligea donc ce conseil
des Medecins durant l'espace de trois ans,
apres lesquels ses Peres spirituels ap-
prouuans ce que les Medecins asseuroient
estre necessaire pour sa santé, & luy con-
seillâs de leur obeïr, elle entreprit ce voya-
ge avec l'aueu & le consentement de ses su-
perieurs. Voicy ce qu'elle escrit de tout
cecy au R. P. Bernard de S. Ioseph, pour
lors Prieur des RR. PP. Carmes Deschauf-
sez du Conuent de Paris, en vne lettre dat-
tée à l'Hospital le 21. Ianuier 1617. qui fut
l'année qui preceda celle de sa mort. *On*
me conseille & sollicite fort d'aller le mois de May
qui vient en Cause vn peu de là Tholoxe pour
boire de l'eau, à cause d'vne grande incommodité
que mon corps ressent. J'ay differé trois ans à
consentir, ny ouïr à vouloir faire ce voyage, &
maintenant pressée des Medecins, & conseillée
de mes Peres spirituels, ie m'y suis resoluë; i'en
escris à Monsieur de Ville-Iesus, pour sçauoir s'il
l'apréera plustost que de l'entreprendre. Où l'on
voit qu'elle futtrois ans à differer ce voya-
ge, & que nonobstant la presse des Mede-
cins, & le conseil de ceux qui dirigeoient
son ame, elle rechercha le consentement
des ses Superieurs, comme celuy dont elle
parle en sa lettre, l'a rapporté luy-mesme

GALIOTE DE S^e ANNE. Liu. I. 203
en ces termes. Comme elle estoit si enflammée
de cet amour diuin, ne recherchant que la perfe-
ction de la vie Religieuse, ses forces naturelles
se debilitoient de telle façon, qu'elle fut con-
trainte de nous requerrir de luy permettre par
l'aduis des Medecins les plus fameux, d'aller
aux Bains par delà Tholozé, & qu'elle
peust mener avec elle deux Religieuses &
quelques seruantcs. Ainsi donc par l'Or-
donnance des Medecins, & le conseil de
ses Peres spirituels, & avec l'aucu & le con-
sentement, ou plustost commandement de
ses Superieurs; car qui doute que voyans
qu'avec vne si grande necessité elle y au-
oit si peu d'inclination, ils ne le luy com-
mandassent? Elle entreprit ce voyage
apres auoir conjuré ses filles de conser-
uer ce qu'elle leur auoit enseigné, &
de faire paroistre en son absence leur
fidelité enuers Dieu; & que son amour,
& non pas la presence de leur Superieu-
re les auoit iusques alors maintenues en
leur deuoir: Ce ne fut pas sans regret
qu'elle les laissa pour la consolation
qu'elle prenoit en leur compagnie, &
pour n'en estre frustrée tout à fait el-
le en prit deux avec soy. Son voya-
ge fut assez heureux en allant, & el-
le se sentit soulagée de ses indispositions

204 LA VIE DE LA VENER. MERE
comme elle le mande à ses filles en vno
lettre qu'elle leur escriuit en ce voyage
comme ie croy, la lettre mesme en don-
nant vn fondement assez suffisant. Ie tran-
scriray icy de cette lettre ce qui fait à mon
propos en icelle, afin qu'on voye l'estime
qu'elle faisoit des afflictions dont son Es-
poux l'exerçoit. Apres donc auoir reco-
gneu qu'elle a esté long-temps sans escrire
à ses filles, accusant sa paresse & noncha-
lance en ce qui est de son deuoir, & leur
promettant d'estre soigneuse de leur escrire
plus souuēt, elle adiouste ces paroles: *Man-
dez-moy comment vous vous portez en mon
absence, & s'il y a grande paix en cette maison,
& aussi en vos consciences, ce que ie desire bien
fort: s'il y a rien de nouueau que ie vous y puisse
seruir, ie suis toute à vostre seruice comme vous
sçauuez, n'en doutez point: sans crainte escriuez
moy en general ou en particulier. Attendant
donc de vos nouvelles ie vous diray que graces à
Dieu nous nous portons assez bien, excepté moy
qui n'ay pas tant de douleurs cōme i'auois à l'Ho-
spital, i'experimente en cecy que nostre Seigneur
ne nous fauorise si souuent de ses graces estat hors
de nostre monastere, qui me donne sujet d'y retour-
ner bien tost, ce que ie feray au plustost avec son
ayde, & l'assistance de vos prieres, auxquelles ie
desire auoir bonne part, & vous recommande*

GALIOTE DE S^{te} ANNE. Liu. I. 205
*qu'elles soient fort frequentes comme à l'accou-
tumée.*

Iusques icy sont les paroles tirées de cette lettre, que j'ay inserées en cét endroit pour l'apparence qu'il y a que cette lettre fut escrite durant ce voyage, quoy que ie n'en sois pas tout à fait asseuré, ce qui est certain, c'est qu'elle l'a escrite en quelque temps que ce soit, car ie l'ay leuë escrite de sa main. Reuenons maintenant au voyage: comme elle alloit passant par Tholozé elle visita les Religieuses Feuillantines pour les remercier de ce qu'elles l'auoient admise pour estre Religieuse en leur maison. Elle visita aussi les Religieuses de sainte Claire qui luy auoient fait vne pareille faueur, pour leur tesmoigner combien elle s'en sentoit obligée, & ce fut là, où ayāt veu leur habit rude & grossier auprès du sien, & considéré l'inegalité, elle pensa defaillir de cōfusiō, qui lui prouenoit d'vne profonde humilité, laquelle luy faisoit estimer fort peu de chose tout ce qu'elle faisoit, au regard de tout ce que les autres faisoient. De Tholozé elle alla à Caussé, où elle se comporta comme les Medecins luy auoient ordonné, mais le succès de ce voyage entrepris pour sa santé, fut fort peu heureux: Car outre qu'elle pâtit beaucoup

206 LA VIE DE LA VENER. MERE
par les chemins à cause de ses douleurs d'estomach, comme elle reuenoit passant dans Tholoze elle tomba malade d'une dissenterie qu'elle garda vn mois avec de si vehementes douleurs, que tous les Medecins en desespererent. Quantité de bons Religieux la visitoit souuent pour l'assister & la consoler dans ses souffrances; mais elle les consolait, & sa patience inuincible les rauissoit en admiration; neantmoins comme elle souffroit beaucoup, il n'y auoit Monastere dans Tholoze qui ne luy portast compassion, & où elle ne fust instamment & avec ferueur recommandée à nostre Seigneur: Ce fut là le commencement de la longue maladie qui la deliura de cette mortalité; & comme elle fut hors de danger, les medecins iugerent à propos de la faire sortir de Tholoze pour la faire changer d'air: Pour cet effect on la mit en chemin avec vn si mauuais temps qu'elle se pensa perdre: Et quand elle fut arriuée au lieu où on la vouloit mener, elle y demeura quinze iours à la mort; en fin ayant aussi eschappé ce danger, on l'acheua de conduire dans son Monastere de l'Hospital, où il faudra que nous l'accompagnons d'oresnauant dans les souffrances, & dans des exercices admirables de vertu iusques au dernier soupir de sa vie.

CHAP. XXVI.

Ce qui se passa depuis son arriuée à l'Hospital durant sa dernière maladie iusques aux huit derniers iours d'icelle.



N ancien Abbé de Corbie nommé Paschasius, a remarqué expliquant le P^salme 44. qui est vn chant nuptial, que le vestement de l'espouse dont il y est parlé, qui est doré seulement, a des franges de fin or, pour nous apprendre que quand la vie signifiée par le vestement a esté sainte & esclatante en vertus, la fin d'icelle représentée par les franges est encôre plus sainte & plus esclatante sans comparaison, Dieu qui est tres-fidelle, & à qui on ne sert iamais sans fruit, recompensant abondamment à cette heure la fidelité de ceux qui l'ont seruy. Nous auons veu iusqu'à present la vie de la Venerable Mere Galiothe comme vn beau vestement composé de toutes les vertus qu'elle a pratiquées avec vne grande perfection. Mais jettons d'oresnauant les yeux sur la

Cum superius Regina in vestitu deaurato ad stare dicatur, hic simbriz eiusdem vestis aurea leguntur, quia perfectior & pretiosior esse debet finis vite quam principii expolit.
In Ps. 44.

208 LA VIE DE LA VENER. MERE
frange du vestement, considerons sa fin
bien-heureuse, & nous y remarquerons
vn éclat incomparable; Nous y verrons
vn esprit fort & courageux dans vn corps
foible & infirme; Nous y trouuerons l'ac-
complissement de ce beau secret qu'ensei-
gne saint Paul, que la vertu se perfection-
ne dans l'infirmité. Nous auons dit com-
me elle fut en fin ramenée au Monastere
de l'Hospital, elle y arriva le vingt-vnième
Nouembre, quelques sept mois auant sa
mort, qui fust (comme nous dirons en son
lieu) le vingt-quatrième Iuin. Mais qui
pourroit dire & expliquer les grands maux
qu'elle souffrit durant ce temps? elle auoit
vne dissenterie, avec vne fièvre qui ne la
quittoit point, elle deuint hydropique,
pulmonique & ethique formée, & si enco-
re avec tous ces maux elle estoit subiette
aux gouttes, qui luy donnoient souuent de
grandes douleurs, & du milieu de ces pe-
nibles & grands traux, sans se bouger de
l'Infirmierie, elle trouua tant de paine à
l'auancement de sa Reformation, que ja-
mais elle eust fait: Ce fut là qu'elle fit les
statuts qu'elle a donné à ses Religieuses,
qu'elle auoit vn grand soin de leur faire
observer, les observant elle-mesme fort
serieusement. On luy auoit defendu de
sortir

GALIOTE DE S^{te} ANNE. Liu. I. 209
sortir de sa chambre: elle en fit aussi-tost
comme vn petit Monastere, y faisant faire
à ses Religieuses presque tous leurs exerci-
ces, excepté celuy du Chœur: là elle
les instruisoit à la vertu, là elle leur
faisoit faire des conferences spirituelles sur
les vertus qu'elle iugeoit leur estre necessai-
res; là elle leur faisoit rendre compte de
leur meditation, & de l'aduancement de
leurs ames; là elle tenoit le Chapitre toutes
les Semaines vne fois, & faisoit en iceluy
vne exhortation, reprenant apres icelle, &
corrigeant les fautes commises, là où tous
ses maux ne l'empeschoient pas de donner
de bonnes penitences à celles qui auoient
manqué. Quand on ne vouloit pas per-
mettre qu'elle prist la discipline, elle vou-
loit que sa communauté la prist dans son
Infirmierie, disant apres à ses filles, que le
contentement qu'elle receuoit de voir
qu'elles obseruassent ses statuts, temperoit
l'affliction qu'elle auoit de ce qu'on ne
luy permettoit pas de les obseruer. Ayant
passé l'Hyuer dans ces maladies, & dans
ces exercices de pieté, enuiron le mois
de Feurier, elle commença de se mieux
porter, & ses Religieuses la voyans, con-
çurent esperance de la voir bien tost en
santé: Mais que fit-elle, & à quoy

O

210 LA VIE DE LA V. MERE
songea-elle pour lors, si ce n'est d'oster à sa
chair ce qui la pouuoit delecter? On luy
auoit commandé de manger de la chair
durant le Carefme, aussi tost qu'elle se vit
vn peu mieux que de coustume, elle l'es-
criuit au R. P. Recteur du college de Ca-
hors son directeur, luy mandant que du-
rant le Carefme elle pouuoit bien s'abste-
nir de manger de la chair, & le suppliant
de le luy accorder. Mais ce bñ Pere sçachât
que les Medecins le luy auoient ordonné,
& que c'estoit son seul courage joinct à l'a-
mour qu'elle portoit à la mortificatiõ de son
corps qui luy faisoit faire cette demâde, luy
rescriuist qu'elle en mangeast : Elle passa
assez bien le reste du Carefme, & mesme le
iour de l'Annonciation de la glorieuse
Vierge, elle assista à Vespres au Chœur, la
veille du Dimanche des Rameaux elle en-
uoya querir à Cahors vn Pere de la Com-
pagnie de Iesus pour passer la Sepmaine
Sainte en son Monastere, à assister & con-
soler les Religieuses par ses confessions &
predications, & pour leur faire faire apres
Pasques les exercices spirituels comme el-
le auoit de coustume tous les ans : Ce bon
Pere luy accorda la demande instante qu'
elle luy fit de pouuoir s'abstenir de chair du-
rant cette Sepmaine Sainte, & de ieufner

le iour du grand Vendredy : ce qui luy donna vn singulier contentement, voyant qu'elle auroit quelque occasion d'imiter son cher Espoux, & de l'accompagner dans ses trauaux, durant les trois iours de cette sepmaine, durant lesquels la sainte Eglise a des offices qui respirent tant de pieté, & qui sont si conformes à ce saint temps, elle assista à tous ces offices sans que leur longueur l'en peust empêcher : & le Ieudy Saint auquel le Sauueur fit cet acte prodigieux d'Humilité de s'abaisser aux pieds de ses pauvres Apostres, & les lauer, pour imiter cet exemple que ce bon Maistre a donné comme il dict luy-mesme, afin que nous fassions comme il a fait, elle l'aua les pieds de toutes ses Religieuses estant à genoux, avec des sentimens admirables d'Humilité, mais avec tant de peines, qu'elle en suoit à grosses gouttes : Bref il n'est pas croyable avec quel recueillement, & avec quelles affections elle passa cette Sainte Sepmaine ; car toute sa vie elle fut fort deuote à la passion du fils de Dieu. Durant icelle il arriua que ses Religieuses se sentirent affligées d'une grande peine interieure, laquelle comme elles luy eurent communiquée elle leua les yeux vers le Ciel, prononçant ces paroles amoureuses.

O l'amour de mon Dieu que vous estes grand, puisque au temps que l'on fait memoire de vostre passion, il vous souvient de vos creatures qui ont causé vostre mort ! Puis adressant ses paroles à ses cheres filles, elle leur dist : *Allez vous-en mes filles deuant vostre Espoux, donnez-luy vostre cœur de nouveau, & luy rendez actions de graces de ce que sa bonté vous a daigné visiter ce iour-d'huy.* La veille de Pasques elle encouragea fort ses Religieuses de se tenir prestes pour le Lundy, afin de commencer les exercices, leur disant : *Puisque la volonté de mon Dieu n'est pas que ie les fasse à cause du peu de mal qu'il luy a pleu me donner, ie vous prie que durant que vous les ferez ie n'y sois oubliée, & si ie puis vous y servir, vous pouvez venir avec toute confiance.* A quoy elles ne manquoient pas, s'adressans à elle quand elles auoient quelque crainte de descourrir leurs peines interieures au Pere qui les dirigeoit, & les luy descourans, ensemble la crainte qu'elles auoient ; & auant que de sortir d'avec elle, elles se sentoient toutes resoluës de la surmonter : Durant ce temps que ces Religieuses estoient dans la retraite des exercices pour vacquer à Dieu seul, la peine qu'elle prit à lauer leurs pieds le

Ieudy Saint , luy causa vne espeece de
 dissenterie, de laquelle elle se trouua fort
 mal, & qui la reduisit à garder le liêt ius-
 qu'à la mort. Elle qui n'auoit rien si cher
 comme le profit spirituel de celles qu'elle
 gouuernoit, lequel elle sçauoit dependre
 beaucoup de l'occupation où elles es-
 toient, supplia le Pere de faire en sorte
 qu'elles ne sçeuissent rien du mal qui luy
 estoit suruenu, de peur que l'affliction que
 ces nouuelles leur doneroient, ne les em-
 peschast de poursuiure heureusement ce
 qu'elles auoient commencé. Avec tout
 son mal elle se prepara à faire sa confession
 generale, laquelle elle fit avec des senti-
 mens merueilleux apres les exercices de
 ses Religieuses, & y en ayant vne qui em-
 peschée à la seruir, & à son office de des-
 penciere, n'auoit pas eu le bon-heur de
 les faire, elle luy dist qu'elle se resiouïst, &
 qu'elles les feroient ensemble aussi-tost
 qu'elle se trouueroit bien, parce que le
 Pere qui s'en alloit luy auoit promis de
 reuenir pour lors. C'estoit sur la fin du
 mois d'Auril que ce nouuel accident luy
 arriua, & qui fut cause qu'au commence-
 ment de May, on fut d'aduis de faire
 vne assemblée de Medecins pour sça-
 uoir l'estat de sa santé, & trouuer

214 LA VIE DE LA VENER. MERE
quelque moyen d'y remedier : Mais auffi
tost qu'ils l'eurent veüe, ils iugerent qu'elle
mourroit en fort peu de temps. Ce qui fut
cause qu'on la troubla vn peu, attendu qu'
on desiroit qu'elle resignast sa superiorité à
des personnes qu'elle ne iugeoit pas capa-
bles de conduire vne communauté refor-
mée telle que la sienne estoit, non pas qu'el-
les ne fussent vertueuses, mais parce qu'
elles n'auoient pas embrassé la reforma-
tion, & la pressoit-on de ce faire : mais quel
courage ne monstra elle pas alors ? Elle re-
spondit constamment à ceux qui la pres-
soient qu'elle n'en feroit rien, & que sa pau-
reté ne luy permettoit pas de disposer de
chose aucune. Responce & resolution di-
gne du grand destachement qu'elle auoit
de toute sorte de respect humain, pour fai-
re ce qu'elle iugeoit agreable à Dieu : Mais
responce neantmoins qui fut cause qu'on
commença de donner de l'exercice à ce
qu'elle cherissoit plus tendrement en ce
monde qui estoit ses Religieuses ; ce que
luy ayant esté redict, quelle affliction n'en
ressentit son pauvre cœur ? L'affliction fut
telle, qu'elle fut trois heures sans faire au-
tre chose que verser des larmes, lesquelles
elle accompagnoit de ces parolles : *Hames
Filles ! Oil n'en ira pas ainsi comme on pense ; i'e-*

Sphere que la bonté diuine les prendra en sa protection : & comme les Religieuses qui apprehendoient que cette affliction n'acreust son mal, la supplioient de l'accoiser, & de se conseruer. Helas (disoit-elle) tous les tourmens qu'on me fait endurer ne me sont que delices; mais pour vous si on commence si tost, que sera-ce apres ma mort ? Elle vescu encore deux mois ou enuiron apres cela, tousiours dans le liét si malade, qu'elle ne pouuoit se tenir debout, sans que neantmoins on la laissast iamais en repos : & ayant obey avec beaucoup de punctualité & d'exaction aux Medecins en tout ce qu'ils auoient ordonné pour aspre & difficile qu'il peust estre, elle dist vn iour à ses Religieuses. Hé bien mes filles, j'ay fait ce que vous autres auez voulu touchant ma santé, mais ie vous conieure pour l'amour de mon Dieu, que puisque vous auez tant de soin de mon corps, que le soin de mon ame surpasse, faisant tout vostre possible de me faire souuent venir de bons Religieux pour me consoler. Cette demande sembloit fort difficile à ces bonnes Religieuses, quoy qu'elles eussent bien souhaitté de luy en donner l'accomplissement : & la difficulté procedoit de ce que leur Monastere estoit esloigné de Cahors de sept lieues, qui estoit neantmoins le lieu seul d'où elles pouuoient attendre

des Religieux. Mais Dieu qui fait la volonté de ceux qui le craignent, & qui exauce mesme les desirs des pauvres, luy donna si heureusement l'accomplissement de ce qu'elle desiroit pour la consolation de son ame, qu'elle ne manqua d'auoir l'assistance des Religieux durant ces deux derniers mois; car les Reuerends Peres Iesuites y ayans demeuré huit iours, les Reuerends Peres Capucins y venoient passer huit autres iours: ce qu'ils continuerent iusques à la fin. Cinq Semaines auant sa mort, elle fut vn iour si mal qu'on croyoit qu'elle ne passeroit pas la nuit: Le Confesseur ordinaire du Monastere, homme tres-honneste & fort zelé, luy alla porter la nouuelle que les Medecins apprehendoient qu'elle ne fust proche de l'heure de sa mort: Incontinent que ce bon Prestre luy eut dict ces paroles, qui ont accoustumé d'espouuenter les plus courageux, & qui font dresser les cheueux sur la teste aux mondains, la Venerable Mere se tourna vers luy, & luy dist, *Quelles nouuelles m'apportez-vous là? Iesus que mon Ame en recoit de consolation, la volonté de mon Dieu soit faite enuers cette pauvre seruante: Mon Pere dites moy se qu'il faut que ie fusse pour recevoir le Saint Sacrement*

GALIOTE DE S^{te} ANNE. Liu. I. 217
de l'Extrême-Onction. Le Confesseur
luy ayant dit qu'il falloit qu'elle se recon-
ciliaſt, elles'y diſpoſa avec vne grande di-
ligence, & l'ayant fait, elle prepara pour
cette reception tout ce qui eſtoit neceſ-
ſaire, & ſe mit en ſon ſeant ſur ſon liſt,
ſe preſentant au Preſtre avec vne telle
modestie & reuerence, qu'on ne la pou-
uoit voir ſans l'admirer, ſon viſage
eſtoit vermeil, & ſa mine ſi riante, qu'on
euſt dit qu'elle n'auoit aucun mal, l'ame
qui eſtoit vigoureuſe tirant des forces de la
foibleſſe du corps, & luy donnant vne
composition exterieure conforme aux
affectiōs qu'elle reſſentoit: Voicy ce
qu'a rapporté de cette action vne Reli-
gieuſe, de la relation de laquelle ie me
ſuis déjà quelquesfois ſeruy. Le iour
que l'on luy annonça ſa mort, & qu'elle re-
ceut l'Extreme-onction, eſtant ſeule dans ſa
chambre, les autres preuoyans ce qui luy fai-
ſoit beſoin, elle m'appella, n'ayant preſque
point parlé de tout ce iour, & me diſt; Bon
Dieu que ie ſui mal, d'une telle façon que ie
ne dois plus ſonger qu'à mourir: Elle me com-
manda de prendre vn liure pour ſa conſola-
tion, car il ſembloit que ſon eſprit eſtoit inquiet
& ſans repos; ſur cela le Confesseur entra qui
luy annonça la mort, & luy diſt de ſe diſpoſer à

218 LA VIE DE LA VEN. MERE
recevoir l'Extreme-onction. A mesme temps
vous eussiez dit que luy portant les nouuelles
de la mort, on luy portoit celles de la vie : car
à mesme temps elle reprit nouuelles forces, for-
tiffa sa voix, se leua sur le liét, que l'on eust
dit que ce n'estoit pas elle, voyant tant de chan-
gement que i'ay tousiours gardé en ma memoire.
Elle receut l'Extreme-onction avec tant de de-
uotion & consolation de son ame, que son visage
en demura tout enflammé, si que toutes croy-
oient qu'elle fust guerrie : elle fit en après vne
exhortation aux Religieuses, qui dura assez
long-temps sur la resignation qu'elles deuient
auoir. Depuis cet accident elle alloit tous-
jours empirant en sa santé, & son corps
deuenoit tousjours plus foible, quoy que
son ame conseruât tousjours ses forces &
sa vigueur, ou plustost les accroust : car elle
continuoit malgré tout cela d'entendre ses
filles, de communiquer avec elles, & de les
enseigner, lors qu'elles en auoient besoin,
les instruisant sur tout de ce qu'elles au-
roient à faire après sa mort : Elle adiuotoit
à cela vn soin indicible à faire que les Mas-
sifs qu'elle employoit à la construction
de l'enclos de son Monastere, y travail-
lassent tousjours, tant elle auoit de desir
que cette closture qu'elle auoit entreprise
pour le bien & la conseruation de ses Reli-

gieufes s'acheuaft. Quelqu'vn luy dift qu'on auoit defendu aux Maifons d'y tra-
 uailer dauantage, & à peine l'eut elle ap-
 pris, qu'elle manda au Procureur du Mo-
 naftere de les y faire retourner, & luy com-
 mada qu'au nom de Dieu il euf foïn qu'ils
 y trauaiffent iufqu'à l'heure de fa mort.
 Durant tout cecy elle parloit à fes Filles,
 comme fi elle fust allée en voyage pour
 quelque temps, & ces bonnes Religieufes,
 quoy que la feule penfée de fa mort, & de
 fe voir feparées d'une Mere qui les aimoit
 fi tendrement, & qui n'auoit en ce monde
 affection aucune plus chere que celle de
 leur bien, leur fust vn martyre fenfible,
 eftoient neantmoins contraintes pour ne
 luy pas desplaire, & ne la point affliger, de
 luy faire paroiftre qu'elles eftoient refignées
 à la difpofition de la volonté diuine, elles
 ne pouuoient neantmoins que la douleur
 de leurs ames ne s'éuaporast par la sortie
 de quelque plainte qu'elles luy faifoient,
 de ce que par fa mort elles demeureroient
 comme des pauures orphelines, expofées
 à la mercy de ceux qui voudroient leur
 nuire, & leur raur ce qu'elle leur auoit
 acquis avec des trauaux fi grands. Mais
 quelle refponce rendit-elle à cette plainte?
 Les paroles de cette refponce meriteroient

220 LA VIE DE LA VENER. MERE
d'estre escrites en lettres d'or, tant elles
sont celestes, & tant elles exhallent de
pieté, de resignation, & de confiance ge-
nerieuse. *Non mes Filles* (disoit cette vraye
Mere) *ne soyez pas en peine, ie ne Veux point*
vous recommander à personne qui viue icy bas,
ie vous laisse seulement en la diuine providen-
ce de nostre cher Espoux, & i'espere que
quand tout le monde ensemble vous delais-
seroit, il ne vous quittera point: Resignez-
vous seulement entre ses mains, & vivez
contentes. O qu'il fait bon aimer Dieu, i'en
ay vn tel ressentiment maintenant que ie me
voy auprés de la mort, que ie donneroys pour
son amour mille vies, si tant i'en auois: Tout
le regret que i'ay, c'est de ne l'auoir aimé da-
uantage. Elle adiouta à cette responce
vne demande qu'elle leur fit de dire tou-
tes ensemble l'Office des Morts pour son
ame tout aussi-tost qu'elle seroit morte; à
laquelle eomme elles respondirent que
cela ne leur seroit possible, pour l'affli-
ction grande que cette mort leur cause-
roit, elle leur dist qu'elles n'apprehenda-
sent point cela, & les assoura qu'elles le
pourroient, & le feroient aussi: ce qui fut
tres-veritable, comme nous verrons autre-
part. Trois semaines auparauant qu'elle
mourust, elle fust visitée par le R. Pere

Recteur du College de Cahors , entre les mains duquel elle auoit mis la conduite de son ame , & comme elle luy auoit toute sorte de confiance , elle luy communiqua son interieur pour la derniere fois , mais avec vne consolation interieure si grâde qu'elle ne se peut exprimer. Fort peu de temps après cela , Dieu qui en vouloit faire vn simulachre viuant de patience , adiouta aux grandes souffrances dont il l'exerçoit , vn chancre au gosier, qui luy empecha tout à fait le manger, avec grande compassion de tous ceux qui la voyoient , qui neantmoins estoient ravis en admiration de la patience qu'elle conseruoit au milieu de tous ses maux : car bien esloignée de se plaindre, si quelqu'un considerant la grandeur de ce qu'elle souffroit, luy tesmoignoît desirer que Dieu luy en ostast vne partie, elle le conjuroit de ne pas desirer cét allègement , & le supplioit de prier Dieu seulement qu'augmentant la patience, il accreust comme il luy plaisoit ses travaux. Bref, pour venir en fin aux derniers huit iours de sa vie, quinze iours auant sa mort elle perdit la veüe, & l'oüye , & avec ces deux sentimens la consolation qu'elle pouuoit recevoir de voir ce qui pouuoit exciter

222 LA VIE DE LA VENER. MERE
son ame à l'amour de son Bien-aimé, &
esleuer son esprit aux considerations eter-
nelles, & de parler à ses Religieuses, pour
l'instruction & l'auancement desquelles
elle eust peu seulement trouuer passable le
sejour de ce monde, auquel le delir de voir
son Bien-aimé luy donnoit tant d'auerfio :
affliction neantmoins qui ne dura que
huiët iours, au bout desquels Dieu luy re-
donna iusqu'à la mort ce qu'il luy auoit
osté.

CHAPITRE XXVII.

*Ce qui se passa depuis le huitiesme iour
qui preceda sa mort iusqu'au iour
qu'elle mourut.*

Chordaly
rica, quæ
plus torra
plus mu-
sica est.
Sydonius.

M Amais la chanterelle d'un Luth
ne résonne plus suauement, &
auec dauantage d'harmonie & de
melodie, que quand elle est plus forte-
ment tenduë, & iamais les Iustes qui sont
les plus douces cordes du grand Luth de
cét Vniuers, qui résonne continuellement
auec vne harmonie admirable, la gloire &
la grandeur des perfections de Dieu, ne

rendent vn son plus melodieux, & ne proferent des paroles plus sainctes & plus rauissantes que quand la main de Dieu les tend plus fortement par les afflictions qu'il verse sur eux, & lors que estendus sur le liect de la mort, ils souspirent après celuy qui est l'vnique obiect de leurs affections: *Cantum olorimorū modulator est clangor in pœnis. Idem.* c'est alors que ces beaux Cignes chantent plus doucement que iamais ils n'ont fait. Nous auons veu la V. Mere Galiole estenduë sur le liect de la mort, selon le iugement meisme des Medecins, qui luy causa vne consolation toute particuliere luy estant annoncée: Nous l'auons veuë tenduë estrangement par l'hydropisie, pulmonie, phtisie, gouttes, chancre au gosier, fièvre continuë, perte de veuë & d'oüye, sans mettre en jeu les fascheres qu'on luy donnoit, soit en luy parlant de resigner sa dignité à personnes incapables, de la façon que nous auons dit dans le Chapitre precedent, soit en commençant à donner de l'exercice à ses Filles, & dans le recit de tout cela, nous sommes arriuez aux derniers huit iours de sa vie. Entrons maintenant dans iceux pour oüyr des sons fort melodieux, & des chants extremement doux, pour voir des actions, & ouyr des paroles capables d'amolir les cœurs les

224 LA VIE DE LA VENER. MERE
plus durs , & d'arracher des larmes des
yeux les plus secs. Bref pour connoistre
combien est veritable ce qu'escriuoit Sal-
uian Euesque de Marseille à sa sœur; que la
foiblesse & imbecillité de la chair aiguise
la vigueur de l'esprit , & que les membres
estans malades, les forces corporelles qui
décroissent, sont transferées aux vertus de
l'ame pour les fortifier. Nous auons déjà
dit que par vne particulière prouidence de
Dieu, la V. Mere durant les deux derniers
mois de sa maladie, estoit assistée des R.
Peres Capucins & Iesuites, qui venoient
alternatiuement de huiët en huiët iours:
en fin le bon-heur en voulut aux R. Peres
Capucins que ce furent eux qui durant les
huiët derniers iours l'assisterent, & furent
spectateurs des merueilles qui se passe-
rent en tout ce temps. Le soir qu'ils arri-
uerent , celles de ses Religieuses qui la
yeilloient pour lors (ce qu'elles faisoient
l'vne après l'autre) luy dirent que ces
bons Peres estoient venus : *Ils sont venus*
(dist elle alors) *pour me conduire dans le Ciel.*
A quoy ses Filles respondirent, qu'elles ne
croyoient pas cela, elle leur dist; *Vous ne le*
croyez pas, vous le verrez dans huiët iours :
Mandez à ce bon Pere qu'il prenne la peine de
me venir voir. Et comme il fut arriué en sa
chambre

Imbecil-
litas car-
nis vigore
metis ex-
acuit, &
affectis ar-
tibus vi-
res corpo-
rū in vir-
tutes tras-
feruntur
animorū.
Epist. ad
Catullinā
sero rem.

GALIOTE DE S^{te} ANNE. Liu. I. 225
chambre, elle luy dist les mesmes paroles
qu'elle venoit de dire à ses Religieuses;
qu'il estoit venu pour la conduire au Ciel
dans huit iours. Le Pere luy rendit vne
lettre qu'on luy auoit donnée passant par
Vaillac de la part du Reuerend Pere Ber-
nard de sainct Ioseph son frere, elle la prit
& la baisa par deux fois, ne la pouuant lire
pour lors, à cause de la vehemence de la
fièvre qui la tenoit: Environ la minuit la
fièvre s'estant diminuée, elle se fit appor-
ter de la lumiere pour voir lire la lettre de
son bon Frere. Le sujet d'icelle estoit qu'il
luy disoit le dernier adieu, & luy donnoit
sept ou huit petits enseignemens pour
bien mourir, sa lecture luy apportoit vne
si sensib^{le} consolation qu'elle ne s'en pou-
uoit rassasier; elle la lisoit & relisoit, &
pour n'estre pas seule à profiter des beaux
enseignemens qu'elle contenoit, la nuit
estant passée elle la presentoit à lire à tous
ceux qui la visitoient, cecy arriua le Di-
manche. Le Lundy au matin le bon Re-
ligieux la visitant luy dist: *Allez vous-en*
en vostre pays, que voulés-vous faire icy,
vous n'estes plus de ce monde. A quoy elle
respondit; *Ha bon courage, courage, si*
mes pechés ne m'empeschent i'ray voir mon
Dieu. Elle ne laissa pas la moindre pei-

226 LA VIE DE LA VEN. MERE
ne en son interieur , qu'elle ne la com-
muniqaft durant cette derniere semaine
à ce bon Religieux , & particulièrement
s'informa-elle de luy de ce qu'elle deuoit
confeiller à fes Filles en ce fien depart , &
comme elle les aduertiffoit de ne pas re-
cevoir toutes fortes de Superieures, fpe-
cialement celles que les perfonnes fécu-
lieres (qui font pour l'ordinaire auffi peu
capables de faire choix de perfonnes
propres pour gouverner des maifons Re-
ligieufes , qu'elles font peu verfées aux
exercices qui s'y pratiquent) leur vou-
droient donner. Le Pere qui eftoit pre-
fent à cet auis , iugeant que c'estoit l'affe-
ction grande qu'elle leur portoit qui la
faifoit parler de la forte, & ne le luy celant
pas , cette ame vertueufe luy dift avec tou-
te humilité : *Mon Pere , ne croyez pas cela,*
ie les aime comme mes Filles ; mais non pas
qu'à leur occafion ie vouluffe offencer mon
Dieu. Ayant dit cela, elle luy defcouvrit
fincerement les motifs qui la condui-
foient à donner ces aduertiffemens à fes
Religieufes , qui femblerent fi purs , & fi
dénuez de toute paffion au Pere , qu'il luy
repliqua , qu'en confcience ces con-
feils eftoient bons , & qu'elle ne man-
quaft pas à les inftuire ainfi que Dieu

l'inspireroit , elle le fit ainsi croyant que c'estoit la volonté de son cher Espoux , & ses conseils reüssirent si heureusement , qu'ils fortifierent celles auxquelles ils estoient donnez , de maintenir courageusement ce qu'elle auoit esleué & establi. En toute cette derniere semaine, le bon Pere qui estoit fort spirituel l'entretenoit de choses spirituelles : entretenien qui estoit ses plus cheres delices ; & le Mercredy il luy permit de prendre congé d'une chacune de ses Filles en particulier , & leur dire le dernier adieu, ce qu'elle fit avec vn ressentiment incroyable , & des affections toutes celestes. C'est à cette heure , mes cheres Filles (disoit cette Mere amoureuse) qu'il nous faut separer , mais ce sera de corps seulement : car pour mon ame ne l'oubliez pas ie vous en prie deuant Dieu , le suppliant qu'il me fasse misericorde , vous assurant de mon costé , si par sa bonté ie suis vn iour jouissante de sa gloire , ie ne vous oublieray en vos plus grandes necessités. Je promoy bien qu'on vous fera beaucoup pâtir après ma mort ; mais ce sera là que vous témoignerez à ce grand Dieu l'amour qu'aués pour luy. Ce me seroit vne terrible douleur si ie

croyois que tout ce que vous aués fait iusques icy n'enst esté pour cette fin, ie n'ay jamais desiré que vous fissiés chose du monde à mon occasion : Iesus, à Dieu ne plaise que cela aye esté ; car quelle recompense en pourriés-vous attendre, sinon vne confusion eternelle ? Hélas, qu'il fait bon aimer Dieu seul, & n'auoir de l'amour qu'en luy, & pour luy ! quelle consolation à l'heure que ie me voy à present. Elle dist cecy à toutes ses Religieuses, & puis comme chacune s'approchoit pour prendre congé d'elle, elle leur disoit ce qu'elle vouloit qu'elles fissent après sa mort pour la plus grande gloire de Dieu, predisant mesmes à quelques-vnes des choses bien remarquables, & qu'il estoit impossible de connoistre naturellement, lesquelles arriuerent en la mesme sorte qu'elle les auoit predites, comme nous rapporterons autre-part, pour éuiter la confusion, & afin que nous ne soyons pas contraints d'vser de redites. Il estoit tres-difficile à ses Religieuses de sortir d'auprès d'elle, tant elles luy estoient attachées par affection : mais elle voyant que le temps estoit court, les embrassoit amoureusement, baisant la Croix de l'Ordre qu'elles portent sur le cœur, comme il a esté dit ; & en fin elle leur

GALIOTE DE S^{te} ANNE. Liu.I. 229
dist ces paroles dignes de sa profonde
humilité, & de son rare zele. *Adieu mes
cheres Filles, adieu, ie vous demande par-
don si ie ne me suis pas bien acquittée de la
charge que Dieu m'auoit donnée, estant peut-
estre la cause par mes mauuais exemples que
l'ayez offensé. Commencez maintenant à bon
escient de le seruir, & vous assurez que sa
diuine prouidence aura soin de vous autres,
pourueu que vous vous mettiez du tout entre
ses mains: Ie vous souhaite mille benedictions
avec l'amour & grace de mon Dieu. Après
auoir pris congé de toutes ses Religieuses,
avec des paroles si amoureuses, si douces,
& si sensibles, elle s'adressa à la Superieure
ancienne de cette maison qui estoit là
presente, & luy dist tout haut. Ie vous
supplie Madame de ne point empescher mes
Filles de paracheuer ce que nous auons com-
mencé (parlant de la Reformation & clô-
ture du Monastere :) Car encor bien que
Dieu se soit serui de moy pour commencer, il
se seruira de vous, si vous voulés, pour para-
cheuer, & assurés-vous en la recompence.
Luy ayant ainsi parlé, elle luy tesmoigna
que si elle osoit, ou croyoit ne luy point
desagrée, elle luy diroit volontiers quel-
que chose tres-necessaire pour son salut :
A quoy la Superieure luy ayant donné à*

230 LA VIE DE LA VENER. MERE
connoistre que ce qu'elle luy diroit luy se-
roit agreable, & qu'elle l'entendrait vo-
lontiers. *C'est, Madame* (ajouta cette
ame charitable, qui brusloit du desir du
salut des ames) *qu'il me souvient qu'en*
quelques lettres mon Frere le Carme vous es-
crit, & vous exhorte de faire vne confession
generale de toute vostre vie, ce qui me don-
ne de la peine, c'est que n'aués pas tasché de
mettre ce saint conseil en execution, ie vous
coniuire d'y penser, vous estes sur vos vieux
ans, vn pied dans la fosse, & dans peu de
temps il vous faudra comparoistre deuant
Dieu, ô quel regret ce vous sera d'auoir ne-
gligé ce saint conseil ! Pardonnés-moy si ie
vous parle de la façon, le desir que j'ay de
vous voir en la vie eternelle m'y conuie. Sur
ces dernieres paroles, qui eurent de l'effi-
cace sur cette Superieure, & qui la porte-
rent (comme ie l'ay appris de personnes
tres-dignes de foy) à faire cette con-
fession, le Pere Capucin entrant dans sa
chambre elle luy dist : *Ie me trouue tres-*
mal, trouueriez-vous bon qu'on m'apporte
mon Espoux ; le Pere le trouua à propos, &
après vne exacte confession, elle le re-
ceut. C'estoit sur les quatre heures du soir,
& le Ieudy, & Vendredy on luy donna à
mesme heure, toutes les trois fois, comme

si c'eust esté la dernière, à cause qu'elle estoit plus mal que de coustume; où ie supplie mon Lecteur de remarquer, qu'il faut supposer que ces trois Communions ne luy estoient pas données en façon de Viatique, c'est à dire en telle sorte qu'elle vlast du priuilege que l'Eglise donne à ceux qui reçoient le diuin Sacrement en façon de Viatique, qui est qu'ils peuuent le receuoir sans estre à jeun: car ce bon Religieux n'estoit pas pour ignorer l'opinion commune des Docteurs en ces matieres, qui enseigne que la Communion en façon de Viatique, & avec ce priuilege, ne peut pas estre donnée si frequemment, & il n'est pas beaucoup difficile à croire qu'à cette heure en laquelle elle receuoit le Sacrement tout Auguste, elle estoit à jeun, puis-que depuis qu'elle fut affligée de ce chancre au gosier, & sur tout durant la dernière semaine dans laquelle nous sommes, toute sa nourriture estoit du laiët de femme, duquel encore ne prenoit-elle que quatre ou cinq cuillerées par iour. Mais retournons à ce bon Pere, ce qui l'incitoit dauantage à la faire communier tous les iours, estoit les graces efficaces que ce diuin Sacrement luy apportoit: car on voyoit augmēter en elle, à veuë

232 LA VIE DE LA VENER. MERE
d'œil les benedictions de sa diuine Ma-
jesté. Elle estonnoit mesme les Medecins
qui asseuroient que son corps se substan-
toit de cette viande celeste & viuifiante:
& certes ils auoient raison de faire ce
iugement; car le chancre luy ayant occu-
pé le gosier, & fermé le conduit de la
viande trois semaines auant sa mort, &
toute sa nourriture à cette occasion con-
sistante en quelques cuillerées de bouillon
ou de lait de femme, dont elle vsa la der-
niere semaine, en la façon désja dite, il
eust esté impossible à son corps désja
accablé sous le faix de tant d'autres
maladies, de subsister si long-temps,
s'il n'eust esté fortifié par ce diuin Sa-
crement, qui estend aussi, suiuant le
consentement des Saints, ses effects
ineffables sur les corps: son visage ver-
meil, & sa modestie indicible tesmoi-
gnoient assez la deuotion & la ferueur
admirable, avec laquelle elle receuoit
son diuin Espoux. Le Pere luy faisoit
vn discours spirituel deuant & après la
saincte Communion, à quoy elle pre-
noit vne fort particuliere consolation,
& parce qu'elle se sentoit vn peu endor-
mie durant ces discours, l'affection qu'elle
auoit à l'escouter luy fit trouuer cette

invention propre à la verité pour bannir ce sommeil, ou plustost assoupissement; mais fascheuse & mortifiante. Elle se faisoit apporter du vinaigre tres-fort, avec lequel elle se frottoit les yeux pour s'empescher de dormir. Reprenons vn peu le Mercredi que nous auons quitté à l'occasion de ces trois communions: La nuit de ce iour-là elle demanda les prieres de toutes ses Religieuses, & de rechef pardon des mauuais exemples qu'elle leur auoit donnez, son humilité ne se contentant pas de l'auoir demandé vne fois. Le Ieudy au matin les voyant seules dans sa chambre, elle leur demanda si d'auanture elle n'auoit pas dict quelque chose qui leur eust peü donner sujet de fascherie: *Car (disoit-elle) ie vous aime trop, & ne desirerois pas vous causer le moindre trouble, assurez vous qu'en ce qui touche l'amitié que ie vous porte, ie n'y pretends autre chose que la plus grande gloire de Dieu, & vostre particuliere consolation.* Et cela dit, elle leur recommanda fort l'vnion & charité qui estoit sa recommandation ordinaire, sçachât tres-bien que ce petit commencement deuoit croistre par l'vnion & concorde, & que la discorde le ruïneroit quand il seroit plus grand sans comparaison. Ce mesme iour sur les onze heures du soir elle demanda le

234 LA VIE DE LA VENER. MERE
Pere, lequel arriué aussi-tost s'informa d'elle si son mal estoit plus grand que de coutume. *Non pas mon Pere (respondit-elle) mais ie meurs quand ie n'entens point parler de mon espoux.* Il l'entretint selon son desir l'espace d'une heure, & apres cét entretien se retira. Et le lendemain Vendredy, luy ayant donné la Communion à quatre heures du soir, quelque temps apres il luy dist : *Nous n'attendons d'heure à autre que vostre mort. Allez vous en à la bonne heure, vostre séjour n'est plus de ce monde ; cependant nous vous recommandons de prier Dieu pour telles & telles personnes.* Elle l'escoutoit attentivement, son crucifix entre les bras qu'elle ne quitta point. Ce fut en ce iour qu'une Religieuse la visitant, lors qu'elle la vit, elle luy dist tout hault. *On diët qu'on vous veut donner une grande charge, aulsez bien au nom de Dieu comment est-ce que vous ferez, i'ay bien esté en aussi grande dignité comme vous pourrez iamaïs estre, & cependant vous voyez qu'il me faut tout quitter, & ne m'en reste rien qu'un repentir de ne m'en estre mieus acquittée que ie n'ay faiët, en fin il faut mourir.* Ayant diët cela elle eust quelque apprehension que ses paroles n'eussent donné quelque sujet à ses filles de croire qu'elle eust quelque desir que cette Religieuse fust leur Su-

perieure: c'est pourquoy estant seule avec elles, elle tascha de leur faire perdre cette croyance, les asseurant n'auoir point changé de volonté, & ne souhaitter chose aucune que leur repos. Le Samedi au matin, le Pere qui l'assistoit l'estant venuë voir luy dist. *Nous voulons que vous communiez à cette heure, & quand vous auriez encore quinze iours à viure, nous vous donnerions la Communion tous les iours.* Ces paroles luy agréerent grandement, & elle témoigna exterieurement qu'elles auoient apporté vne grande consolation en son ame: Elle communia donc ce iour-là au matin avec vne disposition & des sentimens d'une ame qui n'estoit plus attachée à la terre que d'un petit filet, & comme elle communiquoit avec le Pere, ses Religieuses entendirent qu'il luy disoit: *Je croy puisque cela est que vous verrez la sainte Vierge visiblement avant vostre mort: Et apres qu'elle fut morte il leur dist qu'il ne falloit pas douter qu'elle n'eust jouï du bon-heur de cette apparition: ce fut en ce iour comme ie croy que ce bon Religieux desireux de l'eiprouuer luy dist: Il semble quand on parle de vous qu'on parle de quelque grande sainte, mais les iugemens*

236 LA VIE DE LA VENER. MERE
des hommes sont bien differens de ceux de Dieu,
pensez y bien, & en iugez selon vostre conscien-
ce, vous deuez vous cognoistre mieux que person-
ne. Cette ame qui estoit fort auancée en la
cognoissance de soy-mesme, & de son
neant, escouta cét aduis fort attentiuement
sans se troubler, & ayant demeuré immobi-
le l'espace d'une heure, parla au Pere en
particulier pour luy rendre compte du sen-
timent qu'elle en auoit, afin qu'il en iugeast
à la plus grande gloire de Dieu : Ceux qui
estoiient presens à ces paroles ne les receu-
rent pas de la façon qu'elle les receut, & ne
voyans pas où aboutissoit le dessein qu'a-
uoit celuy qui les auoit proferées, ils l'en
reprirent, luy disans qu'il se mettoit en dan-
ger de luy causer quelque desespoir, mais il
leur dist qu'ils n'auoient pas sujet de rien
apprehender de ce costé : Car ie sçay par
experience (adioustoit ce sage Directeur)
combien la Vertu est solide en cette sainte ame,
& combien l'humilité est enracinée dans son
cœur. Je luy fais plus de plaisir luy parlant de
la sorte, que non pas si ie luy parlois de la recompen-
ce dont elle s'en va jouir dans le Ciel. C'estoit
en verité la bien cognoistre, & la gouver-
ner selon son desir, car elle hayssoit à mort
d'estre flatée, & ne pouuoit souffrir qu'on
luy parlast de sa vertu. Ce mesme iour

qu'elle sçauoit estre la veille de sa mort, elle resmoigna vn grand contentement comme celle qui se voyoit à la veille de l'accomplissement de ses plus ardens desirs, & ses Filles la coniuans de leur donner sa benediction, elle leur respondit: *Helas ! pourquoy demandez vous la benediction d'une pauvre pecheresse ? Priez Dieu qu'il me pardonne mes pechés, & qu'il me donne la sienne.* Et neantmoins pour obeïr au commandement que luy en fit le Pere, elle la donna avec toute l'affection de son cœur; & ce bon Religieux luy demandant si elle trouueroit bon qu'il passast la nuit dans sa chambre, de peur qu'il ne luy suruint quelque besoin de son assistance, à cause qu'il la voyoit fort mal, elle luy dist qu'il n'estoit pas necessaire, & que quand il en seroit temps elle l'en aduertiroit.

CHAP. XXVIII.

De son heureuse mort , & ce qui se passa le iour d'icelle , avec quelques remarques de son bon heur eternal.



Nous voicy arriuez en fin au dernier iour de la vie corporelle de la Venerable Mere, & au premier de la vie bienheureuse dont elle doit jouir durant l'Eternité: iour mille fois désiré par cette ame vertueuse, & iour mille fois heureux pour elle , puisque ne touchant plus il y auoit ja long-temps la terre que d'un poinct, comme vne belle rouë, mais rouë du chariot de gloire du Fils de Dieu , & rouë contenant l'esprit de vie , elle en est affranchie tout à fait en ce iour auquel son ame se destachant du corps foible & infirme qu'elle animoit & viuifioit, s'est attachée & vnies intimement à son souuerain bien qui l'animerà & viuifiera d'oresnauant. Reprenons le fil de nostre Histoire , où nous l'auons laissée , & que l'abondance de la matiere nous a fait interrompre le Samedy sur le soir , tout le

Vitalis in-
star Rotæ
spirituali
leuitate
ad supe-
riora toto
conatu at-
tolitur de
terra vix
paululum
aliquid
attingens.
Gilbertus
serm. 2. in
Cant.

monde s'estant retiré de la chambre de la Venerable Mere, excepté le bon Pere qui l'assistoit avec tant de charité, & quelques vnes de ses Filles : elle remercia le Pere de son assistance charitable, & luy dist. *Mon Pere vous avez l'espace de huit iours pris beaucoup de peine pour moy, j'espere que celuy pour l'amour de qui vous l'avez fait sera vostre recompense : ie vous supplie ne me point abandonner, vous assurant que cette icy sera la derniere nuit que ie vous donneray de la peine, attendant que demain devant le midy ie vous quitteray.* Le lendemain Dimanche iour dedié à la naissance du glorieux precurseur saint Iean, qui auoit esté tousiours le modele de sa vie & de ses actions. Sur l'Aube du iour luy arriua vne grande foiblesse, qui fit qu'elle demeura quelque temps sans parler, jusqu'à ce que le Reuerend Pere Capucin luy dist : *He quoy, ma Mere, voulez-vous mourir sans recevoir vostre espoux, aujourd'huy qui est la Feste de saint Iean Baptiste vostre Patron ?* Car alors comme revenant d'un sommeil, *Non pas* (dist-elle) *mon Pere,* & s'y estant preparée malgré sa foiblesse qui estoit surmontée par le desir dont elle brusloit de manger de cette diuine viande pour se fortifier, afin

240 LA VIE DE LA VENER. MERE
d'arriuer iusques à la montagne de Dieu,
elle communia avec vne ferueur & alle-
gresse incroyable; ses filles tenoient durant
cette action des cierges blancs allumez; la
communion estant faiëte, elles les voulu-
rent esteindre; mais elle, qui prenoit plaisir
à voir cette lumiere, & qui par la veuë d'i-
celle esleuoit son esprit à ce Royaume de
lumiere, qui n'est esclairé d'autre Soleil ny
d'autre flambeau que de l'agneau sans ta-
che, apres lequel elle deuoit bien tost cou-
rir, voulut qu'elles les tinssent allumez l'es-
pace d'un quart d'heure, durant lequel la
beauté de son ame vnie avec celuy qu'elle
auoit receu, resultant sur son corps, & en
bannissant les affres & laideurs que la gran-
deur du mal, & le voisinage de la mort, a
accoustumé de peindre sur le visage de
ceux qui sont en semblable destroit: Ce-
stoit vn plaisir sensible de la voir avec vn
visage si beau & si ioyeux, qu'il sembloit
qu'elle n'eust aucun mal. Apres auoir com-
munié, l'heure de l'Office & de la Messe e-
stant venuë, qui deuoit sans doute se cele-
brer avec solemnité, estant la Feste du Pa-
tron de l'Ordre, elle y enuoya ses Filles, &
voulut qu'elles y assistassent: & voyant
qu'elles auoient de la repugnance à la quit-
ter craignans qu'elle ne mourust en leur ab-
sence,

sence, & qu'elles ne fussent frustrées de ce bon-heur d'assister à sa mort. *Allez* (leur dist-elle) *ie vous promets que ie vous attendray, & que ie ne mourray pas que vous n'y soyez*: Elle enuoya vne des deux sœurs qui estoient aupres d'elle communier, & arriuant qu'elle eut besoin de se tourner, pourquoy faire il falloit deux personnes, & la sœur qui estoit seule ne le pouuant faire, le Pere luy dist auec vne grande simplicité qu'il l'ayderoit tres-volontiers s'il n'auoit point peur de tomber en irregularité: mais elle luy dist en riant; *Quoy mon Pere, m'ose-riez-vous bien toucher, gardez-vous en bien*. L'Office estant acheué, & ses Religieuses reuenues en sa chambre, elle leur demanda quelle heure il estoit, elles luy responderent qu'il estoit dix heures, ce qu'ayant entendu elle dist tout haut. *Dix heures Iesus, dix heures, il y a bien du temps encore d'icy à onze heures & demie*, estimant ce peu de temps bien long pour le peu d'affection qu'elle auoit à cette vie miserable, & le desir de voir Dieu qui possedoit son cœur; ses Religieuses apres cela la supplians de dire quelque chose pour leur consolation. *Helas mes filles* (leur disoit-elle) *ie ne puis plus guiere parler, ie vous recommande de rechief la charité & l'union*. Recommandation qui fut ordina-

Q

242 LA VIE DE LA VENER. MERE
rement en sa bouche durant sa maladie,
& en laquelle elle imitoit parfaitement
l'Apostre de dilection ; qui estant si cassé
que ses disciples le portoient à l'Eglise,
ne leur recommandoit autre chose que
de s'entr'aymer & de viure en vnion : elles
la supplierent aussi de leur dire en quelle
pensée elle se trouuoit pour lors, elle leur
respondit qu'elle estoit dans les playes de
son Espoux, qui appelloit sans doute cette
Colombe innocente dans les trous de la
pierre, & dans la cauernie de la mazure,
afin qu'à cette heure espouuentable, elle y
fust en assurance de l'espreuier infernal.
Un quart d'heure apres cela elle eut vne
grande sueur, elle osta elle-mesme ses
manches, accommoda son couure-chef,
& fit accommoder ses linceuls ; & apres
que tout fut bien elle dist ; *Cette sueur ne me
passe point, ie croy que l'heure s'approche.* Le
Pere entra sur cela, & voyant qu'elle s'ab-
baissoit si fort, il luy dist si elle ne vouloit
pas qu'on luy parlast de l'amour de Dieu ;
à quoy elle respondit avec vne ferueur
admirable : *Oüy mon Pere, oüy bien s'il vous
plaist, parlez-moy de l'amour, de l'amour de
mon Dieu.* Pendant que le Pere faisoit
ce discours de l'amour, le Medecin en-
tra ; & voyant son poux fort foible, fit

signe qu'elle s'en alloit. Ce que ses Religieuses ayans entendu, elles se mirent à pleurer, à raison dequoy le Pere & le Medecin les faisoient sortir d'aupres d'elle pour ne la point afiliger de leurs larmes: Mais elle qui leur auoit fort recommandé de se tenir auprès d'elle à l'heure de sa mort chacune avec vn cierge allumé, voyans qu'on les auoit chassées, commença à regarder, & ne cessa iusques à ce que on les eust rappellées. Apres quoy elle demeura les yeux leuez au ciel, regardant amoureuxment le lieu où elle deuoit en peu de temps establiſſir vne demeure permanente: & estant retournée à ſoy, elle prononça tout haut le ſainct & ſacré nom de Ieſus, ayant vne Medaille de ſainct Charles Borromée entre ſes mains, pour gagner par ce moyen l'Indulgence plenièſe que les Souuerains Pontifes diſpenſateurs du Threſor de l'Egliſe, qui contient les merites infinis de Ieſus-Chriſt, ceux de ſa Mere, & de ſes Saincts, ont donné à tous les Fideles, qui à cette heure eſpouuentable ayans vne de ces Medailles prononceront cét Auguſte nom, qui eſt la ſource de noſtre ſalut. Le Pere apres cela

Q.ij

244 LA VIE DE LA VENER. MERE
luy demanda si elle ne seroit pas bien aise
de gagner les indulgences que la Saincteté
auoit oëstroyées à l'Ordre sacré de saint
Iean le iour consacré à la naissance de ce
glorieux Sainct. *Volontiers* (dist-elle) *Dieu*
m'en fasse la grace. Le Pere continuant à
l'exhorter, elle luy dist en begayant. *J'ay*
une tentation, mon Pere, c'est que l'ennemy me
represente que ie meurs dans un bon liët, &
vous autres mourez sur la terre. Luy tout
estonné luy dist : *Mourez contente &*
obeïssante là où vous estes, ie suis fasché que
n'estes mieux. *Helas ! comment cet ennemy mor-*
tel vous ose-il attaquer de ce costé, veu que vous
n'auex qu'un simple mattelas, mourez donc con-
tente ; & luy ayant demandé si elle estoit
satisfaiëte, elle fit signe qu'oüy. *Allez-vous*
en donc (adiousta-il alors) *Galiote de sainte*
Anne, jouir de la gloire que vostre. Espoux vous
a preparée de toute eternité pour la recompence de
vos travaux : Chose admirable ! à ce mot de
recompense, quoy qu'elle eust perdu pres-
que la parole, son humilité fist qu'elle dist
au Pere qui luy parloit, le mieux qu'il luy
fut possible. *Ne me parlez point s'il vous plaist*
de recompence, car ie ne mérite rien, mais de par-
don & de misericorde. Le Pere ne la pou-
uant entendre, le luy fit redire quatre ou
cinq fois, & fit approcher d'elle ses Reli-

gieuses qui l'entendirent facilement , & le redifans à ce bon Religieux , elle luy fit signe que c'estoit ce qu'elle disoit. Elle faisoit aussi signe des mains , ne pouuant plus parler , qu'elle entendoit les paroles de Dieu dont on l'entretenoit ; & comme on luy demandoit si elle sortoit contente de cette vie , elle témoigna qu'elle mouroit fort contente : Bref ses Religieuses s'oublans d'allumer leurs cierges comme elle leur auoit commandé , elle leur fit signe de les allumer ; & tost apres qu'elles eurent obey à cela , elle rendit son ame entre les mains de celuy qu'elle auoit tant aymé , laissant son corps pour la terre dont il estoit formé , mais si deffaict & si maigre , qu'il ressembloit à vne schellette , plustost qu'à vn corps nouuellement despoüillé de son ame , & en vn estat si pitoyable , qu'il estoit escorché , les os ayans percé la peau en cinq ou six endroits ; & à ses filles le dueil d'auoir perdu vne si bonne & si aimable Mere , qui les cherissoit si tendrement , & à toutes les ames Religieuses , sa vie & ses actions pour leur seruir de modelle , & de patron , & à tous les hommes mortels vne mort pareille à la sienne à desirer. La Venerable Mere qui estoit née

Q iij

246 LA VIE DE LA VENER. MERE
vn Dimanche, & qui auoit pris l'Habit de
Religieuse vn Dimanche, & faiët sa Pro-
fession vn Dimanche, mourut aussi vn
Dimanche vingt-quatriesme Iuin : iour
que l'Eglise employe à honorer avec gran-
de solemnité, la naissance du glorieux Pre-
curseur de Iesus-Christ, auquel elle auoit
vne deuotion singuliere, & en l'honneur
duquel l'année precedente, le mesme iour
de sa Naissance, elle auoit faiët dedier par
Monseigneur l'Euesque de Tulles son fre-
re, l'Eglise qu'elle auoit fait bastir en son
Monastere: Elle mourut sur les vnze heu-
res & demie, fort proche de cette heure en-
laquelle le Soleil estant en son Zenith,
& au plus fort de sa chaleur, les ombres
disparoissent : Aussi sortoit-elle de cette
vie pour entrer dans ce lieu, où le Soleil
de Iustice dardant ses rayons à plomb sur
les ames saintes, faiët le midy de la
gloire, d'où les ombres des moindres
imperfections, sans lesquelles cette vie
miserable ne sçauroit estre, sont ban-
nies entierement. Bref elle mourut en
vn aage fort jeune; car estant née le
cinqiesme Novembre de l'année 1588.
elle mourut le vingt-quatriesme Iuin de
l'année 1618. n'ayant veü qu'environ
trente ans; Mais qui ont esté employez

si heureusement , & avec vne si grande
 perfeurance en la pratique de la vertu ,
 qu'on peut bien dire d'elle qu'ayant esté
 consommée en peu de temps, elle a neant-
 moins remply vne longue suite d'années,
 ou plustost qu'elle a remply tous les temps,
 puis qu'elle est passée à l'Eternité qui les
 renferme tous; dequoy outre l'assurance
 que nous en pouuonstirer de toute sa vie,
 qui ayant tousiours roulé sur les rouës de
 l'amour de Dieu, & des autres vertus, ne
 pouuoit manquer d'aboutir à la jouissance
 éternelle du souverain bien. Nous auons
 vne reuelation rapportée dans les Memoi-
 res fideles que ses filles ont donné , ainsi
 qu'elles l'auoient apprise de celuy-là mes-
 me auquel cette reuelation fut faite. C'e-
 stoit le Reuerend Pere Capucin qui auoit
 assisté la Venerable Mere les huit derniers
 iours de sa maladie: Personnage, comme
 disent ces bonnes Religieuses, tout plein
 de l'amour de Dieu, & grand zelateur du
 salut des ames. La Venerable Mere qui
 auoit receu des assistances si particulieres
 de ce bon Religieux, & des consolations
 si grandes de ses discours spirituels,
 toute pleine qu'elle estoit de reco-
 gnoissance, luy en auoit tesmoigné de

Consum-
 matus in
 Breu. ex-
 pleuit tē-
 pora mul-
 ta. Bene-
 multa
 quia & v-
 niuersa
 comple-
 titur.
 Quomo-
 do enim
 non ex-
 pleuit o-
 mnia tē-
 pora qui
 transit ad
 æternita-
 tem Bern.
 epist. 151.

grands ressentimens, & l'en auoit remercié affectueusement peu auant sa mort. Mais à peine fut-elle morte, qu'elle s'adressa à luy, le remercia de toutes les peines qu'il auoit daigné prendre pour elle, l'assura de la felicité eternelle dont elle alloit jouir, & luy promit qu'elle ne l'oublieroit pas deuant Dieu. Ce bon Religieux declara tout cecy aux Filles de la Venerable Mere, les assurant qu'il auoit ouï sa voix distinctement, & que la consolation qu'il en receut fut si grande (semblables communications luy ayans esté iusqu'à lors incogneues) qu'il en pensa mourir. La Venerable Mere ne se contenta pas d'auoir donné ce témoignage de sa reconnaissance à ce Religieux, ains luy obtint de Dieu six graces particulieres, lesquelles il demandoit par son intercession, bien assuré qu'il estoit du pouuoir qu'elle auoit aupres de celuy duquel elle auoit tousiours porté la crainte dans son cœur, & accompli soigneusement la volonté. Ses Religieuses qui ont rapporté tout cecy adioustent ces paroles que ie ne veux pas obmettre. *Si ce bon Religieux aressenty les aydes particulieres de celle qu'il assista avec tant de ferueur, nous autres serions trop longues à raconter les effects de ses merites depuis sa mort,*

ne doutant point que tant de graces particulieres que nous auons receuës, & que Dieu nous fait tous les iours, ne soient par ses prieres. Car qui est celle d'entre nous, qui l'ayant reclamée en ses neceßitez, n'en aye ressenti vne assistance tres-particuliere, elle ne nous a jamais promis aucune chose qui ne soit arriuée ponctuellement.

I'ay bien voulu rapporter tout cecy, afin qu'on admire la fidelité de Dieu à recompenser ses fidelles amis & seruiteurs: car on a peu remarquer dans tout le cours de cette Histoire, que comme la V. Mere a donné toute sa vie au Bien-aimé de son ame, la passant en son seruice, & dans la pratique des vertus, aussi luy a donné cét Espoux tres-fidelle vne mort toute telle qu'on la pouuoit souhaitter, vne mort paisible où l'on ne voit ny affres, ny apprehension, ny affliction de quitter cette vie; vne mort accompagnée de toutes les assistances desirables, sur tout de la reception frequente du diuin Sacrement, qui est le Viatique de nostre pelerinage; Bref vne mort qui est sans doute du nombre de celles dont parloit celuy qui disoit: *Que mon Ame meure de la mort des Iustes, & que ma fin ressemble à la leur.* Desirons, mon cher Lecteur, de mourir de la sorte; desirons que nostre fin soit semblable à celle-

250 LA VIE DE LA VENER. MERE
là, le monde passe, la conuoitise passe, tout
son appanage & attirail passe & s'éua-
nouïst, les Richards ayans dormy ce der-
nier sommeil, ne trouuent rien dans leurs
mains, leurs richesses amassées avec tant
de trauaux, & conseruées avec tant d'an-
goisses & de sollicitudes, demeurent dans
les coffres tandis qu'ils sont portez, au
tombeau, n'emportans avec eux qu'un
pauvre drap, qui doit pourrir avec leurs
corps. Les voluptueux se voient delaissez
de leurs delices long-temps auant la mort,
elles ceddent la place aux douleurs qui
en sont les auant-courrieres, & qui tour-
mentent d'autant plus asprement, que les
delices & voluptez ont esté plus grandes;
car il n'est pas possible de perdre sans affli-
ction ce dont on a icy avec affection.
Les ambitieux qui se sont nourris des fu-
mées des honneurs, reconnoissent alors
qu'ils ont masché à vuide, & qu'ils se sont
nourris de vents comme des Cameleons,
ces fumées pour lors se dissipent & s'é-
uanouïssent, les dignitez les abandon-
nent, les honneurs cessent : car le res-
pect qu'on rend au Crane d'un homme
qui a esté esleué en dignité, pour subli-
me qu'elle aye peu estre, est égal à celuy
qui est rendu au Crane d'un pauvre hom-

GALIOTE DE S^{te} ANNE. Liu. I. 251
me qui a passé sa vie dans le mespris, ces
Cranes n'ont point de difference; d'où
vient que Diogene cherchoit celui de
Philippe en presence d'Alexandre son
fils dans vn tas & monceau de Cranés
de plusieurs autres morts. Bref tous les
autres appanages de la vanité, la beau-
té corporelle qui n'est qu'une peau blan-
che estenduë sur vn fumier, la force du
corps, la Noblesse terrienne, l'eloquen-
ce & beauté du discours, passent & s'é-
vanouissent, & le principal est qu'il faut
en fin venir à l'heure à laquelle est at-
taché l'heureux succès de nostre salut,
il faut venir au moment duquel dépend
vne eternité de delices, ou de supplices,
selon la diuersité des merites. Pensons-y,
mon cher Lecteur, & souhaitons vne
mort pareille à celle que nous auons dé-
crite avec toute sorte de fidelité: mais
achetons cette mort & cette fin au
mesme prix auquel l'a eüe cette braue
Espouse de IESVS, qui est vne bonne
vie attachée à l'accomplissement des vo-
lontez de Dieu, occupée à l'obseruance
de ses Commandemens, resignée aux
souffrances qu'il luy plaisoit d'enuoyer,
employée à la pratique serieuse des vertus,

252 LA VIE DE LA VENER. MERE
conformée en son seruice, & dans l'exer-
cice de son amour. Car c'est vn abus tout
manifeste de vouloir auoit le bon-heur de
mourir comme les seruiteurs de Dieu, si
nous negligons de viure comme les ser-
uiteurs de Dieu ont vescu.

CHAPITRE XXIX.

*Pourtraict racourcy de la vie de la
Venerable Mere.*



'Est vn singulier plaisir à la
veuë après qu'elle s'est licen-
tiée, & s'est donnée carrière d'as-
sés vne vaste campagne à regar-
der vne grande diuersité d'objectz, s'arré-
tant ores sur vne prairie verdoyante & dia-
prée de mille fleurs, ores sur vne terre char-
gée d'espics, qui agitez par vn doux vent,
font des ondes agreables, & qui ne don-
nent point d'espouuente comme celles de
la mer, ores sur vn fleuve qui va coulant &
roulant ses eaux sans qu'on s'en aperçoie,
& qui par sa couleur cristaline fait voir vn
Ciel sur la terre, ores sur des montagnes
sourcilleuses, qui semblent vouloir cacher

leur sommet dans les nuës : de voir tous ces objects ramassez avec tant d'artifice dans vn Tableau racourcy, que d'vn clein d'œil elle les peut tous voir sans se répandre & se lasser comme elle faisoit auparauant. Et c'est vn tres-grand contentement à vn esprit qui s'est occupé long-temps, & s'est esgayé dans vn ouurage composé de plusieurs diuersitez d'actions & de rencontres comme sont necessairement les Histoires qui contiennent les vies des grands seruiteurs de Dieu, où l'on voit des ames esmailées des fleurs agreables des vertus comme belles prairies, chargées des espics de leurs actions charitables enuers le prochain, arrosées du fleuue de la paix, & du repos de la conscience que Dieu promet faire decouler sur ces ames, & esleuées comme des montagnes de mortification & de contemplation; de voir tout cela ramassé, & r'enfermé dans vn abregé comme dans vn pourtrait racourcy, où il le peut tout voir d'vn seul regard, comme l'on dit. C'est ce qui a fait qu'après auoir representé distinctement dans vingt-huict Chapitres la vie, les actions, les rencontres, & la mort de la V. Mere, auant que de passer au second Liure, destiné pour ses vertus, j'ay fait du tout vn abregé compre-

254 LA VIE DE LA VENER. MERE
nant en peu de paroles ce qui a esté espars
en diuers endroits. Auant sa naissance, sa
mere estant enceinte d'elle, la donna &
dedia à Dieu, & aussi-tost qu'elle fut née,
ratifia cette donation. Aagée de cinq
mois elle fut portée dans le Monastere de
l'Hospital de Beaulieu pour y estre nour-
rie, dans lequel dès qu'elle eut l'vsage de
raison elle montra de belles inclinations
au bien, & par le soin qu'elle auoit à fuir
la compagnie des hommes, quels qu'ils
fussent, jetta les fondemens solides de sa
virginité Angelique. A l'aage de six à sept
ans elle prit l'habit de Nouice de l'Ordre
de Sainct Iean de Hierusalem, & avec ice-
luy s'adonna à la pratique des vertus con-
uenables à ce sainct Habit, sans montrer
aucune inclination aux recreations & le-
geretez de cét aage si jeune. A l'aage de
douze ans ou enuiron, quoy qu'elle iugeast
la profession Religieuse vn ouurage trop
releué pour son aage, si est-ce neantmoins
que pour fermer la bouche à ceux qui pu-
blioient que le desir qu'elle auoit de re-
tourner au monde, & se marier, l'en dé-
goustoit; Elle fit ses trois vœux avec vn
succés si excellent, qu'elle renonça dès lors
à toutes les plus innocentes recreations de
la jeunesse, & montra en sa conuersation

vn changement notable. Aagée de quinze à seize ans elle fut faite contre son gré coadjutrice de la Prieure du Monastere de l'Hospital, où elle auoit fait sa Profession, & prit à cette occasion la grande Croix de cet Ordre, avec tant de confusion de se voir Superieure, qu'elle ne voulut jamais prendre aucun auantage ou éminence sur les autres, & abhorra tout le temps de sa vie ce nom, n'ayant aucune occupation plus agreable que de seruir celles ausquelles elle pouuoit commander. Vn an après elle fut faite Prieure du Monastere de Fieux du mesme Ordre: charge qu'elle accepta pour viure en solitude, car il estoit fort retiré, & peu frequenté, pour faire avec liberté ses grandes penitences, & pour trouuer quelqu'un qui conduisist son ame dans le chemin de la spiritualité: Elle s'y retira l'ayant acceptée, & y demeura 4. ou cinq ans menant vne vie eminente, & pratiquant les vertus avec grande perfection. Cette retraite & conuersation admirable donna dans les yeux de plusieurs, qui dōnans cours à leurs langues, murmurèrent contre elle, fondans leurs murmures sur des pretextes specieux de la solitude de ce lieu, qui estoit à l'escart dans les bois, & de sa grande beauté & jeunesse,

256 LA VIE DE LA VEN. MÈRE
& de celle des Religieuses qui y demeu-
roient avec elle. Pour arrester ce cours de
langues, & fermer la bouche aux murmu-
res, elle quitta à regret sa chere solitude,
& retourna au premier Monastere aagée
de vingt & vn an ou enuiron, où elle com-
mença à s'adonner serieusement à l'Orai-
son mentale. Premièrement par le moyen
de la lecture d'un Liure traitant de la Pas-
sion du Sauueur, & apprenant l'art de la
mediter, & peu après par la communica-
tion qu'elle commença d'auoir avec des
Religieux : le premier fut le Reuerend Pe-
re Bernard de S. Ioseph son Frere, qui l'in-
struisoit par ses lettres, lesquelles luy
estoyent tres-cheres, & qui luy conseilla de
s'adresser aux R. Peres de la Compagnie
de IESVS, & mettre son ame sous leur con-
duite & direction, ce qu'elle fit, commen-
çant en ce temps à communier tous les
huiët iours, & à faire les exercices spirituels
avec vn profit admirable, ce qu'elle con-
tinua tous les ans vne fois jusques à la der-
niere année de sa vie, que sa maladie ne
luy permettant pas de les faire, elle eut soin
que ses Religieuses les fissent, & les instrui-
soit durant iceux comme elle auoit fait
tous les ans iusques alors. Cette nouuelle
conduite & ces exercices, avec vne orai-
son

son presque continuelle , firent vn tel changement en son ame, non pas de mal en bien , mais de bien en mieux , que sa conuersation estoit plus celeste que terrienne, plus Angelique qu'humainé, & rauissoit en admiration ceux qui la consideroient , sans enuie , & sans passion. 'Aussi soupira-elle aussi-tost à vne vie plus releuée, plus retirée , & plus parfaite , & ayant jetté les yeux sur toutes les Religions reformées , la pauureté, & l'austerité incomparable de celle de sainte Claire, eut d'auantage de proportion avec les desirs de son ame, elle les arresta là dessus, & procura de tout son pouuoir d'y estre admise dans le Monastere de cette Religion , qui est à Tholose, ce qu'estant sur le poinct de s'accomplir à son contentement par le consentement qu'y donnerent toutes les bonnes Religieuses de cette Maison , ses Directeurs, son Superieur, & son cher Frere l'en destournerent, Dieu les y poussant qui l'auoit choisie pour remettre & reformer le Monastere de l'Hospital de Beau-lieu. L'entreprise de cette reformation estoit extremement espineuse & difficile, & ne promettoit que trauaux , contradictions , & peu de profit , le Monastere stenat par la grande negligence des Supe-

R

258 LES VERTUS DE LA V. MERE.
rieurs , par le malheur du temps , par le
poids de la nature corrompue qui tend
toufiours en bas, & per la faulſſe douceur de
la liberté, réduit à vn eſtat ſi pitoyable, qu'il
n'y auoit aucun veſtige de Religion & Re-
gularité. Elle ſ'y reſolut neantmoins, aagée
de vingt-quatre à vingt-cinq ans, malgré
des nuées de contradictions, & du dedans
& du dehors, & ayant attiré des Religieuſes
à fauoriſer & aider à ſon genereux deſſein,
& donné par ce moyen commencement à
cét ouurage, elle alla au Monaſtere de ſain-
cte Claire de Tulles, pour y apprendre les
exercices de la vie Reguliere, & ſeiourna
quelque temps en iceluy , donnant des
exemples merueilleux de vertu, & faiſant
paroître tant de perfection en ſa conuer-
ſation , qu'y eſtant entrée pour apprendre
la perfection, on la regardoit comme Mai-
ſtreſſe capable d'en faire leçon. Reuenue
de ce Monaſtere , elle eſtablit dans le
ſien de beaux reglemens , & des exer-
cices d'une vraye & parfaite regularité,
inſtruiſit excellemment les Religieuſes
qui ſeſtoient iettées de la liberté dans
ſa conduite ; & ſ'étoient attachées à
ſon entrepriſe , ſ'eſſorça d'attirer à ce
meſme changement celles qui ſy
montroient reueſches , avec les fortes

GALIOTE DE S^{te} ANNE. Liu. I. 259
chaines de ses bons exemples , & de sa
charité. Bref auança fort ce que Dieu luy
auoit fait la grace de commencer. Mais
comme ses ieunes dès son plus ieune âge,
auoient esté tres-grands , les penitences
comme excessiues, & les mortifications
cōtinuelles sans iamais s'y relascher, son
corps fort delicat de sa complexion, ayant
presque tousiours ttempé dans les indispo-
sitions, comme elle eut atteint le 29. de son
aage, setrouuant chargé de plusieurs tres-
grandes maladies , succomba en fin à la
charge , au grand contentement de son
ame, qui n'ayant aucune affection, ny at-
tache à la terre, ne respiroit plus que de
se voir separée d'auec ce qui l'empeschoit
de s'vnir intimement à son Dieu , l'a-
mour duquel auoit tousiours possédé son
cœur : Tellement qu'après dix mois
de maladie , dans laquelle elle mena
vne vie qui n'auoit plus rien de la terre, &
exhala par ses actions & paroles vne
odeur de saincteté plus soüefue qu'elle
n'auoit fait iusques alors , elle mourut
l'année, le mois, le iour , & l'heure qu'el-
le auoit prédit. Sa Naissance fut tres-
noble , son enfance tres - encline au
bien, & fort esloignée des puerilitez ,

R ij

260 LA VIE DE LA VENER. MÈRE
sa jeunesse tres-adonnée à la vertu, son
adolescence tres-desireuse d'auancer la
gloire de Dieu, & le salut des ames ; Tou-
te sa vie tres-humble & tres-Religieuse, sa
mort tres-précieuse deuant les hommes,
deuant les Anges , & deuant Dieu, dont
elle jouit & jouira eternellement.





P R É F A C E

DV SECOND LIVRE.

LEs Peintres qui veulent faire vn Tableau excellent , & qui soit capable d'arrester sur soy les yeux des hommes , ont accoustumé de ietter premierement sur la toile les crayons , & les plus grossieres couleurs qui seruent pour esbaücher, & par apres ils appliquent avec tout l'art possible les couleurs vives , qui releuent l'ouvrage , & font paroistre la beauté du pourtraict : & Dieu mesme , que saint Iean Chrysostome a eu raison d'appeller Peintre excellent , puis qu'avec le pinceau de sa Toute-puissance il a tiré avec des traicts si admirables ses grandeurs, & ses perfections sur la carte blanche du

neant, duquel il a retiré cet *Vniuers*, qui par la grande diuersité de ses parties compose l'image & la representation de ces grandeurs & perfections : a procedé de la sorte en produisant ce riche pourtrait : Car

Vti pictores dealbatū ante parietem colorum floribus arte conserunt, ita creator ad ornatum mūdi properans luce primū mundi parietes dealbat.

Orat. i.

S Basile Euesque de Seleucie considerant que cet ouurier souuerain commença la creation de son ouvrage par celle de la lumiere qui fut produite & resplandue le premier iour, dit que comme les Peintres resolu de tirer quelque riche pourtrait sur vne muraille, jettent au prealable les couleurs les plus grossieres & la blanchissent, appliquant par après les couleurs viues : de mesme Dieu desireux d'orner cet *Vniuers*, & l'embellir des diuerses couleurs de tant de creatures, a produit la lumiere comme pour ietter la couleur grossiere & le blanchir auant que commencer. C'est la procedure que ie tiens en cet ouvrage, qui est comme vn pourtrait de la *Venerable Mere Galilote de sainte Anne*, & des graces

merueilleuses que Dieu a versé dans son ame à pleines mains. Au premier Liure i'ay suivy pas à pas le cours admirable de trente années qu'elle a vescu çà bas, & la lumiere que donne le fil de cette Histoire est comme la couleur grossiere qui blanchit la toile, & esbauche le pourtraict, & maintenant le second appliquera le coloris des rares & éminentes vertus qui ont orné son ame, & des autres graces surnaturelles qu'elle a possédé. Je sçay bien que cette diuision des vertus d'avec l'histoire de la vie & de la mort ne se peut pas faire sans qu'il soit necessaire d'vser quelquesfois de redites, comme l'a remarqué iudicieusement vn bon Escriuain de ce temps. Mais outre que ces redites ne sçauroient estre ennuyeuses si l'vsage n'en est pas frequent, & que l'on peut avec vn soin particulier faire en sorte que les redites seront rares & clair semées, si spécialement le suiet traicté n'est pas infecund ny sterile :

R iij

cette diuision apporte avec soy vn bien, qui est que le fil de l'histoire n'est pas interrompu par le meslâge du Traicté des vertus : bien qui seul semble suffire pour rendre cette diuision agreable, parce que l'histoire pour estre mieux goustee & retenue avec plus de facilité, demande que sa suite ne soit point troublee ny interrompue par aucune digression. Ce sont les considerations qui m'ont porté à parager cet ouurage en deux Liures, & à reseruer le discours des vertus pour ce second, dans la lecture duquel, si quelque ame fait du profit, & prend occasion de cherir la vertu, & de trauailler serieusement à son salut, mes desirs seront accomplis. Car mon vniue que pretention en cet ouurage, apres la gloire de mon Dieu, c'est d'estre profitable aux ames rachetees au prix du sang infiniment precieux de Iesus, & de cooperer en quelque chose à leur salut.



LIVRE SECOND
DES
RARES VERTVS
ET AVTRES GRA-
ces furnaturelles de la Ve-
nerable Mere GALIOTE.

CHAPITRE PREMIER.

De la Foy vine.



A gloire ineffable dont iouïssent les ames affranchies des dangers & des risques de cette vie infortunée, & attachées pour vne Eternité à leur souuerain bien, est comparée à vne belle Cité capable de raurir les cœurs des hommes par ses riches ornemens; & la perfection des ames qui

266 LES VERTUS DE LA V. MERE
dans ce pellerinage soupirent apres l'heureux terme d'iceluy, qui les rendra de pellerins citoyens, & de bannis domestiques, est representée par vn edifice que l'ame bastist avec Dieu, cooperant à ses graces: & cét edifice qui s'éleue au ciel par le moyen des actions vertueuses, a pour fondement la premiere, quoy que non la plus excellente des vertus Theologales, qui est la Foy. Voila pourquoy pour imiter les bons ouuriers, qui en la structure d'vn edifice jettent tout premierement le fondement, pour esleuer puis apres le reste de l'edifice sur iceluy. Je veux commencer à descrire la perfection admirable de la Venerable Mere, par la Foy, qui en a esté la base & le fondement. Cette vertu qui sert de colonne de feu aux vrais Israëlites durant la sombre nuit de cette vie, afin qu'ils n'errent point dans le desert de ce monde, estoit parfaictement enracinée dans cette belle ame. Elle auoit tout ce qu'on peut desirer pour marquer vne vraye & viue Foy. Elle auoit vn esprit tout à faict sousmis aux veritez que la saincte Eglise propose aux Fidelles par le moyen de la reuelation de son espoux, bannissant loing de soy toute sorte de curiosité, qui porte bien souuent les ames plus loing qu'elles ne pensent, &

qui est la tigne de la Foy : Elle portoit vne singuliere reuerence aux belles ceremonies de l'Eglise, se plaisoit à les pratiquer, procuroit qu'elles fussent serieusement obseruées, prenoit volontiers la peine à les apprendre aux Nouices, ne pouuant souffrir qu'on y manquaſt ou qu'on les negligeaſt ; L'estime qu'elle faisoit de tous les moyens qui sont en l'Eglise pour le remede des pechez, & le salut des ames, estoit admirable ; les Iubilez & Indulgençes plenières luy apportoiēt vne grande conſolation, lors que les Sainçts Peres ouurans le Threſor duquel ils ſōt les œconomes les donnoiēt, elle les receuoit d'vne grande affection ; & non contente de les gagner, procuroit de tout ſon pouuoir que pluſieurs les gagnaſſent : elle auoit auſſi vn grand ſoin de gagner les Indulgençes données aux Medailles & Images des Sainçts, ſoin qui luy demeura iuſques à la mort, à l'heure de laquelle elle gagna, comme nous auons veu, l'Indulgence plenière donnée à ceux qui avec vne Medaille du grand ſainçt Charles Borromée, prononcent ou de bouche, ou de cœur, le ſacré nom de Ieſus : Reuerence merueilleuſe, & qui n'auoit point d'autre ſource que la Foy viue qu'elle auoit de l'autorité & puiffance ſouueraine

268 LES VERTUS DE LA V. MERE
du chef visible de l'Eglise, vray successeur
de S. Pierre, & Vicaire de Iesus-Christ.
Que diray-ie de l'estime qu'elle faisoit des
moyens plus releuez & plus nobles, qui
sont les Sacremens, canaux de la grace qui
decoule de la fontaine viuifiante ? Elle
frequentoit ces Sacremens fort souuent,
comme nous auons veu, procuroit que les
autres en fissent de mesme, apportoit tout
le soin qui luy estoit possible à sy bien dis-
poser, & s'en approchoit avec des sentimens
si releuez & diuins, qu'elle faisoit assez pa-
roistre combien grande estoit l'assurance
que luy donnoit sa Foy touchant l'efficace
incomparable que l'Eglise instruite par les
paroles de son Espoux attribue à ces Sa-
cremens. Tout cela releue beaucoup sa foy,
mais rien si auantageusement comme la
Foy viue qu'elle auoit de la verité infail-
lable, quoy qu'ineffable de la presence réelle
du sacré corps & sang infiniment pretieux
du fils de Dieu, au Sacrement tout Auguste
de l'Autel: il sembloit que ces especes dont
le Sauueur s'est couuert comme d'un voile
en ce Sacrement pour exercer la Foy, & la
rendre plus genereuse & plus meritoire, ne
luy couuroient pas cette presence tant elle
en estoit assurée: la veüe penetrante de sa
Foy passoit au trauers de ce voile, & luy

rendoit cette presence si certaine qu'elle ne se pouuoit retirer d'aupres ce Sacremēt: de là prouenoit l'affection tres-grande qu'elle luy portoit, de là la deuotion tres-sensible qu'il causoit à son ame, de là le plaisir qu'elle prenoit d'estre tousiours deuant luy, de là le respect admirable qu'elle luy portoit, de là le recours qu'elle auoit à luy en toutes ses necessitez, & corporelles, & spirituelles, & en celles d'autrui: de là les miracles qu'elle a faiçt par son moyen. Toutes lesquelles choses ie ne fais que toucher en passant, afin qu'on voye la viuacité de sa Foy, me reseruant à les déduire au long traittant de son affection & deuotion à ce diuin Sacrement. Acheuons maintenant ce qui regardel'excellence de sa Foy par l'affection la plus sublime & la plus glorieuse qui naisse de cette cognoissance obscure, qui est de seeler de son sang les veritez qui sont reuelées à l'Eglise, & proposees par icelle, & d'exposer sa vie par vn martyrre genereux pour leur deffence & soustien. Car comme l'affection à la vie est la premiere & la plus forte de toutes les affections que la Nature donne aux hommes; aussi faut-il auoüer que le bannissement de cette affection pour mettre en sa place vne affection toute contraire, est le

plus haut degré où les hommes peuuent estre pouffez & esleuez par la Foy. Or la Venerable Mere auoit cette affection bien auant grauée dans le cœur, comme elle le descouurit à la Superieure du Religieux Monastere de sainte Claire de Tullés, luy communiquant sincerement son interieur, & les plus intimes mouuemens de son ame, comme à celle à la direction de laquelle elle s'estoit soubmise durant le séjour qu'elle fit dans cette maison. C'est cette Superieure qui l'a mis dans sa Relation dans laquelle elle a laissé par escrit que la Venerable Mere auoit vn grand desir de souffrir le Martyre : tellement qu'on peut dire d'elle que si elle n'a pas versé son sang pour la Foy, ce n'est pas que la volonté aye manqué à l'occasion du Martyre, mais que l'occasion du Martyre a manqué à sa feruente volonté, & que quoy que le Bourreau ne luy aye point rauy la vie, elle n'a pas neantmoins esté frustrée du merite du Martyre, les bons & saints desirs n'estans iamais sans recompence deuant Dieu, comme les mauuais ne sont iamais sans chastiment.

CHAP. II.

De sa ferme esperance & grande confiance en Dieu.

DE la Foy ie passe à l'Esperance, de la Mere à la Fille, de la Racine au Surgeon, de la Fontaine au Ruisseau, du Principe à ce qui naist & procede d'iceluy. Car les subtils Theologiens, qui ont trouué dās les trois Vertus rheologiques l'image viue de la sur-adorable Trinité, ont remarqué que la Foy represente le Pere qui est le premier principe en cette Trinité increée, commela Foy est la premiere vertu dans cette Trinité créée, parce que la connoissance est le premier principe des actions de nostre volonté, & que l'esperance tient la place du Fils; parce que comme le Fils procede du Pere seul, & est avec luy le principe de la procession du saint Esprit, qui est l'amour personel: de mesme l'Esperance (qui est vn amour imparfait, puis qu'il est de conuoitise, cōme les Theologiens l'appellēt; c'est à dire par lequel l'hōme se porte à Dieu, parce qu'il est sō bien & sa felicité,)

272 LES VERTVS DE LA V. MERE
precede en l'ame la charité, amour de bien-
veillance & tres-parfaict, & procede de
la Foy : car parce que nous cognoissons par
la Foy, Dieu autheur de la grace infinie-
ment iuste, bon & puissant, nous conceuons
l'esperance qu'il recompencera les bonnes
œuvres d'une recompence qui ne finira ia-
mais : Et cecy est tellement veritable, que

*Merito A.
postolus
fidē spe-
randarum
rerū sub-
stantiā es-
se definit,
quod nō
credita
nemo spe-
rare non
plus quā
super ina-
ne pinge-
re possit.
Serm. 10.
in Psal.
qui habi-
tat.*

le deuot S. Bernard a dict excellemment,
qu'il n'est non plus possible d'esperer sans
croire, qu'il est possible de peindre sur le
euide & sur le neant. Comme donc la
Venerable Mere eut vne Foy tres-viue,
aussi eut-elle vne esperance tres-ferme, &
qui se fit paroistre par ses beaux effects. Ce
fut son esperance qui luy osta tout à fait
l'affection des biens passagers de la terre, &
qui engendra dans son cœur l'affection des
biens imperissables & eternels : Ce fut
cette vertu qui luy fit mespriser & fouler
aux pieds tout le temps de sa vie, le mon-
de, & tout ce qu'il y a de plus esclatant dans
iceluy, & de plus puissant pour amorcer
les cœurs, & les jetter dans la vanité,
comme la noblesse, les richesses, la beauté,
la bonne grace, desquelles parties la natu-
re auoit esté fort liberale en son endroit :
Ce fut elle qui luy fit receuoir à bras ou-
uerts les maladies & les afflictions que
Dieu

Dieu luy enuoyoit, & à se plaire également dans les aduersitez & les prosperitez, conformément à la resolution qu'elle en auoit faicte, & qu'elle a laissée par escrit en ces termes. *Je tascheray de me resiouir autant ou plus des aduersitez ou fieux, que des prosperitez qu'il plaira à Dieu de m'enuoyer. Je luy demanderay iournellement cette grace.* Bref c'est son esperance tres-ferme qui la faisoit souspirer continuellement apres sa sortie de cette vie, & son entrée dans l'eternité de delices, qu'elle sçauoit estre preparée aux ames qui ayment Dieu, luy en faisant trouuer long le delay pour petit qu'il fust : c'est elle qui luy fit regarder d'un visage joyeux, & receuoir d'un courage magnanime la mort, quoy qu'elle la prist en un aage fort ieune : c'est elle en fin qui luy mit en la bouche durant sa dernière maladie des paroles dans lesquelles la fermeté de son esperance paroist aussi clairement, que si elle estoit marquée avec les rayons du Soleil. Je me contente de toucher en passant ces tesmoignages asseurez de son esperance, sans m'y estendre dauantage, parce que toute l'histoire de sa vie le represente suffisamment. Cette esperance fut accompagnée d'une confiance filiale qui parut en tout le cours de sa vie dans les plus difficiles

274 LES VERTUS DE LA V. MERE
rencontres qu'elle eut, dans lesquels sans se
laisser emporter à la timidité, & sans perdre
courage elle auoit son recours, non pas aux
secours & assistances des hommes, mais à
Dieu, avec autant de confiance qu'en au-
roit vn enfant recourant à son Pere, du-
quel il sçauoit estre aimé tendrement : Et
comme c'est la confiance de laquelle l'o-
raison puise l'efficace qu'elle a pour impe-
trer ce qu'elle demande (comme l'enseigne
le Prince des Theologiens) ses prieres avec
lesquelles elle auoit son recours à Dieu, e-
stans munies de cette confiance filiale, elle
trouua des remedes & des assistances telles
qu'elle les pouuoit souhaitter. Mais cette
confiance fit voir sa force en deux occa-
sions. La premiere fut en l'entreprise de la
Reformation du Monastere de l'Hospital; il
sembloit demeurant dans les termes & les
discours du iugemēt humain, que cette en-
treprise estoit vne pure temerité, & que de
penser en pouuoir venir à bout, c'estoit pen-
ser pouuoir venir à bout d'vne chose im-
possible, parlant moralement & dans les
termes que j'ay dict : car outre l'estat de-
plorabile où se trouuoit ce Monastere, l'a-
uersion qu'y auoient les Religieuses, & les
oppositions qui ne pouuoient manquer,
toutes lesquelles choses ont esté desia re-
presentées; la Venerable Mere estoit fort

ieune, n'ayant à peine atteint le vingt-cinquiesme de son aage : elle auoit l'estomach desia gasté par les grandes penitences, & son corps sujet à des infirmités cōtinuelles, & estoit asscurée que ceux de dehors desquels elle pouuoit attendre de l'assistance, bien esloignez de luy en donner, ne goûtans pas son dessein pour le grand amour qu'ils luy portoient, s'y opposeroiēt de tout leur pouuoir, & que par consequent tout secours humain luy manqueroit. Et neantmoins esleuant puissamment son courage dans ces traueses, comme l'Aigle dans les orages, & le Daulphin dans les tempestes, elle entreprit cette Reformation, & armée de la grande confiance qu'elle auoit en l'assistance de son Dieu, elle passa au trauers de ces murailles espaisies de difficultez, cōme si c'eussēt esté des toiles d'araignées; assembla des Religieuses, leur fit quitter la liberté dōmageable dās laquelle elles auoiēt vescu, les porta à embrasservne regularité parfaite en laquelle elle les instruisit & cōserua heureusement iusques au dernier soupir, parmy beaucoup de tres-difficiles accidēs. Où est-ce que se trouue la vraye & puisśate cōfiāce : si elle ne se trouue là? La 2. occasion qu'elle eut de faire esclatter sa confiance, fut dans sa derniere maladie lors que les Medecins

276 LES VERTVS DE LA V. MERE
ayans consulté touchant l'estat où elle estoit, iugerent que c'estoit fait d'elle, & qu'elle ne viuroit plus long-temps : Ceux qui auoient tant soit peu de discours, & qui voyoient que son autorité & son courage estoient les arcs-boutans qui soustenoient la reformation qu'elle auoit establie en ce Monastere, iugeoient assez que la fin de sa vie seroit le commencement de la decadence & ruine de cét ouurage qui luy auoit tant cousté, les apparences y estoient assez claires : Car que pouuoit-on attendre d'yne poignée de pauures Religieuses qui n'auoient encore passé que quatre ou cinq ans dans la reformation, destituées de leur chere maistresse & de tout leur soustien, qui deuoit auoir apres sa mort tant d'opositions sur les bras ? Rien ce semble que foiblesse & abandon de ce qu'elles auoient entrepris. Aussi ne celoit-on pas à la Venerable Mere ce qu'on en pensoit, mais comment se comportoit-elle là dedans ? Voicy ce qu'en a escrit en sa relation vne Religieuse Ursuline qui estoit pour lors du nombre de ses Nouices. *Je l'ay tousiours veüe entiere-ment remise à la Volonté & disposition de la providence diuine, & quoy que l'on luy dist les accidens qui pourroient arriuer apres son deceds, elle s'en remettoit du tout à Dieu sans se troubler ny*

inquieter. C'estoit sa confiance qui la tenoit dans cette égalité, & qui luy donnoit cette admirable resignation; car elle sçauoit que comme il est assez puissant pour faire sortir les enfans d'Abraham de la dureté des cailloux, aussi a-il le pouuoir pour tirer vne force incomparable de la foiblesse des plus vils instrumens, & que partât il pouuoit fortifier ses filles pour maintenir ses trauaux: en effect comme en ce temps & en ces entrefaites ses Filles se plaignoient amoureusement à elle de ce qu'elle les laissoit comme orphelines par sa mort; elle poussée de sa confiance leur dist, qu'elle ne les vouloit point recommander à personne viuante icy bas, ains qu'elle les laissoit seulement en la Diuine prouidence de leur Espoux, assurée que quand tout le monde les abandonneroit il ne les quitteroit pas. Ce ne fut pas tout, car auant que de mourir, les voyant desolées, elle leur predict ce qu'elles auroient à souffrir, & les persecutions qui s'esleueroient contre elles, & quant & quant le secours diuin, qui ne leur manqueroit point. Toutes lesquelles choses arriuerent de poinct en poinct, sa grande confiance leur ayant sans doute impetré ce secours. Elle a donc possédé vne vraye & assurée confiance: Mais cela ne pouuoit pas luy

278 LES VERTUS DE LA V. MERE
manquer, puis que les commandemens de
Dieu luy estoient si chers, & qu'elle ne res-
piroit que l'accomplissement de toutes ses
volontez, qui sont les vrais moyens par les-
quels la confiance filiale s'acquiert.

CHAPITRE III.

De l'amour ardent qu'elle portoit à Dieu.

Dilectio
summum
fi Dei sa-
cramentū
Christia-
ni nomi-
nis the-
saurus,
&c. Tert.
lib. de Pa-
tient.



A Charité & amour de Dieu (diët vn des plus forts esprits qu'aye porté l'Afrique) est le suprême de tous les Mysteres de la Foy, c'est le thresor du nom Chretien : Eloge grandement proportionné à cette Princesse des vertus : car comme dans l'eschole du monde, où la chair & le sang reuele & instruiët, les richesses & les thresors sont la mesure à laquelle les mondains ajustent pour l'ordinaire l'estime qu'ils font des hommes, en telle sorte que ceux qui les possèdent sont en estime autant qu'ils en ont ; que si il arriue qu'ils n'en ayent point du tout, ils demeurent dans le mespris & l'ignominie : d'où vient qu'un escriuain prophane, parlant de la pauvreté qu'il appelle malheureuse, poussé de

ce mesme esprit, dict qu'entre les mal-
heurs qu'elle traîne avec soy, celui-cy est
le plus rude & fascheux, qu'elle rend les
hommes pauvres, ridicules, abjects, &
mesprizez; de mesme dans l'eschole de
Iesus-Christ, où la chair & le sang ne re-
uelent point, mais le Pere des lumieres qui
y preside, ce thresor du nom Chrestien est
la reigle & la mesure de l'estime des ames:
si elles possèdent aduantageusement ce
thresor, elles sont fort estimées deuant
Dieu; mais si elles sont arriuées à vn tel
poinct de mal-heur qu'elles ne le posse-
dent point, elles ne sont d'aucun prix ny
estime, Dieu ne faisant aucun cas de ceux
qui ne sont pas dans son amitié, soit hom-
mes, soit esprits Angeliques, car il n'y a
qu'une mesme mesure pour tous les deux.

La Venerable Mere auoit fait bonne pro-
uision de ce thresor, elle l'auoit receu dans
son cœur au saint Baptisme, & elle l'y
conserua si heureusement, que iamais les
demons, qui comme larronneaux rodent à
l'entour de nous durât nostre voyage pour
nous destrousser, n'eurent le pouuoir de le
luy raurir: car ie ne pense pas qu'elle aye
iamais perdu la charité par aucun peché
mortel, i'en apporteray les preuues vn
peu plus bas; elle aymoît Dieu, non pas

*Nil habet
infelix
paupertas,
durius in
se, Quam
quod ri-
diculos
homines
facit.
Iuuenalis
Satyra 3.*

*Mensura
hominis
quæ est
Angeli.
Apoc. 21.*

*Maligni
spiritus,
quasi qui-
dam la-
trunculi
iter no-
strum ob-
sident.
Greg. Mag.*

La seconde marque est, si elle prend plaisir à oüyr parler de luy , abhorrant tous les entretiens qui en sont esloignez , & les fuyant de tout son cœur : La troisième, si elle se plaist d'en parler , & s'en entretenir ; car , qui ne parle volontiers de ce qu'il aime & cherit ? Le Sauueur ne dit-il pas que l'abondance du cœur fournit les paroles à la bouche ? Et la parole qu'est-elle autre chose que l'image de l'Esprit ? La quatrième est de conuerser volontiers avec luy , & ne point trouuer d'amertume en sa conuersation : La cinquième, d'aimer les trauaux, les trouuer legers pour sa consideration : La sixième, desirer d'estre hors de risques de le perdre , & de se voir vny avec luy pour vn jamais : La septième, aimer en luy son prochain , & auoir du zele pour son salut. Voila des marques asseurées d'un vray amour de Dieu , lesquelles (comme les choses sensibles & visibles sont des eschelles pour monter à la connoissance des spirituelles & inuisibles) se trouuent mesme dans l'amour terrestre & passager : Car qui est celuy qui aime honnestement (ie ne parle pas de ces amours insensez , qui meritent mieux des flammes que des paroles) qui ne s'abstient de d'offencer celuy qu'il aime , & de luy

desplaire qui ne se plaise à ouyr parler de luy, qui n'en parle fort volontiers, qui ne se delecte à conuerſer avec luy, qui n'estime facile ce qu'il endure pour luy plaire, qui ne ſouhaite de voir la fin de ce qui le ſepare d'avec luy, & de jouir de ſa preſence, & en fin qui n'aime ceux que ſon Bien-aimé luy recommande d'aimer ? Voyons donc maintenant toutes ces marques en la Venerable Mere. Premièrement elle a porté vn horreur extreme à l'offence de Dieu, & ſ'en eſt abſtenuë avec tant de ſoing, que ie ne penſe pas qu'en toute ſa vie elle aye jamais commis aucun peché mortel. Il eſt bien vray que ie ne veux pas donner cecy comme choſe ſi aſſeurée qu'on n'en puiſſe douter ; mais i'ay des coniectures qui ſont fort puiſſantes pour le perſuader à vn eſprit qui peſe les choſes comme il faut. L'vne eſt, que comme le cours de ſa vie montre, elle l'a paſſée toute dès ſon enfance dans la pratique de la vertu, & les exercices de la penitence, ſans en démordre jamais, & ſans donner aucune de ſes années à la vanité ; l'autre, qu'elle portoit vne haine immortelle aux fautes les plus legeres commiſes à eſcient, & avec aduertence, non ſeulement en ſoy,

ains aussi en celles qu'elle gouvernoit, ne les pardonnant jamais, & protestant avec toute verité qu'elle eust mieux aimé mourir que d'offencer Dieu de la façon : la troisième, que jamais elle n'a affectionné chose aucune de celles qui seruent d'allumettes au peché : la dernière, qu'un Confesseur qui l'auoit entenduë durant deux ans entiers, protesta à ses Filles après sa mort, qu'en tout temps il n'auoit peu trouuer en ses confessions matiere suffisante pour l'absolution, quoy qu'elle exaggerast fort ses fautes, comme ses Confesseurs s'en plaignoient, & que dans les confessions de ces deux années fut comprise la confession generale qu'elle fit de toute sa vie passée en la maladie dont elle pensa mourir en l'age de vingt ans. En second lieu elle prenoit vn plaisir incroyable à ouïr parler de Dieu, il n'y auoit point de musique plus agreable à ses oreilles comme estoient les discours de ses grâdeurs, & comme elle disoit elle-mesme vn iour ou deux auant sa mort à celuy qui l'assistoit en ce passage, elle se mouroit quand elle n'entendoit point parler de son Espoux bien-aimé : c'est ce grand plaisir qu'elle y prenoit qui faisoit que durant sa dernière maladie, le mal l'assoupissant, elle

284 LES VERTVS DE LA V. MERE
se frottoit les yeux d'un fort vinaigre, pour
se rendre attentive aux discours spirituels
que ce bon Religieux luy faisoit fort fre-
quemment ; c'est ce mesme plaisir qui luy
donna vne si grande horreur des entre-
tiens, qui ne résponnoit pas le cher object
de son affection, qu'elle auoit fait cette re-
solution qui a demeuré escrete de sa main.

*Je hayray les mauuaises compagnies, les men-
songes, & discours frivoles, ou paroles otieuses
& inutiles, ou qui me peuuent prouoquer à rire,
& les fuiray tant qu'il me sera possible ; &
quand ie ne pourray pas i'en auray regret & des-
plaisir : C'est luy en fin qui la porta à bannir
de la bouche de ses Religieuses, qui de-
uoient estre sa plus familiere compagnie,
tous les discours qui n'estoient pas de
Dieu, avec l'exaction que nous auons dit
autre-part. En troisiéme lieu, si elle se plai-
soit à ouyr parler de Dieu, elle ne prenoit
pas moins de plaisir d'en parler, c'estoit
son entretien ordinaire. Elle parloit con-
tinuellement de Dieu (rapporte vne de ses
Religieuses) ou bien de la mort, car c'estoit
son discours ordinaire durant sa maladie,
de la façon de s'y preparer. Et en vn autre
endroit, cette mesme Religieuse qui parle
de ce qu'elle a veu, dit : Qu'elle parloit de
Dieu avec tant de ferueur qu'elle en estoit*

GALIOÏE DE S^{te} ANNE. Liu. II. 285
toute enflammée, rauissant ceux qui l'é-
couteient en l'admiration de sa ferueur,
& qu'il luy arriuoit souuent parlant des
choses spirituelles & diuines, que par fois
elle demouroit deux heures à en parler
sans s'aperceuoir de ce qu'elle faisoit, tant
son esprit estoit rauy & trouuoit de dou-
ceur dans ses discours. Bref parlant de son
entretien durant sa derniere maladie, voi-
cy ce qu'elle en dit : *Lors que les Religieuses*
estoyent seules auprès d'elle, elle se mettoit à les
exhorter & encourager au plus fort de son mal;
que vouseusiez dit qu'elle n'en auoit pas, don-
nant vne force à ses paroles, & vne telle pru-
dence à ses discours, qu'il falloit confesser que
c'estoit vne grace particuliere de Dieu qu'elle
auoit à parler de Dieu : Tout son particulier en-
tretien en sa maladie, que i'aye peu remarquer,
ayant beaucoup d'accès dans sa chambre, estoit
d'estre fidelle à Dieu, de garder les Regles, sur
tout la closture & vnion entr'elles. Ne voila
pas vne affection merueilleuse à parler de
Dieu, & à s'entretenir des choses spiri-
tuelles? Mais quelle merueille? comme si
ce qui boylt dans le cœur n'auoit pas ac-
coutumé de s'exhaller parla bouche? il ne
peut sortir d'un cœur que ce qui y est. Pour
la quatriéme marque, qui est de se delecter
en la conuersation de cet object infini-

Non mi-
rum si sic-
quentur
in ore,
quod in
corde fer-
uet. *Gilb.*
serm. 1. in
Cant.

286 LES VERTUS DE LA V. MERÈ
ment aimable , & n'y trouuer point d'a-
mertume. Nous en dirons beaucoup trai-
tans de son Oraison, soit vocale, soit men-
tale; il suffit de dire icy que tout son con-
tètement estoit de traiter avec Dieu en
l'Oraison ou au Chœur, & de se tenir deuât
le tres-auguste Sacrement , où elle estoit
asseurée de sa presence : C'est pour cela
qu'elle aimoit si passionnément la retraite
& solitude dans laquelle Dieu parle au
cœur de l'ame, & l'ame s'esleue au dessus de
foy pour s'vnir à luy: c'est pour cela qu'elle
fuyoit toute sorte de conuersation & entre-
tien autant qu'il luy estoit possible pour
jouir du bon-heur de cette solitude, dans
laquelle si la necessité d'instruire ses Reli-
gieuses, & les consoler ne la détenoit, elle
se tenoit tousjours: Mais sçavez-vous com-
ment? on la trouuoit tousiours ou en Orai-
son, ou à la lecture, ou à trauailler pour l'E-
glise, bannissant loing de soy toute oisiue-
té, à laquelle elle ne s'est laissée emporter,
ny petite ny grande, & tout cela se tenant
avec fidelité en la presence de son Dieu.
O Iesus (s'escritoit elle quelquesfois en pre-
sence de ses Filles) *qu'il est delicieux de vous
aimer, & de demeurer seule avec vous! Je crains
que cecy soit de peu de durée, nous y auons ce me-
semble de l'amour propre.* Pour la cinquième

marque qui consiste à cherir les trauaux, & les trouuer legers & faciles, il ne faut qu'auoir leu l'Histoire de sa vie, pour estre forcé de reconnoistre quelle a esté en son amé, car elle y est marquée en plusieurs endroits; les trauaux furent tres-grands & en grand nombre, mais iamais on ne l'oÿt s'en plaindre, jamais demander d'en estre soulagée. C'estoit l'amour qui les luy rendoit doux & suaués, & qui faisoit qu'elle pouuoit dire avec le deuot S. Bernard, que les trauaux n'estoient pas de plus longue durée que d'vne heure, & que si ils duroiét dauantage, son amour l'empeschoit de les sentir. Venõs à la fixième & dernière marque (car la septième qui est l'amour du prochain demande d'estre traitée plus amplemēt) la seule maladie dernière est plus que suffisante pour faire voir qu'elle l'a eüe. Car quelle affection pouuoit auoir à cette vie, ou plustost quel desir n'auoit pas d'en sortir pour aller s'vnir à Dieu, celle qui eut vn grand contentement d'apprendre le iugement que les Medecins auoient fait de l'état de son indisposition en faueur de la mort, qui receut avec vn visage allegre & riant les nouuelles de son voisinage par le Confesseur qui luy parla de se disposer à receuoir l'Extreme-Onction, & qui le iour de sa mort trouua fort long le terme

Labo
meus, la
bor vnus
horæ, & si
quid am
plius præ
amore nõ
sentio.

288 LES VERTVS DE LA V. MERE
 d'vne heure & demie qu'elle n'auoit qu'à
 viure icy bas ? N'estoit-ce pas tesmoigner
 que la vie n'auoit aucune part en ses affe-
 ctions, & qu'elle ne respiroit plus que la
 dissolution de son ame, & la compagnie
 de IESVS-CHRIST ? Voila donc ces six mar-
 ques qui montrent aussi clair que le iour
 que la V. Mere a possédé ce Thresor, &
 que sa charité a esté vraye, solide, & toute
 ardente. Ajoutons-y qu'elle est arriuée
 aux deux points les plus eminents de cette
 vertu, qui est la plus eminente de toutes
 les graces du ciel. Le premier est qu'elle
 faisoit toutes ses actions, non point pour
 le desir de la recompense, ou la crainte des
 supplices, ains pour l'amour de son Dieu,
 c'estoit à luy seul qu'elle visoit en icelles,
 elle en auoit fait la resolution qui est enco-
 re escrite de sa main, en ces termes: *Je veux
 tascher de l'aimer & seruir, & dresser toutes
 mes œuvres pour l'amour de luy, & de l'amour
 qu'il me porte & m'a porté, & non pour
 crainte des peines d'Enfer, ny pour l'esperance
 de la gloire de Paradis.* Resolution toute ce-
 leste, & qui fait bien voir combien espuré
 & sublime estoit son amour. Le second
 est qu'elle auoit (comme il a esté dit) vn
 passionné desir, de donner sa vie & s'ex-
 poser à la mort pour l'amour de son Dieu ;
 desir

Charitas
 eminētis-
 simū cha-
 rismatum.
Irenaus.

GALIOTE DE S^{re} ANNE. Liu. II. 289
desir qui est le faiste de l'amour diuin : car
(comme a dit l'Oracle de la verité eter-
nelle) donner sa vie pour ses amis est le
plus haut poinct où la charité puisse arri-
uer.

CHAPITRE IV.

*De son amour du Prochain , & premie-
rement de sa grande Charité enuers
les pauvres , & malades seculiers.*



'Amour du Prochain est la
vraye pierre de touche à la-
quelle on éprouue la pureté de
l'or de l'amour de Dieu, c'est
l'émail agreable qui le releue, & luy donne
du lustre, c'est la marque assurée pour
connoistre où il est : l'ame qui n'a point ce
premier amour se trompe bien fort, si elle
se flatte & se fait accroire qu'elle a le se-
cond : car qui ne cherit pas son Frere qu'il
voit (dit excellemment le bien-aimé Dis-
ciple) comment aimera-il Dieu qu'il ne
voit point ? Et cet amour n'est pas seule-
mēt la marque de celuy de Dieu, ains aussi
samesure ; on a autant de l'un qu'on a de
l'autre, pour autant qu'ils ne sont qu'un

Charitas
erga Deū,
si cū cha-
ritate ac
beneuolē-
tia erga
homines
connecta-
tur magis
exsplen-
descit.
Isid. Pelus.
lib. 3. epist.
320.

T

290 LES VERTVS DE LA V. MERE
mesme amour. Car il ne faut pas s'imagi-
ner que ces deux amours soient deux qua-
litez, ou deux habitudes distinctes, dont
l'une aye Dieu pour son object, & l'autre
le prochain. La Theologie enseigne tres-
bien qu'ils ne sont qu'une mesme habitu-
de sur-naturelle, avec laquelle nous ai-
mons Dieu en soy & pour soy, & le pro-
chain en Dieu & pour Dieu: ce sont deux
brâches d'une mesme racine, ce sont deux
aïsses d'un mesme oyseau. C'est cette es-

Dux alæ
charitatis,
amor Dei
& proxi-
mi. Aug.

chelle admirable qui touche tout ense-
mble le Ciel & la terre, Dieu & les hommes,
par le moyen de laquelle les ames charita-
bles qui sont des Anges reueſtus de chair,
montent à Dieu, & descendent au pro-
chain. Nous auons parlé au Chapitre pre-
cedent de l'amour de Dieu qu'a possédé
la Venerable Mere Galiote, & en auons
donné des marques tres-assurées, adjou-
tons-y celle cy de l'amour du prochain,
qui s'est trouuée avec tant d'avantage en
elle, qu'elle seule pourroit suffire pour don-
ner la cognoissance de son amour. Et pour
commencer par ce qu'il y a de plus bas en
cette charité (si neantmoins il y a rien de
bas en une vertu si éminente & sublime)
la charité & misericorde enuers les pauvres
qui rauist si fort le cœur de Dieu, & est tant

estimée de luy, qu'il l'escriit toute la premiere dans ses papiers de compte (comme dit vn grand Sainct) & qu'il la publiera à haute voix en ce dernier iour, tandis qu'on ne dira pas mesme qu'Abel soit mort pour la justice, que Noé aye sauué le monde des eaux, qu'Abraham aye esté 'le Pere des Croyans, que Moysc aye esté Legislatteur, & que S. Pierre soit mort sur vne Croix. Cette misericorde, dis-je, quela V. Mere tenoit comme par heritage (si nous pouuons parler de la sorte) de sa Mere, qui auoit esté l'azile assureé des pauures, sembloit estre sortie avec elle quand elle vint au monde: car aussi-tost qu'elle commença d'auoir l'vsage de raison & de connoitre les pauures, elle commença aussi de les aimer, d'en auoir compassion, & de s'efforcer de les soulager. Pour cét effect elle leur donnoit ce qu'elle pouuoit auoir en son Monastere, & se priuoit mesme de sa nourriture, aimant mieux endurer que de voir pâtir les pauures de IESVS-CHRIST. A mesure qu'elle croissoit en aage, cette affection alloit aussi croissant en son ame: & comme à l'aage de seize ans elle se fut retirée au Monastere de Fieux dont elle estoit Prieure, ce fut là (où elle ne dependoit de personne)

Erogatio
pauperis
prima di-
uina scri-
bens in
diurnis.
Chrysol.
serm. 14.

Quod A-
bel passus
sit quod
seruauit
mundum
Noë, quod
Abraham
fidē susce-
pit, quod
Moyses
legem tu-
lit, quod
Petrus
Crucem
resupinus
ascendit
Deus ra-
cet, & hoc
clamat
solū, quod
comedit
pauper.
Idē Chryf.
cod. serm.

qu'elle fit éclatter cette grande charité, elle y retira sa Nourrice qui estoit en vne grande pauureté, pour la nourrir & auoir soing d'elle, & quand il arriuoit que des pauures se presentassent à la porte du Monastere, si c'estoit en Hyuer elle les faisoit chauffer, si en Esté, & qu'ils eussent de la vermine, elle les nettoyoit elle-mesme avec vne charité maternelle, & puis soulageoit leur necessité d'une bonne aumosne, à laquelle elle adjoutoit la misericorde spirituelle, les instruisant en ce qu'ils deuoient croire & sçauoir, en quoy elle prenoit vn grand soing, & non moins de plaisir. Comme elle estoit en ce mesme Conuent, vne pauure y vint fort disetteuse, qui luy demanda l'aumosne au nom de Dieu, elle la fit monter en sa Chambre (car alors la Maison estoit ouuerte aux allans & venans) luy donna à manger & à boire avec beaucoup de charité, & comme s'estant approchée d'elle pour l'instruire, elle vid que ses habits estoient fort miserables, & qu'elle estoit toute couuerte de poux, sans auoir horreur de cette ordure, quoy que son humeur fust fort delicate, elle les prenoit elle-mesme, & les tuoit, & l'ayant nettoyée luy donna des habits pour se deliurer de cette pauureté. Outre les charitez qu'elle

le faisoit aux pauvres qui venoient à la porte de son Monastere, elle en faisoit aussi à ceux de dehors, sa charité s'estendant sur tous, elle auoit de coutume de faire cuire toutes les semaines six pains de la valeur de 2. sols, lesquels elle enuoyoit à six femmes vefues, qu'elle sçauoit estre les plus necessiteuses, car sa charité ne luy permettoit pas d'ignorer cela, mais elle faisoit cette aumosne fort secrettement, defendant à celle qui les apportoit de dire le nom de celle qui les enuoyoit. Les pauvres Religieux auoiēt aussi bōne part en ses charités, specialement depuis qu'elle eut le maniment des reuenus de son Monastere, elle les assistoit de tout son possible, ie n'en rapporteray qu'un exemple, qui montrera combien elle abhorroit les manquemens contre la charité. Vn Religieux mendiant y vint vn iour pour quester de la laine, il y fut receu fort charitablement cōme estoiet toutes sortes de personnes Religieuses, & la bonne Mere s'estoit resoluē de luy en donner cent liures; il arriue cependāt que ce Religieux par quelque indiscretion ou jalousie, se met à parler au desauantage des Reuerends Peres de la Compagnie, & dire qu'il ne falloit pas douter qu'ils ne fissent bien leur profit en cette Maison, où ils han-

toient assez, comme ayans la direction & conduite de son ame, & de ses Religieuses : ces paroles luy despleurent grandemēt en la bouche d'une persōne de telle professiō, & quoy qu'elle ne voulut pas le renvoyer sans charité, comme sembloit meriter celuy qui en auoit montré si peu, si est-ce pourtant qu'elle en retrancha la moitié. Je n'aurois jamais fait si ie voulois poursuivre tout ce qui se peut dire de sa misericorde enuers les pauvres, il me fust de l'abreger avec les paroles dont ont vſé ses Religieuses en leur relation : Si elle estoit admirable en toute sorte de Vertus, elle a excédé en la Charité du prochain, qui estoit si grande qu'elle tesmoignoit bien le grand amour qu'elle portoit à son Espoux : car quelles preuues en voudrions-nous plus grandes, que celles qu'elle nous donnoit auant que commencer la vie spirituelle, faisant venir dans sa chambre les pauvres pour leur enseigner leur creance, les nettoyer quand ils auoient de la vermine, & leur donner à manger de ses propres mains, se priuant de sa propre nourriture pour les sustenter. Que si elle auoit cette affection si grande auant qu'elle eust embrassé la perfection de la vie spirituelle, qui dira combien estoit grāde cette mesme affection du depuis, puis-que ce changement la perfectionna en toutes ses

vertus? il vaut mieux le penser que le dire, & passer cependant à la charité qu'elle exerçoit enuers ceux qui outre la pauvreté estoient affligez de maladies, cette charité estoit tout à faict admirable, & jamais mere n'a eu des entrailles si charitables pour les enfans malades, comme elle en auoit pour les pauvres ainsi affligez. Premièrement elle estoit sur toutes choses curieuse de s'informer s'il y auoit des malades dans la Parroisse où estoit son Monastere, & l'ayant sceu, elle faisoit apporter tous les iours aux plus necessiteux, & qui n'auoient pas moyen de viure, du pain, du vin, & autre nourriture dont ils pouuoient auoir besoin : c'estoit ce qu'elle faisoit pour le regard des malades de dehors, mais pour ceux du Monastere auant le changement qu'elle y introduisit, quelle assistance, quel seruice ne leur rendoit-elle point? En voicy quelques exemples entre plusieurs; Il y auoit vn pauvre garçon de cuisine si malade qu'on croyoit qu'il deust mourir, la V. Mere en prit le soing, quoy qu'il fust d'une condition si abjecte, car pour esprouuer sa charité, c'estoit assez d'estre Chrestien, elle assistoit plus volontiers ceux qui estoient plus abjects, bien asseurée qu'elle estoit qu'ils

estoyent dauantage abandonnez, elle com-
 mença donc par l'assistance spirituelle, le
 fit confesser & communier, le visitoit cinq
 ou six fois le iour, le seruoit, luy portoit à
 manger de ses confitures, lesquelles elle
 luy mettoit en la bouche de ses propres
 mains, & comme il estoit si mal qu'il les
 rejettoit aussi tost qu'elles y estoient, elle
 les reprenoit, les luy remettoit en la bou-
 che, faisant en sorte qu'il les prist, & ainsi
 faisoit cette vraye Mere du potage, &
 autres choses qui luy estoient necessaires,
 prenant la peine de faire cuire elle-mesme
 l'eau qu'il beuuoit, & continuant à exer-
 cer cette charité, jusques à ce que Dieu luy
 eust redonné sa santé. Vn autre pauvre
 homme estoit fort malade, n'ayant point
 d'autre lieu de retraite que parmy les che-
 uaux, l'ayant sceu elle le fit retirer de là, &
 porter dans vne chambre, où elle pour-
 roit auoir dauantage de liberté de le seruir,
 & dans icelle luy rendit les mesmes assistā-
 ces & offices de charité qu'elle auoit fait au
 premier. En voicy vn troisiéme, avec le-
 quel ie veux finir ce Chapitre, qui est tout à
 fait digne d'estre remarqué. Vn meschant
 garnement porté d'une passion infernalle,
 voulut assouuir par force ses sales desirs
 d'une femme qui estoit de la terre de

l'Hospital; mais comme il vit la resistance courageuse qu'elle faisoit de consentir à sa volonté impudique, changeant sa passion brutale en vne rage de demon, il la traitta avec tant de cruauté, qu'il la blessa en trois ou quatre endroits de la teste, & la mit en estat que l'on n'en attendoit que la mort: Cette pauvre femme qui sçauoit où estoit l'asyle des pauvres, & le refuge des affligez, se fit apporter au Monastere del'Hospital où estoit la Mere pour luy faire ses plaintes, & luy demander secours: elle estoit si hideuse à cause des playes qu'elle auoit en la teste, au visage, & par tout le corps, qu'elle faisoit peur à la voir: La V. Mere la voyant se sentit aussi tost esmeuë de compassion, & croyât que Dieu luy enuoyoit cette occasiõ pour meriter, & le seruir en cette pauvre creature, la prit en sa charge; & bien esloignée d'auoir horreur de la laideur que luy causoient ses playes, les luy luma, luy fit son liët dans vne petite chambre qui joignoit la cuisine; & cela fait enuoya querir vn Chirurgien pour la voir, & apporter quelque remede à ses maux. Le Chirurgien estant venu, & voyant cette femme si difforme, & en vn estat si miserable, dist franchement à la Mere, que pour tout le bien du monde il n'en prendroit le soin, & n'entrepren-

droit de la guerir, croyant en effect qu'elle n'en gueriroit iamais. *Non* (luy dist-elle aussi tost) *puis que vous y trouuez tant de difficulté ne vous mettez pas en peine d'y reuenir, seulement enuoyez-moy tout ce que vous cognoistrez luy estre necessaire, & ne vous souciez du payement, car vous n'y perdrez rien.* Le Chirurgien le fit ainsi, & elle tout premierement fit venir le Confesseur, fit confesser & communier la malade, & deslors commença à la seruir, à nettoyer & penser ses playes, dans lequel exercice Dieu scait combien elle remporta de glorieuses victoires sur sa ieunesse, sur la foiblesse de son cœur, & sur la delicatesse de sa complexion, ayant le courage de voir si souuent & si long-temps, & de traitter des playes si horribles, qu'un Chirurgien auoit eu horreur de penser: sur tout il est certain qu'elle en remporta vne prodigieuse, & qui ne se lit qu'avec admiration dans les Vies des Saints, que ie rapporterai icy, n'estoit que ie la reserue pour le Chapitre où ie parleray de sa mortification, car c'en est vn acte souuerain. Elle continua le seruice qu'elle luy rendoit iusques à ce qu'elle fut bien guerie, la traitant, & visitant ses playes deux ou trois fois le iour, le tout à ses despens, sans vouloir que personne prist cet-

GALIOTE DE S^{te} ANNE. Liv. II. 299
te peine, & depuis qu'elle fut guerie elle luy
fit vne aumosne particuliere plus qu'aux
autres pauvres tandis qu'elle vescu.

CHAP. V.

*Du zele ardent qu'elle auoit du sa-
lut de ceux de dehors.*



NEscriuain Catholique & Re-
ligieux, mais fort plongé dans
les mysteres, ou plustost dās les
fables des Cabalites, dit apres
eux, qu'entre plusieurs demeures qu'il y a
dans le Ciel, il y en a vne qu'ils appellent
fondement, de laquelle prennent leur ori-
gine la ferueur & le zele de Dieu, d'oū ces
mysterieux Theologiens (comme il les ap-
pelle) cōcluēt que de cette mesme demeu-
re sortent pour descendre icy bas les ames
qui ont vn grand zele de Dieu. C'est vne
pure resuerie de la cabale: Mais la vraye
Theologie enseigne que le zele a pour prin-
cipe, & pour source l'amour; & le Docteur
Angelique traite du zele parmy les effects
de cette passion. Il faut neantmoins remar-
quer que quoy que & l'amour des ob-
jets passagers & perissables aye son zele,
& l'amour surnaturel de cēt object qui est
infiny & eternel le sien: ces deux zeles

300 LES VERTUS DE LA V. MERE
 sont d'un naturel fort différent ; car le premier amour a un zele indiscret de jalousie, & d'enuie, qui ne peut souffrir de compaignon ny corruual en la poursuite de son object, en quoy il a quelque raison ; car cét object auquel il se porte estant finy & limité, d'autant plus grand sera le nombre de ceux qui le possederont, & d'autant moindre sera ce qu'un chacun en aura pour soy. Mais le second amour qui se porte à un bien infiny, n'est pas marqué à ce coing, il n'est point enuieux (dict un braue Abbé) il n'a pas ce zele indiscret de ne vouloir souffrir aucun corruual en la poursuite de celuy qu'il ayme: il souhaite affectueusement que son bien-aymé soit aussi le bien-aymé de tous, & (comme dict un autre Abbé) cét amour ne veut laisser personne hors du sein amoureux de la vraye Charité, il embrasse tout, & voudroit tout porter à la possession de Dieu. La charité ardente qui brusloit dans le cœur de la Venerable Mere, engendra en iceluy un si grand zele du salut eternal des ames, que tout son desir estoit que toutes possédassent le bien ineffable auquel elle auoit attaché avec tant de fermeté ses affections, & toute sa plus agreable occupation de les animer à acquerir cette desirable possession. Nous

Nō inuidet, non zelatur, dilectum suum vult omnium esse dilectum. *Gilbert serm. 5. in Cāt Extra sinū amoris nullū vult relinquere, charitas omnia cōplectitur Bern. ser. de vita solitar.*

auons desia peu remarquer cecy au Chapitre precedent, en ce que voulant exercer les œuvres de misericorde corporelle enuers les pauvres, elle exerçoit au prealable celles de la misericorde spirituelle,, les instruisant en ce qu'ils deuoient sçauoir & croire, leur apprenant leur croyance, les commandemens de Dieu, ceux de l'Eglise, & autres choses vtilles au salut de leurs ames s'ils estoient sains, & s'ils estoient malades, commençant tousiours les remedes qu'elle taschoit de leur donner par ceux qui remettent les ames en santé, appellant vn Confesseur, & faisant en sorte qu'ils luy deschargeassent leur conscience, & receussent par apres la viande de vie & de salut: pourquoy faire avec dauantage de decence & de fruit, elle auoit vn grand zele de les instruire comme ils y deuoient proceder. Que s'il s'en trouuoit qui fussent malades à la mort, cette Mere charitable les assistoit en ce passage horrible duquel dépend l'Eternité. Ainsi entre autres arriua-il qu'un pauvre homme estant malade à la mort dans le Monastere, elle l'assista comme la moindre de la maison, l'essuyant, le chauffant, & luy rendant d'autres seruices corporels: Et pour ce qui regardoit son ame, elle l'exhortoit avec beaucoup de ferueur à la

302 LES VERTVS DE LA V. MERE
repentance des offences qu'il auoit commises, & a la confiance en la misericorde de Dieu: charité qu'elle exerça iusques à ce qu'il eust rendu son ame a son Createur. Que si elle auoit vn si grand zele du salut des malades, elle n'en auoit pas moins pour celuy de ceux qui estoient en santé: elle auoit ce desir genereux, que le bien-aimé de son ame fust le bien-aimé de tous: voila pourquoy elle incitoit tous ceux à qui elle parloit à la deuotion, les animoit au seruice de Dieu, & à la garde de ses commandemens, les encourageoit à sortir du peché: c'estoit à cela que buttoient tous ses discours, lors qu'elle traittoit avec personnes seculieres: elle estoit fort soigneuse de s'informer si elles frequentoient les Sacremens, & s'il y auoit long-téps qu'elles se fussent cōfessées, les exhortât à s'approcher frequemment de ce remede si salutaire, que le Sauueur a laissé en son Eglise: mais avec des paroles tres-efficaces, parce qu'elles estoient animées de l'amour qui animoit son cœur; & ce grand soin qu'elle prenoit luy reüssit si heureusement, que la Confession & Communion, qui (& dans son Monastere, pour le regard des seruiteurs domestiques, & dās le Bourg qui en dependoit) estoiet du nombre de ces

GALIOTE DE S^{te} ANNE. Liu. II. 303
choses qu'on ne fait qu'une fois l'année,
deuindrent frequentes, & que ceux qui se
contentoient auparavant de se confesser &
communier à Pasques, ne laissoient du de-
puis passer aucune bonne Feste sans s'ap-
procher de ces Sacremens. Elle adioustoit
à ce soing celuy-cy : Que ses domestiques
entendissent la Messe aux Festes qui estoient
de commandement, deffendant tres-expres-
semēt à celle qui auoit la charge du pain &
du vin, d'ouurir la sommellerie en tous ces
iours-là que la S^{te} Messe n'eust esté dite, &
procurant qu'on dist vne Messe basse entre
sept & huit heures, afin que ceux pour qui
elle faisoit ce reglement y assistassent plus
volontiers. Elle receuoit vn singulier con-
tamment lors que les Reuerends Peres de
la Compagnie portoient & publioient en
son Monastere des Indulgences ou Iubi-
lez ; & comme elle sçauoit combien les a-
mes en pouuoient retirer de profit, soit
par les Confessions de ces bons Reli-
gieux, soit par leurs frequentes predica-
tions, & sur tout par la participation
des Thresors de l'Eglise : elle faisoit que
tous les lieux circonuoisins s'y rencon-
traissent, & participassent à ce grand
bien. Mais sur tout sa charité estoit gran-
de pour les ames qu'elle voyoit crou-

304 LES VERTVS DE LA V. MERE
pir dans l'ordure du peché, spécialement si
elles seruoient aux autres de scandale &
de pierre d'achopement, elle auoit vne
grande compassion de les voir en vn estat
si pitoyable, & avec son grand zele faisoit
tout ce qu'elle cognoissoit possible pour les
en retirer. Il y auoit dans le Bourg de l'Hos-
pital vne femme publique, ce qu'ayant
sçeu elle luy parla souuent, luy fit plusieurs
remonstrances pour tascher de la reduire,
& luy faire quitter sa vie mauuaise & scan-
daleuse, luy representant la rigueur effroya-
ble des Iugemens de Dieu à l'endroit des
pecheurs obstinez & endurcis, & voyant
qu'elle traualloit en vain, & que ses paro-
les n'amolissoient point cette ame qui se-
stoit endurcie dans l'offence; elle la fit vn
iour venir dans sa chambre, & l'embras-
sant avec vn feu de charité qui eut fondu
de la glace, elle luy disoit: *Helas manie que*
ie vous aimerois si vous me vouliez promettre de
quitter vostre vie, ie vous promets que chose du
monde ne nous manquera, car ie vous donneray
toutes vos necessitez. Ainsi procedoit-elle
pour la reduire: mais ce cœur de marbre
par vn iuste, quoy que secret iugement de
Dieu, demeura dans son obstination, pour
faire voir la verité de ce qu'a dit le saint
Esprit, que les peruers changent de vie
fort

GALIOTE DE S^{te} ANNE. Liu. II. 305
fort difficilement, & qu'il est fort difficile
d'amender & ramener au vray chemin
ceux que Dieu apres vne longue patience a
rejettez : la Venerable Mere neantmoins
ne demeura pas sans vne abondante re-
compence de son ardente Charité.

CHAPITRE VI.

De sa grande Charité enuers ses Religieuses.



A sacrée Charité qui est la rei-
gle de toutes les vertus, est tres-
bien reiglée & ordonnée: il est
bien vray qu'elle est immense
& sans bornes, & que dans ses bras qui sont
aussi grands que tout cét Vniuers, elle em-
brasse & renferme tous les hommes qui
sont dans l'enceinte d'iceluy, mais elle ne
les regarde pas tous également: les enfans
doiuent estre plus chers à vn pere que les
autres domestiques, les domestique que les
estrangers, & entre les estrangers, les bons
que les mauuais; & les amis que les enne-
mis. De cela pourra-t'on voir quel & com-
bien tendre deuoit estre l'amour que la V.
Mere portoit à ses Religieuses, & combien

Charitas
amor im-

mensus
cœlū ter-
ræque cō-
plectens.

Bern. ubi
suprà.

Primò

Deus tibi
diligēdus

est, secūdo

parentes,

inde filii,

pōst do-
mestici.

Amb. apud
D. Th. 2. 2
q. 26. a. 9.

306 LES VERTUS DE LA V. MERE
ardent le zele qu'elle auoit du bien & de
l'auancement de leurs ames, elle qui auoit
tant de charité pour les personnes de de-
hors, & qui estoit poussé d'un si grand zele
pour leur salut. Je ne veux pas redire icy
ce que j'ay desia dict en deux Chapitres du
premier Liure, de la façon dont elle se
comportoit enuers les Religieuses de son
Monastere, & le soing qu'elle en auoit, &
pour le corporel, & pour le spirituel, non
seulement de celles qu'elle auoit gagnées
par son exemple, & attirées à suivre le des-
sein du changement, mais aussi de celles
qui ne pretendoient pas voler si haut, &
qui mesme contrarioient à ses desseins, à
l'endroit desquelles elle exerça des chari-
tez admirables (comme j'ay remarqué) qui
sont extremement considerables (afin que
j'adiouste cecy qui a esté obmis là) pour
autant que ces Religieuses estoient comme
ses ennemies, & resistoient à cet ouurage si
profitable, qu'elle s'efforçoit d'establir par
l'inspiration de Dieu. Je ne veux (dis-je)
point passer sur ces choses qui se pourront
voir en leur lieu, me contentant d'adiou-
ter en ce Chapitre ce qui n'a pas esté dict
encore de sa charité maternelle enuers cel-
les dont Dieu luy auoit donné la charge &
la direction. Pour ce qui regardoit leur
nourriture, elle auoit un grand soin que rié

ne leur manquaſt, ſ'informant ſouuent de la deſpenciére de ce qu'elle leur donnoit au Reſectoire, lors que ſes maladies ne luy permettoient pas d'y aller, & la conjurant de faire en ſorte qu'elles n'euffent faite de rien. Et quand elle pouuoit aller ou ſe traifner au Reſectoire, elle les ſeruoit pour l'ordinaire, mais auec tant d'humilité & de charité, qu'elle les rendoit toutes confuſes de voir celle qui eſtoit eſtablie pour commander, prendre tant de plaifir à les ſeruir. Pour le repos qu'elles prenoient la nuit, elle ſ'abſtenoit de le troubler tant ſoit peu. Voila pourquoy ayant accouſtumé de ſe leuer deux heures pour le moins auant les autres pour vacquer au plus delicieux de tous ſes exercices qui eſtoit l'oraifon. Elle ſe leuoit fort doucement de peur d'interrompre tât ſoit peu leur ſommeil; ce qu'elle obſeruoit auſſi lors qu'elle les viſitoit la nuit pour voir comme elles eſtoient couchées, ce qu'elle faisoit vne fois toutes les ſepmaines, ſ'y comportât ſi bellement pour ne les pas éveiller, que n'eut eſté qu'elle auoit pour lors ordinairement vne de ſes filles en ſa compagnie, elles n'en euſſent iamais rien ſçeu. Mais c'eſtoit en leurs maladies que ſon amour eſclatoit en leur endroit. Deſia auparauant la Reformation & l'e-

308 LES VERTVS DE LA V. MÈRE
establisement de la Communauté dans son
Monastere, elle estoit tousiours dans l'In-
firmerie quand il y en auoit de malades
pour les consoler, assister, & seruir, leur por-
tant elle-mesme leur nourriture. Vn Gen-
tilhomme de Monsieur le Comte son pere
la rencontra vne fois en cette occupation
portant le souper à vne Religieuse malade;
ce qui l'estonna tellement, qu'il ne luy peût
rien dire, & elle passa aussi sans luy parler.
Elle seruit cette sœur durant deux grandes
maladies avec extrême charité : elle fit la
mesme charité à vne autre à ses despens,
faisant en sorte que rien ne luy manquast
de ce qui luy estoit necessaire (quoy qu'elle
n'eust pas pour lors le maniment des reue-
nus de l'Hospital.) & voyant que son mal
continuoit, elle s'en alla deuât le Treffain &
Sacrement, où avec abondance de larmes
elle demandoit à son Espoux, que si c'estoit
pour sa plus grande gloire il luy redonnast
sa santé. Elle se comportoit de la sorte au-
parauant la Reformation, & apres qu'elle
l'eust entreprise, qui pourra dire ce qu'elle
faisoit pour le soulagement & la consola-
tion de ses malades ? Elle n'espargnoit
rien pour cét effect, & encore moins s'es-
pargnoit-elle les assistant & seruant com-
me si elle eust esté leur seruante, & les

consolant avec des entrailles de mere, & les iours, & les nuits. Vne de ces bonnes Religieuses fut malade d'une maladie qui la menaçoit de la mort : la bonne Mere ne s'alla jamais coucher tandis qu'elle fut en danger, passant toutes les nuits auprès de son liét; ce qu'elle faisoit aussi pour toutes les autres iusques aux moindres; & ce qui est admirable, c'est que pour conserver la vie & la santé de ses Religieuses, elle mesprisoit sa vie & sa santé; car s'il y avoit en la maison quelque maladie qui fust dangereuse & facile à estre prise, comme dissenterie, ou autre, elle retiroit celle qui en estoit atteinte en quelque chambre esloignée, dans laquelle elle deffendoit à ses filles d'entrer, & se reseruoit de la servir & assister, quoy que sa complexion delicate, & son corps mal disposé & tout attenué, la rendissent fort susceptible de ces maux. Bref elle les cherissoit avec tant de tendreur, que la seule pensée que ses filles seroient mal traitées apres sa mort l'affligoit sensiblement, mais bien davantage quand on luy en donnoit quelque apprehension, car alors son ressentiment estoit si grand, que ses yeux debondoient en larmes avec tant d'abondance, qu'elle estoit quelquesfois en sem-

310 LES VERTVS DE LA V. MERE
blables occasions deux & trois heures sans
faire autre chose que pleurer, comme il
luy arriua deux mois auant sa mort. Aussi n'y
auoit il rien qui fut capable de temperer
quelque peu le desir qu'elle auoit de sortir
de cette vie miserable, & de luy donner
quelque desir d'y demeurer encor quelque
temps que cette crainte qu'elle auoit que
ses Religieuses ne fussent mal traitées apres
son deceds, & ne trouuassent à dire sa pre-
sence, comme elle le donna à cognoistre
au Reuerend Pere Recteur du College de
Cahors, qui luy demandoit si elle n'auoit
point de regret de mourir si tost, & pour
son aage, & pour sa reformation, qui ne
faisoit encore que naistre. A quoy elle re-
spondit en ces termes, *Non pas Iesus mon Pe-
re, car i'en suis toute contente, puis que c'est la
Volonté de mon Espoux de m'appeller à luy: Que
si ie pouuois auoir quelque regret de mourir, ce
seroit pour mes Filles que i'abandonne, & qui
ne manqueront pas d'exercice apres ma mort.*
Mais quoy que cette apprehension luy fut
fort sensible. comme elle estoit tres-pru-
dente, elle n'en disoit rien à ses Religieu-
ses de peur d'accroistre leur affliction: &
durant sa derniere maladie quand elle les
voyoit affligées de la perte qu'elles alloient
faire, elle se faisoit force, & ne les quittoit

GALIOTE DE S^r ANNE. Liu. II. 311
point qu'elle ne les eust consolées, & dis-
posées à vouloir que la volonté de leur Es-
poux fust accomplie & en sa vie, & en sa
mort.

CHAPITRE VII.

*Du zele ardent qu'elle auoit de l'avan-
cement & du salut de ses Religieuses.*



A charité d'un vray Supérieur
doit s'estendre, & sur les corps,
& sur les ames de ceux qui sont
en sa charge: il doit auoir soing
de tous les deux, parce qu'ils dependent
l'un de l'autre en leurs operations: mais il
faut que le soin qu'il a des ames soit sans
aucune comparaisn plus grand que ce-
luy qu'il a des corps, pour les aduan-
tages que l'ame a sur iceluy. Car (dit vn Anima de
des plus diserts entre les Saincts Peres) cœlo est.
le corps a la terre pour son origine, l'ame le corpus de
ciel; le corps est gouverné, & l'ame le gou- terra hic
uerne; le corps est seruiteur, & l'ame la regitur,
maistresse; si le corps vit & se meurt, regit illa,
l'ame luy donne la vie & le mouue- illa domi-
ment, le corps est vne lice dans la- natur, hoc
seruit, hoc
viuit, viui-
ficat illa,
illa mouet, hic deficit, hic ætatis patitur illa nescit; & ad extremum
mors quæ tantum præualet in corpus, nec anima præfenti contingit.
Chrysolog. serm. 109.

312 LES VERTUS DE LA V. MERE
quelle les aages roulent leurs vicissitudes,
qui n'ont aucune entrée en l'ame : Bref le
corps est perissable & mortel , & l'ame e-
xempte des loix de la mortalité. De sorte
que comme vn sage Pere de famille trait-
te tout autrement l'enfant que le seruiteur,
& le Maistre que l'esclaue , de mesme
doit le vray Superieur qui est estably pe-
re sur la famille de Dieu , traiter diuerse-
ment le corps & l'ame , & auoir vn soin
incomparablement plus grand de celle-
cy que de celuy-là. C'est en cecy qu'a
excellé la Venerable Mere Galiote ; car
si elle a eu vn soin fort vigilant de ses
Religieuses pour ce qui regardoit le cor-
poral , il ne merite pas d'estre mis en li-
gne de compte avec celuy qu'elle a eu
de leurs ames & de leur aduancement en
la perfection. En premier lieu pour cel-
les qui auoient refusé de suivre son exem-
ple , nous auons veu ce qu'elle faisoit
pour les attirer à ce que Dieu demandoit
d'elles , & comme fort peu auant sa mort
elle exhorta courageusement l'ancienne
Superieure de ce Monastere, à faire sa Con-
fession Generale, & se disposer à sa prochai-
ne mort : & mesmes pour ce qui concerne
ses filles, nous en auôs touché quelque cho-
se, mais en voici beaucoup tiré mot à mot de

la Relatiō qu'elles ont fait en forme d'abregé de la vie de leur Mere tres-aimable , ce qui doit estre d'autant plus agreable & assure , que celles là mesme qui ont receu les benefices les ont escrits. Voicy donc leurs paroles , après avoir parlé du zele qu'elle auoit pour le salut de celles qui auoient refusé de se reformer. Pour nous autres , nous pouuons dire en toute Verité , que depuis que nous proposâmes de la suivre , elle n'a jamais obmis chose quelconque , quoy que difficile , pour nostre plus grande perfection. Au commencement qu'elle prit connoissance avec les Religieux , elle nous y appella toutes d'un grand amour , & faisant leur entrée par son moyen dans nostre Monastere , elle tascha autant qu'elle peut de les contenter , leur tesmoignant la ioye qu'elle auoit de les voir. Outre le soing qu'en auoient les Officiers , elle prenoit garde que rien ne leur manquast , & quand c'estoient des Peres Capucins , elle apprestoit l'eau pour lauer leurs pieds , les suppliant de ne passer iamais à deux lieues du Monastere sans nous venir voir , avec beaucoup de remerciemens en leur depart. Nous l'escountâmes vne fois qu'elle disoit au R. Pere Recteur de Cahors ; Mon Pere , ie ne scaurois iamais dire à vostre Reuerence , le ressentiment qu'a mon ame de tant de charitez que de vostre grace il vous a plu nous faire , j'espere

que le bon Dieu vous en recompensera, & pour
 mdy ie vous seray toute ma vie grandement
 obligée, elle gaignoit tellement le cœur de tous,
 principalement des plus Reformez, que nous ne
 passions gueres semaine sans en auoir quelques-
 uns, ce qui dura iusques à sa mort, nous ensei-
 gnant l'une après l'autre comme nous deuions leur
 communiquer. Cette V. Mere, afin que
 i'ajoute cecy à ce qui a esté rapporté ius-
 ques à present, regardoit ses Filles comme
 des ames nouuellement retirées de la voye
 large & d'une vie libre, dans laquelle elles
 auoient esté instruites, & connoissoit tres-
 bien le besoing qu'elles auoient de rece-
 uoir de meilleures instructions, & d'estre
 fortifiées à poursuiure ce qu'elles auoient
 commencé; c'est pourquoy son zele faisoit
 qu'elle procuroit la venue frequente des
 bons & saincts Religieux, afin que par leurs
 feruentes exhortations, ils cultiuassent ce
 champ nouuellement desfriché, & instrui-
 soit ses Filles à communiquer avec eux de
 l'estat de leurs ames, afin que dans ces
 communications elles fussent fortifiées
 en leurs resolutions. Mais poursuiuons
 la Relation commencée. Quelle peine ne
 prit-elle pas au commencement pour nous
 donner la connoissance des choses spirituel-

les ? lors qu'elle estoit occupée de iour pour ses grandes affaires elle se seruoit de toute la nuict. Nous ne pourrions iamais dire combien elle en a passé pour nostre sujet, elle connoissoit à nous voir si nous estions tentées, ou troublées, & ne se fust iamais couchée sans nous voir contentes. Ce n'estoit pas seulement l'Esté qu'elle passoit les nuits sans dormir, mais pendant les plus grandes froidures de l'Hyuer elle les passoit sans feu, ne prenant pas seulement cette peine pour les Sœurs du Chœur, mais pour la moindre des Sœurs layes, & ne s'en est pas trouué vne pour grandement troublée & affligée qu'elle fust, qui, luy ayant communiqué, n'en soit sortie contente & disposée à mettre sous le pied toutes les repugnances & difficultez qui se pouuoient rencontrer en la vie spirituelle, & resoluë de faire tout ce qu'elle commandoit. Lors que nous nous trouuions auoir quelque peine contre elle, c'estoit pour lors qu'elle nous tesmoignoit plus d'affection, & iamais elle ne nous laissoit aller de deuant elle sans nous embrasser particulièrement. Quelle peine n'eut-elle point au commencement de la Reforme, lors que le diable preuoyant la perte qu'il alloit faire, nous attaquant de toutes tentations, il falloit qu'elle


fust tousjours après Vne chacune pour les consoler, l'une d'une façon, l'autre de l'autre? & cependant elle satisfaisoit à toutes. Quelquesfois après estre tombées en quelques imperfections, nous allions nous ietter auprès d'elle, les larmes aux yeux; si elle voyoit que ce fust par malice, elle ne manquoit à nous remontrer & corriger extremement, sans laisser gueres passer de fautes parmy nous que la mortification n'y fust bien exacte, & la moindre faute qu'on eust fait on apprehendoit le Chapitre, quelquesfois on luy disoit qu'elle deuoit pardonner ces petites fautes. Non (disoit-elle) i'estime plus que le corps se plaigne, que non pas l'ame. Il falloit passer par là, mais quelque mortification qu'il y aye eu, toutes l'aimions, & luy sçauions gré de ce qu'elle faisoit. Mais si elle voyoit que la tentation ou foiblesse nous eust causé cette faute, elle nous encourageoit, nous disant que le diable enrageoit de la guerre qu'on luy faisoit, & autres fort belles parolles que i'ay rapportées en un autre endroit, qui fait que ie les obmets icy. Que si elle trouuoit estre necessaire d'enuoyer querir quelque Religieux, elle n'espargnoit rien pour le nous faire venir, ne manquant de les enuoyer querir six ou sept fois tous les ans, encore que nous en fussions éloignées de sept grandes lieues: Que si avec tous ses grands soins & diligen-

ces aucune venoit à croupir dans l'imperfection
 au lieu de s'avancer, quelque ancienneté qu'elle
 eust, elle la reprenoit, remontroit & corrigeoit,
 avec toutes les conditions nécessaires sans flatter.
 Combien de fois l'avons nous veüe plover deuant
 le saint Sacrement, ne pouvant apporter remede
 aux fautes qu'elle voyoit en nos tentations, nous
 ressentions les effets de ses prieres. Elle avoit
 l'œil sur toutes nos actions de telle façon, qu'il
 ne se passoit rien qu'elle ne sceust & corrigeast :
 Quand quelques vnes luy communiquoient, elle
 connoissoit si ce qu'on luy disoit estoit veritable
 ou non, que si elle voyoit qu'on dissimulast, elle
 tesmoignoît combien elle hayssoit les personnes
 qui aimoient le mensonge. En la plus grande
 maladie dont elle mourut, elle nous faisoit
 faire tous les exercices qui se peuvent fai-
 re hors du chœur dans sa Chambre, comme
 Chapitre, Lectures, Recreations, mesme pour
 entendre nos communications. Pendant le temps
 qu'elle demeura à l'infirmerie, elle s'employa à
 dresser les Regles que nous avons maintenant.
 Ce sont les paroles de ces bonnes Reli-
 gieuses, auxquelles ic pourrois adjoûter in-
 finis autres tesmoignages de ce zele ar-
 dent qu'elle avoit de leur perfection &
 auancement en la vie spirituelle, comme le
 soing avec lequel elle les instruisoit en la
 meditation, & autres choses spirituelles,

celuy qu'elle auoit de faire en sorte qu'elles fissent fructueusement les exercices spirituels tous les ans, les exhortations qu'elle leur faisoit vne fois tous les iours, nonobstant ses maux continuels d'estomach : Mais j'obmett tout cela pour n'estre long, me contentant de dire que ce grand desir qu'elle auoit de leur salut, & de leur perseverance dans le changement mille fois heureux, auquel elle les auoit resoluës & confirmées, dura pour le regard de cette vie iusques au dernier soupir d'icelle : car iusqu'à ce que sa langue cessa de faire tout à faiët son office, ce qui n'arriua qu'immediatement auant sa mort, elle ne cessa de les instruire & de les exhorter aux vertus les plus essentielles de leur profession, à l'obseruance de ce qu'elles auoient promis à Dieu; mais sur tout à la charité mutuelle, à la concorde & vnion, cimentant si heureusement avec cette vnion, le nouuel edifice, que ny les pluyes, ny les vents, ny les orages des obstacles & autres empeschemens, n'ont pas esté capables de l'ébranler, bien esloignez de le terrasser. Voila des vrayes marques d'un zele tres-ardent, & ce zele, qui doute qu'il ne soit l'effect d'une tres-embrassée charité?

CHAPITRE VIII.

*De sa vertu de Religion, & premiere-
ment de son Oraison vocale, & de
son attention en icelle.*



Après les Vertus Theologales, suivent les Morales infuses, entre lesquelles la vertu de Religion a le mesme rang que le Soleil entre les Astres, le Feu entre les Elemens, l'Or entre les metaux, car elle tient le haut bout, comme les Theologiés en sont d'accord. Cette rare vertu a quelque ressemblance avec les Theologales, & ressemblance assez grande, suivant la maxime assez commune que les Theologiens ont puisée dans les escrits du grand Apôtre de nostre France, que ce qui est plus releué en vn ordre inferieur, atteint & a beaucoup de ressemblance avec ce qu'il y a de plus bas en l'ordre qui est superieur à celui-là, comme l'on le peut remarquer dans les diuerses creatures de l'ordre naturel. Aussi a cela la vertu de Religion qu'elle regarde Dieu, & s'occupe

D. Thom.
2. 2. q. 87.
art. 6.

Supremū
infimi at-
tingit in-
fimum su-
premi.

320 LES VERTVS DE LA V. MERE
à luy rendre l'honneur qui luy est deub,
non seulement par ses actiōs qui embrasēt
tout ce qui concerne le culte & honneur di-
uin, comme les sacrifices, la deuotion, les
Prieres & Vocales & Mentales, & le reste,
mais aussi par les actions des autres vertus
qu'elle employe & adresse à cette fin. Cer-
te vertu a esté tres-éminente en la Venera-
ble Mere Galiote : car pour en dire quel-
que chose en general auant que de descen-
dre au particulier, elle auoit vn grand res-
sentiment de Dieu, & de toutes les choses
diuines, faisoit vn grand estat des predica-
tions, escoutoit avec beaucoup de reue-
rence la parole de Dieu, portoit vn grand
honneur aux personnes Ecclesiastiques, &
vouloit que ses Filles fissent le mesme, re-
ueroit avec beaucoup de respect les cere-
monies Ecclesiastiques & les diuins Sacre-
mens, procuroit que l'Eglise de son Mo-
nastere fust frequentée fort honnestement,
& entretenüe fort nettement, & depuis
qu'elle s'adonna plus particulièrement aux
choses spirituelles, se plaisoit fort à trauail-
ler pour l'Autel : Bref faisoit en sorte que
tout ce qui appartenoit tant soit peu au Sa-
crifice tout diuin, qui est la plus sublime de
toutes les actions de la Religion Chre-
stienne, fut tenu avec toute la decence, & la
netteté

netteté qui se pouuoit, n'espargnant rien pour cét effect, comme nous le verrons distinctement, lors que nous représenterons la deuotion admirable, & tout à faict intime qu'elle auoit à son Espoux, couuert des especes de cét ineffable Sacrement. Venons maintenant à son Oraison, & tout premierement à celle qu'on appelle Vocale, à laquelle (comme nous sommes composez de corps & d'ame) nous sommes obligez, afin que nous employons au seruice de Dieu & à ses loüanges tout ce que nous auons receu de luy. Cette sorte d'oraison luy estoit fort familiere en son jeune aage, c'est à dire iusques à enuiron la vingt-vnième année en laquelle, ou peu après, la lecture d'un Liuret qui traittoit de la Passion, & apprenoit à la mediter, la jetta heureusement dans l'exercice de la Mentale, qui emporta du depuis le dessus, non pas tellement neantmoins qu'elle mesprisast, outint peu de conte de la Vocale, car elle y eut tousjours beaucoup d'affection. A peine auoit-elle six ou sept ans qu'elle s'accoutuma à dire des chapelets en l'honneur de sainte Anne, & le Rosaire de la tres-sainte Vierge tous les iours, ce qu'elle continua toute sa vie, y ajoutant plusieurs autres deuotions vocales,

322 LES VERTUS DE LA V. MERE
dont nous auons parlé en d'autres rencontres dans l'Histoire de sa vie, & cette sorte de priere n'estoit point distraite ou vagabonde; ce n'estoit pas vne priere de lèvres seulement, du nombre de celles dont Dieu se plaignant, dit que ceux qui les font l'honorent des lèvres, ayans le cœur bien éloigné de luy, ains elle estoit faite avec attention, avec arrest, & consideration: les paroles estoient accompagnées du cœur & de l'esprit, & ainsi cette V. Mere faisoit l'Oraison Mentale, sans sçauoir encore ce que c'estoit. Car (comme j'ay dit autrepart) il n'y a point de vraye Oraison Vocale sans celle-là, qui est son ame; comme sans l'ame raisonnable il n'y a point de vray corps humain: Mais entre tous les exercices de la priere Vocale, la recitation de l'Office diuin luy rauissoit le cœur: elle estimoit la Psalmodie vne occupation tout à fait Angelique & celeste, bien esloignée d'auoir le sentiment qu'ont certains esprits démontez en ce siecle, qui appellent la Psalmodie l'entretien de personnes faineantes; sentiment peruers, qui montre clairement que ceux qui le forment dans leur ceruelle ont fort peu de iugement, & encore moins de pieté, puis que l'Eglise en a tousjours

GALIOTE DE S^{te} ANNE. Liu. II. 323
fait vn si grand estat : cette ame très-pieuse
estimoit le chœur vn Paradis & vn lieu de
delices, aussi s'y tenoit-elle avec vn exte-
rieur si modeste, & vne face si contente,
qu'on pouuoit bien iuger à la voir que si
son corps estoit là son ame n'y estoit pas, &
qu'elle s'esleuoit au Ciel, & s'vnissoit
avec les chœurs des Anges, pour chan-
ter là les louanges de son Dieu. Lors
qu'elle recitoit l'Office diuin en son par-
ticulier, elle le disoit à genoux autant
qu'il luy estoit possible, encore qu'elle
garda les jambes fort enflées l'espace de
neuf ans; que si elle ne pouuoit, elle se
tenoit debout, jamais assise, tant elle
portoit de reuerence à cette action. Quand
elle estoit au Chœur, auquel elle auoit
vne assiduité incomparable, afin de fai-
re plus purement & saintement cette
action, & ne point entremesler les af-
faires de la terre avec ceux du Ciel, elle
ne souffroit point qu'on l'interrompist
avec semblables affaires : & la recom-
mandation continuelle qu'elle faisoit
aux officieres de son Monastere; estoit
que quelques affaires qu'on eust dans la
Maison, pour importans qu'ils peussent
estre, l'on ne luy en vint point parler
durant qu'elle estoit à la Psalmodie,

si ce n'est qu'ils pressassent si fort qu'on ne peust pas les remettre à vne autre fois : Que si elle ne pouuoit souffrir que l'on la détournast de cette action à laquelle elle s'appliquoit toute avec vn recueillement admirable , par les affaires de sa maison , bien moins permettoit-elle qu'on l'interrompist en icelle par des visites ou salutations, pour grandes Dames que fussent celles qui demandoient à luy parler en ce temps-là , & pour parentes proches qu'elles luy peussent estre, n'estimant pas qu'on deust interrompre vn discours commencé avec Dieu, pour entretenir des creatures mortelles. Deux fois entr'autres, afin qu'on iuge du reste par celles-là, tandis qu'elle estoit à l'Office diuin, on luy vint dire que sa belle-mere, & la femme de Monsieur le Comte son frere, toutes deux grandes Dames, & qui deuoient auoir fort bonne part dans ses affections , luy estans si proches, desiroient prendre congé d'elle pour s'en retourner, elle ne fit pas semblant d'entendre ce qu'on luy disoit, & ne s'esmeut aucunement : Ces Dames voyans qu'elle ne bougeoit point vindrent dans le Chœur, afin que leur presence l'esmeust à quitter son Office pour les venir saluer ; mais elle ne leua point les yeux de dessus son Bre-

uaire, & ne les regarda pas, si qu'elles furent contraintes de s'en aller sans luy parler, cela suffit pour ce sujet, & il n'y a personne sensée qui ne connoisse par ce qui a esté dit, l'estime qu'elle faisoit de ce Diuin exercice, & l'attachement qu'elle y auoit; car si, ny la grandeur de ces deux Dames, ny l'affection qu'elle leur portoit, n'eurent pas le pouuoir de l'interrompre en iceluy, qui eust osé se promettre d'auoir assez d'autorité pour en venir à bout? Outre cette attention & reuerence qu'elle portoit en cette action, le sentiment qu'elle auoit de sa grandeur, faisoit qu'elle estoit fort soigneuse que ses Religieuses en fissent vne tres-grande estime, elle desiroit qu'elles y apportassent toute l'attention possible, & c'estoit vne recommandation qu'elle leur faisoit sur toutes, avec des paroles que i'ay rapportées autre-part, qui descouurent assez le sentiment excellent qu'elle auoit de la reuerence avec laquelle on doit se comporter en cette action. Son attention estoit si grande, que quelque bruit qu'on fist elle ne tournoit point la teste, bien esloignée de s'amuser à regarder avec curiosité, & elle vouloit que ses Filles fissent le mesme, & fussent fort exactes à faire les ceremonies, qui estans bien faites apportent vn grand

326 LES VERTVS DE LA V. MERE
lustre à cette action. Lors qu'elle estoit
malade, non pas tellemēt qu'elle fust obli-
gée de tenir le liēt, ou elle se trainoit au
Chœur, ou ne s'y pouuant trainer pour sa
foiblesse, s'y faisoit conduire par l'Infir-
miere, non seulement pour participer aux
delices & consolations que la Psalmodie
apportoit à son ame, mais aussi pour con-
siderer les actions de ses Religieuses, & voir
si elles obseruoient bien les ceremonies, &
disoient l'office avec la decence & grauité
requisse : Pour cēt effect elle se mettoit en
vn endroit d'oū elle les peult voir, & re-
marquoit jusques aux moindres fautes,
ausquelles elle mettoit ordre par après.
Que si sa maladie estoit telle que les Me-
decins luy deffendissent de reciter l'Office,
comme il arriua en la derniere, quelque
mois auant sa mort, la grande affection
qu'elle y auoit, faisoit que deux Nouices
par son commandement le recitoient au-
prés de son liēt, & elle l'escoutoit avec
vne reuerence & attention admirable,
ayant commandé à celles qui le recitoient
lors qu'elles la verroient assoupie durant
cette action de l'éveiller soigneusement en
luy faisant baisser vn Crucifix.

CHAP. IX.

De son Oraison Mentale.

Oraison Mentale apporte tant d'utilitez aux ames, & reserre en soy tant de perfectiones, que ce seroit entreprendre de sonder vn abyfme sans fonds, & de venir à bout d'une lice qui n'a point de fin, que de les vouloir représenter sur le papier. Les Saincts Peres qui en pouvoient parler par experience, semblent auoir desployé les voiles de leur riche esprit, & employé les forces de leur eloquēce pour descrire quelques-vnes de ses excellences & perfectiōs: les vns ont dit que c'estoit vn vol, & eleuation de l'ame à Dieu. D'autres que c'est comme vne chaine d'argent qui pend du ciel pourtirer l'homme hors de la terre, & l'vnir avec Dieu; d'autres, que c'est vn beau Sacrifice qui est offert sur la terre, mais qui est receu dans le ciel; d'autres qu'elle est l'amas des ornemens, la reconciliation avec Dieu, la mere & la fille des larmes, la remission des pechez, le pont des tentations, la separation des tribulations, la dissipatiō des Guerres, l'œuure des Anges, la viande de toutes les vertus incorporelles, la Cour, le jugement, & le siege de N. Seigneur aupa.

328 LES VERTUS DE LA V. MERE
rauant le grand Iugement. D'autres que
c'est en icelle que l'ame porte la bouche
aux sources des vertus, & qu'elle connoist
Dieu, & en le connoissant le cherit, & en le
cherissant le cherche, & trauaille en le
cherchant, & le trouue en fin dans la re-
cherche qu'elle en fait. D'autres luy ont
donné plusieurs rares Eloges, & le bon est
qu'après en auoir dit beaucoup, on trouue
qu'ils en ont dit fort peu, & que le bôheur de
l'ame ne gist pas à en pouuoir dire des mer-
ueilles, mais à auoir son exercice familier,
& se perfectionner en iceluy tous les iours.
C'est ce qu'a fait la Venerable Mere, car
encore que jettant les yeux sur le peu d'an-
nées que Dieu l'a laissée en ce monde, elle
aye commencé vn peu tard à se jeter dans
l'exercice de cette sorte d'Oraison, car elle
n'a vescu que 30. ans au plus, & lors qu'elle
eut ce bon-heur de le commencer, elle en
auoit 21. ou enuirō; de sorte qu'elle ne sçau-
roit s'y estre adonnée sinon l'espace de neuf
années; encor disje qu'elle s'y soit jettée sur
le tard, elle l'a fait avec tant de courage &
resolution, qu'on peut dire à bon droict,
que comme le voyageur qui s'est leué tard,
recompense par sa vitesse le temps qu'il a
perdu, & fait le mesme chemin qu'il eust
fait s'il fust party de meilleure heure, &
quelques-fois dauantage, de mesme elle

a recompensé le temps auquel elle n'auoit point eu la connoissance de ce diuin exercice, & a plus profité en iceluy que n'ont pas fait plusieurs qui ont commencé de meilleure heure qu'elle n'a fait. Repassons cecy avec goust, & voyôs son cōmencement & son progrez en cet exercice, le temps qu'elle y employoit, la posture du corps qu'elle y gardoit, l'attention de l'ame qu'elle y portoit, & les fruiçts admirables qu'elle retiroit de cet exercice tout diuin. Éstant reuenue du Monastere de Fieux à celui de l'Hospital, elle recouura, non sans prouidence de Dieu vn petit liure qui traitoit de la Passion du Fils de Dieu, & enseignoit comme il la falloit mediter: la lecture duquel, comme il a esté desia dit, luy seruit d'amorce pour luy faire goustier l'exercice de la priere mentale, & luy donna enuie d'en faire vne heure chaque iour, heure qui ne tarda guere à estre changée en vn temps plus long. Vne année apres ce rencontre, elle en fit vn autre non moins heureux, qui fut des Reuerends Peres de la Compagnie, par l'instruction desquels elle entra dans les exercices spirituels, & les fit avec le succès, & les fruiçts que i'ay rapporté au premier Liure; mais la principale de ces vtilitez est à mon aduis, que dans ses premiers exercices, elle prit vn si grand

330 LES VERTVS DE LA V. MER E
goust à cette sorte d'Oraison, que deuant
que personne fut leué dans son Monastere,
elle y auoit employé pour le moins deux
heures, & pour cet effect elle auoit donné
charge à vne fille de chambre qui l'auoit
seruie depuis l'aage de treize ans, & qu'elle
garda iusqu'à l'establissement de sa Reform-
ation, de l'esueilleur chaque nuit de fort
bonne heure, luy cominandant que si elle
faisoit de la difficulté de se leuer, elle la for-
tist par force du liét; & estant leuée elle fai-
soit coucher cette Fille dans son liét pour
se reposer. Voicy ce qu'elle mesme a laissé
par escrit parmy les resolutions que nous a-
uons transcriptes au premier liure. *Je me le-
ueray entre trois & quatre heures, ou plustost si ie
m'esueille, & employeray vn quart d'heure ou
enuiroñ à faire mon examen de consciëce, & deux
heures en ma meditation.* Mais cette resolution
fut bien tost changée en mieux; car ses Fil-
les escriuēt qu'elle se faisoit éveiller à vnze
heures de la nuit, & auoit passé trois ou
quatre heures en Oraison auant qu'on fust
leué. Ce qui est confirmé par ce qui a esté
rapporté dans la relation de la Reuerende
Superieure du Monastere de Tullès, où elle
asseure qu'elle ne dormoit que deux heures
de la nuit employant le reste en Oraison.
A ce temps elle adioustoit vne heure en-

tiere qu'elle en faisoit les soirs avant sa Reformation, en laquelle elle voulut que ses Religieuses en fissent deux heures tous les iours, lesquelles elle faisoit aussi. Tellement qu'elle employoit bien en cét exercice admirable, cinq ou six heures pour le moins, & cela les iours ordinaires : car les iours de Communion qui estoient assez frequens, elle adioustoit à cela deux heures qu'elle employoit à l'Oraison, apres avoir receu le Sacrement tout Auguste, comme ie diray au Chapitre suiuant. Elle continua de cette façon iusqu'à ce qu'elle eust le pesant fardeau du maniemment des deux Monasteres ; car alors les grands bastimens qu'elle faisoit faire pour la closture de celui de l'Hospital, & la charge de toutes les Religieuses, la destournerent vn peu ; mais tellement neantmoins qu'avec toutes ses occupations, elle n'obmettoit iamais d'en faire deux heures apres que la Communauté s'estoit retirée ; c'est à dire qu'elle en faisoit quatre heures par iour ; car pour les deux heures de la communauté elle ne les obmettoit point, & ne permettoit pas que la Communauté manquast à les faire pour quelque affaire qu'on eust en la maison. Mais qu'est-il necessaire de conter les heures qu'elle

332 LES VERTVS DE LA V. MERE
donnoit à cét exercice, puis que conseruât,
quoy que c'est qu'elle fist, la presence de
Dieu, & ayant tousiours son esprit esleué
à luy. On peut dire qu'elle estoit tousiours
en'Oraison: Pour la posture qu'elle y gar-
doit elle ne respiroit que pieté & deuotion:
elle faisoit tousiours son Oraison à genoux,
sans s'appuyer aucunement, ayant pour
l'ordinaire les genoux nus contre terre
quelque temps qu'il fist, ce qui luy causa
aux genoux des cals fort durs qu'on y trou-
ua apres sa mort, marques très-visibles de
son assiduité à l'Oraison. Elle tenoit les
mains jointes, & le reste du corps avec vne
composition qui tesmoignoit vn si grand
recueillement, que celles qui estoient di-
straites, rentroient en elles-mesme la re-
gardant. Elle auoit vne autre façon de faire
qu'elle obseruoit (comme ie croy) faisant
sa priere en secret, laquelle la Reuerende
Mere superieure de sainte Claire de Tul-
les qui l'auoit apprise d'elle-mesme a rap-
porté en ces termes. *Toutes les fois qu'elle
faisoit son Oraison, elle demeuroid vne heure, ou
pour le moins demie heure la face contre terre. Je
luy dis que cela luy pourroit causer quelque deflu-
xion au visage: elle me dist avec vn grand des-
dain de soy-mesme, qu'elle ne se soucioit point
quoy qu'il luy vint quelque mal pourueu que No-
stre Seigneur l'eust pour agreable: elle se souuenoit*

de l'Oraison que son bien-aimé fit prosterner au
jardin des Oliviers. Voila pour sa posture cor-
 porelle en l'Oraison. Mais quelle estoit l'at-
 tention de son ame en icelle? Certes c'est
 vn sujet de grande consolation que d'y
 penser, dès qu'elle estoit entrée en l'Orai-
 son, & qu'elle s'estoit recueillie en soy, elle
 s'vnissoit à Dieu avec tant d'attention &
 d'adhesion, & s'absorboit tellement dans
 cét Ocean de grandeurs & perfections,
 que son ame estoit en son corps comme si
 elle n'y eust pas esté, ne concourant point
 avec les sentimens extérieurs pour le re-
 gard de leurs fonctions. Aussi demouroit-
 elle immobile comme vne pierre, & quel-
 que bruiet que l'on fist, elle n'en entendoit
 rien. Vne fois durant qu'elle vacquoit à ce
 saint exercice, & estoit avec le bien-aimé
 de son ame, le feu prit à vne chambre; Dieu
 sçait si cela apporta du trouble dans vn
 Monastere de Filles; & si on fit du bruiet
 pour l'esteindre: Et neantmoins elle qui
 apprehendoit le feu, n'entendit rié de tout
 ce bruiet & vacarme si grand; & ne sçeut
 pas que cét accident fust arriué en la Mai-
 son, tant son ame estoit plôgée dans Dieu,
 iusques à ce qu'une Sœur alla interrompre
 ce doux & agreable sommeil de ses puis-
 sances extérieures; & l'aduertit de ce qui se

334 LES VERTVS DE LA V. MERE
passoit. Vne autre fois faisant les exercices, & ayant pris pour le sujet de sa meditation le iugement espouventable, comme elle estoit ainsi occupée interieurement; sur les cinq heures du soir, vne procession passa dans le Monastere, & les Prestres suivis de plus de mille personnes, entrèrent dās l'Eglise. Ce qui ne pouuoit pas se faire sans beaucoup de tracas & de bruit, nō seulement pour le chant des Prestres, ains aussi pour le peu de retenue & modestie que personnes Villageoises & grossieres ont en semblables deuotions: la V. Mere estoit en lieu qui ne pouuoit pas manquer d'estre troublé par le bruit qui se faisoit, mais elle y estoit de corps & non pas d'esprit, qui estoit occupé en Dieu si profondement qu'elle n'entendit rien de tout ce bruit, & ne sceut mesme rien de l'entree de cette procession, iusqu'à ce que le Pere Lesuite qui la dirigeoit, & ses Religieuses aussi en ses exercices mōta en chaire pour faire vne exhortation à cette populace: car alors le lieu où elle faisoit sa priere estant à l'opposite de la chaire, elle l'aperceut en icelle, & deuint plus rouge que le feu. Apres l'oraison, ses Filles qui auoient pris garde à tout ce qui s'estoit passé, luy demanderent dans quelle pensée elle estoit en ces

GALIOTE DE Ste ANNE. Liu. II. 335
entrefaites , elle leur respondit en ces
termes : *Helas i'estois en vne grande pei-
ne , il me sembloit que i'estois deuant le Iuge qui
me doit iuger ; mais c'estoit avec telle frayeur ,
que quand i'ay veu le Pere en chair i'ay trem-
blé de telle façon que i'ay pensé mourir.* Leur
ayant dit cela , elle adiousta avec grande
ferueur. *O Iesus ! Iesus ! qu'il vous fait bon
craindre & aimer , afin qu'en ce iour là vo-
stre misericorde nous soit fauorable.* Et au
sortir de cette Oraison elle estoit toute
hors d'elle-mesme , ce qui n'estoit pas nou-
ueau à son ame , car pour l'ordinaire dans
son recueillement & sa priere , elle s'abissi-
moit si auant dans son souuerain bien , qu'elle
estoit comme hors d'elle-mesme lors
qu'elle en sortoit. Ce sont des tesmoigna-
ges bien manifestes du goust que son ame
auoit en ce diuin exercice , & de son atten-
tion admirable en iceluy , après lesquels,
qui douteroit qu'elle n'eust en icelle des
communications tres-hautes avec Dieu , &
que le saint Esprit n'operast là dedans des
œuvres tres-grandes en son cœur , pourroit
aussi douter que le feu brulle vne ma-
tiere bien disposée & bien appliquée à
son actiuité , & que le Soleil esclaire cét
Vniuers en plein midy lors que le Ciel est
bien serain ? C'estoit dans cette luitte

spirituelle que la chair estant affoiblie, l'amerceueoit des forces pour resister aux cōtradictions de tout le monde : c'estoit de cette vnion qu'elle auoit en l'Oraison, avec la Lumiere increée, qu'elle puisoit ces belles lumieres qu'elle auoit, quand il falloit parler des choses diuines, & instruire ses Filles. C'estoit en vn mot sur cette montagne de l'Oraison, que son ame s'vnissant à Dieu, & se colant sur luy, se coloroit de luy, & prenoit la ceinture de ses perfections, s'ornant & s'embellissant des Vertus dont nous auons parlé, & parlerōs encore : Bref c'estoit dans cette Meditation faite avec tant de recueillement & assiduité, que s'allumoit le grand feu de l'amour qui deuoit son cœur, & le pouffoit par desir vers son centre: & comme si ce feu ne se fut pas cōtēté de posseder ce cœur, il rejallissoit ce semble sur sa face: car ses Religieuses remarquent qu'au sortir de l'Oraison son visage estoit tout en feu, effects admirables de sa Priere, ausquels ie ne veux pas adjoûter les rauissemens, ou autres graces surnaturelles : non pas que ie ne croye asseurement qu'elle en auoit frequemment: car quels rauissemens d'esprit ne deuoit auoir celle qui demouroit les deux & les trois heures en Oraison immobile comme vne pierre

pierre

pierre? mais parce qu'ayant esté tousiours
 grandement soigneuse de tenir cachées les
 graces interieures qu'elle receuoit de dieu,
 les memoires dont ie mesers n'en parlent
 point. La grãde affectiõ qu'elle portoità cét
 exercice si salutaire, ne paroissoit pas seule-
 ment en ce qui a esté dit iusques à present,
 mais aussi au desir qu'elle tesmoignoita uoir
 que ses Religieuses s'y affectiõnassét beau-
 coup: elle aimoit singulierement celles qui
 s'adonnoiet à l'Oraison, ne plaignant point
 le temps qu'elle mettoit à les enseigner
 comme il la falloir faire, y employant
 au commencement chaque iour trois ou
 quatre heures durant l'espace de six mois,
 & leur donnant en particulier les exerci-
 ces, quand elle iugeoit qu'il fust necessaire:
 elle ne permettoit iamais que sa commu-
 nauté obmit chaque iour à faire deux heu-
 res d'Oraison, quelque affaire qu'on eust
 dans le Monastere. Et en ses derniers iours
 elle n'eust pas voulu voir ses Filles aupres
 d'elle qu'elles n'eussent fait Oraison tout
 le temps accoustumé.

CHAPITRE X.

*De la grande deuotion qu'elle auoit aux
tres-Auguste Sacrement de
l'Autel.*



Ncore que les cœurs qui aiment véritablement Iesus-Christ, l'aiment & le cherissent également en tous les Mysteres dans lesquels il a trauaillé à nostre salut, parlant de l'amour que les Theologiens appellent appretiatif, parce qu'il est d'un mesme prix, & merite vne estime infinie en tous ces mysteres: si est-ce neantmoins que parlant de l'amour que les mesmes appellent intensif (pour vser de leurs termes;) c'est à dire amour de sentiment, amour de deuotion & affection sensible. Ils ne se portent pas pour l'ordinaire également à tous les Mysteres de ce Diuin Sauueur: les vns ne pouuans se saouler de considerer l'vnion substantielle du Verbe avec vne nature créée & mortelle: les autres estans ravis de voir vn enfant Dieu dans vne estable en la naissance, les autres trouuans vn goust incomparable à regarder vn Dieu homme attaché sur vne

Croix, les autres sortans hors d'eux-mesmes en la presence d'un Dieu couuert sous les especes d'un morceau de pain, & deuenu la viande des vermisseaux, & ainsi des autres : ce qui prouient de ce qu'ils trouuent plus d'amour, à leur aduis, en un mystere qu'en l'autre : & ainsi se laissent plus facilement rauer le cœur, & s'y portent avec vne plus amoureuse deuotion. La Venerable Mere qui prisoit également tous les Mysteres que l'Eglise propose, & qui leur portoit vne reuerence incroyable, sembloit neantmoins auoir ramassé toutes les forces de sa deuotion en ce Mystere, qui est comme l'abbregé de toutes les merueilles du Sauueur, & comme le pourtrait racourcy de sa charité infinie au Sacrement ineffable de l'Autel : c'estoit l'object le plus aimable de ses yeux, c'estoit la chose du monde où elle prenoit dauantage de plaisir d'arrester sa pensée. C'estoit celuy de tous les Mysteres qui luy paroissoit plus aimable, & qui luy rauissoit plus amoureusement le cœur : Aussi ne pouuoit-elle se saouler de se tenir en sa presence, & des'en repaistre spirituellement, lors qu'elle ne le faisoit pas corporellement. Nous auons dit en l'Histoire de sa vie comme au seiziesme ou dix-septiesme de son aage, par le conseil d'un

340 LES VERTUS DE LA V. MERE
Prestre fort pieux qui l'ouït en confession,
elle commença à communier tous les mois
vne fois, & que peu apres communiquant
avec vn Pere Iesuite, il luy conseilla de re-
cevoir ce diuin Sacrement tous les huit
iours; elle suiuit tres-volontiers ce conseil,
y adjoustant beaucoup d'autres iours de
l'année : car voicy ce qu'elle a laissé par
écrit à ce propos. *Je me communieray tous les
Dimanches, & les Festes de nostre Dame, le iour
de S. Iean Baptiste, le iour de tous les Saints,
& les Festes de sainte Croix. Vn iour deuant
j'examineray ma conscience le mieux qu'il me sera
possible, & auray grande douleur d'auoir offen-
cé mon Dieu, & proposeray de m'amender, &
confesseray entierement tous les pechez qui me se-
ront cogneus, à la commodité de mon Pere spiri-
tuel: Où l'on peut remarquer le soin qu'elle
auoit de se disposer à cette frequente rece-
ption, & d'y apporter vne ame toute pure
& nette: Mais quels estoient les sentimens
interieurs de son ame en cette action? on le
pourra iuger par ce qui en rejaillissoit sur
l'exterieur. Ses Religieuses assurent que
iamais elles ne la voyoient si contente &
alaigne comme les iours de Communion,
alors son maintien paroissoit tout autre, son
visage vermeil, & plus beau qu'à l'ordina-
re, tesmoignoit l'ardeur qu'elle auoit en son*

cœur, les paroles estoient toutes pleines d'amour, & quoy qu'elle fist toutes les actions comme si elle eust esté hors d'elle-mesme, son ame estant attachée à ce diuin Sacrement, elle les faisoit neantmoins si posément, & avec tant d'édification, qu'elle contraignoit ceux qui la regardoient d'aimer sa vertu. De tout cecy qui precedoit la reception de cette viande, on peut assez conjecturer quelle deuoit estre l'allegresse & la iubilation de son ame lors qu'elle la receuoit actuellement, quelles actiōs amoureuses elle deuoit faire, & quels delices deuoient naistre en son interieur de cette nourriture desirée avec tant d'ardeur, & receuë avec tāt d'affection, en laquelle, comme dit l'Angelique Docteur, l'ame porte la bouche à la fontaine & source des douceurs & consolations de l'esprit. Mais en voicy des marques bien asseurées: Apres auoir cōmunié, si le temps luy permettoit, elle demouroit tousiours pour le moins deux heures les genoux tous nuds contre terre sās se remuer, & sās faire aucun bruiēt, cōme si elle eust esté morte. Ne faloit-il pas que son ame eust vne tres-intime vniō avec sō Espoux en ce Sacremēt ineffable? ne faloit-il pas que son amour la fit sortir d'elle-mesme pour s'absober dās lui avec tāt d'in-

Spiritua-
lis dulce-
do in suo
fonte gu-
statur.

Opuscul.
17:

sensibilité & d'immobilité interieure durât vn si long-téps? Ne falloit-il pas que les delices que son cœur receuoit de l'influence de cette fontaine de toutes delices fussent tres-grandes pour l'arrester de la façon? C'estoit durant ce temps-là, (disent les filles) que nostre Seigneur luy enseignoit ce qu'elle pratiquoit, & couioit les autres à pratiquer, puis que les personnes spirituelles auoient fort peu communiqué avec elle pour l'instruire, & que les Liures spirituels estoient tōbez fort raremēt entre ses mains, quoy que neantmoins plusieurs personnes doctes & spirituelles admirassent sa prudence, & son esprit. Iugement qui est tres-bien fondé: car c'est en traitāt avec ce Maistre celeste, apres l'auoir receu, que les persōnes qui ont écrit des choses diuines avec des sentimens plus sublimes & releuez, comme S. Thomas, saincte Therese, & autres ont appris ce qu'ils ont du depuis communiqué. Apres que la Venerable Mere auoit ainsi Communiqué, & demeuré deux heures avec son Bien-aimé, elle se cachoit le reste de la journée, de peur que l'on ne recogneust ce qui se passoit en son ame, par ce qui, malgré elle, paroissoit en son exterieur: Neantmoins comme sa charge l'obligeoit de demeurer avec ses Religieuses durant l'heure de la recreation; c'estoit là où, sans qu'el-

le y pēfist, elles recognoissoiēt l'amour qui brusloit dās son cœur, son esprit estāt occupé à celuy qu'elle auoit reçu elle s'oublioit du lieu & de la compagnie, & dans cēt oubly, ces paroles luy sortoient souuent de la bouche, le cœur les luy fournissant. O amour! amour, quant est-ce que mon ame iouyra de vous-mesme? ie n'en peux plus mon Dieu & mon Tout: Et apres reuenant à soy, & s'aperceuant qu'elle estoit avec ses filles, elle demeurait toute confuse, quoy qu'elle ne peust pas empescher que cela n'arriuaist souuent. Que si en ce lieu, & en cette action donnée pour la relasche de l'esprit; elle estoit neantmoins occupée de la sorte, qu'elle qui estoit ennemie mortele de faire éclatter tant soit peu les graces que Dieu luy communiquoit, ne pouuoit pas empescher ny cacher ses grands esclans d'amour: Je laisse à iuger au Lecteur discret quelle deuoit estre son occupation, & quels esclans d'amour deuoient sortir de son cœur lors qu'elle estoit en sa solitude, n'ayant aucun arbitre & spectateur que son Bien-aimé. De cette affection & deuotion si grande qu'elle auoit à ce Sacrement, naissoit la reuerence admirable qu'elle luy portoit, & le soin incomparable qu'elle auoit du bon ordre, & de la netteté de tout ce qui appar-

344 LES VERTVS DE LA V. MERE
tenoit à l'Autel : iamais elle ne passoit de-
uant l'Autel où estoit le sainct Sacrement
sans se prosterner & baiser la terre. Iamais
elle ne manquoit les matins apres s'estre le-
uée, & apres auoir fait la longue Oraison
qu'elle faisoit, d'aller visiter & adorer avec
grand sentiment son cher Espoux. Aupa-
rauant qu'elle eut le maniment du reuenit
de l'Hospital, elle procuroit que l'Eglise
qui y estoit fust tenuë fort nettement &
proprement: mais incontinent qu'elle eut
ce maniment, elle dist à ses Filles qu'il fal-
loit faire bastir la maison de Dieu premie-
rement, & puis la leur, ce qu'elle fit: car
cette belle Eglise qui est à present en ce
Monastere, a esté bastie par son soin, & à
ses despens, elle-mesme prenant vn singu-
lier plaisir d'y apporter des materiaux. Auf-
si tost qu'elle fut acheuée, elle la fit con-
sacrer par Monseigneur l'Euesque de Tulles,
en l'honneur de sainct Iean Baptiste, & fut
soigneuse qu'elle fust bien parée & or-
née: elle fit faire vne petite Chappelle
d'argent, & estoit toute preste de fai-
re faire toutes les couleurs de l'Eglise,
fort riches, si Dieu n'eust disposé d'elle
autrement: Et pour l'Autel, en tout temps
elle fut fort soigneuse qu'il fust propre,

le recommandant souuent à la Sacristaine, traueillant de tres-bon cœur pour cét effect, & ce qui ne se faisoit point auant elle, durant que la grande Messe se disoit, elle faisoit allumer six grands cierges sur l'Autel, & vn autre depuis l'éléuation du tres-sainct Sacrement jusqu'à ce que le Prestre auoit communiqué, n'obmettant chose aucune qui pouuoit concerner la netteté, la decence, & la reuerence du Sacrement, il n'y auoit pas iusqu'à la lampe qu'on tient pour l'ordinaire allumée deuant iceluy où son soing amoureux ne s'estendit, lors qu'elle la voyoit esteinte, elle y alloit tousiours porter du feu, & toutesfois & quantes qu'elle la voyoit auoir besoin d'estre nettoyée, elle s'estimoit tres-heureuse de la nettoyer, & n'auoit garde de donner cét office à vne autre, & Dieu tesmoignoit combien ce soing luy estoit agreable par vn succès merueilleux : car ses Filles ont remarqué que la V. Mere nettoyant la lampe torchoit après cela ses doigts au bord de son cotillon, sans toutesfois que la moindre tache y aye jamais paru. Son soing ne se bornoit point à ces choses exterieures, dont la decence & netteté dōne beaucoup de lustre au Sacrement, ains elle l'employoit principalement à faire en sorte que

346 LES VERTVS DE LA V. MERE
ses Religieuses, qui par son exemple & ses
exhortations s'approchoient souuent de
cette Table mystique, y apportassent les
dispositions necessaires pour profiter en la
reception de cette viande. Pour cét effect
elle les instruisoit, & parmy les conferen-
ces qu'elle leur faisoit faire des vertus, &
des moyens pour les acquerir, elle vouloit
qu'elles en fissent souuent de la preparation
qu'on deuoit procurer en soy pour bien
communier. Que si sa deuotion enuers ce
Sacrement estoit si grande, sa confiance
en sa vertu n'estoit pas moindre, si ce
corps diuin attiroit puissamment cette Ai-
gle genereuse, & estoit comme le centre
où se ramassoit & vnissoit toutes les plus
tédres affectiōs; aussi estoit-il l'azile auquel
elle auoit recours en toutes ses necessitez;
elle ne faisoit aucune affaire qu'au prela-
ble elle n'eust esté deuāt iceluy l'adorer, luy
demander lumiere & assistance, y demeu-
rant le plus souuent vne heure, & si l'affaire
estoit de grande importance, elle commu-
nioit & faisoit communier celles de ses
Religieuses qu'elle connoissoit les plus
auancées en la vertu. Et non seulement
recouroit-elle à cét azile en ses propres ne-
cessitez, ains aussi en celles d'autrui, spiri-
tuelles premierement, comme quand quel-

que ame estoit en danger de se perdre, ou que ses Filles estoient troublées & tentées, ou que quelques-vnes croupissoient dans leurs imperfections, après la peine qu'elle auoit pris à les en retirer, versant son cœur avec ses larmes deuant celuy qu'elle sçauoit estre le remede de tous maux, afin qu'il leur tendist la main, & les fortifiast, apres quoy elles ont esprouué beaucoup d'assistances particulieres : & puis aux corporelles, comme maladies ou autres dangers, avec lequel recours, & sa confiance, elle a fait des miracles qui seront rapportez en son lieu, me suffisant pour clorre ce Chapitre de remarquer deux excellentes faueurs que Dieu luy a données en recompence de cette grande deuotion & affection qu'elle auoit au diuin Sacrement. La premiere est, que par le iugement & l'adueu mesme des Medecins qui la traitoient, cette viande celeste la substantoit & la faisoit subsister en sa derniere maladie, comme il a esté rapporté au premier Liure, ce qui se pouuoit dire en quelque façon de toute sa vie, comme l'on reconnoistra assez après qu'on aura leu ce qui sera dit parlant de ses grandes penitences, & du peu de nourriture corporelle qu'elle prenoit. La seconde qui est fort à estimer & desirer,

est que les six ou sept derniers iours de sa maladie, elle eut le bon-heur de n'en passer aucun sans se nourrir de cette diuine pasture, avec des esclans & sentimens incomparables d'amour, d'où resultoit vne couleur vermeille qui peignoit & coloroit son visage, que la grandeur de ses maladies descoloroit estrangement, & ce qui est le plus remarquable, c'est que le iour mesme auquel elle mourut, quatre ou cinq heures auant sa mort, la force du mal l'ayant fort assoupie, la seule demande qui luy fut faite si elle vouloit mourir sans receuoir son Espoux, chassa tout à faict cét assoupissement, & luy fit respondre avec ferueur, que non ; tellement qu'elle communia pour lors ; d'où proceda possible qu'après sa mort elle garda couleur comme si elle eust esté en vie, comme plusieurs personnes qui la virent l'ont asseuré ; couleur qu'elle auoit lors qu'on l'enterra. I'adjouteray vne troisième grace, qui est que non seulement la reception du Sacremēt, mais sa seule veüe, mesme dans ses plus grandes maladies, luy donnoit vne couleur comme si'elle n'eust eu aucun mal, & de la grande ioye qu'elle en ressentoit son visage en deuenoit tout riant.

CHAPITRE XI.

*De son affection à quelques autres my-
steres , & de sa deuotion à la tres-
saincte Vierge , & à quelques autres
Saints.*



Vtre cemystere ineffable, & tout amoureux dont il a esté parlé, il'y en auoit autres trois qui auoient bonne part en ses affections: Le premier estoit celuy de l'Incarnation du Verbe Eternel dans les entrailles tres-pures d'une Vierge, & la nouuelle mille fois heureuse que cette Vierge receut de l'accomplissement de ce mystere par vn Archange qui luy fut enuoyé du Ciel: Le second, la mort & Passion de ce diuin Verbe incarné: le troisiéme, la mission & descente amoureuse du saint Esprit, lors que les iours auxquels ces Mysteres ont esté accomplis, & lesquels l'Eglise a destinez pour les honorer avec beaucoup de solemnité arriuoient, son ame auoit des sentimens admirables, & elle assistoit aux Offices

350 LES VERTVS DE LA V. MERÉ
auec de merueilleuses consolations. Je ne
repasseray point icy les deuotions particu-
lières qu'elle adjoutoit à ses sentimens;
pour en auoir parlé autre part. Après les
mysteres de nostre Foy, la vertu de Reli-
gion nous porte à honorer la tres-sacrée
Mere de Dieu & les Saincts, non pas d'un
culte & d'un honneur qui égale celuy de
Dieu, comme l'heresie qui ne s'establit que
sur l'imposture, & ne se conserue que par
le moyen du mensonge, toutes parties pro-
pres au demon qui l'a engendrée, crie im-
pudemment; car l'Eglise a tousiours don-
né au seul Createur le culte souuerain, qu'on
appelle de Latric, mais d'un culte & d'un
honneur beaucoup inferieur, & qui n'est
pas deferé également à la Vierge & aux
autres Saincts; car celle-là est honorée &
reuerée comme Mere de Dieu, & ceux-cy
comme ses seruiteurs, mais seruiteurs qui
par la fidelité qu'ils ont apportée à son ser-
uice, ont merité le bon-heur ineffable de
le posseder pour vn jamais: cét honneur est
appellé de Dulie, & l'autre d'Hyperdulie,
par les Theologiens. La Venerable Mere
Galiote a fait paroistre en cecy sa vertu de
Religion, car pour ce qui regarde la Mere
toute aimable de IESVS, jamais fille bien
née n'aima sa Mere auec tant de tendreur,

GALIOTE DE S^{te} ANNE. Liu. II. 351
& n'eut tant de desir de faire quelque chose qui luy peult estre agreable, comme nostre Vierge toute chaste a aimé & chery tendrement cette Mere & Reine des Vierges, vrayes Espouses de son Fils, & comme elle a esté desireuse de la servir & de luy agréer: elle recitoit dès son bas aage le Rosaire en son honneur avec beaucoup d'attention, & comme elle commença à goûter la vie spirituelle, elle confirma cette coutume qu'elle auoit prise par vne resolution qui est demeurée écrite de sa main en ces termes : *Je diray le Rosaire à l'heure la plus commode, me souuenant de la Meditation de ce iour, & seray fort deuote à la Vierge Marie.* Elle ieusnoit avec beaucoup d'austerité les veilles des festes employées à honorer cette sacrée Mere de Dieu, & les iours de ces Festes elle communioit en son honneur, & auparauant qu'elle embrassast la Reformation & retraite, tous ses voïages estoient reduits à deux qu'elle faisoit tous les ans à Nostre-Dame de Rocamadour, Eglise collegiale en Quercy, mais dependante du Diocèse de Tullés, honorée de frequents miracles operez par la sacrée Mere de Dieu, comme l'a remarqué le Rcuerend Pere Odon de Gysséi de la Compagnie de IESVS au Chap. 25. du premier Liure de

l'histoire de Nostre-Dame du Puy: Voyages qu'elle faisoit à pied, & quelques-fois pieds nuds, quoy que les chemins soient mauuais, & elle trouuoit tant de goust en ces voyages, que quand elle en reuenoit, on la voyoit remplie d'un particulier contentement. Pour les autres Saints la glorieuse sainte Anne tenoit le premier rang en ses affections, elle auoit conceu sa deuotion dès son aage plus tendre, par la lecture d'un Liure qui descriuoit la vie de cette Sainte, commençant deslors à faire ce qu'elle apprenoit luy estre agreable, & cette deuotion s'accroit tellement à mesure qu'elle croissoit en aage, que quand elle quitta le surnom de sa tres noble famille pour n'auoir rien du monde, elle ajouta à son nom celuy de sainte Anne, comme pour donner à entendre qu'elle s'estoit donnée à cette Mere de la Mere de Dieu, & luy appartenoit tout à fait: elle auoit aussi grande affection à saint Iean Baptiste, qui luy donnoit un grand desir de l'imiter, & ce diuin Precur-seur, à qui appartient l'Ordre sacré auquel Dieu l'auoit appellé, estoit le modèle sur lequel elle regloit toutes ses actions: cette deuotion passa bien plus auant, car comme elle aimoit fort ce Saint, elle conceut un

desir

GALIOTE DE S^{te} ANNE. Liu. II. 353
desir tres-ardent de mourir le iour de sa
naissance corporelle, afin de naistre dans
le Ciel au iour auquel il estoit né en terre,
desir que Dieu exauça (car elle mourut en
ce iour tant desiré) luy reuelant le iour &
l'heure auquel elle deuoit mourir, comme
on a peu remarquer lors que nous auons
parlé de sa mort, & comme il sera dit plus
amplement en son lieu. A ces deux Saincts
ie n'en veux adjoûter que trois autres,
saincte Vrsule, la deuotion de laquelle elle
conceut au Monastere de Fieux, dans le-
quel elle commença à reciter la veille, ou
le iour de sa feste vnze mille *Pater noster*,
& autant d'*Aue Maria*, comme il a esté
désja dit. Saincte Therese de IESVS, de la-
quelle elle lisoit tres-volontiers les Liures
admirables, depuis qu'elle en eut connois-
sance, & à l'esprit de laquelle elle confor-
moit entierement le sien. Voicy ce qu'en
a escrit en sa Relation vne Maitresse des
Nouices du Monastere des Meres Vrsuli-
nes de Limoges. Elle prenoit vn singulier
plaisir à lire les Liures de la Mere Therese, la-
quelle elle imitoit de bien près, & souuent i'ay
ouy dire à ses Religieuses lisans sa vie entre-
elles que l'esprit de saincte Therese & celui
de Madame symbolisoit fort, & ie confesse
que ie ne la lis jamais que ie n'aye en mon

354 LES VERTVS DE LA V. MERE
esprit cette pensée que ces deux grandes
Saintes auoient de la ressemblance en leur
façon de proceder, & de la conformité en leur
humeur & naturel. Pour mieux compren-
dre la verité de ces paroles, remettez-
vous en memoire celles que i'ay désja
rapportées d'un R. Pere de la Compagnie,
à Monsieur le Comte pere de la V. Mere,
que si elle viuoit soixante ans, & qu'elle
fust bien assistée, ce seroit vne seconde
Mere Therese de I E S V S. Bref pour finir
ce nombre qui pourroit bien s'estendre
dauantage, le grand Patriarche de la
Compagnie de I E S V S Sainct Ignace de
Loyola, sa mort luy donnoit de si grands
sentimens de deuotion, qu'elle voulut en
estre entretenüe peu auant sa mort, comme
cette mesme Religieuse qui auoit comman-
dement de lire cette mort pour l'en entre-
tenir l'a rapporté, & tout ensemble ce qui
arriua par le moyen de cét entretien, qui
est trop remarquable pour estre obmis,
voicy ses paroles tirées mot à mot de sa
Relation. Elle prenoit vn singulier plaisir
d'entendre lire la mort des Saints durant sa
maladie, elle me fit donner la Vie des Bien-
heureux Sainct Ignace, & S. Xavier, alors im-
primées de nouveau, tous les iours il luy falloit
rendre compte de ce que i'auois leu, elle l'escon-

roit avec vne attention si grande que i'en fus toute honteuse quand ie m'en souuiens ; parce qu'estant ieune ie ne pouuois gueres bien m'acquitter de cette charge , & vn iour estant mal au possible , elle me commanda de luy raconter pour se résjouyr, la mort de saint Ignace, ce que faisant , elle tesmoignoit vne deuotion & esmotion extraordinaire, ce qui fut cause que les Religieuses m'ayans fait signe de me taire ; Non (dist elle) nullement, ie prends plaisir à ouyr ce que ie dois bien-tost faire.

CHAPITRE XII.

De ses grandes Penitences.



A sainte Espouse dans le Cantique est comparée à vne baguette de fumée qui s'eleue du milieu du desert : mais baguette composée de deux aromes de l'Encens , & de la Mirrhe , pour nous donner à entendre que les deux aisles qui eleuent l'ame dans le desert de ce monde , sont l'Oraison representée par l'Encens, & la Penitence & maceration du corps , de laquelle la Mirrhe

356 LES VERTVS DE LA V. MERE
à raison de son amertume, est le symbole
assez naïf. Iesçay bien que cette verité ne
sera pas goustée de certains esprits amis
de nouveauté, qui en ce siecle, comme
s'il n'estoit pas désja assez chargé de nou-
uelles doctrines, en sement vne qui est au-
tant pernicieuse comme elle a de nou-
ueauté, enseignans que les penitences ex-
terieures & macerations de la chair sont si
esloignées d'estre necessaires à la vraye
Oraison, qu'elles luy sont plustost nuisibles,
comme si vn corps mortifié & mal traité
n'estoit pas propre pour estre tenu longue-
ment en l'Oraison : Mais pour faire voir
la vanité de cette doctrine, laquelle ne
trouuera que trop d'escoliers qui seront
bien aises de l'apprendre, parce qu'elle fa-
uorise la chair, laquelle jamais personne
n'a haye, il suffit de descouvrir sa nou-
ueauté, & pour descouvrir cette nouveau-
té, c'est assez de jetter les yeux sur quel-
ques-vns de ceux, qui en tout temps ont
esté fort auancez en l'exercice de l'Orai-
son & contemplation, ou de prester l'o-
reille à leurs discours. Le grand Apostre
qui auoit des contemplations aussi subli-
mes qu'il s'en puisse auoir en cette vie,
publie à haute voix parlant du traite-
ment qu'il faisoit à son corps, qu'il le

chastioit & maceroit. Et en vn autre endroit il tesmoigne ouuertement que les ieunes, la nudité, & autres afflictions corporelles luy estoient familiares: Traitement bien esloigné de ces macérations & disciplines interieures du temps, & traitement neantmoins qui luy estoit ordinaire, comme l'on peut remarquer souvent dans ses Epistres. En quoy les Saincts Peres qui ont esté plus grands contemplatifs, & dauantage adonnez à l'Oraison l'ont imité serieusement, comme en sont fidelles tesmoins les Basiles, les Hierosmes, les Gregoires, & tous ces hommes incomparables qui se sont esloignez de la conuersation des hommes pour jouir de celle de Dieu, changeans les deserts les plus affreux en des Paradis: Et en ce mesme siecle où nous viuons, laissant à part tous ceux que la sainte Eglise a receus au nombre des Saincts qu'elle honore, qui ont esté amis passionnez des austeritez & chastimens de leurs corps. La Seraphique Mere sainte Therese, qui comme les plus doctes & plus spirituels reconnoissent, a esté donnée pour Maitresse de l'Oraison & contemplation en nostre siecle, ne s'est pas

358 LES VERTVS DE LA V. MERE
contentée de rendre sa vie vne preuue
continuelle de cette verité, puis que si
elle a esté vne coline d'Encens, elle a
esté vne montagne de Mirrhe, ains l'a
grauée dans ses elcrits fort souuent,
mais specialement lors que parlant à ses
Religieuses en son chemin de perfection,
elle a dit. Vous sçauiez qu'afin que l'Orai-
son soit vraye, il la faut aider de ieunes,
de disciplines, & de la garde du silence,
pource que les plaisirs & l'Oraison ne
s'accordent & compatissent pas bien
ensemble, c'est IESVS-CHRIST qui
a semé cette doctrine en son Eglise, c'est
luy qui l'a nourrie & conseruée, & c'est
luy aussi qui l'inspira à la Venerable Me-
re son Espouse, qui correspondit si heu-
reusement à son inspiration, que les
aspretez & macerations de la chair luy
ont esté tousjours des delices fort suaués,
& les bons traitemens des supplices in-
supportables, & que toute sa vie a esté
esleuée, nourrie & consommée dans la
penitence & dans l'austerité. Les ieunes
les plus aspres luy ont esté familiers
dés l'aage d'onze à douze ans; car deslors
elle entreprit, comme nous auons veu, de
ieusner durant sept ans tous les Samedis.

au pain & à l'eau en l'honneur de la tres-saincte Vierge, ce qu'elle obserua tres-estroitement. A l'aage de dix-sept à dix-huict ans elle commença de ieusner tout le Carefme au pain & à l'eau, comme ie le collige de ces paroles qui sont encore esclrites de sa main. *Je ieusneray le Carefme au pain & à l'eau comme i'ay désja fait deux années, & m'a esté permis de ma Superieure, & Pere spirituel.* Car ce papier a esté escrit, comme i'ay monstré en son lieu, pour le plus tard en ses premiers exercices, qui furent faits enuiron la vingtiesme année de son aage. Outre cela elle ieusnoit encore tous les Mercredis, Vendredis, & Samedis de l'année tres-estroitement; car dés ses premiers exercices elle s'abstenoit en ces iours d'œufs & de fromage, comme il est escrit dans ce mesme papier. Bref on peut dire que sa vie estoit vn ieusne continuel, car elle ne beuuoit iamais de vin, ne mangeoit iamais de chair que par force & pour obeïr, car voicy ce qu'elle a laissé par escrit. *Je mangeray le moins de chair qu'il me sera possible, & n'en mangerois point du tout par ma Volonté, mais voyant que i'en inquieterois ma Superieure, & d'autres Religieuses, & ferois murmurer ceux qui me*

Verroient , i'en prendray comme par penitence, & pensant que Dieu le veut ainsi. Elle escriuoit cecy auant qu'auoir embrassé la Reformation , mais quand mettant sous les pieds toutes sortes de murmures & contradictions , elle se jetta dans icelle ; alors elle s'adonna à des austeritez si grandes , qu'on peut dire qu'elle a renouvelé en nostre siècle celles de ces anciens Hermites qui passoient leur vie dans le desert. Ses ieufnes estoient tels (comme ses Filles, dont le tesmoignage est irreprochable, ont rapporté.) qu'elle demouroit trois ou quatre iours sans prendre rien , & les iours qu'elle mangeoit , c'estoit plustost mourir de faim que non pas se nourrir : Car quelle nourriture ? elle prenoit seulement trois petits morceaux de pain d'orge , & vn verre d'eau tous les iours. Ne voila pas vn vray prodige d'abstinence en vne ieune Dame , delicate , foiblette , tousiours indisposée ? Ne voila pas des ieufnes comparables aux abstinences incomparables des plus austeres Saincts ? Mais que faisoit-elle de ce qu'on luy donnoit pour son repas ? elle en dispoisoit selon le conseil du grand Sainct Leon , faisant que son abstinence estoit la refection du pauvre , & em-

ployant à la charité & misericorde ce
 qu'elle dénioit à son corps: de sorte que
 l'on pouuoit dire d'elle ce que S. Sydonius
 disoit d'une femme fort vertueuse, qu'elle
 se repaissoit de jeusnes, & les pauvres d'ali-
 mens; ou ce que saint Hierosme a dit d'un
 tres-saint Euesque de Tholose, qu'à l'i-
 mitation de la vefue de Sarephtha, mourant
 de faim elle repaissoit les autres, & que
 portât une face palle à force de jeusner, ce
 n'estoit sa faim qui luy donnoit de la peine,
 mais bien celle d'autrui. Mais reuenons à
 ses jeusnes & à la mauuaise nourriture
 qu'elle donnoit à son corps: portée de l'ar-
 deur de son amour, & de la haine qu'elle
 auoit conceüe contre soy-mesme, affectiōs
 qui n'estoient temperées ny arrestées par
 personne, car elle rencontra fort tard un
 Directeur; elle traitta si impitoyablement
 sa chair, qu'il luy arriua comme à beaucoup
 d'autres grands seruiteurs de Dieu, & entre
 autres à saint Bernard, qui fut d'affoiblir
 extremement son estomach: Aussi comme
 ses Religieuses voyans le peu de nourriture
 que leur bonne Mere prenoit, craignans
 qu'elle ne subsisteroit pas viuât de la sorte,
 prioient un iour le R. Pere qui la gouuer-
 noit, & elles aussi, qu'il luy fist prendre quel-
 que peu de viande plus nourrissante, il leur

Non mi-
 nus se ie-
 iuniis quā
 cibis pau-
 peres pa-
 scit. lib. 6.
 Epist. 2.

Vidua Sa-
 reph: en-
 sis imita-
 tor esu-
 riens pa-
 scit alios,
 & ore pal-
 lente iei-
 uniis, fame
 torquetur
 aliena.
 Epist. 4.

362 LES VERTVS DE LA V. MERE
repliqua qu'elle auoit tellement fermé son
estomach par ses austeritez & mauuaistrait-
temens, que si on la pressoit de manger da-
uantage, ce seroit assez pour la faire mou-
rir. Aux grands ieusnes, elle adjoustoit des
disciplines tres-rigoureuses. Auant qu'elle
eust veu aucun de ces instrumens si propres
à dompter la chair, elle auoit fait vne disci-
pline, & la prenoit trois fois la sepmaine:
mais son amour croissant, elle chastioit son
pauvre corps avec cét instrument, si souuét,
& avec tant de violence, qu'on eust dit que
son corps eust esté plustost de marbre que
non pas de chair. Sa discipline (comme
ceux qui l'ont veüe le rapportent) estoit à
sept cordons, chacun des cordons ayant
vne grosse espingle au bout: ses Filles luy
disoient quelques-fois que c'estoit trop,
mais elle leur respondoit qu'elle ne vouloit
pas faire la discipline sans se faire bien du
mal, & certes il ne faut pas douter qu'elle ne
s'en fist beaucoup, & qu'avec vn instru-
ment si rude elle ne tirast du sang en abon-
dance de son corps: ce qui fut recogneu
vne fois avec assurance, quoy qu'elle
eust vn soin extreme de se cacher, du-
rant qu'elle se traittoit avec tant de rigueur:
car faisant vn iour la discipline, vne de
ses Religieuses entendant le bruiet, s'ap-

GALIOTE DE S^{te} ANNE. Lij. II. 363
procha du lieu où elle estoit, & comme
elle ouyt que quelqu'un s'approchoit, elle
se retira soudainement, de peur d'estre
recogneue, & alors cette Religieuse en-
trant dans ce lieu caché, y trouua gran-
de abondance de sang. Ce ne luy estoit
pas assez de se donner la discipline,
ce qu'elle n'obmettoit iamais, si ce n'est
lors qu'elle estoit attachée au liêt. Elle
employoit en outre vne Religieuse en
laquelle elle se fioit beaucoup, pour l'ai-
der à chastier son corps. *J'ay ouy dire*
(rapporte vne de ses Religieuses) qu'elle
se faisoit discipliner fort souuent par vne Re-
ligieuse, de laquelle ie le tiens, qui luy rendoit
cet office. Son amour à la penitence, & le
desir insatiable qu'elle auoit de matter son
corps, ne se terminoit pas aux ieusnes,
& aux disciplines, car celles qui ont ves-
cu sous sa conduite, assurent que le
cilice & ceinture de crein de cheual
estoit son pain quotidien, ce sont leurs
termes. Mais voyons ses inuentions
admirables en cette matiere. Aupara-
uant qu'elle eust pû recouurer des ci-
lices & haires, elle enueloppoit son
pauvre corps dans de la toille de crain
de cheual : mais en fin ayant trouué vn
corset & forces ceintures de crain, elle

assembla le tout ensemble, en fit vne chemise entiere, dont elle se reue estoit, & avec quelques cordes pleines de nœuds elle se lioit le corps fort durement. Que peut-on dire de plus rigoureux? n'estoit-ce pas se mortifier tout le iour pour l'amour de Dieu? N'estoit-ce pas porter en tout son corps la mortification de Iesus-Christ? Mais encore n'est-ce pas tout, elle adjoûtoit aux ieunes, aux disciplines, aux cilices, aux haïres, des chaisnes & des ceintures de fer, car voicy les paroles de celuy qui a esté son Superieur depuis la reformation; *Touchant l'amour qu'elle portoit à la penitence & aux austerez corporelles. Elle se plaignoit à nous souuentes-fois que sa regle n'estoit assez austere; & avec grande instance nous a requis plusieurs fois de luy permettre de grâdes mortifications & austerez, de ieunes, de cilices, & disciplines, & qu'il luy fust permis incessamment de porter le reste de ses iours la haire ou le cilice, ceintures de fer poignantes, & autres aspretez. A tout cela i'adjoûte volôtiers pour acheuer ce Chapitre les veilles que les Saints mettent au nombre des inuentiōs dont vsent les âmes amies de la penitence pour mattr leur chair, veilles qui estoient tres-grandes en la Venerable Mere, puis que comme on peut auoir remarqué de ce qui a esté dit par*

lant de son Oraison, elle ne dormoit que
trois ou quatre heures au plus, & encore
avec beaucoup d'incommodité, & ces
veilles si longues qui sembloient abréger sa
vie, faisoient qu'elle viuoit plus qu'elle n'eust
fait, car (comme remarque vn saint Ar-
cheuesque) plus on veille, & plus on vit; en
effect il n'y a rien qui rapporte tant à la
mort qu'un homme plongé dans le sommeil,
ny rien qui soit si plein de vie qu'un hom-
me occupé à veiller.

Reuera
plus vigi-
lare plus
viuere est,
quid enim
tam mor-
ti simile
quam dor-
mientis a-
spectus?
quid tam
vita ple-
num quam
forma vi-
gilantis?
Chrysol.
serm. 24.

CHAP. XIII.

De sa rare mortification.

Oùt ce qui a esté mis en auant
au Chapitre precedent, décou-
ure avec beaucoup de clarté le
peu d'amour que la Venerable
Mere portoit à sa chair, & l'affection qu'elle
auoit à la matter & mal traiter, pour em-
pescher que iamais elle ne se rebellast con-
tre l'esprit. Mais ce que j'ay reserué pour ce-
luy-cy seruira pour faire cognoistre le soin
qu'elle auoit à denier & refuser à cette mes-
me chair tout ce qui eust pû luy estre agrea-
ble, en quoy gist vne bonne partie de la

366 LES VERTVS DE LA V. MERE
mortification , soin qui a esté si grand en
elle , que iamais homme voluptueux &
adonné à ses plaisirs , n'a pris tant de peine
à rechercher tout ce qui peut conten-
ter sa chair , & qu'elle ne manque pas de
luy demander , comme vne sang-süe insa-
tiable , comme elle en a pris pour retrâcher
& soubstraire à son corps toutes sortes de
commoditez & consolations , quoy qu'elle
les luy pûst donner licitement , & sans of-
fence de Dieu : Car on seroit bien en pei-
ne de remarquer quelqu'un de ses exer-
cices journaliers , dans lequel elle ne se
soit mortifiée , puis qu'elle a exercé cette
vertu , & lors qu'elle prenoit son repas , &
lors qu'elle prenoit son repos , & dormoit ,
& lors qu'elle faisoit son Oraison , & lors
qu'elle estoit assise : & en ses vestemens ,
& en son liét , & en son trauail , & durant
le cours de sa maladie , & peu auparauant
sa mort , elle se mortifioit lors qu'elle pre-
noit son repas ; ie ne dis pas seulement par-
ce qu'elle ieusnoit si souuent , & prenoit de
si pauvre nourriture , comme il a esté
dit : mais aussi pour autant que auant
que de se mettre à table elle seruoit
pour l'ordinaire ses Filles , & quand elle
estoit obligée par obeysance de manger
de la chair , elle en retiroit tout à faict

son affection, & la mangeoit comme par penitence ; que si on luy donnoit du potage qui luy agreast , elle iettoit de l'eau dedans pour n'en recevoir pas tant de goust en le mangeant. Voicy ce que rapporte sur ce suiet vne de ses Religieuses. *Elle avoit mille inuentions pour se mortifier à table , comme de mettre de l'eau froide en son potage , leuer vn pied , baïsser l'autre , changer sa portion avec vne autre , lors qu'il luy estoit commandé de manger de la viande , afin de n'avoir pas plus que les autres.* Elle se mortifioit en son repos & sommeil. Premièrement en ce qu'elle en retranchoit autant qu'il luy estoit possible , & puis en ce que ayant donné la charge à vne Fille de chambre , qu'elle avoit avant la reformation , de l'éveiller au plus fort & au meilleur de son sommeil ; elle luy avoit commandé que si elle tesmoignoit de la repugnance à se leuer , elle la tirast hors du liét. Elle se mortifioit durant son Oraison en diuerses manieres, car elle se prosternoit au commencement d'icelle la face en terre, pour le moins durant vne demie heure , elle estendoit les bras en croix vn fort long-temps, elle tenoit les genoux tous nuds contre terre pour l'ordinaire, tout le long de son Oraison, aussi bien

368 LES VERTVS DE LA V. MERE
en Hyuer qu'é Esté, quoy qu'elle eust beau-
coup d'indispositiōs aux jambes. Bref quoy
qu'elle se tint à genoux durant son Orai-
son, iamaïs on ne l'a veuë s'appuyer. Elle
se mortifioit lors qu'elle estoit assise, cher-
chant les lieux qui luy pouuoient donner
de l'incommodité : & ses Filles rapportent
qu'une de leurs compagnes la vit une fois
assise sur des cloux, & que le sang ruisseloit
abondamment. Elle se mortifioit en ses ve-
stemens, n'en ayant point d'autres en Hy-
uer, quelque froidure qu'il fust, qu'en Esté, &
neantmoins s'approchant fort rarement du
feu, & encore quand elle s'en approchoit,
c'estoit par maniere d'acquit, & comme fe-
roit une personne qui ne ressentiroit point
le froid, quoy qu'elle ne pouuoit pas man-
quer d'en ressentir beaucoup, soit à cause
de la froideur grande du climat, soit à cause
que son corps estoit fort tédre & delicat, soit
aussi à cause des legers vestemens qu'elle
portoit. Que si on luy dōnoit quelque cotil-
lon qui fust neuf, la premiere Religieuse
(soit reformée ou non) qu'elle voyoit auoir
de la necessité, elle s'en dépouilloit & le
luy donnoit, estant bien aise d'auoir occa-
sion de s'incommoder pour accommoder
son prochain. Elle se mortifioit en son liét,
se contentant quelque fois d'auoir pour
liét

liet, la terre dure, & couchant assez longtemps sur de la paille seule iusques à ce que son Pere spirituel le luy defendit, après quoy elle se contentoit d'un pauvre matelas, sur lequel elle couchoit toute vestuë durant sa santé, & ce matelas mesme luy donna du scrupule peu de temps avant sa mort, le Demon qui connoissoit l'amour qu'elle portoit à la mortification, luy suggerant pour lors afin de la troubler qu'elle mouroit trop à son aise, ainsi qu'elle le signifia au Religieux qui l'assistoit, elle se mortifioit en son travail, car lors qu'elle travailloit avec quelque autre, elle choissoit tousiours pour soy ce qui estoit plus humble, plus penible & plus fascheux. Bref elle se mortifia durant le cours de ses maladies, ne se plaignant iamais lors qu'elle estoit malade, & ne refusant rien de ce qu'on luy ordonnoit & faisoit prendre, pour contraire qu'il peust estre à son goust, & pour grande que fust son amertume, au contraire tesmoignant tousiours vne grande tranquillité & vn visage fort content, & consolant lors de son plus grand mal, les assistans : Mais ce que i'y admire dauantage, c'est qu'elle mit courageusement en pratique cét aduis peu connu & moins gousté, quoy qu'il soit digne

370 LES VERTVS DE LA V. MERE
d'estre graué dans le cœur de tous ceux qui
veulent viure spirituellement, dans lequel
la Seraphique Mere sainte Therese de
IESVS conseille de ne iamais cesser de s'hu-
milier & mortifier iusques à la mort. Car
celuy qui aura leu ce qui s'est passé durant
les huit dernières iournées de sa maladie,
fera forcé de reconnoistre qu'elle a veri-
tablement suiuy cét aduis si releué, & que
la seule mort bornant sa vie, a donné des
bornes au desir insatiable qu'elle auoit de
se mortifier. Je ne veux pas repasser icy
ce qui a esté dit en son lieu, seulement j'ad-
jouteray vne action fort remarquable de
mortification qu'elle fit deux ou trois
iours auant sa mort. Elle auoit tesmoigné
desirer grandement de manger d'un cer-
tain fruit nouveau qu'on tascha de re-
couurer, & qu'ayant trouué on luy appor-
ta : Quand elle l'eut à son commande-
ment elle ne voulut pas y gouter, ains
mortifiant son desir qui deuoit estre dauan-
tage excité par la presence de la chose de-
sirée, elle le partagea à ses Religieuses
qui estoient dans sa chambre, & en en-
uoya à celles qui n'y estoient pas ; façon
de faire qu'elle auoit eüe durant le cours
de sa maladie, touchant les confitures
qu'on luy apportoit, car elle les partageoit

GALIOTE DE S^{te} ANNE. Liv. II. 371
entre ses Filles sans y toucher. Ce sont là
des tesmoignages irrefragables d'une tres-
sublime & toute continuelle mortification.
Mais si n'est-ce pas tout de qui s'en peut
dire, il reste encore à rapporter deux re-
marques qui semblent mettre sa vertu de
mortification au plus haut point où elle
puisse arriuer. La premiere est, que si elle
voyoit que dans la maison il y eust quel-
que mal qui fust dangereux, ou qui fust
horreur aux autres à voir & à toucher,
elle en prenoit tousjours la charge de-
fendant que personne ne s'en messât.
C'estoit elle qui nourrissoit de sa main
ceux qui en estoient atteints, c'estoit elle
qui descouuroit leurs playes, qui les
voyoit, qui les nettoyoit, qui y applic-
quoit les remedes; tellement qu'on peut
dire à bon droit d'elle ce que S. Hierôme
a dit d'une grande Dame Romaine, *Que*
souuent elle a lauë & nettoyé le pus des
playes que personne n'osoit regarder pour
leur infection, & que souuent elle a donné
à manger aux malades de sa main. L'ad-
jousteray que souuent elle a tenu le bassin
lors qu'ils estoient contrains de vomir, &
que iugeât quelquefois necessaire de retirer
quelque chose du milieu de ce qu'ils auoient
vomi, elle le retiroit avec ses propres mains:

*Quoties
lauit pu-
rulentam
vulnerum
sanien ,
quā alius
aspicere
non vale-
bat , præ-
stabat ci-
bos pro-
pria ma-
nu. Ep. 30,*

Bref, que s'il falloit appliquer quelques remedes qui fussent de fort mauuaise odeur, elle s'en chargeoit & le faisoit elle-mesme, dequoy, outre les exemples rapportez parlant de sa charité, i'apporteray celui cy, qui est, qu'un certain mal de teste estant arriué à vne ieune Damoiselle qui demandoit pour estre receuë au nombre de ses Religieuses, & les Medecins ayans ordonné pour la guerison d'iceluy certains onguens dont on deuoit luy oindre la teste, de si mauuaise odeur que personne ne les pouuoit supporter, elle l'entreprit (car iamais elle ne laissoit escouler ces occasions de se mortifier) & appliqua ces onguens à cette Damoiselle iusques à ce qu'elle la vid guarie tout à fait: Toutes lesquelles actions elle faisoit, non pas qu'elle n'eut le cœur fort delicat, & qu'il ne luy bondit souuent, & ne luy donnât de l'auersion à les faire, mais parce qu'elle auoit vne ame forte & genereuse qui passoit par-dessus la complexion de la nature, & avec la grace de Dieu s'en faisoit vn degré pour s'auancer en la mortification. La seconde action que i'ay à remarquer, & qui sans doute surpasse toutes les autres, c'est ce qui luy arriua lors qu'elle prit le soing de cette pauvre femme, qui auoit recours à sa mise-


ricorde après avoir receu des playes qui la rendoient si horrible, & si hydeuse à voir, que le Chirurgien mesme ne voulut pas s'en charger : l'histoire a esté rapportée fidèlement autre part, mais non pas cecy que j'ay reserué pour ce Chapitre comme pour son lieu propre. Vn iour estant accompagnée d'une de ses Religieuses, qui avec beaucoup d'importunité auoit en fin obtenu d'aller voir penser cette pauvre femme, car elle estoit seule faisant cét office de charité, sans vouloir que personne eut part à cette horreur, elle commença à leuer les linges qui estoient sur l'une des playes, & à la descouvrir, & aussi-tost ou la veüe, ou le pus, & la puanteur qui en sortoit leur causa à toutes deux vn grand mal de cœur : mais que fit alors la V. Merc, ceda elle à ce mal ? Recourrit elle la cause d'iceluy ? Quitta-elle cette lice toute ouuerte de mortification ? Non certes, ains s'esleuant au dessus de soy-mesme, & tirant du courage de l'infirmité de son cœur pour remporter vne glorieuse victoire, elle se ietta sur la playe, appliqua sa bouche à ce dont la seule veüe luy faisoit bondir le cœur, & baïsa ce lieu d'infection si longtemps qu'elle se vid affranchie de son mal de cœur. Action heroïque ! action plus ad-

374 LES VERTUS DE LA V. MERE
mirable qu'imitable ! Action qui l'a mise
au sommet de la mortification. Je ne m'a-
muse pas à représenter les circonstances
de cette action qui luy donnent vn poids
incroyable , parce que i'escris vne hi-
stoire , & non pas vn Panegyrique de
louanges : seulement ne veux-je pas ob-
mettre la recompence qui suiuit l'action
qu'elle mesme descouurit à cette Sœur qui
l'auoit accompagnée , l'assurant que ja-
mais du depuis elle n'auoit trouué aucune
difficulté à cét exercice de charité, Dieu
ayant fortifié son foible naturel , en quoy
neantmoins il ne faut pas qu'on s'imagine
qu'elle cessa d'auoir du merite en ce mes-
me exercice : car comme quand vne ame
fait vne action heroïque de vertu par la-
quelle elle en acquiert vne habitude par-
faite, qui fait qu'elle ne ressent plus de dif-
ficulté en la pratique des actions de cette
vertu, la facilité grande qu'elle a à les pra-
tiquer ne luy oste pas le merite, car au con-
traire elle merite dauantage que quand elle
y ressentoit de la difficulté, pour autant que
c'est sa ferueur & son courage qui luy a ac-
quis cette facilité ; de mesme quand vne
ame par vne action heroïque de mortifica-
tion se rend tres-facile vn exercice tres-
difficile de soy , & auquel elle auoit aupa-

GALIOTE DE S^{te} ANNE. Liu. II. 375
rauant cette action vne repugnance in-
dicible, elle ne diminuë en rien son me-
rite, ains au contraire l'accroist, parce que
c'est par la grandeur de son courage qu'elle
a donné la chasse à la difficulté qu'elle y
ressentoit.

CHAPITRE XIV.

*De son parfaict détachement de tout ce
qui empesche l'Ame de voler à la
perfection.*

 OROASTRE, & après
luy Platon, parlans de
nos ames, disoient que
dés le commencement de
leur creation, Dieu leur
auoit donné des aïles pour s'esleuer à
luy, mais que s'abaissans aux choses cor-
porelles, elles les auoient perduës; &
comme les Escoliers de Platon luy de-
mandoient le moyen pour recouurer
ces aïles, il respondoit qu'il falloit
auoir recours aux eaux qui decouloient
de la fontaine du Paradis. Cette doctri-
ne monstre assez que ce Philosophe
Aa iiij

auoit mis le nez dans les Liures de Moyse, quoy quen'ayant pas la lumiere de la Foy, ses discours & ses responcez soient fort obscures & accompagnées de fables. La verité est donc que nos ames qui sont créées pour s'esleuer à Dieu qui est leur centre, depuis le peché du premier homme qui leur a rauy la justice originelle qu'elles eussent eu au point de leur creation, ont beaucoup de liens & de chaines, qui les attachans à la terre, les empeschent de s'esleuer à Dieu, lesquelles chaines il faut que l'ame brise & rompe si elle veut auoir ce bon-heur. On ne scauroit douter que la Venerable Mere n'aye brisé tous ces liens, & ne se soit affranchie de tous ces pieges, puis-que jamais son ame n'a rampé sur la terre, ny trempé iamais dans les affections materielles & terrestres, ains s'est tousjours esleuée à son Dieu, & à la perfection de son estat : Neantmoins pour rendre plus accomply le discours de sa mortification, à laquelle appartient selon le sentiment des Peres de la vie spirituelle, de destacher l'ame de tous les liens qui la peuvent retenir, ie veux donner encore ce Chapitre, qui apres auoir mis en auant les principales attaches qui retiennent les ames, monstrera qu'elle les a brisées, &

s'en est affranchie fort parfaitement: Je sçay bien que le nombre de ces pieges & de ces liens est si grand, qu'on pourroit dire avec vn grand Sainct, que toutes choses en cét Vniuers en sont pleines, mais si veux-je les reduire à quelque nombre, & en apporter seulement six ou sept. Le premier de ces liens est nostre chair, le desir de la conten-ter, & de luy accorder ce qu'elle demande. Le S. Esprit compare cette chair à vn poids qui affaisse l'ame, & la fait pan-cher en bas; & S. Gregoire de Nazianze dit qu'elle ressemble à la Remore, petit poisson, qui neantmoins s'attachant à vn Naui- re, pour grand & chargé qu'il soit, l'ar-reste, & l'empesche de voguer, malgré l'ef- fort & le soufflé de tous les vêts. Le second lien est l'affection des biens terrestres, des richesses, & des commoditez, car comme le cœur de l'ame demeure là où se trouue son affection, qui est son thresor: cette af- fecti- on, qui ne respire que la terre, ne peut manquer de lier l'ame à la terre, & l'empes- cher de prendre son essor au Ciel: D'où vient que saint Augustin a dit que l'ame attachée & liée par cét amour terrestre res- semble aux oiseaux qui ont les ailles en- gluées, & qui à cette occasion ne peuvent voler. Le troisieme arrest naist de l'am-

Multi la-
quei quo-
cumque
progre-
dimur, la-
quei in
corpore,
laquei in
lege, &c.
Ambros.
lib. 3. in
Luc.

Anima ob-
bligata a-
more ter-
reno vis-
cum ha-
bet in pen-
nis volare
non po-
test.

378 LES VERTUS DE LA V. MERÉ
bition des honneurs & des dignitez, il est
bien vray que cette ambition esleue les
ames de la terre : mais c'est comme Her-
cule esleuoit Anthée pour l'estouffer plus
facilement, ou à la façon du Demon, qui
esleua & porta nostre Sauueur sur le Pina-
cle afin qu'il se precipitast du haut en bas :
en vn mot cette ambition esleue les ames
pour leur faire prendre vne plus grande
cheute, & les retenir dauantage de voler à
Dieu. La quatriesme chaisne, c'est le trop
grand amour des parens ; amour qui fait
beaucoup de dommage à l'ame, & plus que
l'on ne sçauroit croire, sur tout si elle vit
en Religion, car cét Oracle de sainte The-
rese est tres-veritable, que l'ame Religieu-
se qui desirera de voir ses parens pour sa
consolation, & qui ne s'en lassera à la se-
conde fois, si ce n'est qu'ils soient spiri-
tuels, qu'elle se tiennne & estime imparfai-
te, qu'elle croye qu'elle n'est pas encore
desnuée, & qu'elle n'est pas saine, &
qu'elle n'a point encore vne liberté d'e-
sprit, ny vne paix entiere, & qu'elle a
besoin de Medecin ; que si cela est, qui
peut douter qu'elle n'est pas propre pour
s'éleuer à la perfection, & que cét amour
la retient ? Le cinquiesme lien est vne
certaine complaisance & vaine estime de

la Noblesse terrienne , qui comme vne teigne s'engendre volontiers de cette mesme Noblesse dans les ames de ceux à qui la naissance l'a donnée : cette vaine estime ne manque pas d'arrester le vol de l'ame, & l'empescher de s'éleuer à la vraye Noblesse, car la perfection est de ce naturel, qu'il faut faire litiere de cette Noblesse pour l'acquérir. Elle ressemble à ce Throsne glorieux du Roy Salomon , où l'on arriue par vn escalier d'escarlatte, car il faut mettre la pourpre & la Noblesse de son extraction sous les pieds, & s'en faire vn escalier pour voler à Dieu, de qui se puisse la vraye Noblesse, cōme de sa source. Le sixiesme & dernier lien n'est autre que l'affection desordonnée à cette vie presente, lien plus arrestant qu'on ne pense, car s'il se presente à l'ame quelque action heroïque de vertu, sur tout de mortification, qui peut en moins de rien l'esleuer à vne grande perfection, & liberté d'esprit, si elle affectionne desordonnément sa vie ; la crainte qu'elle aura de nuire à sa santé & de haster ses iours, crainte qui procede de cette affection, & l'accompagne tousiours, luy glacera le cœur, l'empeschera de se resoudre à ces actions qui se presentent, & l'empes-

380 LES VERTVS DE LA V. MERE
 chera de voler. Voila six pieges & liens, qui
 font ceux dont le grand saint Anthoine
 vit le monde tout couuert, qui empeschoiēt
 les ames de s'esleuer à Dieu: Que si quel-
 qu'un trouue qu'il y en a parmy ceux-là qui
 sont fort foibles & legers, & partant de peu
 de consideration, ie ne conteste pas con-
 tre luy, n'en estant pas icy le lieu, & me
 contente de luy mettre deuant les yeux ces
 paroles d'un des plus excellens & plus
 éclairez Maistres de la vie spirituelle qui
 aye paru en ces derniers temps, lesquelles
 meriteroient d'estre écrites en lettres d'or,
 tant elles sont remarquables. Qu'importe
 si un oiseau est attaché par le pied d'un fi-
 let, ou d'une corde, pourueu qu'il ne s'en
 puisse voler; ie sçay bien que l'un est plus
 aisé à rompre que l'autre, mais s'il ne le
 rompt il ne s'en sçauroit voler: ainsi est-il
 de l'ame qui s'est liée à quelque chose, la-
 quelle avec toutes ses vertus, ne paruiendra
 jamais à la liberté de l'union diuine. Ve-
 nons maintenant à celle laquelle nous a
 donné sujet de rapporter ces six liens, &
 voyons combien parfaitement elle les a
 brisez & esloignez de soy, & pour les trois
 premiers, il n'est pas necessaire de
 s'y arrester beaucoup, car par ce qui
 a esté dict iusqu'à present en diuers

*Le B. Pe-
 relean de
 la Croix
 au liu. 1.
 de la mō-
 tée du
 mōt Car-
 mel,
 chap. 11.*

rencontres, sur tout aux deux Chapitres precedens, & ce qui sera dit cy-après parlant de son humilité & de sa pauvreté, il est tout évident qu'elle n'a esté liée ny retenuë, ny par l'amour de son corps ou de ses aïses, ny par l'affection des biens ou commoditez terrestres, ny par l'ambition des honneurs, & de l'estime imaginaire des hommes, puis-que les ieunes estoient sa nourriture, les disciplines ses delices, le cilice, la haire, & autres tels instrumens ses robbes de parade, les longues veilles son repos, la pauvreté ses richesses, les incommoditez sa commodité, & le mespris & humiliation ses honneurs; Tellement qu'il ne reste plus que les trois derniers, qui ont esté aussi foibles en son endroit que les premiers. Elle s'est affranchie du quatriesme, qui est l'affection desreglée des parens, car quoy qu'elle les aimât autant que peut faire vne ame bien née, cét amour neantmoins demeuroid dans les termes de la perfection, & estoit regi & réglé par celuy de Dieu; de sorte que cét amour ne luy fit iamais faire chose aucune, ie ne dis pas qui fut contraire à ses obligations, mais qui fut moins conforme aux volonte de son Bien-aimé. Voila pourquoy, & lors qu'elle s'adonnoit à vne vie retirée, peni-

382 LES VERTVS DE LA V. MERE
tête, & esloignée de la liberté qui s'estoit introduite dans son Monastere, & lors qu'inspirée de Dieu elle commença d'y introduire par son exemple la vie Spirituelle, & interieure, & lors qu'elle se determina à en bannir la relasche & liberté enuieillie : Les contradictions & oppositions que luy fit son pere, & ses autres parens, & le reste de leurs efforts pour la destourner de tout cela, qui ne procedoient d'autre part que du grand amour qu'ils luy portoient, n'eurent aucun pouuoir sur son ame, & furent tout à fait inutiles pour ce à quoy ils estoient employez. Outre cela, auant la reformation, les visites des parens estans familiares aux Religieuses, luy estoient incogneuës : On ne pouuoit gagner sur elle qu'elle sortist du Monastere pour cét effect, excepté pour visiter son pere, encore estoit-il necessaire que sa Superieure l'y amenast avec soy, & si pour lors ses larmes tesmoignoient assez avec quel regret elle y alloit. Mais depuis qu'elle se fut jettée dans l'Exercice de l'Oraison, elle rejetta tellement de soy l'affection de parler à ses parés, que decourant avec franchise & verité son sentiment à Monsieur le Comte de Vaillac, son frere, lequel elle cherissoit & aimoit plus

que personne qui fut pour lors au monde de tous ses parens, excepté le R. Pere Bernard de saint Ioseph , qui à cause de sa profession & de sa pieté, tenoit le premier lieu en ses affections, elle luy disoit qu'elle seroit fort contente de le voir, & luy donner vne apresdisnée au Parloir vne fois tous les ans, mais à condition que de tout le reste de l'année elle ne fut obligée de le voir, ny de luy parler; Bref le détachement qu'elle auoit de ses parens estoit tel, qu'estât au Chœur occupée avec Dieu, elle n'en eust pas bougé iusqu'à la fin, quand ils fussent tous venus à son Monastere pour la voir. Le cinquiesme lien, qui est la vaine estime de la Noblesse d'extraction, l'aussi peu attachée & retenuë que les autres, elle sçauoit fort bien estant éclairée d'en haut que cette sorte de Noblesse est vne pure faueur de la nature, qui n'éclatte qu'autant qu'on la releue par la vertu: Aussi ne prenoit-elle aucun plaisir qu'on l'entre tint de la grandeur de la maison dont elle estoit sortie, & lors qu'on luy en parloit; *Helas* (disoit-elle) *que sert tout cela si on perd la grace de Dieu, comme i'ay fait par mes grands pechez* : Paroles qui naissoient du grand sentiment de son humilité, quoy que iamais ses pechez ne luy eussent

384 LES VERTVS DE LA V. MERE
fait perdre cette grace, dequoy nous parlerons au Chapitre suiuant. Elle ne se contenta pas de retrancher le plaisir qu'elle eut peu prendre à estre entretenüe de la grandeur de sa Noblesse, ains elle en rejetta autant qu'il luy fut possible les apparences exterieures qui peuuent fomentier la vanité. Les Religieuses qui entroient dans son Monastere retenoient le nom de leur maison, ce fut elle qui la premiere quitta celuy dela sienne, & qui prit le nom de Galiete de sainte Anne, ne se signant iamais du depuis autrement: elle laissa aussi les armes de la mesme maison, & prit au lieu d'icelles vne Croix de son Ordre, qu'on appelle Croix à huit pointes, avec vne teste de mort au dessous, comme il se voit encore par le cachet dont elle se seruoit en ses lettres, que j'ay tenu entre mes mains. Elle brisa en fin la sixiesme & derniere chaine, qui est l'affection desreglée à cette vie: affection qui n'eut iamais de place en son cœur, comme la vie qu'elle a menée, & les penitences excessiues qu'elle a embrassées dès son ieune aage, le descouurent suffisamment. Deux outrois fois durant sa vie elle a esté affligée de maladies qui l'ont menées iusques aux portes de la mort, & desquelles on croyoit asseurement qu'elle mourroit:

mouroit , la premiere desquelles luy arriua au vingtieme de son aage , & neantmoins jamais elle ne fit paroistre aucune affliction de se voir si proche de ce passage, ains au contraire de la ioye & du contentement , marque tres-assurée qu'elle auoit cette vie en souffrance , & que la mort estoit le but de ses desirs : car en effect elle n'auoit point de discours plus agreable après celuy de Dieu que celuy de la mort , elle ne pouuoit se saouler d'en parler , elle la portoit tousjours en sa memoire. Et quand on la venoit voir elle ne vouloit pas ouyr parler que Dieu luy donnât longue vie , ains plustost demandoit-elle qu'on priât de la vouloir retirer de ce monde , ayant ces paroles assez souuent en bouche, *Il faut mourir* : & c'est pour cela qu'elle composa ses armes ayant quitté celles de sa maison, d'une Croix, & d'une teste de mort : Armes qui estoient tres-conuenables aux deux principales affections de son ame , qui estoient d'endurer, & les souffrances manquans, de mourir, & d'aller voir son Dieu : Tellement qu'elle eut bien peu y ajouter pour deuise ces paroles qui estoient familiares en sa bouche, les ayant prises de la grande sainte Therese, ou *pâir*, ou *mourir*, ou la Croix,

386 LES VERTVS DE LA V. MERE
ou la mort. Voila comme ceste ame
tres-vertueuse a brisé tous ces liens, voila
vn destachement tres-accomply, qui fait
qu'on peut dire d'elle ce qu'un grâd Sainct
a dit de sainct Elie, & de S. Iean Baptiste,
qu'ayant couppé tous les liens qui la pou-
uoient retenir elle a volé puiffamment au
ciel, & à l'vnion avec Dieu.

Vinculis
omnibus
recisis li-
beris, ac
peruici-
bus pedi-
bus tan-
quam ala-
ti in cælū
euolarunt.
Chrysoft.
*lib. de Vir-
gin. c. 79.*

CHAPITRE XV.

De sa profonde Humilité.

Conteri-
tur ani-
mus, &
per effica-
cem po-
nitentiam
examina-
tur, vnitur
vero, atq;
(vt ita di-
xerim) ad-
miscetur
Deo per
aquam in-
regerimi
lustras, ex
quo etiam
igne do-
mini suc-
censa so-
lidatur in
panē san-
ctā humi-
litas.
Grad. 35.



Ainct Iean Clymacus a dit ex-
cellemment que la vertu d'hu-
milité depend de la Penitence
comme le pain de la farine:
car c'est la Penitence qui broye
l'esprit, & le reduit comme en farine salu-
taire, de laquelle destrempee avec les lar-
mes, & cuite au feu de l'amour diuin, se
forme le pain sauoureux d'humilité, qui
est celuy qui affermit le cœur de l'hom-
me: C'est pour cela qu'après auoir traicté
de la Charité ardente de la Venerable
Mere, & de sa Penitence & mortification,
ie passe à son Humilité profonde; mais que
personne ne s'attende que ie m'efforce à

l'entrée de ce Chapitre de représenter l'excellence & la suauité de cette vertu, tant de Liures qu'on en a escrit iusqu'à present n'en ont que trop pour ceux qui l'ont, & que trop peu pour ceux qui ne l'ont point : car (comme ce mesme Sainct a fort bien remarqué) ceux qui pensent par leurs discours en éclaircir les ames qui n'en ont jamais goûté, ressemblent à celuy qui s'efforce d'exprimer par paroles & par exemple la douceur du miel à quelqu'un qui n'en a jamais tasté. Qu'on ne s'attende donc pas que i'entreprenne de descouurir la grandeur & la douceur ineffable de cette vertu diuine, & pour sa necessité ie diray seulement que toutes les vertus assemblées en vne ame sans en estre accompagnées, sont aussi assurées que la poussiere qui est exposée au soufflé de tous les vents, aussi fermes & solides que l'edifice basti sur le sable mouuant, & d'aussi peu de durée que le feu allumé dans vne lampe où il n'y a point d'huile pour sa nourriture. D'où vient que comme le moindre vent dissipe la poussiere exposée de la sorte, & la premiere rauine d'eau met par terre l'edifice si mal estably, & comme le feu allumé dans cette lampe est presque aussi-tost esteint qu'il est al-

388 LES VERTUS DE LA V. MERE
lumé ; de mesme ces vertus amassées
sans humilité ne sçauroient subsister tant
soit peu. La Venerable Mere n'a pas
amassé & assemblé les vertus avec tant
d'imprudence , elle n'a pas esleué son edi-
fice interieur sur vn fondement si pauvre
& si ruineux, & comme elle estoit du nom-
bre des sages Vierges, elle a garny abon-
damment la lampe de son cœur, dans la-
quelle brusloit le feu du saint Amour, de
l'huyle de l'Humilité. Il est bien vray qu'elle
auoit en son ieune aage beaucoup d'oc-
casions de se jeter dans la vanité & estime
de soy mesme , sa qualité , & la noblesse
de la maison dont elle estoit sortie , qui
n'enfle que trop souuent des ames de
beaucoup moindre exaction , & les en-
leue comme des pailles , l'estime qu'on
faisoit d'elle , & les honneurs qu'on luy
rendoit, les exemples qu'elle voyoit tous
les iours dans le Monastere où Dieu l'a-
uoit appelée qui luy donnoient assez de
sujet de tenir sa grandeur : Bref les com-
mandemens de ceux qui auoient de l'au-
torité sur elle , qui s'efforçoient de faire
en sorte qu'elle la tint : Mais tout cela
n'eut aucun pouuoir sur son ame , & plus
on luy commandoit, & plus elle s'humili-
oit, n'ayant toute sa vie, mesme dès

GALIOTE DE S^{te} ANNE. Liu. II. 389
son enfance, eu autres desirs que de seruir.
Nous auons rapporté au premier Liure,
qu'en son aage enfantin en ses recreations
elle vouloit tousjours estre la seruante des
autres, & qu'aagée de six à sept ans ayant
pris l'habit, il ne fut pas possible de ga-
gner sur elle qu'elle se laissât preferer à ses
plus anciennes & marchât deuant elles,
ains qu'il fallut ceder à l'abondance des
larmes qu'elle versoit, & qu'aagée de
douze ans comme après auoir fait sa pro-
fession, & desirant passionnément de se
rendre Religieuse Feuillantine, on luy
dist pour l'en destourner qu'il luy faudroit
refaire son Nouitiat, & estre la derniere
de toutes, elle respondit en ces termes
qui n'exhalent qu'humilité; *Las ! quelles
nouuelles pleines de consolation m'apportez-
vous là, si i'auois desir d'y aller, maintenant
il redouble, & seroit plus grand si ie croyois
estre Sœur laye ; Et qu'à l'aage de quin-
ze ans elle monstra vne auersion incroya-
ble à estre coadjutrice de la Prieure de
l'Hospital, n'acceptant cette charge qu'à
contre-cœur : comme ses larmes abon-
dantes le tesmoignerent assez, & l'ayant
acceptée, n'exerçant aucune action de
superiorité, & qu'à l'aage de seize ans*

Bb iij

elle auoit accepté le Prieuré de Fieux pour s'aller cacher en ce Monastere fort retiré, & peu habité, & y mener vne vie d'Humilité. Toutes lesquelles remarques sont des marques asseurées de l'a-
 uersion qu'elle auoit à estre Maistresse, & de son affection à seruir, sentimens qui ne partirent jamais de son cœur. Com-
 bien de fois a elle dit à ses Religieuses qu'elle eust voulu de tres-bon cœur si c'eust esté la volonté Dieu, estre fille d'v-
 ne pauvre femme qui demeureroit dans le Bourg de l'Hospital ; *Parce (disoit-elle) que si cela estoit l'on ne m'auroit pas contrain-*
te d'accepter le fardeau que ie porte, parlant de la Superiorité ? Et certes elle vfa
 de beaucoup d'industrie pour ne pas estre chargée de ce fardeau, & y apporta
 beaucoup de resistance, non seulement
 lors qu'on la fit coadjutrice de la Prieu-
 re du Monastere de l'Hospital, ce que
 i'ay representé en vn autre endroit, ains
 beaucoup dauantage, lors que le Visiteur
 de ce Monastere n'ayant pas voulu per-
 mettre qu'elle embrasât vne vie plus
 estroite & plus austere, voulut en outre
 qu'elle demeurât avec la superiorité à la-
 quelle cette ame tres-humble sentoit en
 son ame vne si grande auersion, qu'il n'y

eut pas peu de peine pour la luy faire accepter. Estant Supérieure elle fit bien paroistre le grand desir qu'elle auoit d'estre la seruante des autres : car il n'y auoit office si humble & si abject dans la maison où elle ne fut tousjours la première, elle aydoit souuent la cuisiniere à accommoder les viandes de ses Religieuses, elle les seruoit pour l'ordinaire, durant qu'elles prenoient leur repas, les mortifications qu'elle faisoit au Refectoire estoient tousjours les plus humbles, elle lauoit souuent la vaisselle, ne voulant pas que celle qui l'aydoit l'essuyât, ny qu'elle frotast les pots & chaudieres, reseruant tousjours cela comme le plus humble pour sa part : elle aydoit souuent la Sacristaine, & balioit volontiers l'Eglise; elle disoit à ses Religieuses, *Hélas ! qu'il me tarde que nostre maison ne soit du tout fermée, afin que nous puissions faire à nostre aise la cuisine sans que personne nous voye.* Car ce luy estoit vn sensible desplaisir quand le monde sçauoit les actions de vertu qu'elle pratiquoit; elle n'estoit pas du nombre de certaines personnes deuotes qui parlent volontiers de leurs vertus, & qui ont tousjours en la bouche les graces que Dieu leur

392 LES VERTVS DE LA V. MERE
fait , ou qu'elles s'imaginent receuoir de
luy , Ames vaines qui se seruent de la deuotion & de son habit pour nourrir leur vanité : La Venerable Mere ne parloit jamais de ses vertus , & pour les graces que Dieu luy faisoit qui n'estoient pas imaginaires , mais très-veritables , & tres grandes , iamais on ne l'en oyoit parler , & ce luy estoit chose insupportable que d'autres en parlassent en sa presence , on ne pouuoit luy faire vn plus grand desplaisir. Que si ceux qui en parloient estoient personnes à qui elle n'ozât rien dire , son silence , & la rougeur de son visage parloient pour elle , & tesmoignoient assez le mescontentement qu'ils luy donnoient : mais si c'estoit personnes sur qui elle eust du pouuoir , & de l'autorité , elle leur commandoit sur le champ de se taire , & leur tesmoignoit le desplaisir qu'ils luy causoient. Et pour rabattre les mouuemens de vanité qui pouuoient naistre de l'estime des hommes , elle disoit pour l'ordinaire qu'elle n'estoit pas autre deuant les hommes que deuant Dieu : sentiment qu'elle auoit commun avec le vray Espoux de l'Humilité Sainct François : car Sainct Bonauenture rapporte en la vie de ce Sainct , qu'il auoit

accoustumé de dire que l'homme n'est rien dauantage que ce qu'il est deuant les yeux & en l'estime de Dieu. Ceste auersion qu'elle auoit à ouïr parler de ce qui la pouuoit mettre en l'estime des hommes estoit accompagnée de sa sœur, qui est le plaisir de voir ses fautes & ses imperfections descouuertes, & d'en receuoir l'aduertissement. Quand on reprenoit la Venerable Mere de quelque manquement, ou qu'on luy disoit qu'elle auoit fait quelque faute & imperfection, elle en receuoit vn grand contentement, & en sçauoit fort bon gré à ceux de qui venoit cette reprehension. Nous auons dict qu'ayant entrepris la Reformation de sa Maison, elle se retira pour quelque temps dans le Monastere de sainte Claire de Tulles, pour apprendre la regularité, là dedans elle donna des tesmoignages admirables de son Humilité profonde: car la Mere Superieure dict en sa Relation qu'elle s'abyssoit toute dans l'Humilité: mais surtout elle y fit éclatter cette affection dont nous parlerons: Voicy ce que cette mesme Superieure en a rapporté. *Estant au Chapitre elle estoit fort attentine à escouter ce que les Religieuses disoient: Apres la premiere fois qu'elle y eust assisté, elle commença & continua tousiours à dire sa coulpe, sans qu'il fut à mon pouuoir de*


Verbum
hoc dice-
re solitus
erat, quā-
tū homo
est in oculis
Dei,
tātum est
& non
plus. c. 6.

l'en empescher, & tenoit vne si bonne methode à dire ses deffauts qu'elle se faisoit des confusions notables, trouuant fort beau que l'on s'accusast de tous ses deffauts extérieurs. & mesme des intérieurs: elle mesme disoit iusques à ses menues pensées. Estant retournée au Monastere avec les autres beaux reglemens, elle y introduisit aussi celuy cy qui luy auoit semblé si beau, à cause de la grande conformité qu'il auoit avec les affections de son humilité: & parce qu'estant Superieure personne ne luy eut remonstré ses fautes: car les Superieurs ont cela que leurs deffauts sont mieux veus & plus scindiquez que ceux des inferieurs, comme l'eclipse du Soleil arreste bien davantage sur soy les yeux & les discours des hommes, que celles de la Lune ou des autres Astres, & neâtmoins qu'on les leur remontre fort peu souuent; voicy ce qu'elle fit pour y remedier, rapporté par celle qui y estoit employée. Son humilité estoit si grande qu'elle m'auoit donné charge de luy remarquer ses fautes, encore que ie fusse la plus ieune des Nouices; chose à moy grandement difficile de remarquer des fautes en vne personne qui estoit si admirable en toutes sortes de vertus; la crainte que i'auois de luy desplaire faisoit que i'en trouuois là où il n'y en auoit pas, ce qu'il falloit que ie fisse vne fois toutes les semaines estant inter-

GALIOTE DE S^{te} ANNE. Liu. II. 395
rogée par elle. Cette interrogation arri-
uoit les iours auxquels elle tenoit le Cha-
pitre , où l'on reprend les fautes qui ont
esté remarquées en la maison , ses Reli-
gieuses l'ont laissé par escrit en ces paro-
les. Lors qu'elle tenoit le Chapitre , apres que
toutes les sœurs s'estoient accusees , elle faisoit
rentrer la plus ieune Novice , & la faisoit as-
sise en sa place : & se mettant à genoux , luy
disoit ses fautes , l'interrogeant en outre de
celles qu'elle auoit remarqué , les escoutant
attentiuellement , & tesmoignant du contente-
ment pour donner courage à celle qui les luy
disoit.

CHAP. XVI.

*De quelques sentimens admirables
que luy donnoit sa profonde
Humilité.*

 Ntre les diuers sentimens
que la vertu dont nous par-
lons engendre dans l'ame
qui la possède , l'un des pre-
miers & plus eminens est
de s'estimer grand pecheur deuant Dieu,

sentiment qu'on ne doit pas s'imaginer n'estre propre qu'aux ames qui ont veritablement commis de grandes offences, ains qui est aussi fort familier à celles qui ont vescu dans vne grande innocence & pureté de conscience, comme l'on peut remarquer dans leurs vies, & ce sentiment procede de la grande approche qu'elles ont à Dieu, duquel à mesure que nous nous approchons d'auantage, nous nous estimons plus grands

Viri sancti quāto ad Deum propius accesserūt tanto se iniquiores agnoscunt. Doctrina 2.

pecheurs : cette doctrine qui semble paradoxique, est neantmoins tres-veritable : & S. Dorothee excellent maistre de la vie spirituelle en a donné vne preuue fort familiere, & neantmoins tellement efficace qu'avec icelle il contraignit vn celebre personnage qui trouuoit cette doctrine fort difficile de l'estimer tres-veritable, & d'y adiouster foy. La Venerable Mere qui s'approchoit si pres & si souuent de Dieu par le moyen de son Oraison ; conçeut aussi ce sentiment de foy-mesme, & s'estima grande pecheresse parlant en tels termes de ses pechez (que comme le docte Ribera en la vie de la Seraphique Mere sainte Therese a remarqué) que si on vouloit prendre pied aux paroles avec lesquelles elle se plaint de ses pechez, on les iugeroit auoir esté grieux & mortels tant elle les exaggere, incitée par

ce sentiment d'humilité : aussi peux-je dire que si on auoit esgard aux parolles de la Venerable Mere touchant ses offences, on se laisseroit emporter à croire qu'elles auroient esté grieues & mortelles, quoy que neantmoins tout le cours de sa vie passé avec tant de modestie, retenue, fuite du monde, & auersion du mal, & roulé dans l'exercice continuel des vertus, & sur tout de la mortification, ne me permettent pas de reuocquer en doute qu'elle n'aye eu le bon-heur de viure le peu que Dieu l'a laissée en ce monde sans souiller son ame d'aucun peché mortel, comme ie l'ay déclaré plus amplement autre-part : Mais considérons les parolles qui naissoient de ce sentiment quand on luy parloit avec louange de sa Noblesse, elle disoit que cela ne luy seruoit de rien puis qu'elle auoit perdu la grace de Dieu par ses grands pechez : & apres que Dieu l'eut illuminee particulièrement en l'exercice de la priere mentale & contemplation, parlant du temps auquel elle auoit vescu sans cette lumiere & sans la connoissance des choses spirituelles, elle souloit dire avec sentiment fort intime. *Où estiez-vous, mon Dieu, en ce temps-là, quand ie ne vous cognoissois pas ? Vous estiez près de moy, & ie vous offensois tant. Les mouue-*

398 LES VERTUS DE LA V. MERE
mens & les affections de son ame correspon-
doient à ses paroles ; car lors que quel-
que malheur arriuoit, elle n'en recherchoit
point d'autres causes que ses pechez : ce-
stoit à eux seuls qu'elle l'attribuoit lors
qu'elle se voyoit entourée de contradi-
ctions, soit de la part de ses parens, soit de
la part des Religieuses mesmes qui fai-
soient tout ce qui leur estoit possible pour
empescher ses sainctes resolutions ; elle
se tournoit à son bien-aymé, & souspi-
rant amoureusement luy disoit : *Je le vous*
disois bien, mon Dieu, que mes pechez empes-
cheroient vostre plus grande gloire en cette mai-
son, si toutesfois vostre Volonté est que i'y de-
meure : ie ne refuse point le travail ny la peine,
car mes pechez en meritent mille millions de fois
dauantage. Que peut-on dire de plus re-
signé, de plus courageux, & de plus hum-
ble ? N'estoit-ce pas s'estimer grande pe-
chereffe ? N'estoit-ce pas attribuer tous ces
obstacles & ces oppositions à ses pechez,
quoy que neantmoins elles procedassent
bien d'autre part ? Elle leur attribuoit aussi
le peu de profit que ses Religieuses fai-
soient en la perfection, & les fautes &
imperfections dans lesquelles elles se lais-
soient aller, car lors qu'elles luy com-
municoient leur interieur, & luy des-

couuroient leurs fautes , elle auoit accoustumé de leur dire. *Ne trouuez pas estrange si vous tombez en des imperfections, vous n'estes pas seules en cela , i'y tombe aussi bien que vous, & ie suis la cause de vos cheutes par mes pechez.* A ce sentiment si profond i'en veux adiouster deux ou trois, qui sans doute prennent leur source d'iceluy. Le premier est qu'elle rejettoit & fuyoit toute sorte d'esclat & d'apparence extérieure , c'est ce qui fit qu'elle quitta & le nom & les armes de sa maison, comme il a esté dict: C'est ce qui fit que les autres Superieures ses deuancieres ayans accoustumé lors qu'elles faisoient faire quelques reparations au Monastere, d'y faire poser les armes de leur famille & noblesse , elle coupa broche à cette coustume propre à fomentier la vanité , & en toutes les reparations qu'elle fit faire en cette maison qui furent fort belles, elle se contentoit d'y faire mettre vne croix de son Ordre , & vne teste de mort au dessous , qui sont deux instrumens fort propres pour faire mourir la vanité. C'est ce qui la rendit si secrette en ses communications avec Dieu , si muette pour parler des faueurs qu'elle receuoit de luy,

400 LES VERTVS DE LA V. MÈRE
& qui l'obligeoit lors qu'elle sentoit quelque effect extraordinaire de l'amour de Dieu , qui estoit pour paroistre en l'exterieur de se cacher autant que son office le luy permettoit. C'est en fin ce qui fit que les noms mesmes qui sembloient honorables luy donnoient de la confusion. Son bon Frere le Carme, dans les lettres qu'il luy escriuoit, luy donnoit le nom de Mere, comme à celle qui estoit Superieure : Mais voycy ce qu'elle luy rescriuit à ce subiect dans vne lettre dattée du 21. Ianuier de l'année 1617. *Permettez que ie vous demande la faueur & le bon-heur que vous ne m'appelliez par vos lettres d'autre nom que de celuy de sœur, car celuy de mere me rend trop confuse, considerant ce qui est en moy & ce que ie suis: i' auois delibéré de me mortifier en cela de ne vous en rien mander, mais il n'a esté en moy. Le second de ses sentimens estoit qu'elle se desioit entierement de soy-mesme, & ne s'appuyoit nullement sur sa capacité ou prudence, quoy qu'elle fut telle qu'un chacun qui conuersoit avec elle l'admiroit : en tout ce qu'elle deuoit faire, soit pour le temporel, soit pour le spirituel; elle recouroit premierement aux assistances diuines, & par apres elle demandoit auis auant que de le faire, la deffiance qu'elle auoit de soy-mesme la poussant à ce-*
la

la en quoy elle procedoit avec tant d'humilité, qu'ayant de la difficulté en quelque point de la vie spirituelle, elle s'adressoit aux plus ieunes Nouices pour en estre éclaircie, estant bien informée que (comme a dict diuinement saint Augustin) la première voye pour arriuer à la cognoissance de la verité c'est l'humilité, la seconde l'humilité, la troisieme l'humilité. Et quand elle alloit trauailler à la cuisine, elle n'y faisoit rien qu'au prealable elle n'eut demandé comment il falloit le faire, quoy que la cuisiniere eut esté la moindre de la maison, faisant par apres exactement cōme elle luy auoit dit. Mais si iamais elle dōna à cognoistre ce sentimēt de propre desffiance, ce fut lors qu'ayāt cōmēcé d'establis sa reformation, quoy que Dieu qui l'auoit choisie pour cela, luy communiquast de grandes lumieres, elle voulut se retirer dans vn Monastere de sainte Claire, & se commettre à la conduite de la Superieure d'iceluy, pour apprendre ce qu'elle desiroit introduire dans sa maison. Le troisieme & dernier de ces sentimens est celuy qu'un ancien Pere, au rapport de S. Iean Clymacus, appelloit l'oubly irreuocable des biens qu'on a faicts; sentiment qui a esté vigoureux en cette ame tres-humble, lors mēme que son corps

Ad capes-
sendam &
obtinenda
humilitatem
multevia,
prima humi-
litas, secunda
humilitas,
tertia humi-
litas. ep. 56.

402 LES VERTVS DE LA V. MERE
estoit sur le declin de sa force & vigueur.
Car immediatement auant qu'elle rendit
son ame à Dieu, le bon Religieux qui l'assi-
stoit en ce passage, qui cognoissoit les tre-
sors de son ame, & la vie excellente qu'elle
auoit mené, luy disant qu'elle s'en allast
à la bonne heure jouir de la recompence
que Dieu luy auoit preparée pour ses tra-
uaux & bonnes œuures, elle luy dict en be-
gayant, qu'il ne luy parlast point de recom-
pence, mais de misericorde & de pardon;
non pas qu'elle n'eust fait des bonnes œu-
ures pour lesquelles elle deuoit attendre la
Couronne, & vne grande recompence du
iuste Iuge, mais parce que son humilité l'a-
uoit mise dans cet oubly irreuocable des
grands biens qu'elle auoit faicts.

CHAPITRE XVII.

De sa Pauvreté.



A vertu de pauvreté suit volon-
tiers l'humilité, comme celle de
qui elle prend sa naissance; car
le vray humble ne s'estudie pas
d'estre reputé & tenu pour humble, en
quoy plusieurs se trompent, mais pour vil

& abject. Et quel plus court moyen de se rendre vil & abject qu'en embrassant la pauvreté, puisque les pauvres sont la lye & le rebut dans l'Vniuers? Mais c'est deuant les yeux des hommes charnels; car deuant ceux de Dieu cette vertu rend le pauvre si grand & si sublime, que comme s'il deuenoit vn mesme avec Dieu. Il crie (dict S. Chrysologue) qu'on luy a donné ce que le pauvre a receu, qu'il publie auoir mangé ce qu'on a donné au pauvre pour sa nourriture, & qu'il assure qu'on luy a versé à boire ce qu'on a versé au pauvre pour esteindre sa soif: c'est cette rare vertu qui nous oste la terre pour nous donner le ciel; c'est elle qui nous despoüille & deschargé des fardeaux de cette vie, afin que nous puissions suiure le Sauueur qui s'est esioüy pour courir dans sa carriere à pas de Geant, qui ne sçauoit estre suiuy par celuy qui est chargé. Cette vertu a esté grandement chérie de la Venerable Mere, iamais auare n'a tant aymé ses richesses & ses thresors comme elle a cheri les thresors de la pauvreté. Je veux que ce soit ses Religieuses qui parlent en ce Chapitre, rapportant fidellement ce qu'elles ont laissé par escrit touchant cette vertu de leur Mere, dans la relation qu'elles ont faicte en forme

Sibi datus
clamat
quod pau-
per accep-
perit se
manduca-
re ducit,
quod co-
mederit
pauper,
quod bi-
bere pau-
per sibi
statu-
tus fuit.
serm. 14.

404 LES VERTVS DE LA V. MERE
d'abregé de sa vie, avec beaucoup de naïf-
ueté; voicy donc leurs paroles. *Que dirons-*
nous de sa pauvreté? Quelle affection n'a-elle pas
tesmoigné porter à cette sainte vertu, tesmoin
la hayne qu'elle a eüe toute sa vie d'estre Supe-
rieure de deux Monasteres fort riches? Quelle
peine n'a-elle pas prise pour quitter tout pour s'en
aller jetter dans le pauvre Monastere de sainte
Claire en saint Cyprien de Tholozé, desir qu'elle
auoit conçu depuis qu'elle estoit la vraye mai-
stresse de tous ces Monasteres? Mais quelle con-
solation ne receuoit-elle pas de penser seulement
qu'elle seroit vn iour si pauvre qu'elle n'auroit
pas du pain pour manger, & encore que tout ce-
luy qu'elle auroit luy seroit donné par aumosne?
Nous estions trois qui scauions son dessein, &
ponuons dire en toute verité, que si iamaïs nous l'a-
uons veüe contente, c'estoit quand elle nous par-
loit de cela, qui estoit toutes les fois qu'elle se pou-
uoit trouuer seule avec nous. On eut bien de la
peine à la destourner de son dessein, & iamaïs el-
le n'en peût estre dissuadée qu'on n'eut tout mis
en communauté avec ses Religieuses: lors qu'elle
s'en alla en Cause passant par Tholozé, elle ne
manqua pas d'aller remercier ces bonnes meres
de la charité qu'elles luy auoient faicte de la re-
ceuoir en leur communauté, leur tesmoignant par
des larmes la sainte enuie qu'elle leur portoit.

Quand on mit la Communauté en son Monastere, elle fut la premiere à donner ce qu'elle auoit sans se reseruer vne seule espingle plus qu'une autre pour son particulier. Elle portoit sarobbe toute rapiecée. Vne fois un bon Pere Capucin parlant avec elle, & luy voyant racommoder sa robbe, luy demanda pourquoy elle n'en auoit vne meilleure, ou bien pourquoy elle ne la faisoit racommoder par quelque autre Religieuse, luy disant que c'estoit partrop se mortifier. Comment se mortifier, mon Pere ! Apprenez (luy dit-elle) que ie ressens plus de consolation portant ma robbe rompuë, que non pas quand elle est toute neuue, & ce que ie fais à present est pour fuir l'oisiueté. Elle ne vouloit point permettre que chose du monde nous manquast de ce qui nous estoit necessaire, mais pour elle la plus grande partie du temps, elle estoit si necessiteuse qu'elle donnoit de la compassion à la voir, & particulièrement l'Hyuer aux plus grands froids, estant fort miserablement vestuë, car elle ne portoit rien que quelque simple cotte, avec sa robbe rompuë. Quand nous parlions à elle en particulier, nous luy en disions ce qui nous en sembloit, apprehendans tousiours de la perdre comme nous fismes. Helas ! mes filles (nous disoit-elle) ne vous mettez pas en peine, ie ne suis que trop bien, & mieux mille fois que ie ne merite. Il estoit besoin que les sœurs

406 LES VERTUS DE LA V. MÈRE
qui auoient les charges en la maison, prissent bien
garde de luy donner le peu qui luy estoit necessai-
re; car iamais elle n'eust rien demandé, quelque
necessité qu'elle eust peu auoir. Elle prenoit vn
grand plaisir à faire des mortifications au Refe-
ctoire, particulièrement de demander par au-
mosne ce qu'elle deuoit manger: elle desiroit aussi
grademēt que ses Religieuses eussent cet esprit de
pauvreté sur toutes les autres vertus: que si elle en
voyoit quelqu'une qui fit quelque faute contre
icelle, elle estoit fort exacte de luy faire faire la
penitence qu'elle meritoit. Mais si elle en apper-
ceuoit quelqu'une attachée à quelque chose, elle
l'en prinoit incontinent pour luy oster cet empest-
chement de la vraye pauvreté. A sa dernière
maladie qui fut de dix mois tous entiers, elle ne
voulut iamais permettre, pour si mal qu'elle peust
estre, qu'on luy mit dans son liēt sinon vn simple
matelas, encore que sa peau fut percée en six en-
droits: & à l'heure de sa mort elle dict au Pere qui
l'assistoit, qu'elle auoit vne tentation de mourir
si bien à son aise dans vn si bon liēt: il fallut que
le Pere la consolant luy commandast de mourir
contente de ce costé, puis que luy & ses filles le
vouloient ainsi. Elle portoit vne grande de-
uotion à saint François, à cause qu'il auoit
esté si pauvre & si grand amateur de la pau-
vreté. Tant qu'elle a vescu depuis qu'elle eut

GALIOTE DE S^{te} ANNE. Liu. II. 407
tout mis en communauté avec ses Religieuses , rien ne la mortifioit si sensiblement comme quand la despensiere luy vouloit donner quelque chose de particulier ; car alors elle en témoignoit vn si grand ressentiment , qu'on estoit contraint de desister, & de la laisser viure comme les autres. Ce sont les paroles de ces bonnes Religieuses , dans lesquelles quiconque sçaura tant soit peu que c'est que vertu de pauvreté , remarquera sans beaucoup de trauail en la Venerable Mere vne affection tres-grande à cette vertu , vn soing continuel de se desnuer & depouiller de tout , & de la cultiuer en son ame , vn grand desir de l'establir dans sa reformation , & de la faire goûter à ses Filles , soit par son exemple , soit en les destachant de tout. Bref la pratique genereuse d'icelle iusques au dernier soupir.

CHAPITRE XVIII.

De sa pureté Virginale & Angelique.

Templū
mentis
amo non
marmo-
ris aurea,
in illo Fū-
da menta
manēt fi-
dei, &c.
*lib. i. cōtra
Symma-
chum.*

Plus tēpli
æditua, &
antistes
pudicitia
est, quæ
nihil im-
mundum,
aut pro-
phanum
inferri si-
nat. *lib. de
cultu fœ-
min. cap. i*

Es Ames qui ont le bon-heur d'estre en la grace & amitié de Dieu , seruent de Temple au saint Esprit : mais Temple dont la structure & composition est admirable; ses fondemens (dit le Poëte Prudence, qui a pris la peine d'en faire la description) sont posez & establis sur la Foy, la Pieté est la matiere solide, dont les murail-les sont composees, la Iustice luy sert de toict, mais la pureté orne le paue de ce Temple de ses fleurs odoriferantes, & en garde l'entrée à tout ce qui en pourroit chasser cet esprit diuin, qui est ennemy mortel de toute impureté. Le Docte Ter-
tulan long-temps auant Prudence auoit appris que cette mesme vertu est la Pre-
stresse de ce Temple, & tout ensemble sa Portiere, pour empescher que rien d'im-
monde, rien d'impur n'y soit admis, qui puisse offencer les yeux de celay qui s'est basti ce temple, & luy donner sujet de le
quitter : Cet office si noble est commun à

toute sorte de pureté , & chasteté ; mais *vide Isid.*
 celle qui est virginale, qui surpasse en esclat *Peluf lib.*
 toutes les autres autant que la clarté du So- *3. Epist. 351*
 leil excède celle de la Lune, & du reste des *In carne*
 Astres. Cette pureté, disje, transforme les *præter*
 hommes par vn heureux changement de *carne vi-*
 Terriens en Celestes, d'hommes en An- *uere non*
 ges, ou plustost les releue au dessus de ces *terrena*
 esprits : car il est bien plus glorieux de con- *vita est ,*
 seruer l'integrité & incorruption à la poin- *sed cele-*
 te de l'espée dans des combats continuels, *stis , &c.*
 & portant vne nature qui panche à la cor- *Chrysol.*
 ruption, que de l'auoir par nature, & sans *serm. 1434*
 trauail. C'est en cecy que ie trouue la Ve-
 nerable Mere digne d'vne tres-grande ad-
 miration, car ie ne pense jamais à sa grande
 pureté, qu'il ne me semble ouyr son Espoux
 sacré la comparant à vn beau Lys, qui con-
 serue sa candeur au milieu des espines, veu
 que viuant dès son aage plus tendre , qui
 prend facilement les impressions de ce
 qu'il voit faire, soit bon ou mauuais dans
 vn Monastere , qui n'auoit ny regle , ny
 closture, ny retenuë, duquel la porte estoit
 ouuerte aussi bien aux hommes qu'aux
 femmes, dans lequel les recreations mon-
 daines auoient entrée, les visites des hom-
 mes estoient frequentes, les exemples de
 retenuë & pieté fort rares ; Bref dans le-

410 LES VERTVS DE LA V. MERE
quel les occasions de faire quelque brèche
à la pureté ne manquoient pas (quoy que
par vne grace speciale de Dieu ce Mona-
stere n'aye jamais donné sujet d'aucū mau-
uais bruit de ce costé là ;) viuant, disje, là
dedans comme dans des espines, elle a cō-
serué son integrité, & la pureté de son ame
auec tant d'auâtage, qu'il y a de la consola-
tion sensible à le considerer. On eut dit à
voir ses commencemēs qu'elle eut apporté
cette vertu du yêtre de sa mere, car dès son
plus bas âge, auquel elle n'auoit encore
presque point de connoissance & d'vsage
de raison, elle abhorroit les hommes, &
fuyoit leur compagnie comme la peste, même
celle de ses freres, n'en voulant jamais
voir, ny auoir en ses plus innocētes recrea-
tions, & cēt horreur qui estoit vn fort bou-
clier pour la conseruation de ce precieux
joyau luy demeura toute sa vie. Que si elle
en rencōtroit quelqu'vn par la maison elle
deuenoit rouge comme du feu : Aussi luy
estoit ce vne peine insupportable quād elle
se voyoit obligée de les entretenir au Par-
loir, & quand elle estoit sortie de cēt entre-
tien, elle disoit à ses Religieuses, *Helas, mes
Filles, que i'ay pârý ! y a-il Purgatoire plus grand
que celui-la ?* Qui peut douter qu'elle ne fut
soigneuse de s'abstenir tout à fait de leur
cōpagnie & entretien lors qu'elle n'y estoit

GALIOTE DE S^{te} ANNE. Liu. II. 411
point obligée, puis qu'elle y ressentoit vne
peine cōparable à celle du Purgatoire, lors
qu'elle y auoit de l'obligation? A cette fuite
de la cōpagnie des hommes, elle adjoütoit
vne precaution infatigable à ne permettre
que personne la touchât. Auant la reforma-
tion du Monastere, il y auoit cette coutume
transplantée du monde en iceluy, que les
hommes qui visitoient les Religieuses, les
baisoient en les salüant: cette coutume fort
peu conuenable à des ames consacrées à
Dieu n'eut point de lieu pour sō regard, car
jamais elle ne souffrit qu'aucun homme la
saluât de la sorte. Et comme la premiere an-
née de sa reformatiō Madame la Duchesse
d'Vzez sa parente, qui auoit grande enuie
de la voir, estant venuë au Monastere, &
l'ayant salüée, le Gentil-homme qui estoit
en sa compagnie se fut approché pour la
saluër & la baiser, elle le rebutta, & luy dist
qu'elle ne permettoit point que les hōmes
la baisassent: & le Gentil-homme qui sça-
uoit la coutume de ce Monastere luy di-
sant qu'on souloit saluër de la sorte les
Religieuses d'iceluy, elle luy respondit, *Je*
vous aduise que celane sera plus, & que cette
coutume sera bannie pour les autres avec la
grace de Dieu. Mais comment eut elle
souffert que l'on l'eut touchée au visage,

puis-que ses Filles asseurent que jamais en sa vie elle ne permit que personne luy touchât seulement les mains? Vne fois elle se desmit vn bras (comme il a esté dit autrepart) quand il fallut le raccommoder elle deuint si honteuse qu'elle ne voulut permettre que personne y assistât, sinon celles qui y estoient necessaires, & en sa derniere maladie elle defendit fort serieusement à ses Filles de toucher à son corps auparavant qu'elle fut morte, & le dernier iour de sa vie, quelque deux ou trois heures avant sa mort, comme le Pere qui l'assistoit voyât que la Religieuse qui estoit auprès d'elle, estant seule, ne suffisoit pas pour la tourner, luy eut dit qu'il l'ayderoit volontiers, s'il ne craignoit de tomber en irregularité, elle luy tesmoigna qu'encore qu'il le pourroit faire, elle ne le souffriroit point. Bref elle fuyoit de tout son possible toutes les occasions qui eussent peuant soit peu endommager la pureté, faisant en sorte que ses Filles fissent le mesme, & corrigeant aigrement celles qui apportoit les moindres negligences en ce subiet. Son dessein estoit en la closture de son Monastere, de la faire de telle sorte qu'il n'y restât pas vn seul trou par où les seculiers peussent voir les Religieuses, ny les Religieuses les se-

GALIOTE DE S^{te} ANNE. Liv. II. 413
culiers. Et pour dire beaucoup en peu de
paroles, ses Religieuses en leur relation
asseurent que les tesmoignages particuliers
que cette ame pure a donné pendant sa vie
touchant l'affection qu'elle portoit à cette
vertu celeste, sont en si grand nombre qu'il
n'est pas possible de les raconter par le me-
nu. C'est estude si grand de fuir & esloigner
de soy tout ce qui pouuoit donner ouuertu-
re en son ame à la moindre impureté, fit
qu'elle conserua vne si excellente pureté,
& vne innocence si grande, qu'il luy est ar-
riué ce qu'on admire tant en la grande
saincte Therese, & qui est certes admira-
ble en vne personne mortelle, corruptible
& fragile, que pour le regard des tentations
deshonnêtes, elle n'y entendoit rien, &
ne sçauoit que c'estoit. En voicy vne hi-
stoire digne d'estre remarquée, laquelle la
Religieuse en qui elle se passa, après l'auoir
attestée de bouche au Reuerend Pere Ber-
nard de saint Ioseph, a voulu en outre at-
tester par escrit dans vne lettre escrite au
mesme Pere, de laquelle ie la tireray mot à
mot, parce qu'on y pourra remarquer d'au-
tres beaux traits de la prudence de la Ve-
nerable Mere, & de son ardente charité
enuers celles qu'elle gouuernoit, & quel-
que image du commencement de sa Re-

formation. Lors qu'elle fut inspirée de quitter tout à fait les affections de la terre, elle le nous proposa, nous tesmoignant que si nous la voulions suivre, elle nous receuroit tres-volontiers, il y en eut six ou sept qui s'estimerent fort heureuses de se soumettre en tout & par tout à sa volonté, dont ie fus l'aorton, & ie peux dire en toute verité à vostre Reuerence, que jamais ie ne ressentis dans mon ame de telles consolations & douceurs que ie fis lors que ie me fus proposée de me resigner entre ses mains: Elle prit le soing depuis le commencement de nous parler en particulier presque tous les iours, fut pour sçauoir les desirs & grâces que Dieu operoit dans nos ames, ou bien pour nous instruire comment nous nous deuions comporter pour faire vn bon fondement en la vie spirituelle; mais c'estoit avec vne telle dextérité, que vous eussiez dit qu'elle n'auoit fait autre chose de toute sa vie, & si est-ce que pour lors elle n'auoit veu que fort peu de Liures, & parlé qu'vne fois à des Religieux: Mais encôre ce qui nous a donné toute nostre vie plus de desir de faire sa volonté, c'est que ie ne pense pas qu'elle nous aye iamais portées à faire rien, que premierement elle n'eussent comment il le falloit faire, & après, c'estoit avec vne telle douceur, que pour moy il me semble qu'au lieu des choses difficiles, ce n'estoit que plaisir & consolation: & en luy parlant ie luy disois;

Et qu'est-cecy Madame, on me vouloit faire accroire qu'il y auoit tant de tentations & difficultez au commencement de la vie spirituelle, & il me semble que ie n'eus jamais tant de repos. Je suis bien aise que cela soit ainsi (me respondit ma sainte Mere) mais assurez-vous ma Fille que le temps de l'espreuue viendra: Armez-vous bien seulement en attendant, & faites de fortes resolutions pour estre forte quand il plaira à Dieu de vous visiter; car ie m'assure que vous changerez bien de discours, ce qui fut bien de la façon qu'elle me l'auoit dit, car peu de temps après vne tentation contre la pureté me mit bien-tost à non plus, & ce qui me donnoit plus de peine, estoit que jamais ie ne m'osois descourrir, nostre Bien-heureuse Mere me voyant toute changée connut tout incontinent qu'il y auoit quelque chose d'extraordinaire en moy, & au plustost elle m'appella à part, & me dit qu'elle auoit connu qu'il y auoit en moy du changement, & qu'au nom de Dieu ie le luy disse franchement: elle auoit cette contume que lors qu'elle nous voyoit plorer en luy racontant nos imperfections, elle ploroit comme nous, elle n'y manqua pas cette fois, & après que ie luy eus dit ma tentation, elle me dist; Hélas! ma Fille, ie ne sçay que c'est, ce m'est vne chose inconnüe, & après demeura toute pensiue l'espace de cinq Pater, & après tout d'un coup se ietta sur mon col, & me

dit, *Courage ma Fille, ie vous promets de la part de Dieu que ces tentations ne sont que pour votre micux, ie le vous disois bien que nostre bon Dieu vous mettroit à l'espreuue, i'enuoieray querir vn Pere pour vous consoler, & pour m'instruire comment ie me dois comporter en tels euenemens, ce qu'elle fit.* Voila vne innocence & pureté bien grande, & qui me fait reconnoistre qu'une Religieuse de l'Ordre de sainte Claire, qui auoit esté receuë sous elle au Monastere de Fieux, lors qu'elle y demeueroit, a eu raison de dire, comme ie le rapporteray en vn autre endroit, que l'ame de la Venerable Mere estoit si pure & naïfue, qu'elle la croyoit en l'estat d'innocence: car n'est-ce pas en quelque façon viure en l'estat d'innocence, que de viure en la chair sans ressentir, ie ne dis pas les pointes & les aiguillons de la chair, mais sans auoir connoissance des pensées, qui comme espines & chardons naissent abondamment en cette terre tombée dans cette malediction à cause du peché? Mais cette grande pureté ne se contenoit pas dans son interieur, ains paroissoit fort clairement en tout son exterieur, elle estoit fort belle, & d'une fort belle taille, mais sa composition exterieure estoit si chaste, & si pure, qu'au lieu d'exciter quelque conuoitise mauuaise à ceux

à ceux qui la regardoient, ce qui n'est que trop familier à la beauté, elle leur donnoit envie d'aimer la pureté, comme peuvent témoigner ceux qui l'ont veüe; elle portoit les yeux bas, sans les laisser vagabonder d'un costé & d'autre, elle ne regardoit personne au visage, particulièrement quand c'estoit des hommes, son geste estoit fort composé, sa démarche graue & posée, ses paroles réglées, & accompagnées d'une grande douceur, toutes ses actions faites avec prudence & modestie signalée; bref tout son maintien extérieur tel, qu'il estoit seul suffisant pour donner témoignage de la grande pureté de son ame: Tellement qu'on pouvoit dire de son maintien extérieur ce que saint Ambroise a dit de la Reine & Mere des Vierges. Qu'elle n'auoit rien d'agard en ses yeux, rien de dissolu, ou libre en ses paroles, rien d'impudent en ses actions, que son geste n'estoit point mol ou affecté, sa démarche point précipitée ou incomposée, & sa voix point petulante, & que la composition extérieure de son corps estoit le simulachre de son ame, & l'image de sa probité & pureté.

*Nihil tor-
um in o-
culis, nil
in verbis
procax,
nihil in a-
ctu inue-
recūdum,
nō gestus
fractior,
nō inces-
sus solu-
tior, non
vox petu-
lantior, ut
ipsa cor-
poris spe-
cies simu-
lacrū sue-
rit mēis.
figura pro-
bitatis.*

*Lib. 2. de
Virgin.*

CHAPITRE XIX.

De son Obeysance.

Obeysance est le premier & le plus excellēt des trois vœux qui constituent essentiellement la profession Religieuse, parce que ce qu'il consacre à Dieu est d'un prix incomparablemēt plus grād que ce que les autres deux luy consacrent. La pauvreté immole à Dieu les biens & les possessions exterieures, despoüillant l'homme, non seulement de ses biens, ains aussi de leur affection. La chasteté sacrifie les biens du corps, sevrant l'ame des plaisirs & des delices corporelles, qui pourroient estre mesme licites : Mais l'Obeysance consacre les plus excellentes pieces de l'ame, qui sont l'entendement & la volonté, & en suite parce que ces deux puissances sont les maistresses qui donnent le bransle & regissent toutes les autres, lesquelles toutes dependent & releuent de ces deux, ou comme les Citoyens d'une ville bien policée du Seigneur d'icelle, ce qui conuient aux sens interieurs, & à l'appetit sensif, ou comme l'esclau de son Maistre, ce qui conuient aux sens exterieurs, ce vœu consacrant ces

deux puissances parfaitement , consacre
tout l'homme ; d'où vient que les Saincts
luy donnent le nom d'holocauste , mais
holocauste meilleur & plus agreable à
Dieu que les victimes , holocauste duquel
le Fils de Dieu qui est nostre modelle a fait
tant d'estat ; qu'il l'a preferé à sa propre
vie infiniment precieuse , aimant mieux
mourir que de ne pas accomplir & execu-
ter ce que son Pere luy auoit commandé.

La Venerable Mere Espouse parfaite de ce
diuin Sauueur , qui n'auoit point d'autre
plus agreable modelle & patron de ses ac-
tions, & de ses affections, que les actions &
affections de cet Espoux celeste, a chery &
affectionné grandement cette vertu, & s'est
efforcée par vn estude continuel d'en ac-
querir la perfectiō, elle a esté tousjours tres-
exacte à obeir de point en point à ses
Confesseurs. Au commencement qu'elle
cōmuniqua avec les Reu. Peres Iesuites , &
qu'eux voyans les belles dispositiōs de son
ame, & les merueilles que Dieu y operoit,
luy prescriurent la façon de vie qu'elle
deuoit mener d'oresnauant , luy ordon-
nans de communier tous les huit iours,
de s'adonner à l'Oraison , de faire les
exercices spirituels, & beaucoup d'au-
tres choses toutes contraires à ce qui se

*Vita quo-
que ipse
Saluator
prætulit
hanc vir-
tutem, eli-
gens ma-
gis animā
ponere
quā obe-
dientiam
nō imple-
re.*

*Bernardus
hom. super
Ecce nos
reliquim⁹
omnia.*

420 LES VERTVS DE LA V. MERE
pratiquoit en son Monastere, elle vid bien
de premier abord les contradictions qu'elle
auroit de tous costez, & les murmures qui
s'esleueroient si elle leur obeïssoit, &
neantmoins jamais elle ne leur contredit,
jamais elle ne monstra la moindre
difficulté à leur obeir, ains avec vne
grande constance & force d'esprit, elle
passa par dessus toutes les difficultez qui
se presenterent pour accomplir l'obeissance
fidellement, & sans y manquer d'un
seul point, & son obeissance estoit si
prompte & si alaigre qu'il falloit bien que
ses Peres spirituels auisassent bien à ce
qu'ils luy commandoient, car ils n'auoient
pas si tost proposé ce qui estoit de leur vo-
lonté, qu'elle estoit toute preste de le met-
tre en execution. Outre la constance
qu'elle auoit à obeir à ceux qui condui-
soient son ame, & la facilité & promptitu-
de avec laquelle elle leur obeïssoit, elle
auoit deux ou trois autres tesmoignages
bien remarquables d'une vraye & parfaite
obeissance, comme l'ont rapporté ceux
qui ont conuersé avec elle, & comme on
aura peu remarquer au cours de sa vie. Le
premier est, qu'elle deferoit tant à leur ad-
uis & conseil, que quoy qu'elle fut fort pru-
dente & fort particulierement illustrée du

Sainct Esprit , elle n'entreprenoit jamais rien sans les consulter, mesme par lettres fils estoient absens , se reglant entiere-ment par leurs avis. Le second est, qu'elle auoit vne fidelité admirable à leur ouvrir son cœur , & leur descouvrir tous les recoins de son interieur avec vne grande sincerité & candeur, ce qu'elle obserua iusqu'à la mort. Le troisieme, que de cette ouuerture & franche communication, elle remportoit vne grande paix & consolation sensible, & si elle auoit quelque peine ou difficulté, elle s'euanoüissoit aussi-tost, ce qui estoit vn effect de cette fidelité, car l'ame qui est fidelle à ne tenir rien caché à celuy qui la conduit & dirige, & qui recourt à luy lors qu'elle est affligée ou tentée, par vne prouidence de Dieu experimentée en tout temps, vit tousjours en paix & en repos; Voila pour ce qui est de l'obeïssance qu'elle rendoit à ses Confesseurs & Directeurs, voyons celle qu'elle rendoit à son Superieur. Le Monastere de l'Hospital auoit, comme nous auôs dit, esté durant vn fort long-temps sans Visiteur ny Superieur qui y eust l'œil, en fin il y en vint vn en qualité de Vieaire & Visiteur general du grand Prieuré de S. Gilles, Luffan, duquel dependoient les Monasteres de

422 LES VERTVS DE LA V. MERE
l'Hospital & de Fieux, qui la trouua sur le
point d'executer le desir ardent qu'elle
auoit conceu de quitter ce Monastere, & se
jetter dans celuy de sainte Claire de Tho-
loze, pour viure dansvne obeïssance & sou-
mission perpetuelle, mais voyant l'estat de
son Monastere, pour la reformation du-
quel il auoit commission, & la necessité
qu'on auoit d'elle en iceluy, il luy dist, qu'il
ne luy permettroit point de s'en aller :
Cette ame obeïssante qui estoit puïssam-
ment portée à l'exécution de son dessein,
luy proposa avec toute humilité les motifs
qui la pouſsoient, le long-temps qu'il y
auoit que Dieu luy donnoit ce desir, & le
peu d'apparence qu'il y auoit qu'elle deust
faire quelque profit en cette Maison, le
conjurant de pezer & considerer tout cela,
& de ne luy pas refuser ce qui estoit pour le
contentement de son ame, & pour la gloire
de Dieu : Et comme elle vid que toutes ses
remonſtrances n'auançoient rien, & que
son Superieur luy commandoit de demeu-
rer, quoy que son ame y trouuât beaucoup
de repugnance, elle obeït neantmoins,
mais avec vne telle quietude & souſmission
de son iugement, qu'on eût dit à la voir que
jamais ellen'eût desiré d'en sortir. Ayant
receu de son Superieur la Regle que les

GALIOTE DE S^{te} ANNE. Liu. II. 423
Religieuses de Malthe gardoient, elle ajusta
parfaitement sa volonté à cette Regle, l'ob-
servant avec toute la punctualité & perfe-
ction qui se pouuoit desirer, & depuis ce
temps là elle obeit à ce Superieur, comme
à Dieu mesme; aussi sçauoit-elle bien qu'il
tenoit en son endroit la place de Dieu: elle
ne faisoit rien sans le luy proposer, luy de-
mandoit permission pour les penitences
qu'elle desiroit faire, comme luy-mesme l'a
escriit en sa relation, & nous l'auons rappor-
té autre-part. Bref, quoy qu'elle fût la Mai-
stresse des biens du Monastere, & qu'elle
eût vne inclination incroyable à faire des
aumosnes aux maisons Religieuses, & à
toutes sortes de pauures, si est-ce pourtant
que quand elles estoient notables, elle ne
les faisoit point sans luy en auoir demandé
la permission, luy-mesme en a rapporté
vn exemple en ces termes: *Estant vne
fois sollicitée de faire quelque aumosne en
vn certain Conuent, de cent escus seulement,
parce que la somme estoit notable, elle ne
l'osa oncques faire sans en auoir demandé
& impetré de nous la licence par escrit
pour la faire. Elle n'obeissoit pas seule-
ment à ses Superieurs & Confesseurs,
ains à toutes sortes de personnes,
pourueu que ce fust pour la gloire*
Dd iiii

424 LES VERTVS DE LA V. MERE
de son Espoux, estant au Conuent de sain-
cte Claire de Tulles, comme il a esté dit,
elle ne voulut jamais rien faire sans le con-
gé de la Superieure, non pas mesme al-
ler au Parloir sans sa licence, & dans son
Monastere lors qu'elle aidoit à quelque
officiere, elle n'eût jamais entrepris de rien
faire en ce qui concernoit leur office sans
leur permission; que si quelquesfois elle
manquoit en ce qu'on luy permettoit de
faire, elle refaisoit incontinent ce que la
Sœur luy disoit avec vn extreme conten-
tement, & c'estoit presque tousjours aux
Sœurs layes auxquelles elle s'adressoit:
En fin pour acheuer ce Chapitre cette
vertu d'obeïssance possedoit tellement son
cœur & ses affections, & elle la iugeoit si
necessaire à la Religion, qu'elle vouloit
que ses Religieuses y fussent fort addon-
nées & la praticquassent fort exactement,
ne pardonnant jamais les fautes qu'elles
commettoient contre cette vertu.

CHAPITRE XX.

De sa patience invincible.

Epuis que j'ay entrepris d'escire la Vie de la Venerable Mere, & que pour cet effect j'ay leu avec attention les memoires qui m'ont esté donnez, ie ne repasse iamais en mon esprit le beau pourtrait de la Patience que l'incomparable Tertullian a tiré avec des lineamens dignes de son esprit & de sa plume, qu'il ne me semble voir vne image viuante de cette rare vertu en celle dont i'escris. Le visage de la patience (dict ce grand homme) est tranquille & agreable, elle a le front serein, & qui n'est troublé d'aucune ride de tristesse, ou de cholere, ses sourcils ont vn port joyeux, ses yeux sont bas, non pas pour tesmoigner quelque malheur, mais par humilité; sa bouche est fermée & scellée par la taciturnité: Bref pour laisser quelques autres traits de ce pourtrait, sa couleur est semblable à celle des hommes asseurez & innocens. C'est iustement l'estat de la Venerable Mere lors qu'elle estoit dans les

Vultus illi
trāquillus
& placid⁹,
frōs pura,
nulla mor-
roris, aut
iræ rugo-
sitate cō-
tracta, re-
missa æ-
quē in læ-
tum mo-
dum su-
percilia,
oculis hu-
militate

non infœ-
licitate de
icatis, os
taciturni-
tatis ho-
nore si-
gnatum,
color qua
lis securis
& inno-
xiis lib. de
Patient.
cap. 15.

afflictions, dans les souffrances & occasiōs de patience, on ne voyoit que tranquillité en son visage, que serenité en son front, sans qu'il seruit de liege ou à la tristesse, ou au courroux, puis qu'elle estoit douce comme vne colombe: On ne voyoit qu'allegresse en ses sourcils, que douceur & humilité en ses yeux, en sa bouche que taciturnité pour le regard des plaintes. Bref sa couleur estoit belle & vermeille, mesme au plus fort de son mal. Mais arrestons-nous vn peu à considerer la grandeur de sa patience, pour quoy faire il eut esté necessaire de représenter par le menu tout ce qu'elle a souffert, soit dans l'affluence des cōtradietiōs, soit dans la fréquence de ses maladies, soit dans la grandeur de ses douleurs, n'estoit que cela a desia esté fait dans vn Chapitre du premier Liure, employé tout entier à cette representation, lequel forcera tous ceux qui le liront de recognoistre que la vie de la Venerable Mere a esté vne lice continuelle de patience bornée de la seule mort, & que IESVS-CHRIST qui (comme dict S. Ambroise) donne le froment des consolations à plusieurs, mais la coupe de ses passions & souffrances, dans laquelle il a heu à longs traits aux seuls Benjamins, c'est à dire aux enfans de la dextre, l'ayant

GALIOTE DE S^{te} ANNE. Liu, II. 427
choisie pour de fille de douleur la rédre fille de la dextre, luy a esté fort liberal de ce qu'il a tousiours pris pour luy. Et neantmoins dâstoutes ces occasions de pitié, elle s'est cōportée en telle sorte qu'elle étoit tous ceux qui la voyoient, & sur tout les Medecins, qui cognoissans mieux que les autres la grandeur de ce qu'elle souffroit, auoit aussi vne meilleure cognoissance de la grandeur de la patience qu'il luy estoit necessaire d'auoir. Dans ses grandes & presque continuelles maladies, elle se seruoit de la consideration toute diuine qu'elle donnoit à celles de ses Religieuses qui estoient malades, les priant de se souuenir tousiours, & d'auoir deuant les yeux que le Fils de Dieu a trauaillé l'espace de trente trois ans avec tant de peine, de douleur, & de tourment pour l'amour d'elles, & ne s'est iamais ennuyé, ains eut desiré de trauailler dauantage s'il eut esté besoin; & que par consequent elles qui estoient ses filles & espouses se deuoient grandement resiouir si elles auoient du trauail & de la peine en ce monde. Consideration puissante qui luy faisoit desirer les souffrances

& les maladies, qui faisoit que quand Dieu luy en enuoyoit elle les receuoit allegremēt & amoureusement. Bref qui luy donnoit dans icelles vn grand courage & vne patience inuincible: Car iamaïs elle ne fit (disent ceux qui l'ont assistée en ses maladies) aucune action d'impatience, iamaïs on n'ouït sortir de sa bouche aucune parole de plainte, ou qui tesmoignast peu de cōformité à la volōté de son Espoux. Iamaïs elle ne demāda ou l'allegemēt de ses souffrances, ou mesme la diminution d'icelles; ains se resignant & conformant à la volōté de Dieu, & recourant à luy durant ses plus aiguës douleurs: elle luy disoit fort souuent, si vostre volōté est de me donner davantage de douleurs, augmentez-les autant qu'il vous plaira, pourueu que vous me donniez la patience, mon Dieu: Et lors qu'elle estoit attachée au liēt par ses grandes maladies, le temps de l'Oraison estant venu, elle disoit à ses filles qui estoient dans sa chambre. Allez mes filles vous mettre en Oraison, & demandez à mon Espoux qu'il me donne la patience afin que courageusement i'endure pour son amour tout le mal qu'il luy plaira. D'autres fois les voyant sortir de sa chambre pour aller à la Psalmodie, elle leur disoit avec beaucoup de sentiment. Mes Filles ie vous prie d'employer vne partie de cette action pour demander à

mon Dieu la vertu de patience, car sans son ayde ie n'en puis plus. C'estoit la demande qu'elle faisoit à Dieu, & qu'elle vouloit que ses Religieuses & ceux qui la visitoient luy fissent, & nō pas qu'il allegast ou diminuast ce qu'elle souffroit. Elle fut visitée vn iour par vne Abbessse de l'Ordre de saint Bernard, c'estoit fort peu de iours auāt sa mort: cette Abbessse considerant la grandeur de ses souffrances, luy dict avec beaucoup de compassion. *Helas ma sœur, ie prie Dieu qu'il vous oste vne partie de vostre mal. Ne faictes pas cela* (repliqua cette ame courageuse & patiente) *ie vous en supplie, mais priez-le qu'il l'augmente si c'est pour sa plus grande gloire, pourueu qu'il me donne patience.* Elle ne pratiquoit pas seulement la patience en souffrant sans se plaindre, sans murmurer, & sans demander, ny mesme souhaitter d'estre allegée, mais aussi en ce que quand elle pouuoit endurer quelque chose sans que persōne en eut la cognoissance, & sans que personne fut arbitre de sa souffrance que Dieu seul, qui est celuy à qui la patience preste, & de qui elle deuiet creanciere (comme dit Tertullien) elle le faisoit tres-volontiers. Cela luy fut ordinaire en sa vie de ne point descouurir ce qu'elle pouuoit endurer sans qu'on en sceut rien pour fas-

Quantum patientiae licet ut Deum habeat debiorem, lib. de pati.

430 LES VERTUS DE LA V. MERE
cheux qu'il peut estre, & en sa dernière ma-
ladie ses Religieuses assèrent que iamais
elle ne donna cognoissance à personne de
l'estat où estoit son pauvre corps, qu'elles
trouuerent après sa mort si attenué, que les
os luy auoient percé la peau en six en-
droits, deuorant sans sonner mot & sans se
plaindre ce qui a accoustumé d'allegier les
souffrances, les douleurs effroyables que
ces escorcheures ont accoustumé de cau-
ser, comme vn chacun peut s'imaginer s'il
ne l'a esprouuée, estant couchée soit dure-
ment, & contrainte de se tenir tousiours sur
ce qui estoit escorché. Ce n'estoit pas seu-
lement dans les souffrances corporelles
que la V. Mere fit esclater sa grande patien-
ce, ains aussi dans celles de l'esprit, comme
contradictions, trauerfes, & autres affaires
espineuses qui lui arriuerēt au sujet de sa ré-
formation, lesquelles ne furent iamais ca-
pables de l'impatienter, ou luy faire perdre
la paix de l'ame: auquel propos la Reueren-
de Mere Agnes de la Baix, Prieure du Mo-
nastere que les Religieuses de l'Ordre de S.
Dominique ont à Tholozé, après que la V.
Mere qui la visita passant par ceste ville l'eut
entretenuë des affaires tres-espineuses où
elle souffrit merueilleusement pour establir
sa reformation, dict à ses Religieuses, ainsi

que l'a rapporté la Reuerende Mere Marguerite de Iesus, Religieuse de ce mesme Ordre, qu'elle auoit veu cette sainte ame pleine de Croix & de paix; pleine de Croix à cause de ses grandes souffrances, mais pleine de paix par le moyen de la patience qui regnoit dans son cœur. Ce grand amour qu'elle portoit à cette vertu diuine faisoit qu'elle aymoît fort particulièrement les Saints & les Saintes qui auoient beaucoup enduré pour l'amour de Dieu, & entre ceux-là sainte Therese de Iesus, à l'imitation de laquelle elle auoit pris pour devise, *Ou pàtir, ou mourir pour mon Espoux, car Viure sans pàtir ce m'est vne mort trop cruelle.* Paroles qu'elle prononçoit fort souuent, mais avec vne si grande ferueur & vn tel amour, qu'il sembloit qu'elle fut hors d'elle-mesme les disant. Elle repetoit aussi souuent, & avec gràde douceur d'esprit ces paroles du saint homme Iob; qui a rendu Dieu victorieux du demon (dit Tertullian) rebouchant toutes les fleches acérées des tentations avec la cuirace & le bouclier de la patience. *Dieu m'auoit donné la santé, Dieu me l'a ostée, son saint nom soit beny.*

Operarius
ille victo-
rix Dei
retusis o-
mnibus ia-
culis ten-
tationum
lorica ely-
ptoeque
patientix.
li. de Pat.

CHAP. XXI.

De quelques autres vertus de la Venerable Mere, & de sa perseuerance.



Le vestement que le Patriarche Iacob donna à son bien-aimé Ioseph pour gage de son amour, estoit suiuant la version vulgaire, qui est à present seule autentique en l'Eglise, faiët d'vne estoffe de diuerſes couleurs; & selõ les septâte Interpretes c'estoit vn vestemēt qui luy donnoit iusqu'aux talons; l'vn & l'autre est veritable, & a donné sujet aux Saints Peres de regarder ce vestement comme vne belle figure de ce luy que Dieu donne aux ames qu'il cherit; vestement qui est composé de diuerſes couleurs à raison de la diuersité des vertus dont ces ames sont embellies: ce qui a fait dire au Chantre Royal, que l'Espouse du Roy celeste est entourée & reuestue de varieté, & qui par le moyen de la perseuerance donne iusques aux talons, qui sont les extremittez; c'est à dire iusqu'au dernier soupir. Iusqu'à present nous auons trauail-
lé

GALIOTE DE S^{te} ANNE. Liu. II. 433
lé à mettre en auant les diuerſes couleurs
de ce veſtement que Dieu auoit donné à
ſon Eſpoſe bien-aymée traittant de ſes ex-
cellentes vertus; que ſi nous voulions les
repreſenter toutes au long, ce ne ſeroit ia-
mais faiët. C'eſt pourquoy ie me conten-
teray de toucher briueſement cinq ou ſix
de ſes vertus qui reſtent encore, ſa mode-
ſtie, ſon ſilence, ſa diligence, ſon amour à
la ſolitude, ſa magnanimité & ſa conſtan-
ce; & puis pour donner la dernière main à
ce beau veſtement, ie diray quelque choſe
de ſon heureuſe perſeuerance en l'exercice
des vertus. Sa modeſtie eſtoit Angelique,
comme l'on peut remarquer par ce qui a
eſté diët parlant de ſa pureté virginale, où
ſon maintien & ſa compoſition exterieure
a eſté repreſentée comme celles qui ont
touſiours conuerſé avec elle l'ont rapporté,
& de cette modeſtie naiſſoient deux choſes
bien remarquables qui ſe trouuent dans les
relations qu'on a données. La première,
que ſon abord & ſa preſence eſtoit telle,
que qui la voyoit eſtoit rauy de voir par ſon
maintien & modeſtie reluire en elle toutes
les vertus enſemble. La ſeconde, que lors
qu'elle arriuoit quelque part, ſon arriuée
cauſoit de la joye & conſolation, & faiſoit
cependant que tout le monde ſe mettoit en

Ee

434 LES VERTVS DE LA V. MÈRE
son deuoir pour se cōposer; car seulemēt de
la regarder on estoit incité à faire reflexion
sur soy, vray effect de la modestie qui est
comme vn miroir dās lequel ceux qui sont
immodestes & imposez voyās la laideur de
leur immodestie & incomposition, rentrent
dans eux-mesmes, & sont poussez d'y reme-
dier. Le silence qui est vne vertu si difficile
au sexe foible luy estoit grandemēt à cœur,
elle n'alloit qu'à regret entretenir ceux de
dehors; & si c'estoiet des hōmes ce luy estoit
vn Purgatoire fort penible. Pour ses Reli-
gieuses quand il estoit questiō de les instrui-
re ou cōsoler, elle s'y portoit de tout le cœur
comme à l'un des plus essentiels poincts de
sa charge, mais hors ces occasions de chari-
té, elle estoit tousiours retirée & occupée, ou
à la priere, ou à la lecture, ou au trauail, & à
cecy luy aidoit fort le grand amour qu'elle
portoit à la solitude, duquel, parce que i'ay
desia dict quelque chose au Chapitre que
i'ay dōné à son amour de Dieu, ie diray seu-
lemēt icy que cēt amour de la retraite & so-
litude engendroit dās son ame vn desir fort
continuel de voir la closture de sa maison
acheuée pour en pouuoir jouir; desir qui la
portoit à dire souuent à ses Religieuses.
*Quand seront nos bastimens acheuez, & nostre
Monastere fermé, afin que nous puissions dire le*

dermier adieu au monde pour nous voir du tout à nostre Espoux; c'est le plus grand desir qu'aye mon cœur. Sa diligence & sa ferueur estoit admirable, elle estoit tousiours la derniere couchée, & tousiours la premiere leuée de la maison: & apres s'estre plongée vn long-temps dans la priere, elle sonnoit la cloche pour esueillier ses Religieuses lors que l'heure estoit venue: & sa ferueur estoit si grande, qu'elle estoit tousiours la premiere en tout ce qui estoit du seruice de Dieu; son Superieur en a rendu cetémoignage en peu de mots. Pour ce qui est des obseruances Religieuses, elle a esté tres-deuote, humble, & zelée en l'amour de Dieu, tres-assidue, & tousiours la premiere au seruice de Dieu. Pour la magnanimité qui n'est autre chose (comme la definissent les Peres de la vie spirituelle) qu'une vertu par laquelle l'ame se porte à des choses grandes pour l'amour de Dieu; comme on ne scauroit douter que cette ame forte ne se soit portée à de tres-grandes choses; soit qu'on regarde à ses penitences, & aux autres exercices de ses vertus, soit qu'on s'arreste sur la Reformation d'un Monastere si desreglé comme estoit le sien, aussi ne peut-on pas

Ee ij.

438 LES VERTVS DE LA V. MERE
 que si c'estoit la volonté de Dieu qu'elle re-
 vint en santé, elle vouloit commencer
 vne nouuelle vie. *Laissez faire mes Filles*
(disoit cette mere feruente) que s'il plaist au
bon Dieu nous irons toutes à l'enuie à la perfe-
ction, & par ce moyen nous viurons toutes con-
tentes. Et là dessus elle les entretenoit de ce
 qu'elle auoit resolu pour bien commencer,
 mais avec vn extrême goust de son ame, ve-
 rifiant en soy ce qui est dict par ce saint
 Esprit de l'homme parfaict & feruent, que
 quand il aura consommé & acheué, alors il
 songera à commencer de rechef. Bref elle
 a eu de la perseuerance en l'exercice de
 toutes les vertus; car si on lit avec attention
 ce qui s'est passé durant la maladie qui pre-
 ceda sa mort, on verra qu'il n'y a pas vne
 seule des principales vertus dont son ame
 a esté ornée, de laquelle elle n'aye pratiqué
 genereusement les actions en ce temps-là.
 Je finis donc le discours de ses vertus, & de
 tout ce qui a esté dict iusqu'à present, ie fais
 iuge le lecteur si on ne peut pas donner à la
 Venerable Mere l'Eloge qu'un Historien
 prophane a iniustement donné à Caton, &
 dire qu'en tout & par tout elle a esté tres-
 semblable à la vertu: ou bien, pour laisser
 les Prophanes, comme saint Gregoire de
 Nazianze a dict du grand saint Athanase,

Homo
 per omnia
 virtuti si-
 millimus
Velleius
Patercu-
lus.

que luy donner des loüanges, c'est donner des loüanges à la vertu.

Αγαλλίασις
ἐθα.ινων ἀπα
την ἐπαρέ-
σσημα.ορας
ins. Atha
nasmus.

CHAPITRE XXII.

*Du don de Prophetie que la Venerable
Mere Galioie a eu.*



Vtre les vertus infuses, il y a deux sortes de dons surnaturels; les vns que les Theologiens appellent dons du saint Esprit, qui sont (comme leur Prince saint Thomas enseigne) des perfections de l'homme, lesquelles le disposent & habitent à suivre les mouuemens & instincts de cét esprit diuin; dons qui sont tellement attachez à la grace sanctifiante, laquelle nous rend enfans de Dieu, que par tout où elle se trouue ils se trouuent aussi, & où elle n'est pas ils ne sont point. Les autres sont dons gratuits, appelez par les mesmes Theologiens graces gratuitement données, lesquelles ne sont pas attachées à la grace cōme les premiers dōs; car ceux-cy peuuent se trouuer en des ames ennemies de Dieu, quoy que les grāds seruiteurs de Dieu, & qui sōt eminēs en sō amitié

Ee iij

440 LES VERTVS DE LA V. MERE
& en pureté de vie les ayent assez ordinairement: ce n'est pas des premiers qui comprennent le don de sagesse, d'entendement, de conseil, de force, de science, de pieté, & de crainte que ie veux parler, quoy que ie pourrois faire voir, non pas qu'elle les a eus; car ayant vescu tousiours en la grace de Dieu, elle ne pouuoit manquer de les auoir, ains qu'ils ont esté en elle fort parfaits. Mais bien des seconds, & encore n'en veux-je prendre que deux; le don de Prophetie, auquel ie donne ce chapitre, & celuy de faire des miracles, auquel le fuiuât sera employé. Pour le premier don qui n'est autre chose qu'une lumiere surnaturelle communiquée à l'entendement comme un esclair, & en passant pour cognoistre avec assurance les choses qui sont futures, & desquelles la lumiere naturelle ne nous peut pas donner la cognoissance. Dieu qui (parlant ordinairement) ne le depart qu'aux âmes eminentes en pieté, quoy que (comme enseigne fort bien l'Ange des Docteurs) la bonté des mœurs n'est pas necessaire pour l'auoir, en hōnora & priuilegia sa chere Espouse pour le regard de ses Religieuses en general, & pour ce qui touchoit quelques-uns en particulier, & pour ce qui concernoit l'heure & le iour de sa

GALIOTE DE S^{te} ANNE. Liu. II. 441
mort. Pour le premier, voicy ce qu'en a dit vne Religieuse Vrsuline, laquelle auoit esté long-temps sa Nouice, & l'estoit lors qu'elle mourut. Elle parloit fort souvent de ce qui leur arriueroit après sa mort, & en cela elle a bien eu l'esprit de prophetie, à ce que j'ay veu pendant vn an que i'y demeuray après sa mort : cela est fort general, specifions-le avec les paroles mesmes de ses Filles tirées de leur relation. Elle ne nous a iamais promis aucune chose qu'elle ne soit arriuée punctuellement. A l'heure de sa mort, elle nous dist que l'on nous persecuteroit, & que l'on nous contraindrait de nous disperser, & qu'il sembleroit souvent que Dieu & tout le monde nous auroit oubliés : mais que sa confiance estoit telle que sa Divine prouidence susciteroit des moyens du tout extraordinaires pour nous mettre en vn lieu où nous ne pensions pas, pourueu que nous perséverassions. Nous pouuons bien dire en toute assurance que le tout est arriué comme elle disoit. En effect la Superieure de ce petit troupeau estant morte, ses pauures ouailles furent persecutées à toutes restes, & l'ont esté long temps, elles furent contraintes de se disperser d'vn costé & d'autre, & la persecution arriua à tel point, qu'il sembloit que Dieu & le monde les auoit delaissées, ceux-là mesme desquels elles deuoient attendre

442 LES VERTVS DE LA V. MERE
du secours, les abandonnans, & leur refusant l'assistance qu'ils leur deuoient : Mais en fin, Dieu qui ne vouloit pas que l'ouurage de son Espouse perist, & fut de si peu de durée, les voyant perseuerer en leurs desseins, suscita des moyens fort extraordinaires pour les mettre dans la ville de Tholozé, où après auoir demeuré trois ou quatre ans sans maison propre, le grand Prieur de Tholozé leur donna la place en laquelle a esté basti leur Monastere aux despens du grand Maistre de tout l'Ordre qui est à present, qui en a voulu estre le Fondateur, & y a désja employé plus de cinquante mille francs ; Monastere dans lequel la Reformation establie par les travaux de la Venerable Mere a esté retirée du naufrage, & s'est conseruée iusqu'à present en sa splendeur. Pour ce qui touche les Religieuses particulieres, outre la prediçtion de la mort prochaine de l'ancienne Prieure de son Monastere, laquelle le Visiteur general du mesme Monastere a remarquée en sa Relation, comme ie le rapporteray au dernier Chapitre de ce Liure. En voicy autres deux tout à faict remarquables, lesquelles ie veux rapporter avec les paroles mesmes de la Religieuse à laquelle elle les fit trois ou

GALIOTE DE S^{te} ANNE. Liu. II. 443
quatre iours auant sa mort. C'est cette Religieuse qui estoit affligée d'une tentation contre la pureté, de laquelle il a déjà esté parlé. Quelques iours deuant sa mort me plaignant à elle, & luy disant que c'est que ie ferois quand ie serois prinée d'elle, & à qui ie descurirais ma tentation, elle me bailla sa main & me dist, Ne soyez pas en peine ma Fille, ie vous oferay promettre qu'avec l'assistance de Dieu vous ne sentirez plus vostre tentation iusqu'à tant que vous trouuerez des personnes à qui vous pourrez auoir la mesme confiance que vous auex à moy, & ie ne m'oubliay pas de prier Dieu pour vous: ce qui a esté vray, car en toute verité ie demeuray quatre ans tous entiers sans ressentir la moindre peine du monde de ce costé, & quand elle me reuint, i'auois des personnes à qui ie pouuois auoir toute sorte de confiance, & pour maintenant, lors que les peines sont plus fortes qu'à l'accoutumée ie m'adresse à elle de mesme comme si elle estoit en vie, & luy fais mes plaintes, & me trouue pour lors le plus souuent deliurée; mais voyant que lors que i'ay la tentation Dieu est mieux serui de moy, ie la requiers que par ses merites, elle m'obtienne de Dieu que sa sainte Volonté soit accomplie en moy, & tout incontinent ma tentation me reuint; voila pour l'une. L'autre fut que pre-

444 LES VERTVS DE LA V. MERE
nant congé d'elle trois iours deuant sa mort. Il
luy dis qu'après sa mort i'auois fait dessein de me
mettre en Vne Religion plus austere que n'estoit
pas la nostre, comme elle sçauoit que dés long-
temps i'en auois eu enuie: Elle me respondit à cela,
que sçauex-vous ma Fille si vous ne seruirez
aussi bien Dieu dans cette Religion que dans Vne
autre. Et moy luy remonstrant les difficultez
que nous aurions; O non ma Fille (dist-elle)
asseurez-vous que Dieu vous suscitera de s
moyens où vous n'auex jamais pensé: & moy
continuant de luy dire que ie la suppliois de trou-
uer bon ce que ie luy disois, Et bien ma Fille, me
respondit-elle, ie le veux bien, mais assurez-
vous que vous trouuerez des empeschemens lors
que vous croirez estre plus libre, & serez con-
trainte de retourner. Chose qui fut tres-Veritable,
car après auoir demeuré enuiron deux ans à
l'Hospital, bien empeschée de pouuoir faire rien,
après que ie fus sortie de là, & que ie croyois
estre en plus grande liberté que iamais, Vne gran-
de maladie me prit, qui me causa que ie demeu-
ray mal-saine iusqu'à tant que ie suis reuenue
dans mon Ordre, où i'ay recouuert ma santé que
i'auois deuant. Ce sont des marques bien
asseurées du don de Prophetie, mais celles
qui ont concerné sa mort, & la reuelation
que Dieu luy en auoit faite ne leur cèdent

point, ie ramasseray icy tout ce qui se passa en ce sujet, qui est certes digne d'admiration. Premièrement i'ay appris d'une personnettes-digne de foy, que le iour auquel elle fit consacrer l'Eglise qu'elle auoit fait bastir en son Monastere, qui fut (comme il a désja esté dit) le iour de S. Iean Baptiste de l'année 1617. qui fut celle qui preceda sa mort : cette ceremonie estant acheuée, & la iournée passée avec beaucoup de solemnité & d'allegresse, elle dist à ses Religieuses qu'elles auoient châté *Gaudeamus* en ce iour là, mais que l'année suiuite au mesme iour, elle leur feroit chanter le *Requiem*. Outre cela, estant vn iour toute seule en sa chambre avec vne fille qui la seruoit, elle luy demanda s'il y auoit gueres de temps iusqu'au iour de saint Iean Baptiste, c'estoit durant sa maladie derniere ; à quoy luy ayant respondu qu'il y auoit près d'un mois, elle se fit bailler son Breuiare pour voir combien il y auoit, & après elle jetta vn grand soupir en disant, *Mon Dieu qu'il y a de temps !* Adjoustant, *Il faut mourir.* Ses Religieuses asseurent aussi qu'elle leur demandoit souuent quelle Feste il y auoit dedans le mois de Iuin de l'année 1618. & que comme elles luy respondirent, qu'il n'y en auoit point iusqu'à la saint Iean, elle

446 LES VERTVS DE LA V. MERÈ
dist tout bellement, *il faut attendre iusqu'à ce
iour là.* Huiët iours auant sa mort, les Peres
Capucins estans venus pour succeder aux
Peres Iesuites qui l'assisterent durant les
deux derniers mois de sa maladie alterna-
tiuement, chacun y demeurant huiët iours,
ses Religieuses qui la veilloient luy donne-
rent aduis de leur venuë, ce qu'ayant en-
tendu elle leur dit, qu'ils estoient venus
pour la conduire dans le Ciel: ses Filles ré-
pondirent qu'elles ne le croyoient pas,
Vous ne le croyez pas (dit-elle alors) *vous le
verrez dans huiët iours:* & ces bons Religieux
ayans esté appellez par son commandemēt
elle leur en dist tout autant. Le Samedi qui
fut la veille de sa mort, le soir estant venu,
& ceux qui estoient dans sa chambre s'é-
tans retirez, excepté le Pere qui l'assistoit,
& quelques-vnes de ses Filles, elle luy dist;
*Mon Pere, vous auez l'espace de huiët iours pris
beaucoup de peine pour moy, i'espere que celui
pour l'amour duquel vous l'aez fait sera vô-
tre recompence, ie vous supplie ne me point aban-
donner, vous assurant que c'est icy la derniere
nuict que ie vous donneray de la peine, attendu
que demain auant midi ie vous quitteray. Ce
n'est pas tout encore, car le lendemain iour
consacré à la Natiuité du glorieux Precur-
seur, comme l'heure du seruice diuin qui se*

GALIOTE DE S^e ANNE. Liu. II. 447
faisoit solénellement en ce Monastere estât
venue, ses Filles témoignoient de la repu-
gnance à y aller, de peur qu'elle ne mourut
en leur absence, elle leur dist qu'ellès alla-
sent, & qu'elle leur promettoit de les atten-
dre, en fin ses Religieuses estâs reuenues de
l'Office en sa chambre, elle leur demanda
quelle heure il estoit, elles luy respondirent
qu'il estoit dix heures, & aussi-tôt elle leur
dist, *dix heures, Iesus, dix heures ! il y a encore biē
du temps d'icy à vñze heures & demie*, qui fut
l'heure en laquelle elle rendit son ame à
Dieu, en la façon que nous auons dit. Tou-
tes lesquelles remarques sont si manifestes
& si pressantes, qu'elles ne permettent pas
qu'on doute que Dieu n'aye éclairé son en-
tendement touchant le iour & l'heure de
sa mort, & qu'il ne luy en aye communiqué
vne fort asseurée reuelatiō. Je finis ce chap.
par vne predictiō qu'elle fit à ses Religieuses
lors qu'elle leur parloit de ce qu'elles auoient
à faire aussi-tôt qu'elle seroit morte. *Tout in-
continent que ie seray morte (leur dît-elle) ne
manquez pas de dire toutes ensemble l'Office des
Morts*, ses Filles luy dirent que cela leur se-
roit impossible pour l'affliction que cette
mort leur causeroit : mais elle leur dist, *Ne
soyez pas en peine mes Filles, car ie m'assēure que
vous le pourrés, & le ferez avec la grace de Dieu,*

448 LES VERTVS DE LA V. MERE
ce qui fut vray ; car incontinent qu'elle eut
rendu l'ame , tout le monde sortit de sa
chambre, tellement que les Religieuses se
trouuerent seules en vn moment , toutes
disposées pour chanter l'Office comme
elle le leur auoit commandé.

CHAPITRE XXIII.

*Où sont rapportez quelques miracles
que la Venerable Mere a faits , &
en sa vie , & après sa mort.*

DIEU ayant créé le premier hom-
me en estat de grace , partagea en
quelque façon avec luy la gloire

Esto Adā qui naissoit de l'ouurage de la creation, luy
nominum donnant charge par vn priuilege special
artifex , d'imposer les noms à toutes les creatures
quia rerū qu'il auoit tirées de l'abisme du neant par
esse non sa Toute-puissance : comme s'il eût voulu
potes for- luy dire (remarque subtillement S. Basile de
mentur à Seleucie) Sois Adam l'ouurier des noms ,
me, nomi- puis-que tu ne peux pas l'estre des choses
nentur à mesmes, qu'elles soient formées par ma
te, partia- puissance , & nommées par ta sagesse , par-
mur fa- tagecons ensemble la gloire de cét ouurage
Eticis hu-
ius soler-
riæ gloriā.
Orat. 2.

si ex-

GALIOTE DE S^{te} ANNE. Liu. II. 499
si excellent. Dieu semble faire le mesme
aux ames qui sont bien auant dans ses bon-
nes graces & dans son amitié, & qui se ren-
dent excellentes en ce qui regarde son ser-
uice & son amour: car voyant que ces ames
estans renfermées dans les bornes d'une
nature créée, ne sçauroient par vne vertu
propre faire des ouurages si merueilleux
qu'ils surpassent toutes les forces de la na-
ture créée, & qu'on sçauoit créer, qui sont
les miracles; il les prend pour instrumens &
pour compagnons de semblables ouura-
ges, les eleuans autant qu'il est necessaire
pour les produire avec soy par sa vertu, afin
qu'ils participent à la gloire qui luy en re-
uient. Ce n'est pas que ie veuille dire que la
grace de faire des miracles n'est donnée
qu'aux ames qui sont en l'amitié de Dieu
par le moyen de la Charité; car ie sçay que
cette grace est du nombre de celles que la
Theologie appelle gratuitement données,
& que par consequent elle n'est pas telle-
ment attachée à la grace sanctifiante, qu'elle
ne puisse se trouuer là où elle n'est pas: ce
que ie dis c'est seulement que quand Dieu
communique cette grace & ce pouuoir aux
ames qui menent vne vie fort esloignée de
la vanité, & toute cachée avec Iesus-Christ
dans luy: c'est pour declarer l'excellence

Ff

500 LES VERTVS DE LA V. MERE
de leurs vertus, & l'eminence de leur pieté,
& en suite pour les rendre glorieuses en
cét vniuers. La Venerable Mere laquelle
seruoit Dieu avec tant de fidelité, & qui s'e-
stoit toute donnée à ce seruice sans en re-
seruer tant soit peu au monde, ou à la vani-
té, a receu ce priuilege de sa Majesté. Elle
a eu la grace & le pouuoir de faire des mira-
cles, & en a faict & en sa vie; & apres sa
mort, que ie rapporteray briefuement com-
mençant par ceux que ses Religieuses ont
rapporté dans l'abbregé qu'elles ont escrit
de sa vie, dont ie les transcriray icy mot à
mot.

*Elle donna vne fois du pain à des personnes qui
auoient les fiéures, lesquelles apres en auoir man-
gé se trouuerent guaries. Elle donna à vne fille
affligée de maladie de l'eau, & apres auoir prié
Dieu dessus, la fille fut guarie, elle disoit que c'e-
stoit des Reliques qu'elle portoit sur elle, ausquel-
les cette guarison se deuoit attribuer.*

*Vn de ses nepueux qui estoit au Monastere se
trouua si mal qu'on le iugea pour mort; elle s'en
alla deuant le tres-sainct Sacrement, & toute à
l'heure l'enfant reuint en conualescence.*

*Vne autre fois en temps de guerre le Gouverneur
de Figeac vint à dessein pour prendre nostre Mo-
nastere accompagné de mille hommes: Nostre bië-
heureuse Mere voyant qu'il n'y auoit aucun re-*

G
mede,
deuant
remett
nouse
n'y fu
faire
du mo
Elle
metta
ce n'e
procu
coup
nous
uant
en no
de se
uant
quée
ce
dan
à ell
uan
ua t
Iesu
te,
ma
la

mede , nous dist qu'avec confiance nous allassions deuant le tres-sainct Sacrement , pour là nous remettre à la Diuine Prouidence , & que bien tost nous experimenterions son assistance, elle y alla, & n'y fut pas si tost , que tous ces gens d'armes s'enfuirent tous confus sans toucher à la moindre chose du monde.

Elle obtint encore la santé à deux de nos sœurs se mettant en priere deuant le tres-sainct Sacrement; ce n'estoit pas seulement la santé du corps qu'elle procuroit enuers sa Diuine Majesté , mais beaucoup plus le salut de l'ame; Combien de fois l'auons-nous veüe plorer deuant le S. Sacrement, ne pouvant apporter remede aux fautes qu'elle voyoit en nos tentations ? nous ressentions les effectz de ses prieres , & depuis sa mort bien d'auantage ; car nous ne l'auons iamais inuocquée en nos necessitez, que nous n'en ayons receu du soulagement.

Vne Religieuse de sainte Ursule se trouuant dans vne grande necessité spirituelle , s'adressa à elle de tout son cœur, elle nous assura que deuant que de sortir du lieu où elle estoit elle se trouua toute soulagée. Vn Pere de la Compagnie de Iesus allant voir vn malade qui estoit à l'extremité, se souuint qu'il auoit vne lettre escrite de la main de nostre bien-heureuse Mere , & la mit sur le malade ; lequel tout incon-

502 LES VERTUS DE LA V. MERE
tinent (comme il a assuré, se trouuent micux)

A ces miracles, lesquels, comme i'ay dit, sont rapportez par les Religieuses de la Venerable Mere, qui sont personnes fort vertueuses & ennemies, non seulement de mensonge, ains aussi de toute sorte d'imperfections, & qui moulées à la vertu par cette braue Superieure, ont conserué l'ouurage que Dieu par son moyen auoit fait dans leurs ames durant cinq ou six années de contrarietez & persecutions extrêmes, & abandons mesmes de toutes sortes d'assistances, lesquelles par consequent sont tres-dignes de Foy. I'adiousteray quelques autres miracles aduenus depuis sa mort, comme ils sont rapportez par des personnes tres-Religieuses & Superieures d'Ordres, dans lesquels se pratique vne tres-grande perfection de vie, ausquelles ils sont arriuez ou à celles dont elles auoient le gouvernement.

Le premier fort remarquable pour ses circonstances est arriué à la Reuerende Mere Françoisse de sainte Claire, Abbessse du Monastere tres-deuot & tres-austere de sainte Claire, en la ville de Tulles, lequel elle a escrit elle-mesme sur la fin de la Relation qu'elle a donnée des bons exemples de vertu que la

GALIOTE DE S^{te} ANNE. Liu. II. 503
Venerable Mere donna durant son seiour
en son Monastere. Voicy ses paroles.

Oltre les bons exemples qu'elle nous a donnez
durant sa vie, apres sa bien-heureuse mort ie peux
dire en toute verité, que toutes les fois que ie l'ay
inuoquée en mes necessitez, i'en ay ressentý de
grandes aydes, me ressouenant de sa ferueur, i'e-
stous encouragée en mes ariditez & indevotions,
& particulièrement en vn affaire qui nous estoit
le plus important que nous ayons iamais eu: il ar-
riua que pour la conclusion de cette affaire, plu-
sieurs personnes de diuers Ordres, & Ecclesiasti-
ques, & seculiers entendus à ces affaires, s'as-
semblerent dans nostre parloir, & me demande-
rent les memoires: en les cherchant ie trouuay v-
ne de ses lettres qu'elle m'auoit escrit pendant sa
vie, ie m'oublay tout à fait des personnes qui
m'attendoient avec de l'impatience à nostre par-
loir, & me mis tout au long à lire la lettre qui
estoit fort longue: estant vn peu troublée ie l'inuo-
quay à ce qu'il pleut à Nostre Seigneur me faire
cognoistre sa sainte Volonté par son intercession.
A mesme temps i'ouïs vne voix dans mon inte-
rieur qui me dist qu'il ne falloit pas se troubler, que
Dieu estoit tout-puissant. On me vint rappeler,
& ie trouuay toutes ces personnes entierement
changées de leur premiere resolution; & l'affaire
reüssit tres-bien à nostre contentement & conso-

Ff iij

504 LES VERTVS DE LA V. MERE
lation, ie creus fermement qu'elle nous auoit obtenu ce changement de Dieu.

Le second aduenü à vne Religieuse Carmeline du Monastere de Luneuille en Lorraine, a esté rapporté par la Reuerende Mere Leonarde de la Croix, Prieure de ce Monastere, en vne lettre qu'elle escriuit au Reuerend Pere Bernard de saint Ioseph du 21. de Nouembre, iour de la Presentation de la tres-saincte Vierge de cette année 1631. de laquelle lettre i'ay tiré ce que ie mets icy.

La veille de Nostre-Dame du Mont Carmel, qui est le seiziesme Iuillet, il prit vn si grand mal de teste à ma sœur Therese de la sainte Trinité, qu'elle ne pense pas en auoir iamais senty vn semblable, & luy dura l'espace d'vn mois ou dauantage: voyant donc qu'il ne luy donnoit point de relasche, & que quelque autre remede spirituel qu'elle y employoit afin que Dieu l'en destiuast ne réussissoit point, il luy vint en la pensée de faire vne neufuaine à la Bien-heureuse Mere Galiote, ce qu'elle commença, la faisant avec beaucoup de deuotion & de confiance, & disant seulement vn Pater & vn Aue à son honneur: A la fin de la Neufuaine elle se trouua libre de son mal de teste, comme si on luy eust osté avec la main: Mais au bout de quelque temps il luy retourna combien

qu'il ne fust si grand & si continuel qu'il estoit auparavant : ce que voyant elle se resolut de dire tous les iours son Pater & son Aue en son honneur, dequoy elle s'est si bien trouuée, que depuis elle suit la communauté sans nulle peine : ce qu'elle ne faisoit pas deuant, ne pouuant pas venir quatre iours de suite à Matines sans en estre malade; elle y va du depuis sans se trouuer mal, ce qui me fait estonner de voir le changement; car elle n'a point encore rompu son ieusne, & a faict ses exercices sans peine. Je mets icy tout ce qu'elle m'a dict.

Le troisieme miracle dont vne ieune fille nommée Catherine Dartois, à present Religieuse du tres-deuot Monastere de l'Ordre reformé de S. Dominique en la ville de Paris appellée Catherine de sainte Magdelaine; a ressentý les effects, m'a esté enuoyé suiuant la declaration qu'en a faict la mesme Religieuse, & l'attestation qu'elle en a donné, signée de sa main par la tres-Reuerende Mere Marguerite de Iesus, Prieure tres-digne de ce Monastere, Religieuse d'une rare pieté & eminente perfection, qui a faict voir par son exemple en ce siecle combien sont foibles à vne ame fortifiée de l'amour de son Dieu, toutes les chaines avec lesquelles le monde tient les ames attachées, & les tire

506 LES VERTVS DE LA V. MERE
apres soy , puisque sans mettre en ligne de
compte les richesses, les honneurs, les deli-
ces, & plusieurs perfections naturelles dont
la nature luy auoit faict fort bonne part,
qu'elle a immolées sur l'autel de la Croix,
dans les flammes de l'amour diuin au bien-
aymé de son ame , elle a brisé la chaine
qu'on estime la plus violente qui est celle
d'un mariage tres-accomply , chargeant
l'habit, & embrassant les austeritez de l'or-
dre tres-reformé de S. Dominique, tandis
que son mary bruslé des mesmes flammes
changeoit l'escarlatte en vne robe blan-
che, & quittoit l'embaras d'une Cour sou-
ueraine qui est la seconde en France pour
se jetter dans le repos delicieux de la solitu-
de des Chartreux, dans laquelle il est mort
heureusement. Voicy le miracle aux mes-
mes termes ausquels il m'a esté enuoyé.

*Catherine Dartois natifue de Clermont en Beau-
uoisis, demeurante en l'année 1630. à Paris, au
Faux-bourg de S. Marcel, près du Couuent des
Religieuses de l'Ordre reformé de S. Dominique;
dict qu'elle eut un mal de dent l'espace de trois
iours si violent, qu'elle ne reposoit ny nict ny
iour; & apres auoir pris nombre de diuers reme-
des, sans que pour cela elle en peüst auoir aucun
soulagement, la Reuerende Mere Marguerite de
Iesus, Prieure desdites Reuerendes de S. Domi-*

nique, luy enuoya vne dent de la Bien-heureuse Galiote de Vaillac, laquelle dent la malade gisante & desespérée de guérison print en sa main, & la posant sur sa joue du costé du mal, s'endormit tout à l'instant durant deux heures, & à son reueil se trouua toute guerie, comme si iamais elle n'eut eu aucun mal; & dit que depuis elle n'a senty aucun mal de dents. Catherine Dartois à present sœur Catherine de sainte Magdelaine, No- uice indigne au susdit Couuent.

Outre tous ces miracles rapportez, avec lesquels ie croyois mettre fin à ce chapitre, i'adiouste volontiers tous les suiuan qui m'ont esté fournis comme ce chapitre estoit sur le poinct d'estre imprimé dans vn papier que la tres-Reuerende Superieure du Monastere que les Religieuses de saint Iean de Hierusalem ont en la ville de Tholozé, & ses Religieuses ont enuoyé au R. P. Bernard de S. Ioseph sous le titre de *Memoire de ce qu'il faut adionster aux remarques qui ont esté par cy-deuant données de la vie de nostre sainte Mere Galiote de sainte Anne*, duquel memoire ie les tireray autant que faire se pourra mot à mot.

Le Ieudy auant sa mort on luy donna le Viatique à trois ou quatre heures apres midy, à mesme temps qu'elle eut communié le visage luy vint si beau & serein, qu'on eut iugé qu'elle estoit en

508 LES VERTVS DE LA V. MERE
parfaicte santé, & tous ceux qui estoient presens
crurent qu'il y auoit quelque chose d'extraordi-
naire dans cette ame, & mesme la fille aînée de
Monsieur le Comte de Vaillac, qui est maintenant
Nouice à nostre Monastere de l'Hospital de Beau-
lieu, aagée pource lors seulement de treize mois &
demy, qui n'auoit encore cheminé, sans qu'on la
tint, se mit à courir toute seule si viste qu'on ne la
peût retenir, & se jettoit à corps perdu sur son
liect; ce qui fit que tous coniecturerent, que cette
petite voyoit quelque chose qui la contentoit fort,
parce qu'elle y alloit avec vne grande joye, &
comme si elle l'eut voulu prendre.

Vne sœur conuerse receüe au Monastere de
l'Hospital du viuant de la V. Mere auoit esté su-
jette toute sa vie à vn grand mal de dents, &
mesme depuis que nous sommes en cette ville de
Tholozé, elle s'en trouua vn iour extrêmement
trouuée, mais se recommandant à la sainte, &
frottant ses dents avec vne des siennes, elle nous
assure que depuis elle n'a esté trouuée de ces dou-
leurs il y a enuiron cinq ans.

Frere Maxarquil Prestre de nostre Ordre, qui
fit ses vœux entre les mains de nostre sainte
Mere, nous a assurées qu'il estoit fort subject à
vne grande seignée de nez, qui souuent le mettoit
à non plus; & que depuis qu'il porte vne de ses
dents sur luy, il n'a point esté atteint de cette ma-
ladie.

Nous sçauons aussi que plusieurs ames estans atteintes de diuerses tentations, s'estans recommandées à nostre sainte Mere s'en sont trouuées soulagées. Tout cecy est tiré de ce memoire donné par ces vertueuses Religieuses qui viuent dans la reformation establie par la Venerable Mere, & qui pour la pluspart ont eu le bon-heur de conuerser avec elle, i'y adiousteray pour finir ce Chapitre ce qu'une de ces mesmes Religieuses a escrit au Reuerend Pere Bernard de saint Ioseph du seiziesme Nouembre de cette année 1632. touchant vne assistance merueilleuse qu'elle receut par le moyen de la Venerable Mere auant qu'elle eut changé cete viemortelle & miserable en celle qui mesure sa durée avec l'eternité, Voicy ses paroles.

Estant sur le poinct de faire ma Profession, i'eus vne si forte tentation de m'en retourner au monde, que i'estois presté à l'executer sans l'assistance extraordinaire que nostre sainte Mere me départit, à laquelle ie crois asseurement que nostre Seigneur reuela ma tentation, parce que ie ne l'auais ditte, ny tesmoignée à ame viuante.

CHAP. XXIV.

De la grande estime qu'ont fait des personnes tres-vertueuses & d'autorité, de la Venerable Mere, & de son merite deuant Dieu.



Eluy qui a comparé la gloire & l'estime à l'ombre du corps cognoissoit fort bien sa nature; car comme l'ombre laquelle (comme Symposius luy fait dire dans ses Enigmes) n'a point de mouuement qu'apres le mouuement du corps suit le corps quand le corps la suit, & le suit lors qu'elle est suiue par iceluy: de mesme la gloire & l'estime suit pour l'ordinaire ceux qui la recherchèt & qui courent apres: Dieu qui resiste aux superbes, & humilie les ambitieux, ne permettant point qu'ils soient honnorez & estimez comme ils desirent; & au contraire elle suit & court apres ceux qui la fuyent, & qui la laissans à Dieu choisissent pour leur partage le mespris & l'ignominie, Dieu accomplissant la promesse qu'il a faicte de rendre glorieux & mettre en estime ceux

Galliot
qui se plaisir
qu'il soit gl
porté enue
par son hu
sous les pi
& desiré t
ses iours
dans l'est
ge par v
que ceu
bon-heu
ment es
gnages
soient
nier ch
accom
ges de
re lai
viue
estab
La
Cla
gie
ue
fec
α
q
N
j

GALIOTE DE S^{te} ANNE. Liu. II. 511
qui se plaisent à estre mesprizez, pourueu
qu'il soit glorifié. C'est ainsi qu'il s'est com-
porté enuers la Venerable Mere, laquelle
par son humilité tres-profonde ayant mis
sous les pieds l'estime, la gloire, l'honneur,
& desiré tout le temps de sa vie de passer
ses iours sans estre cogneuë, & sans estre
dans l'estime des hommes, a eu ce priuile-
ge par vne speciale prouidence de Dieu,
que ceux qui l'ont cogneuë, & ont eu le
bon-heur de sa conuersation l'ont grande-
ment estimée, & ont donné des tesmoi-
gnages autentiques de l'estime qu'ils en fai-
soient, lesquels ie rapporteray en ce der-
nier chapitre, afin que cet ouurage soit plus
accomply, me contentant des tesmoigna-
ges de personnes de grand merite, & enco-
re laissant à part ceux des Religieuses qui
viuent maintenant dans la reformation
establie par ses trauaux.

La Reuerende Mere Françoisse de sainte
Claire, Abbessse du Monastere des Reli-
gieuses de sainte Claire de Tullés, qui vi-
uent avec vne tres-grande austerité & per-
fection, outre la relation qu'elle a donnée,
comme il a esté dict assez souuent, de ce
qu'elle auoit veu, ou appris de la Venerable
Mere, par elle-mesme, durant qu'elle se-
journa en son Monastere, laquelle relation

512 LES VERTVS DE LA V. MERE
i'ay transcrit en diuers endroits, escriuit
vne lettre au Reuerend Pere Bernard de
sainct Ioseph le 31. Decembre de l'année
1630. dans laquelle elle parle de la sorte.

*Vne longue & grande maladie m'a empesché
de satisfaire au desir qu'a vostre Reuerence d'une
Relation des bons exemples que feuë Madame de
l'Hospital vostre sœur nous a donné pendant le
peu de temps qu'elle nous a fait l'honneur de de-
meurer dans nostre Monastere ; neantmoins i'ay
tasché, quoy qu'avec beaucoup d'incommodité ; de
vous en escrire ce peu qui est joint à la presente ;
aduouant avec toute verité que ce n'est rien au prix
des actes signalez de vertu & sainteté que ie luy
ay veu practiquer , & sur tout l'estime que ie
fais de son bon-heur aupres de Dieu, a fait que ie
l'honore & tiens pour vne de mes bonnes aduoca-
tes ; bien marrie de me voir impossibilitée à luy
rendre ce que ie souhaitterois & deurois ; car
Dieu sçait la consolation que ce me seroit de tes-
moigner en cette occasion l'affection que i'ay
vouëe à son merite.*

La Reuerende Mere Françoisse de Beau-
ne, tres-digne Abbessse du Monastere de
saincte Claire du mesme Ordre en sainct
Cyprian de Tholozè , en la lettre qu'elle
escriuit au mesme Pere le quatriesme Iuil-
let mil six cens trente , apres auoir dict,

GALOT
que la Ven
ze visita sa
ligieuses d
ceuë vna
lors qu'e
pour ent
avec qu
voyant
elle pe
ment.
Non
ce pay
Fieux
tant
de la
heur
si he
qu'i
sa
&
ce

I
N
f

GALOTE DE S^{te} ANNE. Liu. II. 513
que la Venerable Mere passant à Tholo-
ze visita sa maison pour remercier les Re-
ligieuses d'icelle de ce qu'elles l'auoient re-
ceuë vnanimement en leur compagnie,
lors qu'elle voulut sortir de son Ordre
pour entrer en celuy-là , & que parlant
auec quelques-vnes des Religieuses , &
voyant leur habit si pauvre au prix du sien,
elle pensa deffaillir, adiousté immédiate-
ment.

*Nous auons ceans vne de nos sœurs qui est de
ce pays , & auoit esté receuë au Monastere de
Fieux ; & quoy que ladite sœur fût certaine de
tant & tant de vertus de cette sainte ame , &
de laquelle elle dict merueilles , si ne fut-elle si
heureuse de viure sous sa Reuerence ; elle l'estime
si heureuse , qu'elle demande volontiers à Dieu
qu'il luy plaise loger son ame où elle croist que
sa Majesté a mis celle-là si pure , sainte ,
& naïfue , qu'elle la croyoit en estat d'innocence.*

La Reuerende Mere Beatrix de saint
Iean Baptiste , Religieuse Ursuline &
Maistresse des Nouices du Mona-
stere de sainte Ursule de Limoges ,
dans laquelle Religion elle entra
apres auoir vescu quatre ans du-
rant Nouice en la Reformation

514 LES VERTVS DE LA V. MERE
de la Venerable Mere trois ans tandis qu'elle vescu, & vn an apres sa mort, en deux relations, qu'elle a escrites en forme de lettres adressees au Reuerend Pere Bernard de S. Ioseph, a remarqué de tres-belles choses touchant sa conuersation & ses vertus, ne faisant (comme elle dict sur la fin de ces relations) estat de dire que ce qu'elle a veu, desquelles remarques ie me suis seruy en diuers endroits : mais pour l'estime qu'elle en faisoit depuis sa mort, elle l'a déclaré en deux endroits de ses relations : Le premier est au commencement de celle qui est datée du 27. Iuin 1630. en ces paroles.

Vne des grandes graces que i'estime auoir receu de Dieu, c'est d'auoir esté esleuée en sa compagnie dès mon ieune aage, d'auoir receu les premieres impressions de la Religion par elle, d'auoir eul'honneur de recevoir l'habit de sa main. Le second est en l'autre relation qui n'a point de datte, où elle parle ainsi. Je tiens à si grand honneur d'auoir vescu en sa compagnie le peu de temps que i'y ay esté, que ie ne voudroispas pour tout le bien du monde n'auoir esté nourrice en la compagnie d'une si sainte ame comme celle-là, de laquelle ie crois veritablement qu'elle jouit de la claire vision de Dieu, où par les merites de sa bonne vie & de ses vertus elle est paruenue à un tres-haut degré de gloire.

F. Anne

Frere Anne de Naberat Religieux de l'Ordre de saint Iean de Hierusalem, Commandeur du Temple Dayen, Prieur de S. Iean d'Aix, Vicaire & Visiteur General des grands Prieurez de saint Gilles & d'Auvergne, & par consequent du Monastere de l'Hospital de Beaulieu, dans les memoires qu'il a donnez le 10. Septembre 1624. de ce qu'il pouuoit sçauoir de la Venerable Mere, ayant esté son Superieur l'espace de cinq ou six ans; ausquels memoires il a donné le nom de particulieres remarques de la Sainteté de vie de feu Dame sœur Galiothe de sainte Anne de Gourdon, Genoillac & Vaillac, & lesquels il a signé de son seing manuel, y apposant le cachet de ses armes, apres auoir parlé de sa Reformation, de sa deuotion, de son obseruance, de ses grandes austeritez, de sa charité enuers le prochain, de son obeïssance, de son amour à la pauüreté, & de son Oraison, conclud en fin par sa mort, de laquelle voicy ce qu'il dict.

Finalemēt Dieu regardant l'humilité si grande de cette sainte Dame, la rauit du monde pour la couronner au Ciel d'une couronne de gloire & d'immortalité le 24. iour de Iuin 1618. ayant predit auparauant le iour de son deceds, qu'elle partiroit de ce monde le iour de la feste de son Patron

516 LES VERTVS DE LA V. MERÉ
sainct Iean Baptiste, & titulaire de son Eglise
qu'elle auoit fait sacrer le mesme iour de l'année
auparauant 1617. par le Reuerendissime Seigneur
Euesque de Tulles son frere.

La mort a esté tres-saincte, & ne perdit la pa-
rolle iusques au dernier soupir, exhortant inces-
samment ses Religieuses reformées à l'observation
de leurs Vœux, de leur Regle, & de la Reforma-
tion qu'elle leur auoit fait pratiquer, à l'obedience
enuers leurs Superieurs dudit Ordre de saint
Iean, à l'humilité, à la patience, aux persecutions,
predisant que l'ancienne Prieure ne tarderoit guie-
re à la suivre, & à comparoistre deuant le Tribu-
nal de Dieu, ce qui arriva peu de temps apres. Ce
sont des particulieres remarques de cette sainte
Dame, parmi vne milliaffe d'autres, ayant rié
nous plus de cinquante Missiues qu'elle nous a es-
crit de sa main.

Le Reuerend Pere Hilarion de Coste,
tres-docte Religieux de l'Ordre des Peres
Minimes de saint François de Paule, qui a
employé heureusement la bonté de son es-
prit, & la beauté de son stile à faire cognoi-
stre l'heureuse fertilité de nostre siecle à
produire des ames eminentes en toute sorte
de perfection, & specialement en la pieté
qui est la perfection des perfections, don-
nant au public son Histoire Catholique, &

les Eloges & Vies des Dames illustres, a inseré dans ce dernier ouurage l'Eloge de la Venerable Mere en ce peu de paroles.

L'Ordre des Cheualiers de saint Iean de Hierusalem, dit communement de Malthe, a veu fleurir en pieté en ces derniers temps plusieurs Filles, entre autres, vne des meilleures & des plus illustres maisons de France Dame Galiothe de sainte Anne, des maisons de Gordon, de Genoilac, & de Vaillac, alliées à celles de Crussol, de Leuis, & d'Vsez; laquelle avec vne resolution admirable a reformé les maisons de Beau-lieu & de Fieux qui estoient entierement descheuës de leur obseruance & regularité, non sans peines, fatigues & trauaux, parmy lesquels elle chantoit ainsi que S. François,

A cause des biens que j'attends

Les trauaux me sont passetemps.

Ce fut la veille de saint Iean Baptiste Patron de son Ordre de l'an 1618. qu'elle passa de cette vie à l'autre : Ains ce fut le iour mesme de ce grand Sainct qu'elle mourut, comme nous auens rapporté autre part.

Dans le memoire donné par Frere Anne de Naberat, Superieur de la Venerable Mere, duquel ie me suis scruy, peu auparauant i'auois leu ces parolles. Pour le

518 LES VERTVS DE LA V. MERE.
regard des meditations & oraisons mentales de la vie purgatiue, illuminatiue, & vnitue, elle en auoit vne tres-parfaite cognoissance, & les pratiquoit deux ou trois fois le iour, ayant esté instruite par le Reuerend Pere Dantin Iesuite son Confesseur & Directeur: il est encore vray tesmoing & certificateur des perfections & rares vertus de ceste tres-pieuse & tres-vertueuse Dame. Et les ayant leuës ie desirois sçauoir quelle estime en faisoit ce Reuerend Pere, qui (comme i'ay appris d'autre-part) est vn de ceux qui l'ont plus longuement conduite, & i'ay trouué qu'il en faisoit vne estime nompareille. Car parlant vne fois à vne fille qui alloit dans le Monastere de l'Hospital pour estre receuë sœur conuerse sous la Venerable Mere; il luy dict qu'elle alast sans rien craindre, & s'asscurast que la Superieure de ce Monastere estoit vn Ange.

Ce mesme Religieux escriuant à quelqu'un de l'estat auquel estoit le Monastere de l'Hospital auant la reformation que la Venerable Mere y introduisit, dict que sans le desir que Dieu auoit communiqué à Madame de Fieux de sainte memoire (c'est la Venerable Mere qui fut Prieure de Fieux, comme i'ay desia dict au premier Liure) de la perfection Religieuse, & la grauité, mo-

GALIOTE DE S^{re} ANNE. Liu. II. 519
destie, & prudence que Dieu luy auoit eslargy cette maison se fut perdue, & dans ce mesme memoire ou papier d'où les Religieuses de la Venerable Mere, qui sont à Tholoze, ont tiré cecy pour me l'enuoyer. Ce Reuerend Pere luy donne souuent le nom de sainte.

Le Reuerend Pere Parra Religieux de la mesme Compagnie, fut celuy qui apres que la Venerable Mere luy eut communiqué son interieur, appaisa Monsieur le Comte de Vaillac son pere, qui trouuoit mauuais qu'elle voulut entreprendre de reformer son Monastere, l'assurant que si sa fille viuoit iusqu'à l'aage de cinquante ou soixante ans, & qu'elle fust assistée, elle seroit vne autre sainte Therese de Iesus, i'auois desia rapporté cecy autre part, mais sans nommer celuy qui tesmoigna auoir vne si grande estime de la perfection de cette ame forte & courageuse, parce que pour lors ie n'auois peu estre informé de son nom comme ie suis à present.

A tous ces tesmoignages i'eusse peu en adiouter beaucoup d'autres; car tous ceux qui ont ou dirigé son ame, ou entendu ses confessions, ou traité avec elle, l'ont grandement estimée, & sur tout le Reuerend Pere Capucin, qui l'assista à la mort, qui en dict

520 LES VER. DE LA V. M. G. DE S^{te} ANNE
des merueilles non seulement en particu-
lier à ses filles, ains aussi publiquement apres
sa mort dans la harangue funebre qu'il fit à
son enterrement dans l'Eglise du Monaste-
re de l'Hospital, mais ie suis resolu de me
contenter de ce que j'ay rapporté iusqu'à
present, de peur qu'il ne semble que ie
veuille ramasser les tesmoignages des hom-
mes pour releuer & donner de l'estime à
celle qui reçoit vn esclat incomparable des
actions heroïques & genereuses dont sa vie
a esté tissüe, & qui a les tesmoignages di-
uins; c'est à dire les graces extraordinaires,
& les miracles, pour fidelles garands de la
felicité souueraine dont elle jouit & jouira
sans fin dans la pleine & entiere possession
de la suradorable Trinité, qui est le centre
où doiuent tendre & aboutir tous nos de-
sirs.

BIBLIOTECA NAZ.
ROMA
VITTORIO EMANUELE

F I N.

Fautes survenues en l'impression.

EN la page 13. ligne dernière effacez *de*. pag. 19 lisez *Monberon*. en la page 37 lig. 10 lisez *vies*. pag. 55. lig. 12. lisez *la vanité*. pag. 74 lig. 9. lisez *commune*. pag. 91. lig. 23. lisez *grandes* pag. 98 lig. 15. lisez *tout auguste*. pag. 106. lig. 13. lisez *en fit*. pag. 102 lig. 16 lisez *mensonges* & lig. dernière lisez *charité*. pag. 114. lig. 7. effacez *de*. pa. 128. lig. 6. lisez *les p.* 130. lig. 24. lisez *porterens*. pa. 138. lig. 4. effacez *s'y p.* 162 lig. 1. lisez *celle* & lig. 2. *choïse*. pag. 168. lig. 3 lisez *la* pag. 190. lig. 19. lisez *ne produit*. pag. 198. lig. 4 lisez *ou plustost*. pag. 239 lig. 12. lisez *attendu*. pa. 274. lig. 1 lisez *sans se* pag. 279. lig. 22. lisez *elle l'y*. pag. 256 lig. 26. ôtez *neantmoins*. & le mettez en la 27 lig. *apresque* pag. 283 lig. 10. lisez *qu'en tout ce temps*. pag. 288. lig. 17 lisez *seul*. pag. 306 lisez *poussée*. pag. 311. lig. 15. lisez *se ment*. pag. 336 lig. 11. lisez *ceinture* pag. 388. lig. 17. lisez *extraction*. pag. 390 lig. 11. lisez *de Dieu*. pag. 393. lig. 24. lisez *parlons*. pag. 502. lig. première lisez *trouva*. pag. 514 lig. 24. lisez *nourrie*.

